

10.
 11.
 12.
 13.
 14.
 15.
 16.
 17.
 18.
 19.
 20.
 21.
 22.
 23.
 24.
 25.
 26.
 27.
 28.
 29.
 30.
 31.
 32.
 33.
 34.
 35.
 36.
 37.
 38.
 39.
 40.
 41.
 42.
 43.
 44.
 45.
 46.
 47.
 48.
 49.
 50.
 51.
 52.
 53.
 54.
 55.
 56.
 57.
 58.
 59.
 60.
 61.
 62.
 63.
 64.
 65.
 66.
 67.
 68.
 69.
 70.
 71.
 72.
 73.
 74.
 75.
 76.
 77.
 78.
 79.
 80.
 81.
 82.
 83.
 84.
 85.
 86.
 87.
 88.
 89.
 90.
 91.
 92.
 93.
 94.
 95.
 96.
 97.
 98.
 99.
 100.

25

How

How

F. IV. 25.

Probati

Proba Palam

Probatio

Probatio Palam

Probatio Palam

Probatio

Probatio

Probatio

Handwritten text, possibly a signature or date, located in the bottom left corner. The text is dark and appears to be written in ink.

PRINCIPIA

THEOLOGICÆ ASCETICÆ

Ad usum & captum

TYROCINII RELIGIOSI

Potissimum

Seraphici Ordinis Minorum S. P.
N. Francisci Strict: Observantiæ.

REFORMATORUM.

Ex Probatis Authoribus collecta

DISPOSITA

&

ELUCIDATA


à

P. F. Floriano Iaroszewicz Ejusdem
Ordinis & Instituti Sacerdote. C. R.

P A T R E.

Anno Domini 1752.

Leopoli Typis Confr: Sanctissimæ
TRINITATIS.



ILLUSTRISSIMO

&

EXCELLENTISSIMO

Domino, Domino

STANISLAO

à Potok

In Zbaraż, Niemirow,

Stanisławow, Tarnopol,

Iozefow &c. &c.

POTOCKI

Palatino Generali Ter-
rarum Kijoviæ.

*Halicieński, Leżajscieński,
Sniatynieński, Łomżyński,*

CAPITANEO.

Syndico Generali Apo-
stolico.

Fundatori Gratifissimo

ac

*Protektori Ordinis
Seraphici.*

**F A V E N T I S S I M O.
DE-**



DEDICATORIA.

*M*inima hæc Opella cum a suo
Authore nullum habeat pretium,
à Tuo Maximis æquando Nomine,
decus querit & præsidium. ILLU-
STRISIME. & EXCELLEN-
TISSIMEDOMINE. Quo ete-
nim potius titulo auctorizari pote-
rit, quam A vitâ Cruce Tuâ? in
qua olim pretium pependit Seculi,
nunc vero Sexcenta Patriæ deco-

ra, congesta hostium Crucis spolia
& trophæa, salus & integritas plu-
rimorum conquiescunt. Cui demum
Nomini meliori jure Afeseos ru-
dimenta debentur, ac Tuo? cum
ultra Canones omnigenæ civilitatis,
ultra generosi animi leges, nihil pri-
us cordi impresseris, quam Christia-
næ perfectionis Ideas. Prostant illæ
ad imitationem paucis, ad exemplum
cunctis, leguntur in exactissimis vi-
tæ Tuae rationibus, in æqui justiq;
amore indeclinabili, in Avitæ Re-
ligionis zelo insuperabili, in libera-
litate erga pauperes, in pietate er-
ga Deum incomparabili. Elucescit
illa in Aula Tua, quam proborum
Collegium instituisti, in Lectissima
Prole, quam non Politicis tantum
studijs, sed Christiano nomine dignis
moribus excoluisti, nec excolere ces-
sas.

*fas Elucescit in admiranda erga
Deum Divosq; profusione, quæ Tu-
arum cogitationum unicum est obie-
ctum, Tuarum opum sanctior est
vorago. Quo enim mage præter In-
clytæ Domus Patriæq; curas, gene-
rosam occupas mentem? quò copiosi
erarij distrahis expendisq; fortunam?
quam in augmentum Divinæ glo-
riæ, in Deiparæ Virginis distinctis-
simos honores, in Divorum non ma-
palia sed Augustalia. Erubescere
debent vel in Purpuris multorum
Nomina, quorum vel tenacitati, vel
forsan luxibus ingentes immolantur
opes, ubi Te Senatorem Regni Am-
plissimum, Te numerosâ Prole bea-
tum Parentem, frequentissimæ Au-
læ ac Satellitij Conservatorem, tot
pauperum Patrem & Altorem, tot
Fortalitorum Arcium, Palatiorum
(quæ*

(quæ continuo erigis, adornas, repa-
ras) Dominum ac Hæredem? inte-
rim tot tantarumq; cernunt Basili-
carum, Collegiorum, Monasteriorū,
operosum, indefessum, liberalissimum
Fundatorem. Stupet avara jejunaq;
complurium parcitas super tot Sa-
crarum Ædium moliminibus Zba-
razij, Stanislaopoli, Załoscij, Tar-
nopoly, Cremeneci, Dunajov: quæ
licet millia millium exhauriunt, ne-
quaquam tamen generosissimi Tui
pectoris gazam coarctant. Miratur
recentem devotæ mentis Tuæ profu-
sionem erga Pretiosissimam Virgi-
nem Deiq; Matrem in Lezajscensi I-
cone, innumeris gratijs, prodigijs
clarissimam, cui Vaticanas Coronas
ad sceptræ Reginae Poloniarum adre-
ci effecisti. Tam Augustæ pompæ.
tam Solemnis Actus, tot præco-
nes.

nes, tot sunt testes, quot innume-
ri spectatores, qui totam circum
oram Leżaysensem impleverant,
qui Coronatæ Divinæ Parenti lau-
des, qui Eius Coronatori elogia, vo-
ta, præconia intonarunt. Num enim
pepercisti ærario, industriæ, labori?
ut honorificatam in Cælis Matrem
DEI, tot populorum vocibus, tot
piorum votis, tot deniq; artibus
devotionis honorares in terris? Et
hæc quidem erga Reginam Cælo-
rum studia, uno concludi Sanctu-
ario, unâ comprehendi regione ne-
quaquam possunt; & dum alienæ ad-
mirationi sunt perquam satis,
Tui cordis vastitati minime suffi-
ciunt. Distingvere contendis anno-
rum coronas Marianis coronamen-
tis, ubi prope diem in Iaroslaviensi
Dolorosæ Matris Imagine similia

*commonstrare intendis. Quid pro-
feram de erectis alibi Divorum
Aris, adornatis Ecclesijs, introdu-
ctis SS. Lipsanis, dotatis Iuvenum
Seminarijs, Pauperum Xenodochijs? omnia hæc pietatis argumen-
ta sunt, quæ Te Mæcenæ Amplissime, hominem in Deum divitem,
Virum secundum Cor DEI, Avitæ religionis Hæredem, Potoccianæ
devotionis Successorem, eximiumq;
Christianæ pietatis demonstrant Cul-
torem. Istud profecto princeps moti-
vum habui, ut Principia Theologiæ
Asceticæ, Tuo Illustrissimo Nomini
sacra facerem, qui perfectionis non
vulgaris tantum, at supererogato-
riæ summam in factis Tuis repræ-
sentas. Alterum & municipale illi-
cium tenuem hanc Opellam Tibi
offerendi, sacratius est & secretius.*

Cui

Cui namq; strictius debentur omnia
quæ Religionis nostræ dignoscuntur,
ac Tibi uni? Tibi inquam qui Syn-
dici nostri Generalis characterem
gr tibi se assumpsisti; & eo nunc
tanquam Vicesgerens Apostolicæ
Sedis, dominum habes rerum omni-
um, quarum usum, Seraphica no-
stra permittit Regula. Accedit ti-
tulus titulo, cum Te Excellentissimum
Mæcenatem unius Conventus Fun-
dátorem liberalissimum in factò, al-
terius in voto gratis annis reco-
lamus. Profundis in Aedes & com-
moda nostra ingentes gazas: an non
jure optimo minimum hunc grati-
tudinis censum a nobis recipias? Li-
cet vero non gentilitios fscas, non
clarissimæ Genearchiæ Arbores, non
amplissima Tuorum aboriginum tro-
phæa, (quæ Orbis Nostri historiam
imple-

implere) Tuo præsentem conspe-
ctui, donabis veniam, & solitâ erga
me ac meum Institutum benevolentia
hoc exile opusculum suscipies, pari-
terq; votum, ut pietatis Tuae mo-
numenta, ne in Tuam solummodo
Personam, sed in Amplissimæ Domus
auctoramentum, in fortunatissimos
lectissimæ Consortis, ac magnæ Spei
Prolium successus effundantur. Sic
vovet mancipata Tibi Religio No-
stra, sic illius Alumnorum minimus.

ILLUSTRISSIMÆ
EXCELLENTISSIMÆ

Amplitudinis Vestræ
Devotissimus Servus

ac

Obstrictissimus Exorator
Author Operis.

CEN-

CENSURA

Theologorum Ordinis.

Librum, cui Titulus: *Principia Theologia Ascetica &c.* ab. A. R. P. Floriano Jaroszewicz Ordinis Minorum Reformatorum, Custodiæ Russiæ Patre, S. Theol: Lectore, ac Diffinitore Actuali conscriptum, non diligenter tantummodo, verum cum summa suavitate legimus, nihilque quod Orthodoxæ fidei ac bonis moribus adversaretur invenimus: imò benè fundatam, facilem ac practicam in spiritu proficiendi methodum reperimus. Ut igitur Typis mandetur, ac plurium expectationi satisfiat, congruum esse censemus. Datum in Conventu Leopoliensi ad S. Casimirum Die 21. Mensis Augusti A. D. 1751.

*Fr. Stanislaus Kleczewski Ref: S. T.
Lector ac Diffinitor Act: Custodiæ Russiæ*

*Fr. Ambrosius Szolc Refor: S. Th:
Lector ac Diffinitor Act: Custodiæ Russiæ.*

L I C E N T I A

A. R. P. Custodis.

Librum cui Titulus: *Principia Theologiae Asceticae &c.* ab A. R. P. Floriano Jaroszewicz Ord: Min: Strictioris Observantiae Reformationum. S. Theologiae Lectore, Custodiae Nostrae Russiae B. V. M. Dolorosae Ex-Custode & Patre, laboriosè, Spiritualiter & doctè compilatum, & à Theologis Religionis diligenter revisum [cum nihil doctrinae Christianae & bonis moribus adversum contineat, imò non ad erudiendam solum Religiosam juventutem, ast etiam veteranis ad perfectionem acquirendam maximè sit necessarius] Typis mandari, & in lucem publicam extradi concedimus, si eis ad quos de iure, videbitur. Datum in Conventu nostro Chelmenfi ad S. Andream Apostolum. Die 16.

Maij. 1752. Anno.

*Fr. Florianus Domański Reform: V.
Custos Regiminis Custodiae Russiae.
mpp.*

L I C E N T I A

Rmi Patri Generalis.

Fr Raphael à Lugagnano Lector Emericus Ex-Minister Generalis, ac totius Cismontanae Familiae Fratrum Minorum S. P. N. Francisci Commissarius Generalis, Visitator & Reformator Apostolicus.

Cum juxta Apostolicas nostrisq; Ordinis Constitutiones, revisum & approbatum fuerit Opus quoddam, cui titulus est: *Principia Theologiae Asceticae* compositum à Reverendo Patre Floriano Jaroszewicz S. T. Lectore, & Ex-Custode Nostrae Reformatae Custodiae B. V. M. Septe Dolorum in Russia, tenore praesentium, ad salutaris obedientiae meritum Eidem f. cultatem elargimur, quatenus servatis servandis illud Typis mandari possit & valeat. Datum Romae ex Ara caeli Sexto Nonas Octobr: 1751.

*F. Raphael à Lugagnano
Commissarius Generalis*

*De Mandato Rmi in Christo Patris,
F. Paulus Ioannes à Bastia
Secretarius Generalis.*

L I C E N T I A
Celsissimi & Reveren-
dissimi D. Ordinarij Loci.

IMPRIMATUR

NICOLAUS IGNATIUS

de WYZYCE

WYZYCKI

ARCHIEPISCOPUS
METROPOLITANUS
LEOPOLIENSIS.

Datum Leopoli Die 15.

April: Anno 1752.

PRO-

PROLOQVIUM.

INter tot Aſſetica opera, ſalutaribus pariter
ac ſublimibus referta doctrinis, quod exile h. c.
Opusculum in lucem prodeat, tum vota Majorum
meorum, tum Religioſi Tyrocinij aliqua forſan
utilitas futura me impulit. Quanquam etenim
ſive aliorum Ordinum, ſive noſtri quoque Aſceſeos
Profeſſores, copioſe ac elevate de rebus ſpiritu-
alibus, multa conſcripſerint, interim experimento
conſtat nimium elevatas doctrinas, phraſe q. Aſce-
ticas [multo magis myſticas] obſuere sapius
intelligentias Tyronum quam rapere, illorum ma-
xime qui ſeveriori literaturâ minimùm ſunt
exculti Quo circa, cum ſapientibus aque ac
inſipientibus debitor ſum, hanc Opellam ſtatui
accomodare captui Novellorum quibus lacte
adhuc non ſolido cibo opus eſſe intellexi. In gra-
tiam eorundem præmiſi Catechiſmum. ſeu non-
nulla principia doctrinae Chriſtiana, tum ut
præprimis nôrint quid homini Chriſtiano credendum
ſit & ſciendum, tum ut expoſiti ad Eccleſia-
ſticos [ſaltem inferiores] Ordines ſuſcipiendos
ea calleant per qua gratioſis & discretis Exa-
minatoribus poſſint ſatisfacere. Tota porro hujus
Operis ſtructura diſpoſita eſt à me juxta rece-
ptum in Religione noſtra uſum, ne novo aliquo
Systemate Aſſeticarum rerum, confundantur eo-
rum animi, quibus antiquiora oridem, idq. utiliter
ſunt.

sunt impressa. Circa materias Meditationum secutus
sum morem Ascetarum Ordinis nostri, potissi-
mum S. Petri de Alcantara, qui hasce materias
ad meditandum sufficientes & utilissimas ex lu-
mine Divino intellexit. Nemini tamen pro-
ficientium vel jam perfectorum obicem pono,
quin pro mensura celestis gratia ac scientie
Sanctorum, alia & alia possit ad meditandum
assumere; incipientium enim profectui con-
sulare decrevi per totam hanc Opellam: qui-
bus proinde doctrinam de Exercitio vir-
tutum, & alias, quâ potui brevitate
propino. Studij verò mei quod
huic Opusculo impendi, hanc
geminam cupio mercedem,
nempe spiritualem legenti-
um utilitatem, ac Dei
Optimi Maximi ma-
jorem in omnibus

GLORIAM

TRA



TRACTATUS I.

Præliminaris

In quo ad usum Tyronum traditur

CATECHISMUS

Dogmatico - Asceticus.

CAPUT I.

De Doctrina Christiana.

§ Imus.

De Deo uno & Trino, de Christo D.

Quæritur 1. **Q**uid est Deus *Resp:* Est Creator Cæli & Terræ, omniumq; visibilium & invisibilium, infinitus, æternus, immentus, & omnimode perfectus.

Quar. 2do. An sint plures Dij? *R.* Nec sunt nec esse aut rationabiliter cogitari possunt; nam cum verus Deus sit infinite seu omnimode perfectus, quid haberet alter Deus?

Quar. 3. Cur ergo tum apud Pœtas, tum etiam in S. Scriptura, dicitur sæpe in plurali: Dij? *R.* à Poetis fabulosè & fictè plures Dij asseruntur.

A

In scri-

In scriptura Dij sumuntur, nuncupativè tantùm & Metaphoricè, non autem sint verè & entitativè
Quar. 4. An Deus sit unus & Trinus? *R.* Defacto est Deus unus simul & Trinus.

Quar. 5. Quid est SS. Trinitas? *R.* Deus Pater, Filius, & Spiritus Sanctus.

Quar. 6. Cur ergo non sint tres Dij? *R.* Quia in Patre, Filio & Spiritu S. una & eadem est Deitatis essentia indivisa, proinde sunt tres Personæ sed unus Deus.

Quar. 7. An aliqua Persona Divina est major aliâ? *R.* Nequaquam, sed omnes sunt æquales.

Quar. 8. Cur ergo Christus dixit Joa. 10. *Pater major me est?* *R.* Hoc debere intelligi de Christo secundum Humanitatem, non secundum Divinitatem.

Quar. 9. An una Persona Divina est prior aliâ? *R.* Nulla Persona est prior seu posterior aliâ, sive tempore, sive naturâ, sed solum Pater est prior origine Filio, Pater & Filius simul, sunt priores origine Spiritu S.

Quar. 10. Quid significat ista prioritas originis in Divinis? *R.* Nihil aliud, nisi procedentiam unius Personæ ab alia.

Quar. 11. Quæ attribuuntur Personis Divinis? *R.* Patri attribuitur Potentia, Filio Sapientia, Spiritui S. Bonitas.

Quar. 12. Quid est Christus Dominus? *R.* Est Deus simul & Homo, Filius Dei & simul Filius hominis.

Quar. 13.

Quar. 13. Quid est Incarnatio Verbi Divini?
R. Est assumptio humanitatis in Deum: seu unio
 humanitatis Christi cum Divinitate.

Quar. 14. Qualis est ista unio? *R.* Est hypostati-
 ca seu Personalis, Græcè enim Persona vocatur
 Hypostasis.

Quar. 15. Quare dicitur unio Hypostatica? *R.* Quia
 natura humana Christi est immediate unita Per-
 sonæ Verbi Divini seu Filij Dei, naturæ autem
 Divinæ mediatè; proinde non dicitur SS. Tri-
 nitas Incarnata sed Verbum Dei Incarnatum, seu
 Verbum caro factum.

Quar. 16. Quot sunt Naturæ in Christo? *R.* Sunt
 duæ: Divina & humana.

Quar. 17. Quot sunt Personæ in Christo? *R.* Est
 nonnisi una eaq; Divina Filij Dei, quæ supplet
 Personalitatem humanam.

Quar. 18. Quot sunt Intellectus & Voluntates in
 Christo? *R.* De fide est contra Monotelitas Hæ-
 reticos, quod sunt duo intellectus, Divinus & hu-
 manus: duæ voluntates Divina & humana, || intel-
 lectu & Voluntate præditæ.

Quar. 19. Quomodo Christus sit conceptus & na-
 tus? *R.* Conceptus est de Spiritu S. natus ex Ma-
 ria Virgine.

Quar. 20. Cur Christus, dicitur conceptus ex Spi-
 ritu S. non ex Patre, aut se ipso? *R.* Quia In-
 carnatio est opus singulare Divinæ bonitatis, Spi-
 ritui vero Sancto, attribuitur Bonitas & amor.

Quar. 21. An Christus ut homo sit Filius Dei ado-
 ptivus

ptivus vel proprius? R. Non est adoptivus, sed proprius & naturalis Dei Patris; quia adoptio est gratuita assumptio Personæ extraneæ ad jus hæreditatis, Christus vero etiam ut homo non est Persona Deo extranea.

Quar 22. An Christus Dnus est quid unum? R. Est unum; sicut licet homo constet duobus, nempe anima & corpore, est tamen quid unum: Proinde S. Athanasius dicit: *non duo tamen sed unus est Christus.*

Quar 23. Cur Filius Dei venit in mundum? R. Propter nostram doctrinam, redemptionem & justificationem.

Quar. 24. Quomodo nos docuit Christus. R. Docuit nos verbo veritatis, & exemplo Sanctitatis.

Quar 25. Quomodo nos Christus redemit? R. Per vitam laboriosam, per Passionem dolorosam, & mortem ignominiosam.

Quar 26. Quomodo nos Christus justificavit? R. Quia nobis omnibus meruit gratiam sanctificantem, per quam justificamur à peccatis & reconciliamur Deo.

Quar 27. An Christus est Salvator hominum & Angelorum? R. Est, nam intuitu meritorum Christi, tam bonis Angelis collata est gratia ne perirent, quam hominibus, ut qui perierant, ad Deum redirent.

Quar 29. An Christus D. est Redemptor Angelorum? R. Non potest dici, in obvio sensu Redemptor, quia mali Angeli non sunt redempti, boni vero

verò non subierunt servitutem peccati. Potest tamen dici in sensu excellentiori Christus Redemptor bonorum Angelorum, scilicet non curativus sed præservativus, quali modo est Redemptor suæ Pretiosissimæ Matris MARIÆ.

§ II.

De Ecclesia Fide &c.

Quar 1. Quis dicendus est Christianus verus? *R.* Qui baptismo initiatus fidem JESU Christi veri Dei profiteatur, nulliq; errori damnato ab Ecclesia Catholica adhæret.

Quar 2. Quid est Ecclesia? *R.* Est congregatio fidelium sub uno Supremo Capite & Pastore Deum colentium, & Doctrinam Christi profitentium.

Quar 3. Qui nam sunt extra Ecclesiam? *R.* Imo Sunt omnes Ethnici, Judæi & alij baptisma & Fidem Christi reiicientes. 2do Omnes hæretici & Schismatici, pertinaciter in suis erroribus persistentes.

Quar 4. Quæ nam sunt Notæ veræ Ecclesiæ Christi? *R.* Sunt quatuor. Nempe 1. Quod sit unitum unitate Capitis visibilis, scilicet Romani Pontificis, tum unitate fidei, tum unitate Sacramentorum, tum unitate charitatis. 2. Quod sit Sancta, Sanctitate doctrinæ, legum & morum. 3. Catholica seu universalis, ut pote annuntiata in universo Mundo. 4. Apostolica idest ab Apostolis fundata, eorumq; actibus, doctrinis, & non interruptâ Successione Sedis Apostolicæ firmata. Quas

notas nulla secta in se ostendere potest.

Quar 5. Quid est Fides Theologica? R. Est Donum Supernaturale, quo illustratus homo firmiter assentitur omnibus veritatibus à Deo revelatis, & per Ecclesiam ad credendum propositis

Quar 6. Quibus infundatur Veritas Fidei? R. Infundatur S. Scripturæ potissimum Evangelio, Traditionibus, ac Decisionibus S. Ecclesiæ.

Quar 7. Quid sit S. Scriptura? R. Est Verbum Dei nonnullis hominibus a Deo inspiratum, & ex Ejus voluntate scriptotenus consignatum.

Quar. 8. Quotuplex est S. Scriptura? R. Duplex. Veteris & novi Testamenti, utraq; autem vocatur: Biblia Sacra.

Quar 9. Quotuplex est sensus S. Scripturæ? R. Quadruplex hoc Disticho comprehensus.

**Litera gesta docet, quid credas Allegoria
Moralis quid agas, quid credas Anagogia.**

1mus. Itaq; sensus est *Literalis*, juxta quem docemur de aliqua re ut designatur, proprijs verbis vel subinde Metaphoricis. *2dus* est *Allegoricus* & est manifestatio alicujus rei credendæ, quam scriptura figuratè ostendit. *3tius* est *Moralis* seu *Tropologicus*, & est manifestatio alicujus veritatis ad mores ordinandos à Spiritu S. intentæ. *4tus* est *Anagogicus* seu sursum ductivus, & est manifestatio alicujus rei salutariter appetendæ, uti gratiæ Divinæ vel gloriæ cælestis. Omnes præallati sensus S. Scripturæ, in uno nomine possunt

sunt congruenter exemplificari: v.g. *Ierusalem* in sensu literali designat Civitatem in Palestina sitam In Tropologico animam justî. In Allegorico Ecclesiam Christi. In Anagogico cœlestem sedem Beatorum.

Quar 10. Quid sunt Traditiones Ecclesiæ? R. Sunt quædam doctrinæ seu ordinationes, sive à Christo Domino, sive ab Apostolis, sive ab Eorum Successoribus, vivâ voce traditæ, & communi usu Ecclesiæ acceptatæ.

Quar 11. Quotuplex est Traditio Ecclesiæ? R. 3x
1. *Divina* idest Christi, ut de numero, specie, Forma, materia Sacramentorum, quæ omnia non scripto, sed verbo-tenus sunt consignata. 2. *Apostolica* quæ ab Apostolis ex instinctu Spiritus S. derivatur, ut v.g. de Jejunio quadragesimæ de Symbolo Fidei. 3. *Ecclesiastica* quæ tum à Summis Pontificibus, tum à Concilijs Episcoporum ortum habet, ut de Baptismo parvulorum, de Virginitate B. V. De more aspergendi aquâ benedictâ; signandi se S. Cruce, de servando Die Dominico, de celebrando Paschate &c.

Quar 12. Quid sunt Decisiones Ecclesiæ. R. Sunt Decreta seu Statuta Conciliorum, aut etiam Summi Pontifici ex Cathedra loquentis, idest ut Doctoris universalis Ecclesiæ.

Quar 13. Quod nam sit Symbolum seu compendium fidei Christianæ? R. Est Symbolum Apostolicum in 12. articulos divisum, nempe: *Credo in unum Deum &c.*

Quar. 14.

Quar 14. Quæ nam sint necessario ad salutem credenda etiam a rudissimis. *R.* Quatuor. 1. Quod Deus sit. 2. Quod sit Remunerator bonorum & malorum 3. Quod sit unus in Essentia & Trinus in Personis 4. Quod Deus sit Incarnatus seu quod JESUS Christus sit Deus verus & homo. Hæc vocantur credenda necessario necessitate medij.

Quar 15. Quæ alia præter hæc, necessario sunt credenda? *R.* Omnia cætera quæ credere præcipit Ecclesia, maxime quæ in formula Confessionis fidei à Concilio Tridentino, omnium Conciliorum ultimo præscripta, exprimuntur. Et hæc vocantur necessario credenda necessitate præcepti.

Quar 16. Quid est Spes Theologica? *R.* Est Virtus à Deo infusa, per quam certa cum fiducia, bona Salutaria & gloriâ æternam expectamus.

Quar 17. Quæ sunt ista bona Salutaria? *R.* Venia, gratia, & gloria Cælestis.

Quar 18. Unde docemur sperare & orare *R.* Potissimum ex Oratione Dominica: *Pater noster &c.*

Quar 19. Quid est Charitas Theologica? *R.* Est Virtus à Deo infusa, per quam Deus propter se ipsum, & proximus diligitur propter Deum.

Quar. 20. Quæ nam sunt præcepta Charitatis? *R.* Duo potissimum: Diliges Dominum Deum Tuum ex toto corde tuo, & ex tota anima tua, & ex omnibus viribus tuis. Et Diliges proximum Tuum sicut te ipsum.

Quar 21. Per quid cognoscimur diligere Deum?

R. Sc.

R. Si mandata ejus studiole servamus.

Quar 22. Quæ, & quot sunt præcepta Dei? R. Sunt decem: 1. Non habebis Deos alienos coram me. 2. Non assumes nomen Domini tui in vanum. 3. Memento ut diem Sabbathi sanctifices. 4. Honora Patrem tuum & Matrem tuam. 5. Non occides. 6. Non machaberis. 7. Non furtum facies. 8. Non loqueris falsum testimonium contra proximum. 9. Non concupisces uxorem proximi tui. 10. Non concupisces ullam rem proximi tui.

Quar 23. Quotuplicia sunt præcepta Dei? R. Duplicia. 1^{ma} Sunt affirmativa & sunt duo, 3^{tium} & 4^{tum}. 2^{da} Sunt negativa, & sunt cætera octo. Item alia sunt 1^{ma} tabulæ, & sunt prima tria, quæ regulantur ad Deum. Alia 2^{da} Tabulæ & sunt reliqua septem, quæ regulantur ad proximum.

Quar 24. Quæ nam sunt præcepta Ecclesiæ? R. Sunt potissimum quinque: 1. Festos dies ab Ecclesia institutos celebrare, vacando a servilibus. 2. Misericordiam diebus festis reverenter audire. 3. Instituta jejunia ab Ecclesia observare. 4. Peccata proprio Parocho saltim semel in anno confiteri. 5. S. Eucharistiam saltem semel in anno sumere idq; circa Festum Paschæ.

Quar 25. Qui voluntarie sacrilege confitetur vel communicat an satisfacit præcepto 4^{to} & 5^{to}? R. Nequaquam: & opposita sententia jam est damnata.

Quar 26. Quæ sunt officia Justitiæ Christianæ? R. Duo potissimum: Declinare à malo idest pec-

cato.

cato. Et facere bonum idest iustitiam.

Quar 27. Quid est peccatum? R. Est dictum, factum, vel concupitum contra Legem Dei.

Quar. 28. Quotuplex est peccatum? R. imo est 2 plex *Internum* quod solâ mente committitur *Et externum* quod opere completur. 2do est 2plex *Originale* & *actuale*. *Originale* est, quod commissum à primo Parente nostro Adam, in omnes ejus posteros derivatur. *Actuale* quod propria unius cujusq; voluntate committitur. 3tio est 2plex *Mortale* & *veniale* *Mortale* est quod committitur contra grave præceptum, seu obligans sub pœna æterna. *Veniale* quod non contra grave præceptum committitur.

Quar 29. Cur unum dicitur *Mortale*, & aliud *Veniale*? R. Quia *mortale* infert mortem animæ, privando eam gratiâ Sanctificante, quæ est vita animæ nostræ. *Veniale* verò non infert mortem animæ, sed tantum diminuit fervorem charitatis Divinæ, & debilitat animam.

Quar 30. Quibus gradibus pervenitur ad peccatum? R. 3bus Suggestione, Delectatione & Consensu.

Quar 31. Quibus modis peccatur? R. Cogitatione, sermone & opere.

Quar 32. Quæ & quot sunt peccata capitalia? R. Septem: Superbia. Avaritia. Luxuria. Invidia. Gula Acedia. & Ira.

Quar 33. Quare dicuntur Capitalia? R. Quia ex istis tanquam ex capitibus seu fontibus omnia alia vicia pullulant.

Quar. 34.

Quar. 34. Quæ sunt Virtutes his vitijs oppositæ.

R. Septem: Humilitas. Liberalitas. Castitas. Mansuetudo. Temperantia. Devotio. Patientia.

Quar. 35. Quæ sunt peccata clamantia in Cælum?

R. Quatuor. Homicidium voluntarium. Sodomia. Viduarum & pupillarum oppressio. Mercedis deservitæ fraudatio.

Quar. 36. Quæ sunt peccata contra Spiritum S.

R. Sex. Præsumptio de Misericordia Dej. Desperatio. Agnitæ veritatis impugnatio. Invidia fraternæ charitatis. Obstinatio in peccatis. Finalis impenitentia.

Quar. 37. Quæ Peccata dicuntur aliena? R. Decem

1. Consilium iniquum. 2. Mandatum improbum. 3. Consensus in malum. 4. Permissio mali. 5. Laudatio iniquitatis. 6. Reticentia alieni peccati. 7. Conniventia peccantibus. 8. Participatio sceleris alieni. 9. Patrocinium malorum 10. Scandalum pusillorum.

Quar. 38. Quæ nam opponuntur peccatis? R. Virtutes, bona opera, & dona Spiritûs S.

Quar. 39. Quid est Virtus? R. Est bona qualitas mentis habilitans hominem ad recte agendum.

Quar. 40. Quod sunt Virtutes Theologicæ? R. Sunt tres. Fides Spes & Charitas, de quibus supra dictum.

Quar. 41. Quare dicuntur Theologicæ? R. Quia à Solo Deo supernaturaliter infunduntur animæ.

Quar. 42. Quod sunt Virtutes Cardinales? R. Quatuor. Justitia. Prudentia Temperantia & Fortitudo

Quar. 43.

Quar 43. Quare dicuntur Cardinales? R. Quia sunt quasi Cardines omnis honestatis & Sanctitatis.

Quar. 44. Quot sunt Dona Spiritus S? R. 7. Sapientia, Intellectus, Consilium. Fortitudo. Scientia, Pietas. & Timor Domini.

Quar 45. Quot sunt fructus Spiritus S? R. 12. Charitas Gaudium. Pax. Patientia. Longanimitas. Benignitas. Bonitas. Mansuetudo. Fides. Modestia. Continentia. Castitas.

Quar 46. Quæ, & quot sunt genera operum bonorum? R. Tria Jejunium. Eleemosina, & oratio.

Quar 47. Quid est Jejunium? R. Est abstinencia à Cibus in quantitate & qualitate.

Quar 48. Quid est Eleemosina? R. Est benigna sublevatio alienæ indigentæ, sive ære, sive ope.

Quar 49. Quid est oratio? R. Est mentis ad Deum elevatio, sive laudando, sive petendo, sive deprecando Deum.

Quar 50. Quotuplicia sunt opera Misericordiæ? R. 2plicita. Corporalia & Spiritualia.

Quar 51. Quot sunt Corporalia? R. Septem. Esurientes pascere. Sitientes potare. Nudos contegere. Captivos redimere, ægros visitare, Peregrinos suscipere, Mortuos sepelire.

Quar. 52. Quot sunt Spiritualia? R. Septem. Peccantes corrigere. Rudes instruere. Dubitantibus consulere. Deum pro proximis orare. Mæstos consolari. Injurias patienter ferre. Culpam alijs dimittere.

Quar 53. Quotuplicia adhuc sunt bona opera?

R. 1mo

R. 1mo Sunt 2plicia. *Naturalia* seu Philosophica, quæ fiunt amore solius honestatis. *Supernaturalia* seu Theologica, quæ fiunt cum fide vera, cum gratia cælesti & ex amore Dei. *2do 2plicia* Heroica & Remissa. *Heroica* sunt quæ magnâ intentione & cum magna sui victoria ab homine exer entur. *Remissa* quæ absq; magno conatu, intentione & tepide exercentur. Ex his Remissa parum ad perfectionem Christianam conducunt & parvam in Cælo gloriam promerentur. Heroica plurimum & ad perfectionem, & ad magnam in Cælo gloriam conferunt, cum unus actus heroicus, præstet mille remissis.

§ III.

De Sacramentis Ecclesie.

Quar. 1. Quid est Sacramentum? *R.* Est Sacræ rej Signum.

Quar. 2. Quotuplex est Sacramentum? *R.* 2plex. Antiquæ Legis & novæ Legis.

Quar. 3. Quæ fuerunt Sacramenta antiquæ Legis? *R.* Circumcisio. Oblatio parvulorum. Etus Agni Paschalis. Ablutiones Corporis & his similia.

Quar. 4. Fueruntne hæc proprie Sacramenta? *R.* Exceptâ saltem Circumcisione, non fuerunt, quia tantum significabant Gratiâ, sed eam non conferebant.

Quar. 5. Quid est Sacramentum novæ Legis? *R.* Est Signum sensibile à Deo institutum, ad conse-

conferendam efficaciter gratiam Sanctificantem homini Viatori.

Quar. 6. Quot sunt Sacramenta novæ Legis?

R. Septem: Baptismus-Confirmatio. Eucharistia. Pænitentia. Extrema unctio. Ordo & Matrimonium.

Quar. 7. Quotuplicia sunt Sacramenta? R. *Imo.*

2plicia. Alia vivorum. Alia mortuorum. *Mortuorum* sunt ea, quæ conferri solent mortuis morte peccati, uti Baptismus & Pænitentia. *Vivorum* sunt ea, quæ conferri debent viventibus vitæ gratiæ, ut Confirmatio, Extrema unctio, Ordo & Matrimonium. *2do* Sunt 2plicia. Iterabilia & non-iterabilia. *Non iterabilia* sunt, quæ imprimunt characterem indelebilem animæ, uti Baptismus, Confirmatio & Ordo. *Iterabilia* quæ non imprimunt ut 4. reliqua. *3tio* Sunt 2plicia. Necessitatis & Voluntatis. *Necessitatis* sunt 3ja. Baptismus, Pænitentia, & Eucharistia. *Voluntatis* sunt 4. reliquæ.

Quar. 8. Quotupliciter sunt necessaria Sacramenta?

R. Alia necessitate mediæ, sine quibus salvari non potest homo post peccatum, ut sunt Baptismus & Pænitentia. Alia necessitate præcepti ut est Eucharistia.

Quar. 9. Quid est Gratia Sanctificans? R. Est Donum supernaturale infusum animæ, reddens hominem Deo gratum, Sanctum, justum, amicum, hæredem Dei & Cohæredem Christi. Vocaturq; alio nomine gratia habitualis, gratia gratum faciens.

Quar. 10.

Quar. 10. Per quid tollitur Gr̃tia Sanctificans ex anima? &. Per quo libet peccatum mortale.

Quar. 11. Quare dicitur habitualis? &. Quia per modum habitus seu fixæ qualitatis permanet in anima, quousque non cadit in lethale peccatum, & per hoc etiam differt à gratia actuali quæ se habet in anima per modum transeuntis.

Quar. 12. Quid est Gr̃tia gratis data? R. Est aliquod Donum Dei non ex meritis alicujus collatum, sed ad utilitatem aliorum ordinatum. Tales gratias enumerat Apost. ad *Cor. 12.* dicens: unicuique datur manifestatio Spiritus ad utilitatem: Alij quidem per Spiritum datur sermo sapientiæ, alij scientiæ, alteri fides in eodem Spiritu, alij gratia sanctorum, alij operatio virtutum, alij Prophetia &c.

Quar. 13. Quid est gratia Actualis? &. Est Auxilium supernaturale quod dat Deus homini ad operandum salutariter & meritorie.

Quar. 14. Quid est Character Sacramentalis? &. Est qualitas Spiritualis impressa animæ vi Sacramenti, consignativa hominis, & discretiva ab alio non habente tale signum.

Quar. 15. Quid designat Character? &. Character Baptismalis designat hominem esse de Familia Christi. Character Confirmationis designat hominem esse Militem Christi. Character Ordinis designat esse Ministrum Christi.

Quar. 16. An ultra Sacramenta, dentur Sacramentalia? &. Dantur. Et sunt quedam pia opera vel Cere.

Ceremoniæ ab Ecclesia institutæ ad bonum ordinem & excitandam pietatem. Nempe: Oratio Dominica. Asperio aquæ benedictæ. Largitio Elemosinæ. Benedictio Episcopi. Esus panis & vini benedicti &c.

Quar 17. Quonam modo causant gratiam Sacramenta & Sacramentalia? *R.* Sacramenta causant gratiam ex opere operato, idest virtute sibi inditâ ex meritis Christi. Sacramentalia vero ex opere operantis, idest ex meritis Ecclesiæ aut Fidelium ijs devote utentium.

Quar 18. Quibus perficitur Sacramentum? *R.* Tribus, Rebus tanquam materiâ: verbis tanquam Formâ, & Intentione Ministri.

Quar. 19. Quid est Intentio? *R.* Est actus voluntatis, quo quis vult aliquid facere vel omittere.

Quar 20. Quotuplex est Intentio? *R.* Est triplex, nempe: Actualis. Virtualis & Habitualis.

Quar 21. Quid est Intentio Actualis? *R.* Quæ elicitur dum aliquid agitur, & manet in Agente.

Quar 22. Quid est Virtualis? *R.* Quæ non manet in actu sed manet in effectû, ordinato ad rem intentam.

Quar 23. Quid est Habitualis? *R.* Quæ nec manet in actu, nec in effectû non tamen est retractata.

Quar 24. Quænam Intentio requiritur ad Sacramenta? *R.* Ad conficienda requiritur actualis vel virtualis, ad suscipienda sufficit habitualis. Addunt aliqui Intentionem interpretativam, sed hæc

hæc non sufficit, quia hæc non est in agente v.g. in me, sed in alijs.

Quar. 25. Quotuplex est Baptismus? *R.* Triplex: Flaminis, sanguinis & Fluminis.

Quar. 26. Quid est Baptismus Flaminis? *R.* Est desiderium efficax suscipiendi baptismum fluminis, conjunctum cum contritione de peccatis.

Quar. 27. Quid est Baptismus Sanguinis? *R.* Est Martyrium pro Fide Christi toleratum.

Quar. 28. Isti duo Baptismi sunt ne Sacramenta? *R.* Non sunt formaliter, sunt tamen æquivalenter, quia & per illos deletur omnis culpa.

Quar. 29. Quid est Baptismus Fluminis? *R.* Est Sacramentum novæ Legis, mediante externâ ablutione Corporis per aquam, conferens gratiam ablutionis animæ ab omni peccato.

Quar. 30. Quæ est materia Baptismi? *R.* Materia remota est quælibet aqua naturalis. Proxima est ipsa ablutio Corporis.

Quar. 31. Quæ est Forma Baptismi? *R.* Hæc verba: Ego Te baptizo in nomine Patris & Filij & Spiritus Sancti.

Quar. 32. Quis est Minister Baptismi? *R.* Potest esse quicumq; homo rationis compos, sive Vir, sive Fæmina, sive fidelis sive infidelis, modo habeat intentionem baptizandi nomine Christi, vel more Christiano.

Quar. 33. Quid est Confirmatio? *R.* Est Sacramentum novæ Legis, quò mediante unctione Christianis factâ ab Episcopo, confertur gratia San-

ctificans, & robur Spirituale in fide.

Quar 34. Quæ est Materia Confirmationis? *R.* Materia remota est Chrisma ex Oleo Olivarum, & balsamo confectum, ac ab Episcopo benedictum. Proxima est unctio facta in fronte in formam Crucis.

Quar 35. Cur impingatur alapa post Confirmationem? *R.* Ut memor sit confirmatus se esse Militem Christi, & nihil timere vel erubescere pro fide

Quar 36. Quid est Sacramentum Eucharistiæ? *R.* Est Sacramentum Corporis & Sangvinis JESU Christi, vere ac realiter contenti sub speciebus panis & vini.

Quar. 37. Quæ est materia Consecrationis seu confessionis Eucharistiæ? *R.* Est panis triticeus, & vinum de vite, seu vinum naturale non artificiale.

Quar 38. Quæ est Forma Consecrationis? *R.* Forma Consecrationis panis sunt hæc verba *Hoc est Corpus meum.* Consecrationis autem Vini sunt hæc verba: *Hic est Calix sanguinis mei,* vel *Hic est sanguis meus,* ut apud Græcos.

Quar 39 Est ne præceptum Sumendi Eucharistiam? *R.* Est præceptum Christi *Ioan: 6.* sumendi illud saltem aliquando in vita: præceptum vero Ecclesiæ sumendi illud semel in anno, idq; circa festum Paschæ.

Quar. 40. Quid est Sacrificium? *R.* Est oblatio Deo rei externæ, mediante illius destructione, in recognitionem supremi Dominij Ejus.

Quar. 41. Quid est Sacrificium Missæ? *R.* Est Sacrificium

crificium novæ Legis, in quo offertur Deo verum Corpus & Sanguis Christi.

Quar 42. Quare dicitur Missa? *R.* Quia in hoc sacrificio mittitur ad nos Christus à Deo, & à nobis mittitur ad Deum.

Quar 43. Quid est Sacramentum Pœnitentiæ? *R.* Est Sacramentum absolutionis animæ à peccatis virtute clavium.

Quar 44. Quæ est materia Sacramenti Pœnitentiæ? *R.* Sunt actus pœnitentis, nempe: Confessio, Dolor, & satisfactio.

Quar. 45. Quæ est Forma hujus Sacramenti? *R.* Hæc Verba: Ego Te absolvo &c.

Quar. 46. Quis est Minister hujus Sacramenti? *R.* Est Sacerdos habens collatam sibi jurisdictionem à Superiore legitimo.

Quar 47. Quid est Confessio Sacramentalis? *R.* Est accusatio peccatorum dolorosa, in ordine ad obtinendam absolutionem facta.

Quar 48. Quotuplex est Dolor? *R.* 2x. Contritio & Attritio, seu dolor perfectus & imperfectus.

Quar 49. Quid est Contritio? *R.* Est dolor conceptus de peccatis ob solam dignitatem & Bonitatem Dei.

Quar 50. Quid est Attritio? *R.* Est dolor conceptus ex timore pœnæ æternæ, vel desiderio gloriæ Cælestis, aut simili motivo revelato à Deo.

Quar: 51. An uterq; hic Dolor confert ad remissionem peccatorum? *R.* Confert sed non æque; nam Contritio justificat animam etiam extra Sa-

cramentum, modò sit conjuncta cum voto Sacramenti in re. Attritio vero non justificat, nisi conjuncta cum Sacramento Penitentiae

Quar 52. Quid est Sacramentum Extremæ Unctionis? *R.* Est Sacramentum constans unctione Olej Sacri & Sacerdotis deprecatione, ordinatum ad salutem moritundi, quo ad animam & Corpus.

Quar 53. Quæ est Materia hujus Sacramenti? *R.* Materia remota, est Oleum Olivarum ab Episcopo benedictum. Proxima est inunctio certarum partium corporis infirmi.

Quar 54. Quæ est Forma? *R.* Sunt verba præscripta ab Ecclesia in unctione partium corporis infirmo.

Quar 55. Quid est Ordo Ecclesiasticus? *R.* Est Sacramentum novæ legis, quò simul cum gratia, confertur ordinato potestas circa Ministerium Altaris.

Quar 56. Quot sunt Ordines Ecclesiastici? *R.* Septem. Ostiariatus. Lectoratus. Exorcistatus. Acolythatus. Subdiaconatus. Diaconatus & Presbyteratus.

Quar 57. Prima Tonsura est nè ordo? *R.* Non: sed tantum dispositio ad ordines.

Quar 58. Quid sit prima Tonsura? *R.* Est signum distinctivum Ministrorum Ecclesiæ, per detonsionem Capillorum factam ab Episcopo.

Quar 59. Quid acquirit sic Tonsuratus? *R.* Acquirit duplex privilegium, Fori & Canonis.

Quar 60. Quid sit privilegium Fori & Canonis? *R.* immuni

Ꝛ. unum designat quod Clericus non possit conveniri & puniri in Persona à Judice sæculari
2dum Quod quicumq; Clericum invadente diabolus percusserit, mutilaverit, vel occiderit anathema sit. Hoc privilegium desumptum est ex Canone: *si quis*: & exinde dicitur Canonis. Utroque autem hoc privilegio gaudet Clericus, quousque gestat habitum & Tonsuram Clericalem.

Quar. 61. Quid est Ostiariatus Ꝛ. Est Ordo Ecclesiasticus per quem traditur potestas custodiendi Ecclesiam, recipiendi dignos, & excludendi indignos: videlicet Excommunicatos, interdictos &c.

Quar. 62. Quæ nam sit ejus materia & Forma?
Ꝛ. Materia remota, sunt Claves Ecclesiæ: Proxima est traditio & acceptatio clavium. Forma sunt Verba Episcopi ut in Pontificali.

Quar. 63. Quid est Lectoratus? Ꝛ. Est Ordo Ecclesiasticus per quem traditur potestas legendi Lectiones & Prophetias in Ecclesiâ.

Quar. 64. Quæ nam sit Ejus materia & Forma?
Ꝛ. Materia remota est Liber continens Sacras Lectiones: Proxima est traditio hujus Libri ab Episcopo. Forma sunt Verba Episcopi ut supra.

Quar. 65. Quid est Exorcistatus? Ꝛ. Est Ordo Ecclesiasticus, per quem traditur potestas expellendi Dæmones, maxime ne impendant aliquem à sumptione Eucharistiæ.

Quar. 66. Quæ nam sit ejus Materia & Forma?
Ꝛ. Materia remota est Liber Exorcismorum, Proxima. traditio illius ab Episcopo. Forma, Verba Episcopi.

Quar 67. Quid est Acolithatus? *R.* Est Ordo Ecclesiasticus, per quem traditur potestas accendendi lumina, & deferendi urceolos cum vino & aqua ad Sacrificium.

Quar. 68. Quæ nam sit Ejus Materia & Forma? *R.* Materia remota est 2x. nempe: una est candelabrum cum cereo & candela extincta, altera: urceoli vacui. Forma verba Episcopi.

Quar 69. Quæ nam ætas requiritur ad hos 4. Ordines? *R.* Ad minimum atas 14. annorum.

Quar 70. Quotuplices sunt Ordines? *R.* imo 2plices. Majores & Minores. *Minores* sunt 4 illi de quibus dictum sup. *Majores tres*, Subdiaconatus, Diaconatus & Presbyteratus.

Quar. 71. Cur aliqui dicantur Majores, aliqui Minores? *R.* Quia Majoribus initiati majorem, Minoribus ordinati minorem recipiunt potestatem circa Ministerium Sacrificij. 2do sunt 2plices. Sacri & non Sacri, Sacri sunt tres Majores. Non Sacri sunt 4. Minores

Quar: 72. Cur illi Sacri, isti non Sacri? *R.* Quia Majoribus initiati, [saltem in Ecclesia Latina] sacrantur Deo per votum Castitatis, & per obligationem recitandi horas Canonicas: secus Minoribus ordinati.

Quar 73. Quid ergo est Votum? *R.* Est promissio deliberate facta Deo de meliori & possibili.

Quar 74. Quotuplex est Votum? *R.* imo 2x Solemne & simplex. *Solemne est*, quod emittitur in professione Religionis approbatæ ab Ecclesia, vel
per

per susceptionem Ordinis Sacri assumitur. *Simplex est*: Quod aliàs à quocunq; emittitur sive publice sive privatim, 2do est 2x. Explicitum & implicitum *Explicitum est*, quod certis verbis seu formis emittitur. *Implicitum* quod re ipsa v.g. susceptione Ordinis Sacri, cui ex mente Ecclesiæ annexa est obligatio Voti. 3tio est 2x. Aliud absolutum aliud Conditionatum 4to Aliud Perpetuum, aliud Temporaneum. Plura de his Theologi

Quar 75. Quale sit peccatum contra Votum?

& Est peccatū Sacrilegij contra virtutē Religionis.

Quar 76. Quid sunt Horæ Canonice? & Sunt certa laus Dei per Canones Ecclesiæ instituta, à Ministris Ecclesiæ persolvenda.

Quar 77. Quot sunt Horæ Canonice? & Septem: Matutinum cum Laudibus. Prima. Tertia. Sexta. Nona. Vesperæ & Completorium,

Quar. 78. Quomodo recitandæ sunt Horæ Canonice? & imo Vocaliter, & non solum mentaliter. 2do Studiose quo ad officium oris. 3tio Devote quo ad officium cordis.

Quar 79. In quo consistat ista Studiositas & Devotio? & Studiositas consistit in debita prolatione Verborum. Devotio in attentione animi ad verba, & sensum saltem obvium verborum, maxime autem ad affectum ex verbis conceptum.

Quar. 80. Quid sit Ordo Subdiaconatus? & Est Sacer Ordo per quem traditur potestas deferendi Calicem cum vino ad altare, & legendi in Missa Epistolam solemniter, videlicet cum Manipulo in levâ manu.

Quar. 81.

Quar 81. Quæ nam est Materia & forma hujus Ordinis? *R.* *Materia* remota est 2x, 1ma Calix vacuus & Patena vacua. 2da est Liber Epistolarum. *Proxima* est traditio horum ab Episcopo. Forma sunt Verba Episcopi ut in Pontificali.

Quar 82. Quæ sunt Munia Subdiaconi? *R.* Diacono ministrare, Calicem & Patenam in usum Sacrificij, ejdem afferre, panem consecrandum pro populo, in Altari ponere, Epistolam, in Missa solemniter canere, Crucem in Processionibus gestare, Pallas, Altaria & Corporalia abluere.

Quar 83. Quæ requiruntur ad suscipiendum Subdiaconatum? *R.* Potissimum ætas & Titulus.

Quar 84. Quæ ætas requiritur? *R.* Annorum 21. completorum.

Quar. 85. Quis Titulus *R.* Beneficij Ecclesiasticij, vel Paupertatis religiosæ, vel Patrimonij certi & sufficientis.

Quar 86. Quid est Ordo Diaconatus? *R.* Est Sacer Ordo per quem traditur potestas ordinato assistendi proxime Sacerdoti in Sacrificio, & legendi publice Evangelium.

Quar. 87. Quæ nam est hujus Ordinis Materia & Forma? *R.* *Materia* remota est 2x, nempe: Manus dextra Episcopi, & Liber Evangeliorum *Proxima item* est 2x Nempe: Impositio manus dextræ Episcopi, & traditio Libri Evangeliorum. Forma sunt verba Episcopi, ut in Pontificali.

Quar. 88. Quæ nam sunt munia Diaconi? *R.* 1mò Presbytero Sacrificanti proxime assistere, 2dò

Evan-

Evangelium in Missa solemniter legere [scilicet in stola transversim posita] 3. De licentia aut in absentia Parochi solemniter baptizare. 4. De licentia Episcopi populo prædicare 5. In Casu urgentis necessitatis Eucharistiam ministrare.

Quar. 89. Quid est Ordo Presbyteratus? & Est Ordo Sacer per quem traditur potestas ordinato consecrandi Corpus & Sangvinem Christi, ac remittendi peccata Fidelibus.

Quar. 90. Quomodo aliter vocatur hæc Potestas? & vocatur potestas super Corpus Christi reale & mysticum.

Quar. 91. Quid est Corpus Christi reale & Mysticum? & Corpus Christi reale est quod assumpsit ex B. V. Mysticum sunt omnes Christiani.

Quar. 92. Quæ est Materia Presbyteratus? & Remota est, 2x Nempe: Calix cum vino, & Patena cum hostia. Item utraq; manus Episcopi. Proxima vero Traditio Calicis & Patenæ, ac impositio manuum Episcopi.

Quar. 93. Quæ nam est Forma? & Sunt Verba Episcopi, nempe hæc. Accipe potestatem offerendi Sacrificiū Deo. Missasq; celebrandi tam pro vivis quam pro Defunctis in nomine Domini. Item: accipe Spiritum S. quorū remiseris peccata remittuntur eis, & quorum retinueris retenta sunt.

Quar. 94. An Presbyter factus, possit mox eo ipso excipere Confessiones, & absolvere Fideles a peccatis?

peccatis? & Nequaquam, sed requiritur ut habeat Jurisdictionem Ordinariam vel Delegatam.

Quar. 95. Qui habent istam Jurisdictionem? & Ordinariam habet Papa, Episcopus, & Parochus. Delegatam cæteri quibus isti concedunt super oves suas.

Quar. 96. An quilibet Ordo conferat gratiam Sanctificantem? & Quilibet subjecto bene disposito.

Quar. 97. An quilibet Ordo imprimat Characterem? & Quilibet inprimit Characterem distinctum, partialem.

Quar. 98. Quæ requiruntur ad validam Susceptionem Ordinum? & imo Ex parte Ordinantis. Potestas, Intentio, Traditio debita materię, & prolatio Formę. 2do ex parte ordinati 1. ut sit Vir. 2. Baptizatus. 3. Compos rationis. 4. Intentione præditus. 5. Ut tangat Physice materiam Ordinis quem suscipit.

Quar. 99. Quæ requiruntur ad licitam? & Sex 1. Ut sit in gratia, idest absq; peccato mortali 2. Ne sit Centuris Ecclesiasticis innodatus. 3. Ne sit Irregularis. 4. Ne sit Infamis 5. Ne sit simoniacus. 6. Ne sit omnino rudis illorum quæ scire debet ordinatus.

Quar. 100. An Episcopatus sit Ordo, distinctus à Presbyteratu? & Probabilissimum est quod sit distinctus, cum & ordinatio Episcopi, & Potestas, & Materia & Forma sint distincta.

Quar. 101. An Papatus vel Cardinalatus est Ordo? & Non: sed tantum sunt Dignitates speciales in Ecclesia.

Quar. 102.

Quar 102. Quid est Sacramentum Matrimonij? & Est Sacramentum inter Baptizatos, quâ Vir & Mulier mutuo consensu legitime sibi Corpora sua tradunt ad perpetuam vitæ Societatem.

Quar 103. Quis est Minister hujus Sacramenti? & Ipsimet contrahentes, Vir & Mulier. Cætera de hoc Sacramento scienda à Confessariis copiose reperiuntur apud Theologos & Canonistas, Tyro- nibus hæc Sufficiant.

§ IV.

De Censuris & Panis Ecclesiasticis.

Quaritur 1. Quid est Censura Ecclesiastica & Est pæna Spiritualis medicinalis, quâ privatur fidelis contumax aliquo usu bono- rum Spiritualium.

Quar 2. Quotuplex est Censura, & 3x. nempe, Ex- communicatio, suspensio, & Interdictum.

Quar 3. Quotuplex est Excommunicatio, & 2x. Excommunicatio *Major* quæ est Censura privans hominem Christianum bonis fidelium communibus, Et *Minor* quæ privat tantum participatione passî- vâ Sacramentorum, Dignitatum & Beneficiorum Ecclesiæ.

Quar 4. Quid sunt ista bona fidelium communia, & Quæ indicantur hoc versiculo:

Os, orare, vale, Communio, Mensa Negatur.
Nempe 1. Alloquium familiare. 2. Orationes & Suffragia publica. Sacrificia, Indulgentiæ. 3. Va-
ledictio.

bedictio seu apprecatio salutis. 4. Administratio vel susceptio Sacramentorum, & auditio Missæ intra Ecclesiam 5. Confessus ad mensam.

Quar 5. Ob quam Causam incurritur Excommunicatio Minor, & Ob communicationem absq; iusta Causa cum excommunicato excommunicatione Majori, & publicato.

Quar 7. Quotuplices sunt Excommunicati & 2pli. *ees.* Alij sunt tolerati & non vitandi ut sunt omnes non publicati nominatim. Alij non tolerati & vitandi ut sunt omnes publicati nominatim.

Quar 8. Quæ excusant à communicatione cum Excommunicato vitando: & hæc Utile, Lex Humile, Res ignorata, Necessè, idest imo. Utilitas spiritualis excommunicati. 2. Obligatio Legis, qualis est in uxore respectu Mariti, in debitore respectu Creditoris 3. Subjectio, ut serorum, subditorum. 4. Ignorantia non affectata de excommunicatione lata. 5. Necessitas gravis, Spiritualis aut temporalis, tum excommunicati tum communicantis.

Quer 9. Quid est suspensio? & Est Censura quæ Clericus arcetur ab Exercitio sui Officij vel Beneficij.

Quar 10. Quotuplex est suspensio? & imo 2plx Ab Officio vel Beneficio. 2do 2x Ab Officio in totum vel in partem 3io. Perpetua vel Temporanea. Plura apud Theologos.

Quer 11. Quid sit Interdictum? & Est Censura privans usu publico Divinorum officiorum, Sacrificiorum, ingressu Ecclesiæ, ac sepultura in ea.

Quar 12.

Quar 12. Quotuplex est Interdictum, & Est 3x. *Lo-cale* quod immediate afficit locum. *Personale* quod immediate Personas. *Mixtum* quod simul afficit locum & Personas. 2do Aliud est *Generale* quod fertur generaliter in locum & omnes ejus incolas, vg. in regnum vel Civitatem. Aliud *Particulare* quod fertur in particularem locum vel Personam.

Quar 13. Quid incurritur per violationem Censurarum. & Exercentes actum Ordinis Sacri in Excommunicatione incurrunt suspensionem. Qui in suspensione, incurrunt Irregularitatem. Similiter qui in interdicto. Exercentes autem alios actus non Sacri Ordinis, vg. baptizantes absq; necessitate extrema, peccant tantum mortaliter.

Quar 14. Quid est Irregularitas & Est impedimentum Canonicum, impediens susceptionem Ordinum, & usum susceptorum.

Quar 15. Quot sunt Irregularitates & Sunt potissimum 13. quarum alie sunt ex Delicto, alie ex Defectu

Irregularitates ex Delicto.

1ma Incurritur ob hæresim vel Apostasiam à Fide. 2da Ex iteratione baptismi scienter facta. 3tia ex Mutilatione membrorum in se vel in alio. 4ta Ex homicidio voluntario sive directo sive indirecto, sive publico sive occulto. 5ta Ex crimine infami & notorio, ut sunt furtum, Simonia, Usura &c. 6ta Ex violatione Censurarum per actum Ordinis Sacri. 7ma Ex furtiva susceptione Ordinum, vel exercitio ordinis quem quis nondum habet.

Irre-

30 CAP: I. De Censuris & Penis Ecclesiasticis
Irregularitates ex Defectu.

1ma. Ex Defectu animæ, quâ ligantur perpetuo
amantes. Lunatici. Arreptitij Epileptici Illiterati
idest carentes scientiâ ad Ordines. Neophyti
hoc est recenter baptisati, donec iudicio Episcopi
habiles censeantur.

2da. Ex Defectu Corporis, qua ligantur Fæminæ
Cæci, surdi, notabiliter deformes, & invalidi ad
Altaris ministerium vel Ordinis exercitium.

3ta. Ex Defectu natalium quâ ligantur illegitimo
thoro nati, nisi legitimentur.

4ta. Ex defectu ætatis, quâ ligantur pueri im-
puberes.

5ta. Ex defectu Sacramenti, qua ligantur Bigami,
idest qui plures uxores quam unam successive ha-
buerunt, & illi qui unam sed viduam, vel ab alio
corruptam habuerunt.

6ta. Ex Defectu Lenitatis, quâ ligantur omnes non
solum injuste, sed etiam iuste concurrentes ad oc-
cisionem hominis seu gravem mutilationem, ut
sunt Iudices, Instigatores, Actores in Causâ san-
guinis, & Carnifices.

Quar 16. An Irregularitas sit Pœna & Per se non
est pœna, sed tantum impedimentum, per accidens
tamen potest esse pœna, ut pro delicto.

Quar 17. Quid est Deposicio & Est pœna gravissi-
ma, quâ Clericus iuridice privatur omni Officio
ac Beneficio, arcerurq; ab omni functione Eccle-
siastica in perpetuum.

Quar 18. Quid est Degradatio & Est pœna omnium
extrema,

extrema, quâ Clericus criminosus, publice per Episcopum cum præscripta cerimonia, non solum ab omni Officio deponitur, sed spoliatur vestibus sacris, habitu, & tonsura Clericali, demum privilegio fori & Canonis, traditurq; iudici sæculari.

CAPUT II. De Doctrina Ascetica.

§ I.

Quæritur 1. Quid est Theologia Ascetica?

Respond. Est Cognitio Dei ac Divinorum non speculativa sed affectiva, per Sanctas meditationes, per Spirituales lectiones, per adhortationes Magistrorum Spiritus, & continua in bonis operibus exercitia cum lumine Cælesti acquisita.

Quæ 2. Quare vocatur Ascetica &. Exinde quod potissimum in Asceteriis idest in domibus religiosis traditur & practicatur.

Quæ 3. An Theologia Ascetica & Mystica sint idem, & Licet objectum seu finem habent eundem, cæterum inter se differunt maxime per hæc:
1. Quia Theologia Ascetica docet ascensum animæ ad Deum modo ordinario, seu cum lumine ordinario per affectus actusq; pios cum adminiculo imaginationis ac labore intellectus, unde ab Ascetis appellari solet. *Dei ac divinorum sobrie sapida scientia.* Mystica vero Theologia elevat

elevat animam ad Deum modo extraordinario, demergendo mentem & Cor hominis contemplativi in Deum, & quodammodo absorbendo. Proinde prior est Cognitio Dei ac Divinorum cum labore acquisita. Posterior vero passim est infusa a solo Deo, vel cum exiguo labore acquisita; quod inde patet; nam Donum Theologiæ Mysticæ datur sæpe numero Pueris & Puellis Sanctis, qui absq; labore & exercitio vacant Contemplationi altissimæ 2. Quia Theologia Ascetica est tantum via & dispositio ad Theologiam Mysticam; nam per meditationem aptatur homo ad contemplationem. Unde Theologia Ascetica est propria tantum incipientibus & proficientibus in vita spirituali, Mystica vero est propria iam perfectorum, idest ab omnibus vitiis expurgatorum, & per virtutes exultorum.

Quer 4 Quod nã sit objectũ utriusq; hujus Theologiæ & Est Deus ejusq; felicissima possessio, quæ vocatur Unio cum Deo. Unde quidquid homo Asceticus meditatur & operatur spiritualiter, ad hoc objectum regulatur ac tendit.

Quer 5. Quis nam sit Finis proximus Theologiæ Asceticæ, & Est perfectio Christiana & Evangelica.

Quer 6. Quid sit ieu in quo consistat præfata Perfectio, & In hoc omnes Ascetas convenire, quod Perfectio Christiana & Evangelica consistat in Charitate Dei & Proximi, nam sicut in his duobus præceptis: Diliges Dominum tuum &c. & proximum tuum sicut te ipsum, universa lex pendet & Pro-

& Prophetæ, ita in eorum executione pendet universa perfectio. Unde & S. Paulus ad Colos: 3. adhortatur: *Super omnia autem hæc charitatem habete, quod est vinculum perfectionis.* In hoc tamen explicando cardo rei & difficultatis vertitur, quoniam modo, qua ratione, in quo sensu Perfectio consistat in charitate? Ad quod varij varie respondent. imo Quod Perfectio consummata consistat in Charitate, non tamen inchoata. 2do Quod Perfectio consistat in charitate, tanquam in radice, fonte, & Origine; ut enim [teste S. Greg. hom. 27. in Evang] multi arboris rami ex una radice prodeunt, sic multæ virtutes ex una charitate generantur. 3tio Quod Perfectio consistat in charitate tanquam vinculo & summa omnium virtutum, sicut enim vitium disgregat virtutes, sic charitas congregat omnes virtutes. Quæ quidem omnia vere ac prudentissime dicuntur sed cum animum non quietent, idcirco planius & ad caput aptius resolvunt alij propositam quæstionem. Quod Perfectio Christiana & Evangelica consistat in complexo seu collectione omnium virtutum, quas homo propter Deum exercet; nam illud perfectum dicitur, cui in suo genere nihil deest, ut vg. Corpus dicitur perfectum cui nec pars ulla deest, nec aliqua deordinatio partium adest. Unde merito homines Sancti coram Deo humiliantur, & se perfectos non reputant, quia saltem aliquam virtutem, aut gradum virtutis, ad totam perfectionis structuram sibi deesse conspiciunt. Et Tu quisquis es Religiosus

quantumvis pollere virtutibus videaris, nusquam te perfectum reputa, nunquam in stadio virtutis cessa, sed cum Psalmographo Divino proficere coram Deo: *Imperfectum meum viderunt oculi tui* Psal. 138.

Quar 8. Quotuplex est Perfectio? *Re. imo 2x* *Alia est Necessitatis seu de lege præcepti* quæ consistit in exacta observantia præceptorum Dei & Ecclesiæ, & hæc vocatur Communis. *Alia est supererogationis seu de lege Consilij* quæ consistit in exacta observantia Consiliorum Evangelicorum, nempe Obedientiæ absolutæ, Paupertatis voluntariæ & Castitatis perpetuæ. Et hæc est specialis & Ascetica. *2dc est 2x. Alia Intensiva* quam quis habet exercendo se in plurimis aut omnibus virtutibus, ferventer, intense, heroice, cum magno conatu, labore, ac victoria sui. *Alia Extensiva* quam quis habet exercendo se in plurimis aut omnibus virtutibus, sive remisse sive ferventer.

Quar 9. Per quæ opera proditur ac demonstratur potissimum Perfectio? *Re.* Per illa opera per quæ ad ultimum finem nostrum scilicet Deum magis appropinquamus, ipsiq; magis unimur. Talia sunt opera Fidei, Spei, Charitatis, & quæ ex illis procedunt, ut Zelus Divinæ gloriæ, desiderium proficiendi, conformitas cum voluntate Divina, Devotio, Gratitude, Abnegatio sui, humilitas, patientia, pœnitentia, justitia, cæteræq; virtutes quæ in Intellectu & voluntate manent. nam juxta Ps. 44. *Omnis gloria filia regis (idest fidelis anima) ab intus,*

intus, idest à virtutibus internis. Proinde omnes Magistri Asceseos damnant illos erroris qui Perfectionem collocant magis in exterioritatibus seu corporalibus exercitijs, uti in vigilijs, jejunijs, disciplinis, peregrinationibus, laboribus, nudipedio alijsq; austeritatibus, namper hæc non ita appropinquamus Deo, quam per internas virtutes; nec enim Corpore unimur Deo sed Spiritu Quo circa Joan. Cassianus Collat. 3. dicit. *Vigilia, jejunia, meditatio Scripturarum, nuditas, privatio omnium facultatum, non perfectio sed perfectionis instrumenta sunt, quia non in ipsis consistit disciplinæ finis sed per illa pervenitur ad finem.* Unde sicut non ille dicitur bonus Artifex qui bona instrumenta habet, sed qui perite illis uti novit, ita nec ille perfectus censeri debet, qui ejusmodi austeritates velut instrumenta perfectionis suscipit, sed qui easdem ad debitum finem, scilicet charitatem perfectam ordinare didicit. Accedit huic veritati, quod ad externos rigores non omnibus sunt concessæ vires Corporis, cum tamen à vera perfectione nulla ætas, nullus sexus, nulla Conditio, nulla complexio etiam delicatissima excludatur.

Quar 10. Quæ & quot sunt viæ perfectionis? R. Tres nempe 1. Via Purgativa quæ in re est status animæ in quo curat detestari peccata deploreare ea, vindicare in se per pœnitentiam, & vitia extirpare 2. Via Illuminativa quæ est status animæ in quo conatum adhibet ad sectandas virtutes, ac in ijs diligenter exercetur, 3. Via Unitiva quæ est

status animæ, in quo jam expiata à peccatis, expurgata à vitijs, exculta & expolita virtutibus, unitur Deo per ardentem charitatem, per ferventia desideria ad eum possidendum, per frequentia ad Deum suspiria. Prima porro ex his vijs est Incipientium, 2da Proficientium. 3tia Perfectorum.

Quar 11. Quod nam est Fundamentum hârum viarum? *R.* Hoc. Quod sicut in quolibet progressu locali, tres inveniuntur termini, nempe Terminus à quo recedimus. Terminus per quem procedimus. Terminus ad quem accedimus, ut constat experientia. Ita in progressu Spirituali tres sunt termini. Terminus à quo recedimus sunt peccata, vitia eorumq; occasiones, & hoc fit in via Purgativa. Terminus per quem sunt virtutes; nam per eas currimus ad ultimum finem nostrum Deum, & hoc fit in via Illuminativa. Terminus ad quem est ipse Deus, quem attingimus, cui adhæremus, & hoc fit in via unitiva. Hæc tres vias unico versu expressit David Psal: 33. *Diverte à malo, & fac bonum: inquirere pacem & persequere eam.* Annota tamen: licet hæ viæ suo ordine disponantur, nihil tamen vetat quin earum officia quandoq; misceantur, nam homo expians, vitia potest & in virtutibus exerceri, & in ijs se exercens potest vitia purgare. Deinde in virtutibus se exercens potest uniri Deo, & sic unitus, majores virtutum gradus sibi augere.

Quar 12. An expedit mox ab initio vitæ spiritualis summam perfectionem sectari? *R.* Cum F. Lohner. Desiderium quidem per se laudabile esse, sed
si uno

si uno quasi impetu & conatu perfectionem quis assequi velit, eum non modice errare, nam ut S. Bernard: Serm: de S. Andr: sapienter advertit: *nemo repente, fit summus, & ascendendo non volando apprehenditur summitas scala* Accedit, quod Perfectio ut jam innui non est quid indivisibile [seu ut loquuntur Philosophi] non est una simplex qualitas, sed aggregatum ex omnibus virtutibus; proinde sicut messor imprudenter uno ictu vellet totum fascem colligere, ita homo qui vellet rotam & summam perfectionem simul acquirere.

Quar 13. An peccata ex fragilitate admissa perfectioni obstant *ꝛ. Negative.* Sicut enim Dux militiæ, si constanter hostem impugnet & vellicet, egregij Herois nomen obtinet, licet eum non omnino expugnet & deleat, imo interdum minus feliciter pugnet: sic perfectus censeretur adhuc homo, etiamsi interdum in venialia aliqua ex fragilitate labatur. Nam ut V. Tho. Kemp: l. 2. c. 3. dicit: *Omnis perfectio in hac vita, quandam imperfectiorem habet annexam: Quâ ratione S. Hieron: Ep. ad Celantiam dixit: Hac una presentis vite perfectio est, ut te imperfectam agnoscas.*

Quar 14. Quæ sunt potissimum Media seu dispositiones ad perfectionem Asceticam acquirendam? *ꝛ. Novem.* *Imum Medium est Intentio bona, pura & recta, cujus signa proponit S. Bern. Florileg: c. 117. dicens. pura intentio erit, si in omni actione nostra, aut honorem Dei, aut ædificationem proximi, aut bonam conscientiam queramus: Duo*
Cꝛ
quidem.

quidem in intentione necessaria requiruntur, res & Causa, idest quid intendas, & propter quid. Alij vero hos agnoscunt optimæ intentionis actus 1. In omnibus rebus unicum Dei honorem quærere. 2. Se ipsum oblivisci, & in sola voluntate Dei acquiescere 3. Servire Deo non solum ut id ipsi placeat, sed quia sibi sic servienti placet Deus. V. P. Gaspar Druzicki Soc. Jes: bonæ intentionis quatuor dilaudat qualitates. 1. Ut sit prompta sine dilatione, morositate ac tardio, ad implendam Dei voluntatem, gustum & beneplacitum Cordis Ejus, talis enim intentio indicium est magnæ devotionis internæ. 2. Ut sit Frequens, idest diutius, horarie vel sæpius renovata, suadetq; ut Religiosus certis temporibus, diebus, horis, tum in actionibus singularibus, renovet generaliter intentionem v.g. hoc actu. Volo Dominum omnes actus Voluntatis Intellectus, sensuum, hac die, hora, actione, ad solam tui gloriam, amorem, beneplacitum offerre. 3. Ut sit Extensa, idest directa ad plurimos simul bonos fines, v.g. dum unam actionem volo exercere pro salute mea, pro salute proximorum, pro impetratione multarum gratiarum, in recompensationem omnium bonorum operum, à me & à quacunq; creatura omissorum. Vel In honorem Dei, B. V. M. omnium SS. in Subsidiium animabus Purgatorij, pro conversione peccatorum, hæreticorum, Paganorum &c. 4. Ut sit Intensa, & quasi multa in se complectens, v.g. Deus meus, amo Te, facio, patior hoc propter Te, totum me, toto universo, toto Te.

2dum Medium est Renovatio seu frequens recordatio præsentiæ Divinæ seu Dei viventis, & omnia videnti, quod exercitium tres potissimum fructus affert juxta P. Nicol: Lancic: scilicet.
 1. Præservationem à peccatis; nam juxta S. Chrysost: in Psal. 40. *Ubi est Dei memoria illic est peccatorum oblivio, & malorum interitus.* Unde S. Ignat. M. Heroni suo Discipulo hanc unicam præscripsit regulam: *Memento Dei, & nunquam peccabis.* 2. Purificationem animæ à præteritis vitiis & peccatis, juxta illud: Eccl: 22. *In conspectu ejus sanctificabunt animas suas.* 3. Perfectionem seu sublimationem operum bonorum, de quo audi S. Laur. Justin: l. de grad: perf: c. 6. *Nihil reor sic efficere ad virtutis arcem conscendendam, quemadmodum cogitare se stare ante oculos Iudicis cuncta cernentis.* Quod si profecto in oculis humani Regis, nemo nisi insanus officia sua peragit negligenter, imprudenter leviter, imperfecte, quomodo idipsum agere potest in oculis Regis æterni? cujus oculis nuda & aperta sunt omnia, qui simul Iudex & testis noster est?

3tium Medium est Frequens renovatio spiritûs, per examina conscientia, sive particularia sive Generalia; sicuti enim juxta Senecæ dictum Ep. 83. Hoc nos pessimos facit quod vitam suam nemo respicit, ita profecto hoc nos optimos & perfectos facit, si vitam nostram, si nostras actiones, passiones, vitia, frequenter lustramus, examinamus, & non conniventer infirma nostra cognoscendo, meliora proponimus & exercemus.

atum Medium est. Constans ardensq; desiderium perfectionis, quod adeo placet Deo. ut Christus dixerit Matt: 5. *Beati qui esuriunt & sitiunt iustitiam, quoniam ipsi saturabuntur;* nam sicut famelici & sitibundi avidius comedunt vel bibunt, ita viri desideriorum ferventius in sanctis operibus exercentur. Unde merito V. P. Petrus Faber S. J. primus à Socijs S. Ignatij persuasit Sodalitati Parmensi: *Ubi Sacerdos Christi Corpus rite consecrerit, aut elevatum ab Ara in sublime populo monstraverit, tunc vos petetis à Deo famem sitimq; iustitia.* Proinde salutariter excitanda sunt in nobis sancta desideria: vg. Desiderium pauperis exaudi & Domine, da mihi donum charitatis tuæ, abnegationis mei &c. Desidero habere profundissimam humilitatem, promptissimam obedientiam &c. Vellem & volo Te amare amore Seraphinorum, Bs. V. M. ô utinam in mei contemptu sim Franciscus; in mortificatione sensuum Petrus de Alcantara &c.

atum Medium est. Cura Minimorum, sive declinandorum ut sunt parvæ tentationes, passiones, & defectus: sive agendorum, ut sunt parvæ observantia, occupationes Ritus, Ceremonia, nam teste Lancitio T. 1. f. 184. *Ecce agere & peccare à minimis ortum habent, & ad magna paulatim perducunt bona vel mala.* Et juxta S. Ambros. l. 1. off: c. 10. *In minimis probandum est confliantibus, quam viriliter in majori certamine stare possimus.*

atum est Solitudo, sive externa, uti est Anachoretarum,

retarum, siue & magis quidem interna, de qua S. Bern: Serm. 40. in Cant differit: *De cetero sola tibi indicitur solitudo mentis. Solus es, si non communia cogitas, si non affectes praesentia, si despicias quod multi suspiciunt, si fastidias quod omnes considerant.* De eadem S P N. Franciscus egregium Discipulis suis reliquit documentum. *Corpus est Cella & anima est Eremita, qua moratur in Cella, ubicunq; sit etiam inter homines, ad orandum & meditandum de Deo.* Verbo: solitudo interna consistit in elongatione mentis à curis terrenorum, ab illicitis sensuum, per constantem alligationem mentis & cordis ad Deum. Quae tanto salutarior est quando Religiosus licet non sit Eremita, nihilominus amat Conventum, Cellam, non libenter evagatur, fugit consortia suorum, extraneorum &c. Unde S. Bern: ubi sup: adhortatur: *Fuge publicum: fuge & ipsos domesticos secede ab amicis & intimis.* 7mum est. Filialis confidentia erga Magistros Spirituales, plenaq; subiectio sui arbitrij & voluntatis ejusdem, plana & sincera eisdem apertio sui profectus aut defectus in spiritu, suarum passionum, inclinationum, tentationum, impedimentorum perfectionis &c. Ut enim docet S. Bern: Ep. 87. ad Eugen: *Qui se sibi Magistrum constituit sicut se discipulum subdit.* Et S. Climacus: *Qui (inquit) sibi Dux esse vult spreto Duce proprio, non jam indiget Damone tentante quia factus est sibi demon.* Plurima & eximia de hoc legere poteris in speculo utriusq; Cleri P. *Emiliani Naisii Tract 3.*

CAPUT II.

Primum est. Frequens, devota & humilis communio tam realis quam Spiritualis Augustissimi Eucharistiæ Sacramenti; cum enim absq; Divina gratia nulla virtus nullaq; perfectio possit acquiri, ubi magis, certius, abundantiusq; hauriri valet quam ex illo Sacramento, in quo ipse fons gratiæ invenitur. Et profecto multi unâ dignâ illius communionem plus in Spiritu profecerunt, quam alij per alia exercitia.

Secundum est Mortificatio tam interioris quam exterioris hominis. De qua habes infra Tractatum VII. quem utiliter legere poteris, & secundum præscripta ibi agere.

Quar 15. Quæ nam sunt potissima impedimenta perfectionis? & Tria hæc. Perversitas animi. Amor proprius. Amor terrenorum seu avaritia irradicata. Perversi enim, sicut difficile, corriguntur, ita difficulter & vix aliquando ad veram perfectionem perveniunt. Amore proprio laborantes, vix unquam se abnegant & odiunt; sine quo tamen, perfectio non potest acquiri juxta illud Christ. Luc. 9. *Qui vult venire post me abneget semetipsum.* Avari tandem cum sint quodam modo Idolatræ [juxta Apost: 1. Tessal. 2. *Avaritia quæ est idolorum servitus*] nunquam plane ad perfectionem Christianam perveniunt, innumeriq; horum licet casti, sobrij, modesti, humiles, devoti videantur, nunquam tamen sunt homines coram Deo justî & perfecti; nam ubi sunt eorum thesauri ibi est & cor eorum.

Quer. 16.

Quar 16. Quod nam est singulare exemplar, & absolutissima Idea veræ perfectionis? & Vita & mores JESU Christi, nam Ipse dixit Luc. 6. *Perfectus omnis erit, si sit sicut Magister ejus* Unde cum idem Salvator dicit: Matt. 19. *Veni sequere me* D. Th. Ang. exponit sic: *Idest imitare vitam Christi;* nam ex Augustino: hoc est totum bonum hominis ut imitetur Christum, ut fugiat quæ ipse contempsit, & eligat quæ ipse elegit. Elegantissime de hoc perorat. S. Bonav. in speculo Novit. part. 1. Cap. 32.

§ II.

Quar. 1. Quid sit Religio seu status Religiosus? & Est stabilis & ab Ecclesia approbatus in communi vivendi modus, tendentium ad Christianæ charitatis perfectionem, per vota perpetuæ obedientiæ, paupertatis & Castitatis.

Quar 2. Quod sunt Classes Religiosorum? & Principaliter tres. 1ma Eorum qui tenent vitam contemplativam. 2da Eorum qui tenent vitam activam, quales sunt Religiones militares. 3tia Eorum qui tenent vitam mixtam, idest contemplativam & Activam, quales sunt Religiones Mendicantium.

Quar 3. Quæ nam harum Classium est perfectior? & 3tia, idest Religio quæ tenet vitam contemplativam simul & activam. Ratio hujus petitur ex D. Thoma 22. q. 188. art. 2. Cum enim status Religionis ordinetur ad perfectionem charitatis, quæ
se exten-

se extendit ad dilectionem Dei & proximi, vita contemplativa directe ordinatur ad dilectionem Dei, vita activa ad dilectionem proximi, vita Mixta ordinatur ad utrumq; simul, adeoq; plus dicit. Deinde quia vita Mixta conformior est vitæ Christi in terra conversantis, nam talem vitam elegit. Unde S. Doctor loco citato docet: summum gradum in Religionibus tenent quæ ordinantur ad docendum & prædicandum. Secundum autem gradum tenent illæ quæ ordinantur ad contemplationem. Tertius autem est earum, quæ occupantur circa exteriores actiones.

Quar 4. Quis nam est Finis Religionis & Religiosorum? R. Finis principalis & communis omnibus est: Abiectis impedimentis & periculis sæculi, per opportuna media in quavis Religione præparata Deo servire, ad perfectionem tendere, in altera vero vita Deum perfectius videre, amare, possidere, sicq; ad primum creationis suæ finem securius pervenire. Finis vero minus principalis & proprius cuiusq; Religionis est multiplex juxta diversitatem Regularum, ut vg. ad agendam rigidiorē pænitentiam, ad lucrandas Deo animas, ad subsidium charitativum proximis, ad ministrandum infirmis, ad rutilum instructionem &c.

Quar 5. Quis nam est finis specialis & characteristicus Religionis Seraphicæ F.F. Minorum? R. Cum omnes Religiosi dati sint in ædificationem Corporis Christi quod est Ecclesia, præfæcto FF. Minorum finis specialis est ædificare Ecclesiam seu fideles per
contem.

contemptum mundi & sui, tota namq; Regula specialiter ea præscribit, & ad hæc strictissime obligat, quæ ad mundi suiq; contemptum ordinantur, nempe ad arctiorem cæteris omnibus paupertatem & humilitatem.

Quar 6. Quæ sunt singularia bona seu felicitates status Religiosi? & Hæc quæ recensuit S. Bern: hom: de quæ: bon: margar: dicens: O beata Religio, in qua homo vivit purius, cadit rarius, surgit velocius, incedit cautius, irroratur frequentius, quiescit securius, moritur confidentius, purgatur citius, remuneratur copiosius.

Quar 7. Qui nam & quomodo errent circa finem ingrediendi Religionem vel in ea permanendi? & Cum Patre Sigismundo Neydeker in Schola Religiosa. imo illi qui ideo Religionem intrant, vel manent in ea, quia in mundo non habent sufficientia media, unde honestè vivant & sustentari valeant. 2do Illi qui Religionem amplectuntur ideo quia vident se carere illis qualitatibus, vñ quarum ad alium statum aut Officium promoveri possent. 3tio illi, qui intrant vel ex respectu vel ex amore timoreve Parentum Consanguineorum. 4to Illi qui intrant vel manent, quia audiunt vel sciunt, se ibidem bonum vel forsân meliorem habere victum, amicum, commoditatem, quam in mundo. 5to Illi qui in mundo vulgares, abjecti, despecti &c. intrant Religionem, ut ibidem intuitu sacri habitûs, honorentur, respiciantur. 6to. Illi qui intrant vel manent, ut ibidem sine cura & labore otiose vivant.

46 CAPUT II. De Doctrina Ascetica.

7mo Illi qui intrant vel manent animò perven-
endi ibidem ad Prælaturas, Dignitates, excepti-
ones &c. Svo Illi qui præcise manent, ne ex causa
etiam iusta egredientes confundantur & vilipenda-
tur. 9no Qui intrant vel manent nihil curant
bonum, utilitatem, honorem suæ Religionis sed
proprium commodum, compendium, promotionem
&c. 10mo. Qui ex nullo serio fine, sed inconfide-
rate veniunt, vel propter bonum socium, vel pro-
pter pulchrum cantum, ornatum Ecclesiæ &c. Pro-
inde si quis aliquo horum erroneo fine Religionem
amplexus est, ut sit coram Deo securus, emendet
melius, mutet frivolam aut perversam intentionem,
& novò animò, rectitudine, fervore incipiat Deo
servire.

Quar 8. An Religiosus teneatur evadere perfec-
tus? R. Cum D. Thoma: ad hoc quidem non te-
neri, teneri tamen studiosè tendere ad perfectio-
nem, per ea maxime media, quæ profitendo Regi-
lam voluntarie in se assumpsit, & exequi vovit.
Unde si ea voluntarie omittat, à fine Religionis
aberrabit, & utinam non toto Cælo.

TRACTATUS II.

De Oratione.

Quaritur 1. **Q**uid sit Oratio? *Resp:* Est elevatio seu ascensus mentis ad Deum, sive cum laudando, sive bona petendo, sive deprecando pro peccatis, sive gratias agendo pro donis.

Quar 2. Quotuplex est Oratio? & Duplex Altera *Mentalis* quæ est locutio solius mentis & cordis cum Deo. Altera *Vocalis* quæ est locutio Cordis simul & oris cum Deo, in corde enim nascitur, & ex ore procedit.

Quar 3. Quæ potissimum requiruntur ad dignam Orationem? & Duo: nempe Intentio & attentio. *Intentio* in hoc consistit ut orationem nostram dirigamus ad aliquem finem bonum, sanctum & pium, v.g: ad gloriam amorem, gultum Divinum, in gratiarum actionem, ad impetrationem donorum sibi & alijs. *Attentio* in diligenti applicatione mentis ac memoriæ ad id quod cogitamus vel dicimus in oratione.

Quar 4. Quotuplex est attentio in oratione? &. ima ad verba ut *ritè* proferantur, & hæc est omnino necessaria. 2da Ad sensum verborum ut *literaliter* vel *spiritualiter* intelligantur, & hæc non est adeo

est adeò necessaria, ut pote non omnibus concessa.
3^{ta} Ad affectus, ut in corde excitentur, & hæc
omnium utilissima est ac meritoria.

Quar 5. Quæ sunt media ad servandam Attentionem? *R.* 1. Ut homo non oret ex usu tantum, sed quasi primâ vice hanc Orationem absolvendo.
2. Ne se oneret permultis orationibus vocalibus, ut docuit S. Philippus Neri; quanto enim prolixior est Oratio, tanto minor attentio. 3. Ut sibi prudenter dimetiatur homo tempus orandi, nè propter illius angustiam festinare cogatur. 4. Ut sibi designet certa temporis spatia ad renovandam attentionem vg. in initio cujuslibet psalmi, aut Decadis precum, & id genus.

Quar 6. Quæ nam impediunt Orationem? *R.* Hæc quatuor: Cura pungens, culpa mordens, sensus egens, & Dæmon pingens, nempe varia in mente phantasmata.

Quar 7. Quæ nam Oratio sit perfectior? *R.* Mentalis; nam secundum S. Carol. Borom: Tanto est præstantior vocali, quanto animus est præstantior Corpore; unde sicut anima vivificat Corpus, sic oratio mentalis vocalem.

Quar 8. Qui sunt fines præcipui Orationis Mentalis? *R.* Juxta S. Bern. 4. nempe: Dei honoratio. Piorum affectuum excitatio. Petitionum coram Deo expositio. Vitæ nostræ correctio.

Quar 9. Quot sunt partes Orationis Mentalis? *R.* Tres scilicet Præparatio, Meditatio, & Conclusio. *Prima pars præparatio,* alia est remota,
alia est

alia est proxima. *Remota* quæ disponit ad Orationem, illam tamen non ingreditur. Consistit vero in his tribus. 1. In desiderio proficiendi in vita Spirituali. 2. In frequenti renovatione ac viva fide præsentis Divinæ. 3. In lectione Librorum Asceticorum & colloquijs spiritualibus. *Proxima* vero quæ ingreditur orationem, consistit in his tribus. *1um est* Vivax renovatio seu excitatio præsentis Dei quem alloqui intendis: quod fit per quandam intuitum mentis in Deum, per humiliationem sui coram eo: vg. his actibus. *Vivit Dominus & benedictus Deus meus & exaltetur Deus salutis meæ. Vivit Dominus Deus in cujus conspectu stas Adoro Te o Altitudo, o Dignitas, o Sanctitas infinita, & vilifico me coram Te. Quis sum ego Domine ut loquar ad Te? ut audiam quid loquatur in me Dominus.* *2dum est* Invocatio fervida Divini auxilij contra tentationes & distractiones animi quæ potest fieri tum per illum Rhythmum: *Veni S. Spiritus & emitte calidus &c.* vel per hos actus: *Te invoco Te imploro, spes mea, virtus mea, vita mea Deus, adjuva me ut serio de Te cogitem, ut digne Te laudem. Pater æternæ corrobora memoriam meam. Fili Dei illumina mentem meam. Spiritus Sancte inflamma voluntatem meam.* *3tium est* Applicatio mentis & defixio quædam in Mysterium vel materiam Meditationis vg: in Passionem Christi, SS. Sacramentum &c.

Secunda Pars Orationis est Meditatio, quæ consistit in his tribus. *1um est* Consideratio Myste-

rij seu rej ad meditandum assumptæ, per examen seu lustrationem qualitatũ & Circumstantiarum ejusdem rei, vg. Quis. Quæ. à quo. Pro quo. Quomodo, Quare, & his similes, quod potissimum incipientibus est perutile, ne absq; regula & ordine, ignorent quo prima ac ultima ponant. *2dum* est Reflexio salutaris super jam considerata ad suum hominem internum, seu ad suos mores & actus, ad suum statum & obligationem &c. *3tium* Sunt pij affectus qui sunt pij motus in voluntate jam illuminata per intellectum, & sunt quasi scintillæ in Cor hominis à Deo inlectæ. Hi affectus præcipue sunt. Admirationis, gratitudinis, compassionis, confusionis, doloris, desiderij, gaudij timoris &c. Qui tamen non debent esse steriles, sed ex illis debent ceu ignis ex scintillis erumpere Actus, qui sunt effectus quidam & probationes affectuum. Tales actus sunt. Amoris, laudis, gratiarum actionis, deprecationis, petitionis, oblationis, resignationis, humiliationis & id genus: qui tunc accepti sunt Deo, si practico bonorum operationum exercitio comprobantur. Proinde curare debet Asceta, ut convenienter ad Actus elictos, formet seria proposita, eaq; strenue exequatur.

3tia Pars Orationis est Conclusio, quæ consistit in his tribus. *Imum* est Colloquium cum Deo, quod quidem varijs formis juxta lumen Cæleste potest institui. Ex multorum tamen Ascetarum praxi, potissimum instituitur per Orationem Dominicam quæ SS. PP. iudicio quibusvis alijs precationibus antecellit.

cellit. Formæ ejusmodi colligij dabuntur infra sub qualibet meditatione. 2dum est Petitio Divini Auxilij pro confirmatione omnium dictaminum, affectuum & actuum in meditatione conceptorum. Tum oblatio eorundem Divinæ Majestati. vg: per hos actus: *Domine quidquid cum Tua gratia in hac oratione concepi, Tibi toto Corde offero. Tu qua statui perfice, quidquid neglexi corrige, quid quid deliqui parce.* 3tum est Continuatio orationis, quæ fit per frequentes reflexiones super ea quæ in meditatione hausimus, proposuimus, hoc enim est juxta Apostolum. Thessal. 5. *Sine intermissione orare.*

CAPUT II. MEDITATIO

De

Passione D. N. IESU CHRISTI

Ist hæc Meditatio potest institui, sive recolendo particularia Mysteria Passionis Christi, sive considerando generales ejusdem circumstantias, nempe: Quis patitur? Quæ patitur &c. uterq; modus hic porrigetur breviter: ad captum & usum Tyronum: sit igitur.

CONSIDERATIO I.

Quis est qui patitur?
Respondetur Patitur
Deus & Homo. Deus verus de Deo vero. Filius
æterni Patris. Ille Deus cujus essentia est omnis per-
fectio,

fectio, cujus tempus est æternitas, cujus locus est immenſitas, cujus vita eſt immortalitas, cujus natura bonitas, cujus virtus eſt Omnipotentia, cujus opus eſt ſapientia, cujus ſtatus eſt beatitudo. Ille Deus cui ſerviunt Angeli, cui omnes Creaturæ obediunt, coram quo Columnæ Cæli contremiſcunt. Ille Deus illuditur, conſpuitur, cæditur, conculcatur, blaſphematur, patibulo affigitur & moritur.

Ille Homo patitur. Sanctior Angelis & Hominiſus. Sanctus per unionem Divinitatis. Sanctus per gratiæ plenitudinem. Sanctus per vitæ innocentiam. Ille Homo Patriarcha Digniſſimus. Propheta fideiſſimus. Rex abſolutiſſimus. Filius Virginis Mariſis ſpecioſiſſimus, Meſſias deſideratiſſimus, Pontifex Maximus, Paſtor vigilantiffimus, Doctör Sapienſiſſimus, Sponſus animarum lectiſſimus, Amicus ſinceriffimus, Benefactor liberaliſſimus, Pater amantiſſimus, *Reſpecte Te* Tantus Deus tanta Perſona, tanta Dignitas, pro quantq te patitur? an non pro Creatura abjectiſſima? culice uno, & cane mortuo uno? pro ſuo hoſte, pro rebelli ſubdito &c. Erumpe hinc in Affectus Admirationis, Compaſſionis, timoris &c. Elice actus fidei, adorationis, humiliatiõis ſui, doloris de peccatis, fac propoſita convenientia.

CONSIDERATIO II. *Quæ* Chriſtus patitur? *Reſponſum.* Patitur in anima ſummum mærorem, cujus hæ fuerunt Cauſæ. I. Peccatorum etiam nefandiſſimorum multitudo ac enormitas, quæ mentem ejus puriſſimam tumultua-

tim obruetat. 2. Zelus Christi contra tot tantasq; Divinæ Majestatis offensas, contemptions ac injurias, de quo dixit Ps. 118. *Tabescere me fecit zelus meus.* 3. Vilitas atq; indignitas hominum, peccatorum, hostium, ad quos tamen amor Jesu se extendere debebat. 4. Ingratitudo hominum sic à se dilectorum, redemptorum, maximè specialius à se vocatorum, uti Sacerdotum Religiosorum. 5. Exiguitas fructus Passionis suæ ac sterilitas ejus in innumeris animabus damnandorum 6. Consideratio vivacissima suorum cruciatuum, contemptuum, opprobriorum 7. Dolor mutuus in tenerrimo corde Virgineo Matris suæ, supra omnes Creaturas sibi dilectæ, qui animam ejus ceu gladius millies pertransibat, & viscera pientissima commovebat.

2do. Patitur in Corpore suo delicatissimo summum dolorem, cum in eo nullus fuerit sine vulnere latus, nullus absq; laniena sensus; nam. 1. Caput ejus benedictum fuit millenis sentibus transfixum, qui usq; ad Cerebrum & oculos penetrabant. 2. Aures à petulca hominum sæpe ignominiose vellicatæ, laniis & blasphemijs impletæ. 3. Oculi castissimi, timeto, arenâ, pulvere oppleti, inhumaniter contuli, natantes in lacrymis, & largo sanguine. 4. Nares olidis facibus in putido Cedrone, in Caiaphæ carcere irritatæ. 5. Os pugnis contusum, luxatæ gingivæ, dentes emoti. 6. Rosæ Genæ ac veneranda facies alapis immaniter cæsa, ac sputis defæcata. 7. Collum gravibus catenis & contortis funibus ad ossa exesum. 8. Humeri trabali pondere

Crucis, attriti, onerati, & gravissime vulnerati. 9. Pectus, cor & pulmones à dolore, langvore, deliquio suffocati. 10. Dorsum flagellis dirissimis ad costas laceratum, ac in frustra pene concisum. 11. Genua in scabroso montis ascensu concussa, debilitata. 12. Manus pedesq; trabalibus clavis contusi, confixi & transfossi. Totum deniq; Corpus JESU inhumanissimè raptatum, sudibus, pugnis, lanceisq; protrusum, omni decore spoliatum, propudiose nudatum, ad terram lapidesq; toties allisum, inhumaniter conculcatum, in Cruce quasi equuleo distentum; verbo: unâ bestiâ pejus fuit tractatum.

Reflecte te hinc, & attende: quanta JESUS amore tuæ salutis patitur? quantilla tu amore ejus, amore animæ tuæ, facias aut pateris? Erumpe in affectus admirationis super JESU amorem & dolorem, super Judæorum furorem, super tuam duritiem & ingratitude. Elice actus confusionis sui, compassionis, salutationis singulorum sensuum Christi.

CONSIDERATIO III. **A** quo Christus patitur? & imo. patitur imputativè. Tum à Deo Patre, qui sic dilexit mundum ut Filium suum Unigenitum daret pro eo, & traderet ad horrendos cruciatus. Tum à se ipso, idest à propria voluntate, à proprio idq; flagrantissimo humani generis amore, à ferventissimo redemptionis nostræ desiderio; nam dilexit nos & tradidit semetipsum pro nobis. Tum à SS. Matre sua, SS. Patriarchis & Prophetis, qui assiduis gemitibus

mitibus optarunt, implorarunt futuram Christi Passionem. Tum deniq; à dæmonibus qui totam vim, rabiem, industriam exerebant ad cruciatus & ignominias Christi.

2do. Patitur realiter à gente olim electa & dilecta, tot beneficijs suis cumulata & obstricta. A scribis, Phariseis, Sacerdotibus, Deum verum colentibus, Prophetias de Christo legentibus & scientibus, ac solo livore, odio in eum tabescentibus. A. Judicibus iniquis, à Ministris impijs, à lictoribus crudelissimis pretio conductis & corruptis, à lixis vilissimis, diabolico furore percitis & concitatis. Ab illis quoq; non paucis, qui in eum jam crediderant, qui miracula ejus viderant, qui beneficia sanitatum ab eo acceperant. 3tio. Patitur affectivè à peccatoribus; nam unaquæq; plaga, quodlibet vulnus repræsentabat aliquod genus, speciem, vel numerum peccatorum. Tum etiam quatenus Christus prævidebat ab innumeris peccatoribus contemnendam, conculcandam, & in dies per scelera renovandam suam Passionem juxta illud Aposto: *Hebr: 6.* Rursum crucifigentes in semetipsis Filium Dei. Reflecte Te hinc & considera Cælum, Terra, & infernus commovetur, deservit in Christum innocentissimum, imo nec sibi ipsi parcat, ut te redimat & salvet. Quid mirum si te affligant nonnulli homines? si divexent tentationes, si morbi, si infauisti casus alterent? hominem nocentissimum, & fors mille inferis dignum?

Errumpe in affectus admirationis, gratiarum actionis

onis Deo Patri, ipsi Christo, Ejusq; Matri. Elice
actus doloris, detestationis peccatorum, propone
emendationem &c.

CONSIDERATIO IV. PRO quo Christus patitur.

1.^o imo. Patitur Chri-
stus quantum ad sufficientiam Passionis, quantum ad
desiderium nostræ redemptionis, pro omnibus omni-
no hominibus tam electis quam reprobis. Patitur por-
ro Crea-tor pro vilissimis creaturis: patitur Amator
æternus pro odiosis & ingratis, patitur Innocentia
pro sui cordis tortoribus: patitur merus & miuus
Amor pr. suis inimicis & Crucifixoribus. Patitur pro
injustis ut convertantur & salventur: patitur pro ju-
stis ut amplius sanctificentur. 2.^{do} Patitur quan-
tum ad finalem efficaciam pro solis amicis, electis
& prædestinatis. illis nempe qui in illum vivâ fide
credunt, qui amore ejus fervent, qui zelant pro
ejus honore, qui salutem animarum studiose curant,
qui amore ejus quæq; adversa constanter patiun-
tur, qui terrena contemnunt. æterna concupiscunt,
qui se heroicè abnegant & vincunt, omnemq; Dei of-
fensam averſantur. Hæc namq; sunt prædestinato-
rum signa & stemmata electorum Dei.

Refle&te te hinc. Num hæc Signa in te elucescant?
num efficacem in te sperare valeas Passionem Chri-
sti? si elucescunt, humiliter age gratias Deo, &
cum timore salutem tuam operare. Si secus? ex-
horresce, & juxta *S. Aug*: Si non es predestinatus

fac ut

fac ut prædestineris, id est age, æmulare opera electorum Dei, nè tuâ tepiditate sterilem reddas tantam *Passionem*. Erumpe in affectus timoris. Elice actus doloris de peccatis, petitionis ut *Passio* Salvatoris tui sit tibi fructuosa & salutifera. Proponere aliquid heroicum propter amorem *IESU* tui.

CONSIDERATIO V. **Q**uomodo *Christus* patitur? *g.* Quadrupliciter. imo. Amanter seu gratanter; nam patitur ex summo amore sui Patris æterni, ita ut quodcunq; sustinuit, potuisset dicere: Ut sciat mundus, quia diligo Patrem! Item ex amore omnium & singulorum hominum, pro quibus se vadem & fideiوسفorem obtulit æterno Patri & quorum redemptionem, sanctificationem & glorificationem ardentissimè sitiebat. 2do Obedienter; subiecit namq; voluntatem suam Deo Patri absolutissimè: at quod magis subiecit eam Iudicibus iniquis, hostibus insensissimis, lictoribus sævissimis, imo & ipsis dæmonibus cruciatuum suorum cooperatoribus. 3tio. Patienter: nec Verbo nec Signo quopiam indignationem præseferendo, nullum in doloribus levamen querendo, nullum respirium admittendo, nullam vindictam cogitando, imo inimicis veniam exorando, Verbo: tanquam agnus coram tondente se obmutuit & os suum non aperuit. 4to. Humiliter. nam quasi novissimus virorum factus est opprobrium hominum & abjectio plebi. Pro malefico impostore, seductore habitus, pro fatuo, blasphemio, sacrilego

sacrilego proclamatus, inter sceleratos reputatus, patibulariâ morte multatus &c.

Reflecte te: quomodo JESUS. in passione sua patientiam exhibet singularem, humilitatem admirabilem, obedientiam absolutam, charitatem inæstimabilem. Quomodo tu in his virtutibus profeceris? quomodo eas vel in minimis molestiis, exerces? An exemplum patientis JESU attendis?

Erumpe in affectus desiderij virtutum Christi. Elice actus confusionis, vilipensionis tui. Propone aliquod opus singulare humilitatis, vel obedientiæ vel patientiæ.

CONSIDERATIO VI. *Quare Christus patitur?*

R. Aliæ Causæ fuerunt ex parte Dei, aliæ ex parte nostri. Causæ ex parte Dei fuerunt 1. Ostensio Divinæ Sapientiæ, dum idem est Redemptor qui & Creator, ut uni Deo debeamus nostram salutem, & reddamus gratitudinem. 2. Ostensio Divinæ Justitiæ, cuj æqualitatem satisfacere pro peccatis non potuit, nisi Persona dignitatis infinitæ 3. Ostensio charitatis & misericordiæ Divinæ, cum tam magnô pretiis Sangvinis Christi, redemit captivos, sublevavit miseros, & in gratiam recepit inimicos. Causæ ex parte nostri. 1. Ut convincamur quanto odio Deus habet peccata, quæ tam gravibus cruciatibus in dilecto Filio suo voluit expiari. 2. Ut nos doceret Deus, quanta damnati patientur pro suis peccatis, si Christus tam dira pertulit pro alienis. 3. Ut nobis Christus esset pro exemplo contemptus, humilitatis,

litatis, patientiæ, mortificationis &c. quæ omnia in summo gradu commonstravit in tota sua Passione. 4to. Ut nobis Christus quasvis hujus vitæ misérias, tribulationes, dolores, ac mortem dulcoraret; cum ipse Sanctus & innocens tam dira & extrema sustinuit. 5. Ut nobis Christus patiens esset fomentum & illicium nostri erga se amoris; nam si nostra saxea corda non afficiuntur tanta pro nobis patienti, quid si nihil, aut modicum aliquid pateretur?

Reflecte te, an ignaviam cordis tui exemplum patientis IESU excitet & depellat? an duritiem animi tui, tantus e us amor penetret ac emolliat?

Erumpe in affectus æstimationis Divinæ Sapientiæ, apprehensionis Divinæ Justitiæ, redamationis Divinæ charitatis, timoris pænarum infernalium. Elice actus approbationis, adorationis istarum Divinarum perfectionum, Gratitude, odij peccatorum, humiliationis, amoris erga IESUM amorem tuum Propone in heroico amore ejus exerceri, actus illius frequenter elicere.

*Conclusio harum Considerationum,
per Orationem Dominicam.*

*P*ater noster qui es in Calis. O Pater misericordiarum, qui dilectum Filium tuum tradidisti, ut redimeres servum, respice me filium iræ, filium vindictæ, filium gehennæ, & amore ejus qui pro
me tam

me tam dira pertulit, ne proicias me à facie tuâ; neq; despicias in æternum. *Sanctificetur nomen Tuum* in tota Passione Filij tui contemptum, blasphematum: utinam sanctificetur per omnes actiones meas, per Sancta opera hominum & Angelorum. *Adveniat Regnum tuum*: quod comparavit nobis laboribus, sudoribus, doloribus suis, Filius dilectionis tuæ. *Fiat Voluntas tua sicut in Cælo & in terra* ut simus memores ac grati tantæ Passionis eam in Corde fovendo, eam per bona opera nobis applicando, & per malorum sustentiam adimplendo. *Panem nostrum &c.* Panem Angelicum qui de Cælo descendit, frumentum electum in Passione contritum da nobis in alimentum animæ, in delectamentum cordis nostri. *Et dimitte nobis debita nostra* Per meritum amarissimæ Passionis Christi, per sanguinem ejus pretiosum, per viscera Misericordiæ tuæ. *Sicut & nos dimittimus debitoribus nostris*: amore & imitatione ejus, qui inimicis suis ignosci petiit in Cruce, & pro transgressoribus oravit. *Et ne nos inducas in tentationem* quæ nos deberet vincere, & ab amore tuo separare. *Sed libera nos à malo* non gauendi fructu Passionis Christi, non videndi faciem tuam, non amandi Te in æternum.

CONSIDERATIONES

De Myſterijs Paſſionis Chriſti

Chriſtus in horto ſudat & comprehenditur.

CONSIDERE: I. **Q**uomodo exultat Salvator noſter ad currendam viam Paſſionis? Quam alacri paſſu, hilari mente, hymnô cantatô viam proſequitur ad hortum, ut attonitos redderet Diſcipulos? Quam humiliter genuflexus, licentiam patiendi & moriendi accipit à ſua Matre benediſta? Quam amanter Diſcipulos à tentatione cavere ac vigilare doceat? Quantô fervore, quantâ inſtantiâ prociſius in terram Patrem æternum exorat? Quam reſignatè ad præſentatos ſibi omnes cruciatus, voluntatem ſubijcit? Quantum ex conſideratione peccatorum noſtrorum dolet, pavet, tædet, & mæret? in omnibus ſenſibus, venis, arterijs violentiam agoni ſimilem patitur? Quam largum ſanguinem ex toto corpore ſuo prolicet, qui uſq; in terram decurrebat? Ah! & quam majora patitur ex horto egrediens? Ab ingratiffimo Juda nefariè traducitur, doſoſe proditur, & fraudulentum oſculum benignè ſuſcipit. Ab hoſtium cohorte, funibus, catenisq; conſtringitur, raptatur, pugnis calcibusq; protruditur, in ſætidum Cedronem unâ beſtiâ vilius proijcitur, ſordibus ſædatur, ut execrabilis Principibus appareret.

Reſpecte te ſuper horum ſingula. Admirare in Chriſto

Christo patiendi pro te desiderium, in te damna patiendi Christiiformiter fastidium. Attende JESU erga Matrem suam reverentissimum, erga discipulos tenerrimum affectum: & recogita tuam in cultu ejusdem Matris desidiem, in charitate proximi languorem duritiemq; cordis. Revolve tuam in oratione ariditatem, in adversis renitentiam voluntatis. Demum perpende tantos JESU contemptus, dishonores ac dolores.

Erumpe in affectus admirationis & compassionis. Elice actus doloris, amoris. Propone aliquem dishonorem, ingratitude, heroicè pro Christo de- roquere.

Christas apud Annam & Caipham.

CONSI. II. Quam probrose dignissimus JESUS à tumultuante cohorte, inter sanctas & ludibria, ad Curiam Annæ adducitur? Quam torvis lividisq; oculis ab eo respectatur, de imposturis inquitur. temere judicatur, & tacet fere ad omnia? Pro mitissimo responso quam recipit mercedem? Alapam, non solum ignominia, sed etiam immanitate gravem, inflictam manu armata, ita ut Christus in terram sit prolapsus, ita ut dentes omnes concusserit sanguinemq; ex illis emoverit. Alapam: à quo? a vilissimo homunculo, ab ingrato beneficij Malcho, cui præcisam aurem non pridem restituerat. Insuper exceptâ unâ alapâ in genis, mox secundam excipit in corde: illam ab ingrato Malcho, hanc ab infido discipulo Petro, dum

dum ad unam compellationem ancillæ pernegat, ejurat Christi consortium, nomen ac Personam, idq; iterum ac iterum sub anathemate confirmat. O quæ demum in Caiphæ domo patitur JESUS! Adjuratus per Deum vivum, Filium Dei se palam fatetur, non tamen é duris Cordibus elicit fidem sed rabiem. Pro impostore, Sacrilego, blasphemo à furente Caipha proclamatur, ab impijs Ministris sputa, convitia, pugnos & colaphos refert. Ad carcerem inhumaniter trahitur, propeffitur, totâq; nocte ea patitur opprobria, quæ rabies Luciferi excogitare, quæ malitia hostium exercere potuit, quæ nec Evangelistarum calami exprimere valuerunt. Summo mane ad Concilium perductus vix spirans, vix hians, pudore, fæto afflictus, audit iniqua contra se decreta, inter 72. Assessores vix unum vel alterum agnoscit suæ faventem innocentia.

Reflecte te super his omnibus doloribus, contemptibus dilectissimi JESU & perpènde, an aliquando non fueris ingratus Christo, Benefactori tuo, Malchus? qui enim cæsus est olim alapis Judæorum, nunc cæditur blasphemijs falsorum Christianorum. An non fueris tibi nimium præsidens & Christo infidus Petrus, ejurans illius si non nomen, certe mandata, consilia salutaria? An non Caiphas deserviens in Christum vel in membra ejus sub colore zeli, pietatis? Erumpe in affectus intimæ compassionis. Elice actus doloris de peccatis, fidei in Christum. Propone diffidentiam in tuis viribus, agnosce tuam in bono inconstantiam.

Christus

Christus apud Pilatum & Herodem

CONSI: III. **Q**uomodo infensissimi Judæj discernunt Christum offerre Pilato Præsidi ad mortem condemnandum? ô quantis cum ludibrijs, clamoribus, impropertijs ad Pilati Curiam trahitur, ligatus catenis iniquo Judici sistitur, calumnijs obruitur, à falsis testibus accusatur? Ad latratus hostium tacet, adeo ut miraretur Pilatus, ejusq; innocentiam agnosceret. Remittit proinde JESUM ad Herodem: à quo ob mirum silentium & modestiam spernitur, pro fatuo judicatur, & more scurrarum albâ veste induitur. Rursus ad Pilatum inter ludibria & sannas adducitur, Barabæ latroni ab eo componitur, à Judæis postponitur: acsi latronibus pejor? Quomodo nullâ in eo causa mortis agnitâ impius Præses, tradit illum in manus & voluntatem hostium? ô quam lætabantur, ô quam exultabant de victo JESU quasi victores captâ prædâ! ô quam propudiosè vestibus spoliant, & virginea illa candidissimi corporis membra denudant? ô quantus rubor, ô quantus pudor infundit modestissimas dilecti JESU genas! quanta implevit faciem Ejus verecundia? Ah: quot oculi tot tortores! ô quanta cum ferocitate alligatur uni Columnæ? vinciuntur manus ejus tornatiles aureæ contortis funibus, tam barbarè tam inclementer ut liverent, rigerent, & sanguinem prolicerent. Ah cum quanto furore militum ære corruptorum cæditur, laceratur, exaratur, & in frusta conciditur,

duratis

duratis nervis, flagris virgisque spinosis? tot mille plagas, tot mille subit vulnera, usque ad costas excarnificatus. Demum ceu bestia vilis relinquitur, nullo medicamine fatus, nullo cordiali præter sanguineas emorientis Matris suæ lacrimas relevatus.

Reflecte te super innocentia tui IESU, super mirabili ejus inter calumnias silentio & patientia, super extremis contemptibus, super inhumanis & diris cruciatibus. Dispice tuam in minimis dishonoribus sensibilitatem, commotionem, vindictam &c. in minimis doloribus remurmurationem, conniventiam corpori tuo &c. Erumpe in affectus intimæ compassionis, admirationis. Elice ætus gratulationis innocentiae Christi, adorationis profundissimæ pro tantis contemptibus. Propone aliquod opus humiliationis, disciplinam &c.

Christus IESUS Spinis coronatur

CONSIDE IV. Quomodo vix spirans præ dolore IESUS, rursus à militum cohorte arripitur, violenter propriâ veste ac retâ recentibus vulneribus exuitur, unâ sordidâ laciniâ ad ludibrium induitur? Quomodo densis acutisque spinis coronatur? quæ cranium, cerebrum, ipsosque oculos penetrarunt, aures benedictas lancinarunt? Quomodo in uno vili trunco locatum illusorie adorant, insultant, blasphemant, milleque probris impetunt? Quomodo velatum diris afficiunt, alapis implent, dicentes: Prophetiza quiste percussit? Quantum in corde IESU dolorem hæc illusiones &

contemptus exivere? Ut rescivis hæc infanda Pi-
latus, ut vidit sic cruentatum, sic afflictum JE-
SUM, animo commotus, produxit illum in publi-
cum, toti populo monstravit dicens: Ecce Homo!
ac si diceret: veniat vobis in mentem hunc esse
hominem non bestiam! Ô corda inhumana! Ô men-
tes insensata!

Reflecte te super tot novis doloribus, vulne-
ribus, illusionibus Regis tui, perpende tam dira in
corpore, tam amara in Corde patientem JESUM,
ac revolve quomodo vivas? num ad honorem,
num ad confusionem Domini tui? num tot spinas
non defixisti in ejus capite quod commisisti culpas?
An non toties Majestati ejus illulisti, quoties pro-
posita sancta, vota, juramenta infregisti? proximos
tuos irrisisti, contempsisti, conturbasti? Ah!
abominatio Domini est omnis illusor!

Erumpe in affectus intimæ compassionis, proster-
nere isti Regi amabili, redde homagia profundissima.
Elice actus adorationis, redamationis. Versa in
animo illam S. Bernardi Glossam: Ecce homo su-
pra hominem! Ecce homo infra hominem! Ecce
homo intra hominem! Ecce homo supra hominem!
Propone illusionem tui patienter decoquere, ab
illusionem aliorum abstinere.

Christus IESUS Crucem bajulat.

CONSIDERATIO V. Quomodo inaudito à se-
culis exemplo, infame
patibulum crucis portare cogitur JESUS? Quomodo hu-
do hu-

De Passione D. N. IESU Christi. 67

de humeris mitissimi Agni enervatis, conticisti, & excoariatis, ponderosa Crucis moles violenter imponitur? quam amanter illam suscipit? quatenus fortiter bajulat? usque ad suffocationem, usque ad desectionem virium? Proinde toties sub tanto pondere corruit, allidit caput, faciem, manus genuaque ad saxa. Toties convulneratur spiritus, Hectorum pedibus conculcatur. Ah! ô quos scormmata, insultationes, blasphemias, maledicta, auribus excepit à numerosissima plebe? Quam commota sunt viscera ejus, super occurrente sibi dilecta Matre sua, quæ mærebat, & dolebat & gemebat, & languebat videns tantas Nati pœnas inclyti, quæ se pro eo ad crucem, ad mortem ex corde offerebat? illaque suis precibus evocat ut socium itineris & adiutorem oneris admittere dignaretur. O quantum dolorem in Corde IESU vel hoc emovit, quod innumeros viderit socios consolationis, nullum voluntarium comitem suæ Passionis! Unus Simon Cyrenæus succollat onus Christi, at ô quàm invitatus, quàm reluctans? exemplo cæteroquin patientiæ suæ inflammatus; spontè deinceps tulit crucem, quam illibenter accepit. Perpende tandem, quanto cum fustore oneratus JESUS raptabatur? quomodo facies Ejus benedicta à insolenti, populi sæce, luto, arena, fimeto oppleta fuerit? quam oculi ejus à largo sanguine & sordibus caligaverint? quam omni decore fuerit spoliatus? adeo ut B. Veronica ex horruerit, & piâ devotione linteum abstergendo vultui IESU admoveat, mercedemque suæ pietatis,

imaginem vultus Ejus receperit? Attende insuper quomodo jam exhaustus viribus sub crucis trabe procumbat, langveat, quasi torculari oppressus? Quid levaminis referat? fel abominabile, myrrham & acetum.

Reflecte te super singulos dolores JESU, tam in corpore quàm in animo. Dispice an Mariam consolantem, Veronicam compatiientem, Simonem succollantem JESUM, imitere? num illos illusores, contemptores, conculcatores onerati Christi.

Erumpe in affectus admirationis super furorem Judæorum, compassionis super Filium dolentissimum & matrem dolentissimam. Elice actus adorationis, amoris, doloris &c. Propone aliquam Crucem internam vel externam amore Jesu fortiter sustinere.

Christus IESUS Crucifigitur.

CONSIDERATIO VI. Quomodo vix jam hiantem JESUM sævis-
simi tortores, vestibis concretis sanguine violent-
ter ac propudiosè spoliant, coronam spineam ab-
strahunt & rursus violenter intorquent, novaq;
vulnera infligunt? In paratam crucem gravi impe-
tu proijciunt, Manus innocentissimas ad foramina
catenis & funibus attrahunt, clavis trabalibus con-
cutiunt, vulnerant & transfigunt, pedes similiter
raptant, attrahunt, & cum intolerabili dolore per-
fossos configunt, extendunt velut in equuleo Re-
gem Martyrum & virum dolorum. Ah! quomodo
ne à corporis mole de Cruce decideret, in terram
diabo-

diabolicâ rabie facietenus convertunt, clavorum cuspides reflectunt? & totum IESUM ut vermiculum unum conterunt? O quanto cum dolore tam dira tormenta pertulit IESUS? ô quanto vidit hæc Mater ejus amantissima? quot pulsus fuere clavorum, tot in Corde ejus gladij dolorum! quot vulnera excipiebat IESUS in corpore, tot pia Mater in Corde. Obtulit IESUS in ara crucis in salutem nostram sacrificium Corporis, obtulit pia Mater Sacrificium Cordis.

Reflecte te, quomodo cor tuum saxeum hæc tormenta dilecti tui permovent? An & quomodo afficeris IESU Crucifixo? Quoties gemis, ejulas super tantis cruciatibus IESU? An Christo confixus es cruci cum S. Paulo, per fortem dilectionem, per votorum observantiam? &c.

Erumpe in affectus intimæ compassionis, desidera amorem dolorem Bs. Virginis super Filium suum. Clama ad Cor ejus vix hians & spirans: Eja Mater fons amoris, me sentire vim doloris, fac ut tecum lugeam: Sancta Mater istud agas, Crucifixi fige plagas cordi meo valide. Elice actus amoris, gratitudinis. Propone frequentiolem, ferventiolem memoriam amarissimæ IESU Passionis.

Christus moritur & sepelitur.

CONSIDERATIO VII. Quomodo jam seminecem IESUM impij carnifices cum trabe crucis in aerem leuant? Quot machinis, quot funibus, quot contis pendulum

e Cruce JESUM nunc in hanc nunc in aliam par-
 tem impellunt? deniq; in excavatum scrobem cum
 gravi impetu deiciunt? O quanta cum angustia ad
 terribilem hanc concussionem disjuncta sunt Chri-
 sti membra, conturbata interiora ejus & cuncta ossa
 cum incredibili dolore loco mota? O quam aperti
 canales pretiosi sanguinis: quos impiorum pedes
 conculcabant, Angeli SS. colligebant, Sancta ama-
 trix Magdalena servabat. Quomodo nihilominus
 amantissimus JESUS septem ultimis verbis condit
 testamentum: Hostibus suis exorat veniam, Latroni
 offert paradysum, Lectissimam Matrem, commen-
 dat Joanni, Joannem Matri. Sicum salutis nostræ
 ardentem declarat. Derelictum se absq; omni so-
 latio docet. Patri in manus purissimum Spiritum
 commendat. Consummatum esse omne, quidquid
 Prophetæ prædixerunt, contestatur. Et inclinato
 capite emisit Spiritum. Jam mortem appetiit Au-
 thor vitæ, sed nondum hostium furor cessavit.
 Insultant mortuo JESU, nec ullas majores legitur
 blasphemias pertulisse quam pendens in cruce. Jam
 defecere in saviendo manus Judaicæ, sed lingvis
 pungunt ut gladijs, trajciunt ut sagittis. Unus in-
 super militum lanceâ latus ejus aperuit & cor trans-
 fixit, residuumq; sanguinis & aquæ ex illo emovit.
 Judæi ut sceleratum & infamem absq; honore se-
 pulcræ in patibulo relinquunt. Sepelitur tamen
 ab amicis, deploratur à Joanne, Magdalena & alijs
 paucis, conditur unguentis, à Matre dolentissima
 uberrimis lacrymis irrigatur.

Refle-

Reflede te quomodo tu toties levasti JESUM in sublime, dum illum ori tuo in Sacramento apponis! Revolve singula morientis JESU verba, & ex illis concipe documenta salutis & stimulos amoris. Demum, an non aperuisti aliquando contra JESUM linguam tuam? an non blasphemasti verbis vel operibus? Erumpe in affectus compassionis, redamationis. Elice actus doloris, deprecationis, gratiarum actionis pro tanta Passione.

Propone Dolentissimam Ejus Matrem imitari.

*Colloquium cum Deo Patre, cum
Christo patiente, & SS. Ma-
tre Ejus.*

O Pater æternè! quotusq; misericordia tua super exaltat judicium? ut servum redimeres, Filium dilectionis tuæ tradidisti. O mira misratio! O charitas sine modo! ut adoptivo recedenti à te parceres, Unigenito & consubstantiali Filio non pepercisti, sed Eum propter scelus populi tui percussisti. O mira Justitia! peccavit iniquus & punitur justus! deliquit reus & innocens punitur! offendit impius & punitur Pius! admiror tantam Charitatem, adoro tam severam Justitiam, & timeo tot sceleribus meis millies irritatam. Sed respice quæso benignissime Rex quis patitur? Intuere dulcem natum pro me toto corpore saucium, & remitte meum reatum. Cerne manus innoxias, pro manantes cruore & remitte placatus scelera, quæ
patra.

patrarunt manus meæ. Aspice mitissime Conditor Filij dilecti Humanitatem, & miserere super infirmi plasmatis debilitatem. Vide Dei hominis prænam, & relaxa conditi hominis miseriam. Cerne Redemptoris supplicium & redempti dimitte delictum. Si me [ut dignum est] pro mea despicias iniquitate, respice me saltem pro dilectæ sololis charitate. Respice tremendum cunctis potestatibus Caput, spinis coronatum, arundine percussum, & dimitte capitis mei nefandos cogitatus. Respice in speciosissimam Faciem sputis deformatam & alapis cæsam, & ignosce impudentiam faciei meæ. Respice in serenissimos oculos lacrymis persusos & remitte extollentiam oculorum meorum. Respice in os gutturq; suavissimum felle & aceto potatum: & ignosce quidquid peccavi per verba & palatum. Respice in collum humile dorsumq; flagellis laceratum, & obliviscere quod duram cervicem contra te gessi. Respice venerabile Pectus, amoris Sacrarium, & dimitte ratiem & odia quibus pectus meum fuit inflammatum. Respice in sacra misericordiæ genua, pro nobis in oratione flexa, Pedesq; adorandos clavis confixos, & dimitte quod ambulaverim in via iniquitatum. Respice in Latus & Cor mitissimum, lanceâ militis perforatum, & dimitte pravos cordis mei affectus. Respice hæc omnia Misericordiarum Pater & miserere mei. Habes utiq; in Filio, quo propitius sis servo.

O æternæ Amator meus! ô innocentissime, O dolentissime JESU! Quid commisisti. Ictissime Juve-

nis,

nis, ut sic judicareris, ut adeo dure tractareris,
immaniter cadereris? Quod scelus tuum, quæ no-
xa tua, quæ causa mortis? certe nihil meruisti,
nisi quia nimis amasti: amor Te in has angustias re-
degit, amor in hæc tormenta impulit, amor ad
omnia pro me subeunda instigavit. Ego sum qui
peccavi, ego Te prodidi, ego flagella supra dorsum
tuum congregavi, ego in Caput tuum spinas im-
pegi &c: ego tuorum primas carnificum, ego tui
sanguisuga cruoris fui, ego vulnera vulneribus ad-
didi, dum iniquitatem apposui super iniquitatem.
Ego sum o IESU tui plaga doloris, Tux occisionis
culpa, Tux mortis meritum, Tux vindictæ flagel-
lum. Quid igitur retribuam Tibi pro tanta chari-
tate? quid pro tanta mea impietate? fundam sangvi-
nem, sed nocentissimus est, dignissimus quem ca-
nes lingant & porci spurcissimi conculcent, fun-
dam lacrymas, sed immundæ & venenatæ sunt?
Gemo tamen & ululo ad pedes tuos, faciam mihi
luctum velut draconum, faciam planctum quasi stru-
tionum. Exitus aquarum deducant oculi mei, neq;
pacebit pupilla oculi mei, dum Te sic me aman-
tem cerno, sic dolentem pro me video. O utinam
dulcissime IESU congregentur in cerebrum meum,
in oculos meos omnes illæ lacrymæ, quas super Te
effuderunt, & adusq; fundunt omnes SS. Amato-
res & Amatrices tuæ, & præsertim illæ quas cum
sangvine mistas eliquavit Mater pulchræ dilectio-
nis Dolentissima Virgo. Et quia omnibus sensibus
potentissq; meis te offendi & Passionem tuam nul-

Iles renovavi, adduco Tibi omnes hos sicarios
 tortoresq; Tuos. Uiscere Domine in illis injurias
 Desiccati Cordis tui, ure, seca, affige, & ego di-
 cam: Merito hæc patior quia in Te peccavi Fra-
 trem meum in assumpta carne dilectissimum, in
 Patrem amantissimum, in Sponsum lectissimum.
 Infige omnibus membris meis pretiosissima vulne-
 ra tua, sensus in obsequium captiva, & ad servi-
 endum Tibi coapta, ut toto me Tibi serviam, qui
 toto te pro me es passus. O pretiosissima JESU
 vulnera, amoris monumenta, redemptionis nostræ
 pretia, salutis meæ pignora: adoro vos, saluto vos,
 exosculor vos, invoco vos. Salvete, salvate me:
 O Crucifixe JESU, totus mihi quæso figaris in cor-
 de, qui pro me totus fixus es in Cruce. O Regi-
 na dolorum: ô Mater Filij Dei matissima: o mare
 amaritudinum MARIA: cujus animam gladius per-
 transtivit, cum verbera cum vulnera Tui dilectis-
 simi nati inspiceres. Sit mihi obsecro cor tuum
 schola compassionis, sit mihi palæstra & exercitium
 pro Te & Filio Tuo patiendi. Vulnera quæso ô
 Domina cor meum & in corde meo, tuam & Filij
 tui renova Passionem. Rumpe cor meum ô Mater
 dolorosissima, & calentibus lacrymis resolve illius
 glaciū, ut liquefiat amore patientis JESU. Per
 illos pectoris æstus, & per violenta deliquia cordis
 tui precor, inflamma cor meum frigidissimum,
 emolli durissimum, ut æstuet, ardeat, totumq; igni-
 tæ vi amoris JESU consumatur. O utinam Ma-
 terno corde tuo compatiar Filij tui doloribus:

utinam

utinam corde Filij tuis angoribus: Tu enim ô Ma-
ter benedicta in Passione illius doluisti super omnes
Creaturas, quia super omnes illum nosti & amasti.
Tu simul cum dilecto Filio dirè flagellata, spinis
coronata, cruce attrita, in cruce confixa fuisti,
dum quod JESUS visibiliter sustinuit, Tu invisibi-
liter es perpeffa. Vidisti JESUM morientem in
corpore, vidit te JESUS commorientem in cor-
de. O quanti fluctus tristitiæ obruerunt animam
tuam, dum eunti ad mortem occurreres, cum mori-
turo valediceres, dum conculcatum cerneres, dum
acclavatam respiceres, dum mortuum roseo sinu
exciperes, dum sanguineis lacrymis deplorares, &
sepulchro recorderes. Per has omnes angustias
amanissimi Cordis tui te obsecro, impetra mihi
uberem fructum tam amaræ Passionis, tam copiosæ
redemptionis. Impetra mihi ut Passio JESU in vi-
ta me confortet in bono, in morte protegat à ma-
lo. Et dum ad mortem venire me cernes, respice
pietissimis oculis, quibus morientem Filium respe-
xisti. Obvia mihi tunc Mater honorificata, præ-
senta caligantibus oculis pretiosa vulnera Filij tui
ostende viscera Maternæ pietatis tuæ. Monstra te
esse Matrem, recipe me in filium, & redde Filio
tuo, ut per te me suscipiat, qui tecum patiente me
redemit. *Præmissos affectus & actus si sapius re-
legeris & in praxim deduxeris, pro certo parient
tibi uberiores alios; nam sicut ignis generat alium
ignem, sic unus affectus alium in corde gignere
solet.*

CAPUT II.

MEDITATIO

De

SS. Eucharistiae Sacramento.

CONSIDERATIO I.

Quis est iste qui sumitur in SS. Sacramento? Et quis est homo à quo sumitur? *R.* 1. Ille qui sumitur? est verus Deus & Homo. *Altissimus* in Majestate, Dignitate, Sanctitate, omniq; cegitabili perfectione, tam increata quam creata. *Profundissimus* in humilitate, quam in tota vita, Passione ac morte luculenter demonstravit, at in hoc Sacramento mirabilius contestatur, dum ad unam vocem Sacerdotis etiam pessimi mox è Cælo descendit, in manus quandoq; impiorum se tradit: ad votum cujusq; in os ejus se demittit, in fæda viscera se deponit. Ah! quot porrò contemptus, abjectiones, injurias tolerat à Judæis, hæreticis, sagis, & alijs nefarijs hominibus? *Latissimus* in charitate, quam extendit usq; ad lethales inimicos, ad ingratos, pro eorum salute in cruce moriendo, & in hoc Sacramento præsentiam suam ubiq; terrarum usq; ad diem judicii exhibendo. *Longissimus* in sua Divina immensitate, in humanæ salutis desiderio, in expectatione nostræ conversionis, diu tolerans peccatorem, diu sustinens vasa iræ in interitum,

teritum, diu pulsans ad Cor ejus, diu clamans, rogans, vociferans, ut resipiscat, ut salvetur.

2. Ille à quo sumitur Christus, est homo, vilis & abjectus conditione mortalis fragilisq; naturæ, vilior conditione multiplicis culpæ, vilissimus conditione servitutis diabolicæ. Est superbissimus in schola humilis Christi, elatus fastuosus ambitiosus, nimium sibi confidens, amoris proprii mancipium, cæcus ad proprios defectus, oculatus ad alienos. Est arctissimus in Dei & proximi charitate, parcissimus in redhibenda Deo gratitudine, in Sanctis desiderijs. Est brevissimus in laudibus Divinis, in fructuosis laboribus, in mortificatione passionum, in salutaribus propositis &c. Reflecte te hinc ad Christi JESU excellentias & virtutes, hinc ad contraria in te vitia & malas qualitates. Adora, extolle JESUM, te ex animo atque vilifica.

Erumpe in familiarem S. Patriarchæ nostro affectum: *O Deus meus & omnia! Quis tu es Domine, & quis sum ego?* eidemq; immorare. Elice actus fidei, adorationis, doloris, de peccatis, confusionis sui, desiderij &c. tales namq; actus exquisitissima sunt præparatio ad Communionem. Proponere frequenter hodie in memoriam revocare: *Hodie Deum meum suscepi, hodie factus sum Conviva Christi!* Conclude per orationem Dominicam ut infra.

CONSIDERATIO II. **Q**Uæ nobis dantur in hoc SS. Sacramento?

R. imo. *Dogmaticè* Datur nobis vera Deitas &

Humanitas JESU Christi. Proinde cum Divinitate Christi dantur nobis [modo quodam ineffabili] omnes perfectiones Divinæ & illa Dei bona excellentissima, humanum caput numerumque excedentia. 2do. *Affectivè* Datur nobis in hoc mirabili Sacramento Corpus Christi conceptum ex Spiritu Sancto ex Virginea Matre absque illius corruptione generatum, speciosissimum præ filiis hominum, immaculatum, incorruptibile, gloriosum, sole & stellis clarior, sed usui nostro velatum, & in illo omnes partes Deitate consecrata, ita ut homini communicanti videatur dicere JESUS: Ecce do tibi Caput meum quod pro vobis spinis coronatum est: Do oculos qui pro peccatis vestris fontes lacrymarum facti sunt: Do aures pro vobis contumelijs oppletas: Do os meum pro vobis alapia contusum: Do manus & pedes, acutissimis clavis tebratos. Do viscera mea amore ardentia, præ dolore commota & contorta. Do Corpus totum flagellatum, quod nihil nisi vulnus erat.

Datur nobis sanguis JESU purissimus, amoris sui fomentum, redemptionis nostræ inestimabile pretium, Reliquia Sacratissima Virgineæ suæ Matris, alimentum olim corporis sui, nunc vero animarum nostrarum dulce nutrimentum.

Datur nobis Anima ter Sancta, ter beata, nostri amore toties usque ad mortem contristata: & in ea intellectus omni Sapientiâ cælesti plenus, voluntas nulli peccato obnoxia, memoria nusquam salutis nostræ oblita.

Refle.

Reflecte te, ô quanta tibi dantur in Christo & cum Christo? apprehendisti ne? æstimasti nè tanta bona? quæ tam raro memoriz tuæ obversantur? quæ tam languidum in te sui desiderium eliciunt? Attende quod tibi det JESUS quidquid est & quidquid habet? Tu quantilla JESU dare soleas? quanta tibi reservas? O utinam aliquando des totum pro toto!

Erumpe in affectus admirationis, gaudij &c. Elice actus fidei, adorationis, desiderij, salutationis omnium membrorum Christi: illo vg: S. Ignatij affectu: O Anima Christi sanctifica me. Propone hodie saltem aliquid donare Christo, quod Cordi ejus gratum intellexeris.

CONSIDERATIO III. PRO quo Christus se ipsum tradidit in SS.

Sacramento? **1.** Pro confirmatione Ecclesiæ suæ, sicut enim panis materialis corpus nutrit & cor hominis confirmat, ita hic Panis de cælo continuo descendens, Corpus Christi Mysticum [quod est Ecclesiâ seu fideles ejus] alit, vegetat, in Spiritu & confirmat: ideo pro pollicitationem suam dedit *Matt 28.* Ego vobiscum sum usq; ad consummationem sæculi **2.** Pro fidei, & amoris nostri probatione, dum sub velamento specierum absconditus & invisus, credi vult a nobis & amari. **3.** Pro purificatione nostri à maculis peccatorum; Sanguis enim Christi emundat conscientias nostras ab operibus mortuis juxta Apostolum. **4.** Pro consolatione in tribulationibus; cum & in Sacramento sit Pa-

ter Misericordiarum & Deus totius consolationis.
 5. Pro unione nostri secum; quid enim magis
 unitur quam alimentum cum alito? unde sumentes
 Christum reddimur ipsi quoddammodo concorpor-
 rei & consanguinei; non tamen mutatur in nos
 Christus, sed nos in ipsum transformamur. 6. Pro
 illuminatione nostra tum in vita, tum in umbra
 mortis, sicut *Luc. 24.* discipulorum oculi sunt il-
 luminati, dum eis frangeret panem, scilicet Cor-
 pus suum sub speciebus. 8. Pro viatico nostræ pe-
 regrinationis ad Patriam cælestem; unde solet da-
 ri ingredientibus viam æternitatis. 9. Pro arrha
 & pignore beatitudinis æternæ, ut capit Ecclesiæ:
 O Sacrum Convivium in quo Christus sumitur &c.
 & futuræ gloriæ nobis pignus datur. Reflecte te
 an plerosq; fructus hujus Sacramenti in te sentias?
 an post tam frequentes Communiones in fide JESU
 fortior, in amore ferventior, in conscientia fere-
 nior, in mente purior evaseris? quos & alios fru-
 ctus Eucharistiæ veri servi Dei experiuntur.

Erumpe in affectus gratitudinis nomine totius
 Ecclesiæ, æstimationis tantorum fructuum Elice
 actus vivæ fidei, amoris Dei Eucharistici, confusi-
 onis tui. Exora Dominum JESUM ut in te fru-
 ctum olus afferat: Propone fidem & amorem JE-
 SU aliquo singulari opere comprobare.

CONSIDERATIO IV. A quo sumendum est hoc
 Sacramentum? R. Su-
 mendum est à filio Dei, cum sit verè Panis filio-
 rum, non autem à filio diaboli. Porro filij Dei
 sunt.

sunt. 1^{mo} Qui credunt in nomine ejus fide magnâ, fide vivâ quæ per charitatem operatur, idest pro-
dit se per opera charitatis Dei & proximi, per in-
timam reverentiam hujus adorandi Mysterij, per
desiderium ardens, per frequentes devotas Com-
muniones. 2^{do} Pacifici; quoniam ex oraculo Chri-
sti, filij Dei vocabuntur, hi scilicet qui diligunt
pacem conscientiarum, qui servant pacem cum pro-
ximis suis; nam illi qui sunt quasi vasa iniquitatis
bellantia, qui multos turbant pacem habentes, qui
rixas excitant, qui odia fovant in Corde, qui se-
minant inter Fratres discordias, etiamsi quasdam
virtutes habere videntur, non sumunt digne in
Sacramento Christum, qui est Deus pacis. 3^{tio} Illi
qui juxta Apost. Rom: 8. aguntur Spiritu Dei,
ejus inspirationibus sanctis humiliter obsequendo,
gratijs cooperando, donis fideliter ac strenuè
utendo.

Filij vero diaboli sunt potissimum quos S. Scri-
pturâ comparat canibus ad vomitum suum rever-
entibus, & suis lotis in volutabro luti. Tales
sunt. 1^{mo} Recidivi in peccata post tot Confessio-
nes, post tot pia monita, post tot fracta proposita,
vota, juramenta. 2^{do} Consuetudinarij in aliquo
peccato, qui occasiones offensæ Dei quærunt, fo-
vent, ac voluntarie omnino peccant. 3^{io} Perversi
animi homines, non agnoscetes gravitatem pec-
cati, excusantes, palliantes peccata sua. Tales enim
omnes non tam humanè delinquant, quam diaboli.
scilicet inflexibiliter, taliumq; vita continuum

est peccatum, idcirco vix aliquando per singularem Dei gratiam convertuntur. Reflede te citra omnem conniventiam, è quorum sis numero filiorum? Dei an diaboli? Examina te circa fidem tuam, circa charitatem & mansuetudinem. Vide an in anima tua non regnet aliquod peccatum inolitum, & longâ consuetudine pene in naturam conversum? Vide an recto corde cum Deo, & hominibus procedas? Perversi enim difficile corriguntur. Quæ videris mala, omni conatu emenda.

Erumpe in affectus fidei, confusionis tuæ. Elice actus doloris, detestationis intinxæ peccatorum. Propone heroice extirpare peccatum, frequentius tibi, aut consuetudinem malam, vindicare in te per aliquas pænitentias.

CONSIDERATIO V. Quomodo sumendum est hoc Sacramentum?

R. 1. Cum viva fide hujus Mysterij tam absconditi tam velati; nam in Cruce latebat sola Deitas, at hîc latet simul & Humanitas Christi, utraq; tamen hic credi debet. 2. Cum conscientia pura, idest ab omni peccato mortali & affectu ad illud depurata. Proinde juxta monitum Apost: probet se ipsum, homo & sic de pane illo edat & de calice bibat; qui enim manducat & bibit indigne judicium sibi manducat & bibit. 1. Cor: 8. 3. Cum profunda reverentia, tam interna quæ consistit in humiliati-
one cordis coram Christo, uti supremo Rege ac Domino, quam externa, quæ consistit in modestia omnium sensuum, ac eorum compositione & colle-
ctione

Orione tali quæ nullum fastum vel levitatem præ-
seferat in accedente ad hoc Peraugustum Sacramen-
tum. 4. Cum timore & tremore; ille enim ad
quem sumendum accedit homo, Judex est, in cu-
jus manu est vita si dignè, & mors, si indigne su-
matur juxta illud: *Mors est malis vita bonis.*
5. Cum recogitatione seu memoria Passionis & mor-
tis Christi, recolendo maxime quod eâdem chari-
tate offerat se pro nostra salute Christus in Sacra-
mento, quâ se nobis obtulerat Deo Patri in Pas-
sione & morte. Unde hortatur Apostolus: Quo-
tiescunq; enim manducabitis Panem hunc & calic-
em bibetis, mortem Domini annuntiabitis donec
veniat. 1. Cor: 8.

Reflecte te, super hæc omnia, & revolve animo
jam fidem tuam, an ab omni errore, dubio, circa
hoc Mysterium sit expedita? an piâ affectione &
intimo amore Christi toties intra te manentis com-
probata? jam conscientiam tuam, an bene exami-
natâ, an per sinceram confessionem, intimam con-
tritionem, per emendationem vitæ expiatâ accedis?
jam reverentiam tuam in templo, in præparatio-
ne, in accessu ad S. Comunionem? jam timorem
filialem erga Christum ut Patrem, qui te tam dul-
citer nutrit, erga Sponsum dilectissimum, qui se
totô animam tuam amplexatur, unireq; sibi desir-
derat. Jam raram forsan vel cogitationem de Pas-
sione Domini: Erumpe in affectus confusionis tui
ipsius.

Elice actus fidei, doloris de peccatis, humiliatio-
nis. Propone melius semper expiare conscientia-
am, meditari Passionem Domini, & reveren-
tiam omnem huic Mysterio exhibere.

CONSIDERATIO VI. **Q**uare tam multi ex fre-
quenti S. Communi-
one minus proficiunt? &c. Hæ potissimum sunt Cau-
sæ. 1. *Defectus Intentionis seria ac elevata*, cum
ferè ex consuetudine tantum ad S. Communionem
accedunt, aut ad Sacrificium celebrandum, ex ti-
more, vel lucri temporalis gratiâ: proinde cum
modica, aut quandoq; nulla animi præparatione.
2. *Defectus legitima dispositionis* quia scilicet vel
conscientia non est sufficienter purgata à pecca-
tis, vel certe terrenis cupiditatibus est infecta.
3. *Defectus devotionis in ipsa sumptione* eò quod
ad hanc mensam non aliter fere accedunt, quam
ad corporalem mensam acceditur. Qui cibum non
præmansum deglutit, parum aut nihil gustus perci-
pit: pari modo neq; Eucharistiæ fructum dulcedi-
nemq; percipiet, qui non attentâ consideratione
summi doni ac beneficij hujus se ad devotionem ex-
citare studet. 4. *Defectus gratiarum actionis inti-*
ma quæ vel brevissime ac tepide, vel vocetenus
tantum, vel ex consuetudine sola, vel quandoq;
nec minima instituitur. 5. *Defectus collectionis &*
extroversio mentis ac sensuum post Communio-
nem, in morem Judæ, qui sumptâ buccellâ Cor-
poris & sanguinis Christi continuò exivit, & quor-
sum exivit? ut JESUM quem suscepit mox tra-
deret:

deret: & quomodo exiit? nunquam ad Cor, nunquam rediturus ad JESUM. Quid enim prodest, balneum calefactum ingredi, si mox apertis undiq; januis calor exulet? Quid juvat unguentum pretiosum infundere in vas fractum, unde statim effluat? Reflecte te, num his, & omnibus forsân defectibus non laboras? & attende unius Ascetæ ponderosas veritates? 1. Infirmus Domine qui tecum non exhilaratur, valdè prope est ut cadat 2. Anima quæ tecum non exultat, unde potest exultare? 3. Qui dum Te hospitem habet, properat ut loco exeat &c. facile ostendit, se cor habere alibi obstrictum. 4. Cui tecum manere tædium est, nescit quod tu sis Deus, & totum bonum ejus. 5. Qui tecum Domine non est contentus, ostendit se phrænesi laborare.

Erumpe in affectus timoris, humiliationis sui coram Christo, de istis defectibus tuis. Elice, actus optimæ intentionis, desiderij gratitudinis &c Proponere deinceps majorem devotionem, majorem collectionem spiritus post S. Communionem.

Conclusio harum Considerationum per Orationem Dominicam.

*Pater noster qui es in calis. O quam vere Pater es, qui beatos in Cælis pascis tuâ Divinitate, nos autem exules in terris pascis Humanitate Filij
G3. tui.*

tui. *Sanctificetur nomen tuum.* pro hoc cœlesti convivio, pro hac Cœna magna, pro hac mentis Desica, quam in conspectu nostro parasti. *Adveniat regnum tuum* regnum dilectionis Filij tui, ut illum amemus in Sacramento, & illum videamus in Cœlis absq; velamento. *Fiat voluntas tua* &c. voluntas illa: Venite comedite panem meum, ut illum digne Te, in vita & in morte sumamus. *Panem nostrum quotidianum da nobis hodiè.* Panem Angelicum, panem suavissimum de Cœlo præstitum, ut eo saturemur, impingvemur, vivamus, & in gratia tua, in virtutibus augeamur. *Et dimitte nobis debita nostra.* Pretio sanguinis JESU Christi, quem pro peccatis nostris fudit in Cruce, & rursus effundit in Sacramento. *Sicut & nos dimittimus debitoribus nostris.* O utinam eâ charitate, quâ JESUS ad suos debitores se demittit! *Et ne nos inducas in tentationem,* cujusvis erroris aut diffidentia de veritate hujus Mysterij. *Sed libera nos à malo.* Sacrilegæ, indignæ, tepidæ communionis, & cujuslibet irreverentiæ hujus ter Sancti, ter augusti, ter mirabilis, ter amabilis Sacramenti. Amen.

A P P E N D I X ima.

Pro Accessu & Recessu ad Sanctissimum **SACRAMENTUM.**

Quamvis tota præmissa Meditatio satis disponat accedentem ad SS. Sacramentum: opportu-

num tamen videtur adijcere nonnulla, quæ jam proxime accedentem serius & compendiosius disponant.

Imo Itaq; in Accessu. Junctis manibus versus pectus in modum Crucis, tanquam ligatum per crucem se sistendo Deo, mente collectâ cum profunda humilitate & admiratione, alloquere Christum: Domine, unde mihi hoc, ut tu Dominus & Deus venias ad me, & uniaris mihi? Quis enim tu es Domine, & quis sum ego? Tu es abyssus Essentia, ego vero sum abyssus nihili. Tu es suprema Intelligentia, incomprehensibilis sapientia, ego mera cæcitas, vesania, insipientia. Tu es mare bonitatis, ego vorago omnis malitiæ Tu es fons omnis puritatis, ego latrina omnis fæditatis. Tu es Rex meus, ego tibi rebellis subditus. Tu es Pater misericordiarum, ego vero Filius perditionis. Tu es Benefactor meus, ego verò bestia ingratiſſima. Tu es Pastor meus, ego vero ovis errabunda. Tu es Cælestus Magister, ego Judas in schola tua. Tu es meus Medicus, ego tui cordis venenum. Tu es vita, ego cadaver putidum. Tu es veritas æterna, ego dolus & perversitas. Tu es thesaurus Divinitatis, ego abyssus mendicitatis. Tu es Cor meum, ego vero lancea Longini. Tu es Filius Virginis Matris, ego vero Filius diaboli. Tu es Deus & Homo, ego vero dæmon incarnatus. &c. Quomodo ergo ad Te præsumam accedere, in fæda viscera trajicere? Domine non sum dignus ut intres &c. *propter peccatorum meorum gravitatem.*

Domi-

Domine non sum dignus &c. *ob tantam beneficiorum ingratitude.* Domine non sum dignus &c. *ob tuam sublimitatem meamq; vilitatem.* Verum tamen ingredi Domine in cor meum in illo amore quo intrasti in castissimum uterum Virginis Beatissimæ, in illa patientia, qua intrasti Caiphæ carcerem, quâ ascendisti in Crucem &c. Credo quia tu es ipse Rex meus & Deus meus.

2do. *In Recessu* firmâ fide,, & inflammato affectu dic in corde: Ecce quod concupivi habeo, quod speravi jam teneo, ipsum solum possideo, quem toto corde diligo. Adoro te devote latens Deitas, toto me, toto universo humano, Angelico, Mariano. Credo Domine & procidens adoro Te cultu Latrevtico. Credo quia tu es Christus Filius Dei vivi qui ad me descendisti. In hac fide Filij Dei vivo, qui dilexit me & tradidit semetipsum propter me. Benedic anima mea Domino, & omnia quæ intra me sunt nomini sancto ejus. Quid enim mihi est in Cælo. & à te quid volui super terram, Deus cordis mei, & pars mea Deus in æternum?

Demum collecto Spiritu quasi in medio Angelorum SS. constitutus erumpat in affectus. Venite, audite, & narrabo omnes qui timetis Deum, quanta fecit animæ meæ. Ecce meus JESUS, se nascens dedit mihi socium, convalescens dedit in edulium: Venite ô Amatores JESU Sancti Angeli, venite adoremus & procidamus ante Deum, reddamus Domino gloriam & honorem. Venite omnes potentiæ meæ, omnes sensus mei, adoremus hunc

Regem

Regem clementissimum, amemus hunc sponsum Le-
cissimum. Tandem convertens se ad Christum sa-
lutet ipsum vel illo S. Bernardi mellifluo Rythmo:
Salve mundi salutare, salve, salve, IESU chare,
cordi tuo me aptare, vellem vere tu scis quare &c.
Vel illâ S. Aug: praxi. Ave principium nostræ
creationis Ave principium nostræ reparationis.
Ave Sacrificium nostræ reconciliationis. Ave an-
tidotum nostræ curationis. Ave viaticum nostræ
peregrinationis. Ave refugium nostræ tribulatio-
nis. Ave præmium nostræ expectationis.

Laudo te ô amor fortissime, glorifico te ô
amor dulcissime, magnifico te ô Amator benignis-
sime pro hoc bonitatis tuæ effluvio, quod ad me indi-
gnum venisti, quod mihi Te in cibum & potum de-
disti. Gratias ago Tibi ô bone IESU pro te ipso,
cordibus, affectibus, omnium, qui Te unquam in
Sacramento hoc receperunt. Affectu totius Eccle-
siæ tuæ sanctæ, affectu ipsius Dilectissimæ Virginis
Matris tuæ Mariæ.

O Divinitas IESU, effundere hodie in totam
animam meam, & quia Te capere non possum, tu
me cape, submerge in te, absorbe in te per amorem.

O Anima Christi Sancta in omnibus potentijs acti-
busq; tuis, sanctifica profanatam animam meam, de-
turpatam memoriam, obtenebratum intellectum,
depravatam voluntatem meam. O Corpus Christi
ex Matre sumptum purissima, purifica me totum,
& omnes partes sensusq; meos, ut nullo te deinceps
offendam.

O Sangvis Christi JESU, Purpura æterni Regis, libera me quæso de sanguinibus, extingue in me humorem libidinis, accende cor meum frigidum, inebria me sanctis desiderijs. O Cor JESU Desiccatum, Angelis & hominibus venerabile, Æthna Sancti amoris, Victima Divinæ iustitiæ, Asylum humanæ miseræ, uni me tecum inseparabiliter, suscipe me intra te in illo amore, quo Longini lanceam suscepisti. O Vulnere JESU gloriosa, amore salutis meæ suscepta, in Cælo reservata, in hoc Sacramento abscondita, in vos me demergo, in vobis me recondo, Omnes Salvatoris mei perfectiones, doctores, virtutes, merita, dona, in hoc Sacramento reposita, reddite me participem Dignitatis & Sanctitatis vestræ. O quantus quantus es mi JESU, fac me participem virtutum tuarum, innocentia tuæ, misericordia tuæ &c: fac me hæredem gratia tuæ & consortem gloria tuæ.

Deniq; potes te convertere ad totam SS. Trinitatem, gratias agendo pro tanto beneficio, petendo per JESUM varia dona. Ad B. V. Obsecrando ut tuam suppleat indignitatem tepiditatem &c.

APPENDIX 2da.

De Communionem Spirituali.

Cum non cuilibet fidei concessum sit, quotidie, tanto minus horariè, Corpus Christi realiter sub speciebus sumere, multorum pietas adinvenit modum spiritualiter illud sumendi quoties libuerit.

Ista

Ista porro Spiritualis Communio consistit in fide viva & desiderio ad Christum in Sacramento absconditum directo, ut innuit S. Aug. *Ut quid parvas ventrem vel dentem, crede & manducaſti; qui enim credit in eum, manducat eum* Communi-
candi ſæpius hoc modo uſum & praxim porrexit olim ipſe Chriſtus S. Gertrudi, B. Imeldæ Virgini, B. Agathæ à Cruce, quæ ducenties per diem hoc pium exercitium peragebat. Proinde & tu ô Religioſe maximo animæ tuæ fructu, in hoc velis exerceri, ſive corporaliter viſitando SS. Sacramentum, ſive mentaliter mittendo cor tuum per S. Angelum Cuſtodem ad Eccleſiam & proſternendo coram Chriſto Eucharistico; quod potes etiam brevifſimo tempore perficere, vg. tali modo.

Adoro Te ô Deus meus, ô Amor meus. Credo firmâ fide te eſſe vere præſentem in SS. Sacramento. Amo Te ſuper omnia, & amore Tui doleo toto corde de omnibus peccatis meis. Deſidero te millies, mi JESU quando venies, me lætum quando facies? Sentiât quæſo mens mea dulcedinem præſentiæ Tuæ.

Tum collecto Spiritu dicat in corde.

UNi me tecum o bone JESU inſeparabiliter. Dominare Tu mei ſolius & non dominetur mei omnis injuſtitia. Non dimittam te Domine, donec mihi benedixeris &c.

Hæc Spiritualis Communio potiffimum inſtituenda eſt in auditione Miſſæ. In Examine conſcientiæ tam Matutino quam Veſpertino. AP.

APPENDIX 3tia.

De Sacrosancto Missæ Sacrificio.

Quantæ sit excellentiæ, quantæve utilitatis sit Missæ Sacrificium, in quo offertur Corpus & sanguis Christi, toti SS. Trinitati, paucis excipe ex *S. Laur. Iustin: Ser: de Corp: Christi*. Nullo [inquit] alio Sacrificio honorificentius laudatur Deus, quam per Altaris immaculatam hostiam, quam præcipue ob divinæ laudis exhibitionem complendam, Ecclesiæ suæ Christus offerendam instituit. *Et paulo infra.* Quâ nulla major hostia, nulla utilior, nulla amplior, nullaq; oculis Divinæ Majestatis est gratior, dum honorem Deo, Angelis contubernium, exulibus Cælum, religioni cultum, justitiæ debitum, normam Sanctitati, obedientiam legi, gentibus fidem, lætitiâ mundo, credentibus gaudium, unitatem populis, Sacramentis legalibus finem, initium gratiæ, virtutibus robur, hominibus pacem, lucem mentibus, spem laborantibus, peregrinantibus viam, & pervenientibus tribuit speciem.

Accedit his, quod ipse Christus cuidam Sanctæ Personæ revelaverit. Uno Sacrificio Missæ devote ut par est celebrato vel audito, sibi tantum honoris amorisq; exhiberi, quantum præstaretur ab omnium cordibus, eorumq; in suo amore studijs, conatibus, fervoribus & excessibus. Idem Salvator dixit aliquando *S. Gertrudi*: Quantumlibet aliquis sit peccator, modo cum reverentia & devotione

intima

intima assistat Missæ, eum se libenter tolerare.

Pensatis itaq; excellentijs ac fructibus Missæ, æquum est ut homo Asceticus, non quomocunq; assistat huic ter sancto Sacrificio, ut passim solent rudes & tepidi, vel imperiti Asceseos, quibus satis est, ut in Missa Breviarium recitent, Coronam Bs: percurrant, vel alias preces, vix aut nullatenus ad Mysteria Missæ attendendo, taliumq; multi intertunt quidem Missæ, sed eam vere non audiunt, cogitentq; num satisfaciant quoq; præcepto audiendi Missam, cum non hic sit scopus & finis illius præcepti, sed longè sublimior. Proinde ad hunc errorem, & anilem persuasionem depellendam.

Nota 1. Sacrificium Missæ principaliter offerri & audiri debere, in recognitionem supremi & absolutissimi Dominij Divini in omnes Creaturas, & earum omnimodæ subjectionis ad Deum. Deinde in adorationem, laudem, ac exaltationem totius SS. Trinitatis, omniumq; Divinarum perfectionum. Tum in memoriam Passionis, & cruenti Sacrificij Salvatoris nostri JESU Christi, juxta illud. *Hac quotiescunq; feceritis in mei memoriam facietis.*

Nota 2. In Sacrificio Missæ tres partes esse principales, nempe Oblationem. Consecrationem & Communionem. Idcirco saltem ad has partes attentionem seriam debet habere audiens Missam, ut vere possit dici ejus Auditor, licet subinde in alijs partibus alias preces recitet, vel pios affectus eliciat pro mensura cælestis gratiæ. Quâ doctrinâ serio menti impressa, studiosus Asceseos, saltem

hunc brevissimum modum audiendi Missam in usu potest habere.

Ad initium Missæ.

EXcitet in se vivam fidem, & ardens desiderium, quam dignissime adorandi. glorificandi Deum, illiq; placendi ac illum sibi totiq; generi humano placandi pro peccatis. Et sic dum dicitur *Gloria in excelsis Deo*, elevet mentem, ac desideret omnem illam gloriam Deo quâ dignus est, gratuletur omnem honorem quem habet ab omni Ecclesia militante & triumphante, à Bs. V. Maria, à SS. Humanitate Christi JESU, & à se ipso. Dum dicitur *Credo* Jungat fidem suam cum tota Ecclesia, & credat, approbet omnia quæ in hoc Symbolo continentur. Condemnet omnes hæreses, errores his veritatibus contrarias.

Ad Offertorium.

Offero Tibi Domine Deus hoc Sacrosanctum Sacrificium in unione illius, quod Tibi dilectus Filius tuus in cæna & cruce obtulit: in unione omnium Sacrificiorum veteris ac novi Testamenti. Offero in recognitionem supremi Domini tui & subjectionis nostræ quam habemus ad te, in adorationem Unitatis ac Trinitatis tuæ, ac omnium perfectionum tuarum: ad lætificandam Ecclesiam totam triumphantem, ad juvandam totam Ecclesiam militantem, in subsidium animabus purgatorii, in recompensationem omnis injuriæ & dishonoris, à quacunq; Creatura tibi illati, in protestationem fidei.

fidei nostræ & amoris Tibi summo bono debiti, omnibusq; intentionibus Tibi placitis ac Tuâ dignis Majestate. Tum dicatur cum celebrante *Sanctus, Sanctus &c.* affectu Seraphinorum Cælestium, & huic Trisagio immorandum.

Ad Consecrationem.

S. Michael Archangele. **SS.** Seraphini inflamate me. **SS.** Cherubini illuminate me. Venite adoremus & procidamus ante Deum nostrum. Credo Domine, & procidens adoro Te. Credo quia Tu es Christus Filius Dei vivi. Verè tu es Deus absconditus, Deus Israel Salvator. Adoro te devote latens Deitas &c. *ex Rythmo D. Thoma.* vel ex illo *S. Ignatij.* O Anima Christi JESU sanctifica me &c. in his vel alijs affectibus immorandum usq; ad verba illa Canonis. *Per ipsum, & cum ipso & in ipso, est tibi Deo Patri Omnipotenti in unitate Sp. S. omnis honor & gloria* quæ sic extendes, O utinam omnis ab omnibus creaturis: omnis quem tua Dignitas & liberalissima Bonitas meretur: omnis qui omnium mentibus concipi, cordibus exeri, affectibus potest exerceri: omnis qui tuâ sapientiâ comprehendî, immensa Essentiæ tuæ magnitudine potest adæquari.

Tum *Agnus Dei* ter dicatur, & tertio addatur. Dona nobis triplicem pacem, pacem quam parit bona conscientia, quam parit vita quæta, quam adfert vita exemplaris.

Ad

Ad Communionem

Fiat Communio Spiritualis, juxta modum quem habes, supra in appendice ada. Demum immorari poteris alicui pio affectui, vg. illi quem Christus dictavit *S. Gertrudi*:

Laudetur SS. Sacramentum tot laudibus, quot SS. Trinitas suâ Potentiâ depromere, suâ Sapientiâ concipere, suâ Bonitate optare potest, omni loco omni tempore, in æternum & ultra.

Et dum Sacerdos benedicit populum dicito:
Benedic ô SS. Trinitas toti Ecclesiæ, toti huic Regno, toti Regioni huic, toti Religioni nostræ, omnibus Confratribus, Benefactoribus & amicis meis. Benedic ô Domine JESU vulneratis manibus tuis, benedic corpori, animæ, Sanguini, omnibusq; sensibus meis, & præsta ut nullo te offendam: benedic vitæ æternitatiq; meæ. Amen. Sic age in auditione Missæ, ad minimum unius quotidie, & crede non exiguo tibi fructu cessurum hoc vel simile exercitium.

Plura & eximia quidem Exercitia auditionis Missæ invenies in Viatore Christiano, Jacobo Horstio, & alijs innumeris libris Asceticis, sed Tyroni Religioso, & præmissum sufficiet.

CAPUT III.

MEDITATIO

De Beneficijs Divinis.

CONSIDERATIO, I. **Q**uis est qui confert beneficia? & quis est qui ea recipit? R. 1. Deus est qui omnibus Creaturis effundit beneficia. *Secundum naturam suam* optimus & liberalissimus, qui dat omnibus affluenter nec improperat. *Secundum Statum suum* felicissimus & ditissimus, in cujus domo gloria & divitiæ, cujus thesaurorum non est finis, imo velut ignis quo plures accendit faces, tanto magis crescit & extenditur, sic Dominus Deus, quanto pluribus & plura elargitur beneficia, tanto minus deficit. *Secundum affectum* est misericordissimus & piissimus: Nam 1. benefacit merentibus & petentibus 2. benefacit nec merentibus nec petentibus, & sicut Sol non exoratus exoritur. 3. benefacit etiam ingratis, abutentibus & contemnentibus R. 2. Qui recipit beneficia Dei, primus est inter omnes creaturas Homo. Hunc enim Deus creavit ad imaginem & similitudinem suam, quod non est concessum brutis, quod non est dictum de Angelis. Huius commodo, utilitati, felatio, conservationi in anima & Corpore, universa alia condidit, sive quæ sunt in terris, sive quæ sunt in Cælis. Huius repa-

rationi, salutis ac beatitudini, ab æterno providit & decrevit, Filium sibi cœqualem in terras mittere & humanâ carne vestiri. Et quis est iste homo? *Secundum naturam* indigentissimus, pauperrimus, sibi insufficientissimus, quasi ab humo denominatus; sicut enim terra sine aqua nihil germinat, sic homo absq; rore Divinæ gratiæ nihil boni parere valet & habere. *Secundum Statum* est infelicissimus omni mobilitati ac miserix subjectus. *Secundum affectum* est durissimus & ingratus, qui suo Benefactori supremo reddit sæpe mala pro bonis, & odium pro dilectione ejus.

Reflecte te. Num tibi semper in mente versatur bonitas & liberalitas Dei, tam erga te profusa, tam continua, tam æternans? qui tamen ab æterno mentis Divinæ obversaris, & memoriam Dei tui occupas? num agnoscis pro merito tuam innatam inopiam & miseriam, inductam barbariem & ingratitudinem erga Deum? Erumpe in affectus admirationis tantæ erga omnes, quantæ erga te bonitatis & largitatis Divinæ? Ellice actus adorationis, laudis, confusionis tui, gratitudinis intimæ, pro beneficijs tibi notis & ignotis. Propone sæpe in mente, in ore, habere illud, quod nunquam ex corde dimisit Virgo Deipara: *Deo gratias.* Item ardenti affectu decantare illud Canticum: *Benedicite omnia opera Domini Domino &c.* idq; usurpare omnium Creaturarum nomine voto, ac intentione.

CONSIDERATIO II. Quæ, & quot sunt beneficia Dei? quæ confert homini.

hominibus? &c. Sunt innumerabilia, quorum tamen digniora & notiora possunt reduci ad tria genera.

Prima itaq; sunt Naturalia, quæ attribuntur Deo Patri nempe creatio nostri ex nihilo, ad imaginem & similitudinem Dei Creatoris nostri. In quo beneficio attende quod sis conditus. 1. Habens animam immortalem, quâ vivis, intelligis, vis, recordaris, & non materialia tantum percipis, sed etiam spiritualia & Divina. 2. Sensus tam internos quam externos, qui ad varias operationes tibi deserviunt. 3. Innatam inclinationem & desiderium beatitudinis æternæ. 4. Corporis sanitatem, vigorem, robur, agilitatem, formam, Symmetriam bonam &c. 5. Animæ docibilitatem, ingenij claritatem, memoriæ felicitatem, judicij rectitudinem, usum prudentiæ, voluntatis ad bonum propensionem &c. 6. Natalium honestatem, quod sis prognatus ex honestis, liberis, Christianis, Catholicis Parentibus. 7. Scientias, artes, famam bonam, gratiam, favorem, amicitiam hominum, & quæ inde sequuntur.

Secunda beneficia sunt Supernaturalia, quæ attribuntur Deo Filio, nempe Reparatio nostri per mortem Filij Dei Unigeniti, Sacramenta pro nostra Spirituali sanitate instituta, Missio Spiritus S. pro nostra Sanctificatione. Tota denique æconomia, vitæ, doctrinæ, Passionis & mortis Christi, ad nostram salutem ordinata.

Tertia sunt Gratuita quæ attribuuntur Spiritui S. ex mero amore & gratiosa liberalitate procedentia. Nempe 1. Incarnatio Filij Dei. 2. Justi-

ficatio nostri tam frequens à peccatis ejusq; continuu augmentum per gratiam sanctificantem. 3. Auxilia Dei opportuna seu gratiæ prævenientes, concomitantes & subsequentes ad actus salutes. 4. Vocatio nostri tum ad veram fidem, tum ad statum Religionis bene institutæ. 5. Perseverantia in fide & in statu religioso. 6. Prædestinatio nostri ab æterno, ad cælestem gloriam assequendam. 7. Protectio Divina in quibusq; tentationibus & adversitatibus. 8. Deputatio S. Angeli Custodis ad nostram custodiam. 9. Opitulatio Beatissimæ Virg: ac SS. Patronorum. 10. Impunitio post tot commissos reatus. 11. Indesertio in peccatis. 12. Impermissio periculorum peccandi, & finaliter cadendi à Salute. Quæ tria postrema, ab ascetis vocantur beneficia Innocentiæ seu non nocentiæ.

Reflecte te. Super excellentiam & multiplici-
tatem Divinorum beneficiorum. Perpende quot
vinculis aureis, id est donis inæstimabilibus, te ad
se vult attrahere? sibiq; æternum alligare. Cæte-
rum, an ea non flocci pendis? an amorem amore
rependis? Erumpe in affectus æstimationis Divinæ
erga homines omnes & erga te beneficentiæ. Elice
actus gratitudinis, redamationis pro his & alijs ti-
bi notis beneficijs Divinis. Confusionis & doloris
pro donis per tuam socordiam impeditis. Petitio-
nis beneficiorum particularium. Propone aliquo
speciali obsequio gratificari omnium bonorum Lar-
gitori Deo.

CON.

CONSIDERATIO III. PRO quo Deus confert homini tanta sua beneficia? 1. Ut ostendat divitiarum gloriæ ac magnificentiarum suarum. 2. Ut demonstret effusionem bonitatis & misericordiæ suæ, ideoq; condidit hominem, ut haberet cui egenti dona sua tribueret, & cui misero dignativâ pietate subveniret. 3. Ut hominem tot beneficijs suis oneratum & obstrictum ad perennem sui memoriam, amorem & gratitudinem excitaret, & tanto beatiorum efficeret, quanto gratiorem agnosceret. Utiq; Deus bonorum nostrorum non eget, cum sit sibi sufficientissimus, absq; nostro obsequio subsistit, cum sit ex se felicissimus.

Reflekte te, quanta homines ab hominibus pro minimis sane beneficijs, vg: pro vili ossa, pro terræ particula, pro modica pecunia exigunt? sæpe duros labores, vilissima obsequia, gravissimas subjectiones. O quam multa & magna, mundus & caro à suis clientibus extorquet, pro modica voluptatula, pro vani honoris umbra? Et quid Dominus Deus tuus petit à te pro innumeris, continuis, solidisq; beneficijs, nisi ut diligas eum ex toto corde? An non fingis laborem in hoc tam svavi præcepto? An amas vere, intime, Supremum Benefactorem tuum? An æstimas saltem illius beneficia? an non abuteris? &c. Erumpe in affectus admirationis super liberalitatem Divinam, quæ vel tot hominum, & tuâ potissimum ingratitude non sufficit. Elice actus cordialis amoris, humillimæ

gratitudinis, doloris. pro tua ingratitude, ignavia &c. Propone particulari aliquo dono Dei quod in te sentis, melius ab hunc uti.

CONSIDERATIO IV. A quo Deus aufert beneficia sua? R. A superbo, ingrato, & infideli servo. *Superbus* porro est, qui Benefactorem suum vilipendit, quod fit. 1. Mandata ejus contemnendo. 2. Bona quæ recipit suæ industriæ, labori, merito; non Deo ascribendo. 3. Ex bonis sibi collatis tumescendo, ac proximos aspernando.

Ingratus est. 1. Qui beneficia Dei, nec considerat; nec examinat. 2. Qui examinata parvi facit. 3. Qui tanto benefactori debitas grates non reddit.

Infidelis est qui per suam socordiam beneficia Dei impedit. 2. Qui dona Dei in terra defodit, nec eis utitur ad DEI gloriam, ad utilitatem proximi, ad suum meritum. 3. Qui sibi non DEO ex ijs arrogat gloriam, & ipsis beneficijs Deum offendit.

Reflecte te, num non sis ex talium servorum numero? Time, ne tuâ superbiâ, ingratitude ac infidelitate, obstruas tibi fontem Divinæ beneficentiæ. Erumpe in affectus veræ confessionis, & confusionis tui. Elice actus doloris, gratitudinis. Propone fideliorem usum talentorum à Deo tibi collatorum.

CONSIDERATIO V. Quomodo nos præparare debemus ad majora beneficia à Deo recipienda? R. 1. Si minora beneficia jam accepta grata habemus, gratitudo enim
provo-

provocat benefactorem, ad conferenda grato nova beneficia. 2. Per humilitatem profundam, agnoscendo indigentiam pariter ac indignitatem nostram; Deus enim superbis resistit, humilibus autem dat gratiam. 3. Per exultationem misericordiæ proximis nostris, sive eorum miseras relevando, sive eis injurias amore Dei condonando. 4. Per voluntariam propter DEUM abnegationem bonorum temporalium, hæc enim relinquentibus centuplum in hoc sæculo, & vitam æternam Christus affecuravit: *Matth: 9.* 5. Per filialem Dei timorem, libenter Divinas castigationes sufferendo. 6. Per orationem humilem, ferventem ac frequentem; qui enim petit accipit, & qui quærit invenit; & pulsanti aperietur *Luc: 11.* 7. Per zelum Divinæ gloriæ, ac salutis animarum Christi Sangvine redemptarum; talibus namq; Deus etiam mirabilia sua dona communicat.

Reflecte te super hæc singula media, ad promerendam Dei Beneficentiam. Dispice, utrum in te reluceant? si secus? enitere ut sint in te. Erumpe in affectus confusionis de tua præsumptione quod velis Deum erga te beneficium, & nolis quidquam agere pro concilianda ejus liberalitate. Elice actus humilitatis, timoris Dei, amoris proximi, contemptus rerum temporalium, renova tuam Professionem &c. Propone fidelius uti præmissis medijs.

CONSIDERATIO VI. Quare Deus bona temporalia dat & aufert tam bonis quam malis, & passim plura horum tribuit malis

malis quam bonis? *R.* 1. Ne putentur mala, dantur & bonis; ne putentur magna & summa, dantur & malis. *R.* 2. Ideo potius & copiosius dantur in justis & malis. *Tum* ex Misericordia DEI, ut periculis fruantur, qui bona æterna non curant. *Tum* ex Sapientia Dei, dum malos his temporalibus bonis vult ad se attrahere & salvare. *Tum* ex Iustitia Dei, ut aliqua eorum bona opera temporaliter saltem remuneret, cum æternum præmium non mereantur. Ideo rursus non dat vel aufert hæc bona justis & bonis. *Tum* quia sunt occasio peccatorum, uti honores ad superbiam, deliciae ad libidinem, divitiæ ad luxum inflammant. *Tum* quia sunt bona vilissima, quæ iusti arbitrantur ut stercorea; & sicut Reges terreni amicis suis non largiuntur villa, ita nec Rex cælestis. *Tum* quia sunt onerosa; nam juxta S. Bern: Possessa onerant, amata inquinant, amissa cruciant. *Tum* quia bonorum temporalium copia plures curas & labores post se trahit quam inopia, amicos vero suos DEUS vult esse liberos & quietos. *Tum* quia, etiam in bonis reperiuntur nævi & maculae pro quibus cum eos DEUS non puniat æternaliter, saltem temporaliter eos castigat. *Tum* quia per subtractionem temporalium DEUS tentat suos amicos utrum diligant eum an non?

Reflecte te super Divina judicia, quæ sunt abyssus multa, & perpende, nunc occasione alicujus infortunii, inopiæ, infirmitatis, non murmuraveris contra DEUM? non posuisti os tuum in Cælum?

Erumpe

Erumpe in affectus admirationis Divinæ Misericordiæ, Justitiæ ac Sapientiæ. Elice actus laudis, resignationis in Divinam voluntatem, gaudij ex tua paupertate &c. Propone te semper habere pro mancipio Divinæ voluntatis, frequentare illos actus in adversis & prosperis: sit nomen Domini benedictum. Fiat voluntas tua sicut in Cælo & in terra.

Conclusio harum Considerationum per Orationem Dominicam.

Pater noster qui es in Cælis. O Pater qui nos, absq; merito creasti, qui nos voluntariè verbo veritatis genuisti, qui nos per gratiam in filios adoptasti: qui nos hæredes tui & cohæredes Christi fore desideras. *Sanctificetur nomen tuum* pro innumeris beneficijs tuis, quibus nos cumulare non cessas, quibus nos in anima & corpore conservas. *Adveniat Regnum tuum* supremum illud beneficium, in quo tu Domine electis tuis es omne bonum, omnis gloria, omne gaudium, & omnis copia. *Fiat voluntas tua &c.* ut Te Patrem nostrum toto corde amemus, tuam voluntatem per omnia impleamus, & filiali timore vereamur. *Panem nostrum quotidianum &c.* Panem temporalem in sustentationem corporis, panem gratiæ in alimentum animæ, Panem Angelicum in confirmationem cordis nostri. *Et dimitte nobis debita nostra* per Paternam tuam charitatem, quæ novit operire multitudi-

itudinem peccatorum, & cui proprium est misereri semper & parcere. *Sicut & nos dimittimus debitoribus nostris*, ad inutationem Paternæ tuæ pietatis, ad gustum cordis tui clementissimi. *Et ne nos inducas in tentationem*, sed eripe ut Pater cadentes filios ab omni periculo peccandi ut securi & quieti in tuo servitio procedamus. *Sed libera nos à malo*. Oblivionis tuorum beneficiorum, abusûs donorum nobis misericorditer collatorum. Amen.

C A P U T IV.

M E D I T A T I O

De Peccatis.

CONSIDERATIO I. Quid est peccatum, potissimum mortale?
 R. Est summum malum, est solum malum, est merum & mirum malum. Nam 1. Peccatum est oppositum summo bono, Deo scilicet, ejusq; Dignitati, Perfectioni, Sanctitati. 2. Quia cum Deus nihil horum odit quæ fecit, solum peccatum odit infinite. 3. Quia peccatum nullam rationem boni habet sibi admixtam, ut aliæ Creaturæ, etiamsi viles & execrabiles censeantur, ut vermes, aspides, dæmones. Est namq; peccatum [mortale potissimum] offensa & contemptus Dei summi boni, rebellio Creaturæ contra supremum Regem, cum hoste ipsius diabolo conjuratio, est voluntas tollendi ac perdendi Deum si tolli posset, eumq; perimendi qui.

di quidam conatus, nam ut *S. Bern:* arguit, Homo peccando vult interimere aut Sapientiam Dei volendo ne suum peccatum videat, aut Justitiam volendo ne puniat, adeoq; peccatum est quoddam in voto Deicidium Quod malò quid est mirabilius? quid pejus cogitari queat? *Est insuper peccatum.* Injurium Christo JESU; ejus inquam sanctissimis legibus & consilijs, Ejus doctrinæ, exemplis, meritis, donis, Sacramentis, amoris, zelo, sui salutis nostræ: Ejus innocentissimæ, vitæ, amarissimæ Passionis & mortis, pretioso Sanguini; horum enim omnium est violatio, contemptus, abnegatio. Est demum injurium omni Creaturæ. Unde enim permanant quotidianæ mortes, bella, morbi, fames, fulmina, terræ motus, elementorum inæqualitas, & omnia quæq; hominibus terribilia? Ex peccato. Est tandem injurium ipsi suo Authori peccanti homini, quem facit servum pænæ æternæ, & mancipium diaboli.

Reflecte te super malitiam, fæditatem ac gravitatem peccati mortalis, & dispice num unquam ut par est malitiam ejus perpendisti? Num tam abominabile monstrum in anima tua toties Divinitate consecratâ tolerare debuisti? Attende num hucusq; saltem aliquod lethale peccatum non regnet in anima tua? quod te Deo exosum, perjurum & sacrilegum reddit, ac in statu damnationis retinet?

Erumpe in affectus admirationis tuæ vesaniam. Elice actus doloris, detestationis, ejurationis peccatorum, placationis Divinæ misericordiæ.

Propone cum S. Tereſia: *Non amplius peccatum?*

CONSIDERATIO II. Quæ peccata maxime odit punitq; Deus? & 1. Peccata contra Spiritum S. quæ ſunt. Præſumptio de miſericordia Dei. Deſperatio. Agnitæ veritatis impugnation. Invidentia fraternæ charitatis. Obſtinatio in peccatis. Finalis impenitentia. Ipſa enim veritas Chriſtus aſſeverat *Matt. 12.* Quicumq; peccaverit contra Spiritum Sanctum non remittetur ei neq; in hoc neq; in futuro ſæculo, *ideſt ordinariè* [nam ſolum per extraordinariam Dei gratiam poſſunt remitti] cum directe amori & bonitati Dei adverſentur. 2. Peccata in Cælum clamantia, quæ ſunt Homicidium voluntarium. Sodomia. Vi-duarum & pupillorum oppreſſio. Mercedis deſervitæ defraudatio. Talibus enim peccatis in S. Scriptura graviffimas pænas Deus comminatur, & paſſim eas infligit etiam in hoc ſæculo. 3. Peccata contra ſtatum ſive Eccleſiæ, ſive Reipublicæ, ſive alicujus Religionis, ut ſunt invaſiones jurium, con-
viſiones bonarum legum, diſturbia inteſtina, ru-
inæ in temporalibus vel ſpiritualibus bonis, vo-
luntarie cauſatæ. Talia enim peccata, ſicut non uni, ſed plurimis, & pro longo tempore vel pro ſemper nocent, ita non unam, non brevem, ſed plurimas & longiſſimas pænas à Deo merentur. 4. Peccata recidivationis; nam peccatum ſæpius reiteratum, non unius malitiæ ſpeciem habet, ſed trahit poſt ſe tot mendacia, tot perjuria coram
Deo,

Deo, tot contemptus Divinorum luminum, tot meritorum [in statu gratiæ & cessationis ab illo peccato comparatorum] perditionem & mortem. Unde talibus ac si canibus ad suum vomitum revertentibus, comminatur Deus Apoc. 22. *Foris canes!* 5. Peccata consuetudinis; nam peccatum habitum est continua contra Deum rebellio, voluntaria gratiæ Divinæ expulsio, libera dæmonis servitus, gustuosa scditatis delibatio, & diabolica inflexibilitas. Unde in naturam pene convertitur, & passim non nisi cum morte pessima finitur. 6. Peccata Personarum Deo Sacrarum [ut sunt Sacerdotes & Religiosi] Quot enim illi habent doctrinæ cælestis adjumenta? quot gratiarum stillicidia? quot Sacramentorum usus? quot bona consodaliū exempla? quot interna lumina in meditationibus? quot externa in sanctis lectionibus? Quot virtutum motiva? quot votorum vincula? Omnia hæc & innumera alia, tenent, catenant, exorant illas Personas, ne Deum offendant. Quid ergo, si penes hæc omnia Deum non verentur offendere, vota sua frangere, scandalizare fideles, honorem statūs constituere, & nomen Dei per se blasphemari. O quantam à Deo vindictam provocant? Reflecte te super hæc singula genera peccatorum, num in anima quoq; tua horum aliqua non reperiantur? Pende quanto conatu ea debeas in te extirpare, quantâ pænitienciâ expiare?

Erumpe in affectus magni doloris, timoris, Elice actus, spei, detestationis, petitionis &c.

Pro.

Propone armari & expugnare vitia inveterata.

CONSIDERATIO III. A quo peccatum recidivationis homini, præcipuè Religioso venit? & 1mo. A Tentatione maxime quæsit, si eam in primo motu seu aggressu non curat fortiter rejicere, & ex animo exturbare, imo non fugiendo proximas occasiones, sponte eam accersere censetur. 2do. Ab incuria minimorum, nempe frequentatione imperfectionum & peccatorum venialium qui enim spernit modica paulatim decidet in majora. 3tio. A negligentia profectus spiritualis, maxime orationis mentalis, & doctrinarum salutarium. 4to. A nimia securitate, & confidentia in viribus suis, ex superatis aliquibus tentationibus & periculis labendi concepta, dum enim mens secura redditur, in torpore laxatur. 5to. A radice peccatorum, idest ab affectu erga aliqua peccata, nondum perfecte eradicato & mortificato. 6to. A voluntaria permanentia in aliquo non adeo gravi peccato, dum mox per pænitentiam non tollitur; nam & modica scintilla nūc extinguatur, parit incendium. 7mo. A vicio loquacitatis, nam hoc aperit vastissimum ostium varijs gravibus peccatis. 8vo. Ab intemperantia in cibo & potu maxime; ebrietas enim est Mater omnium vitiorum. 9ho. Ab inobedientia in rebus parvis; hæc enim viam sternit frequentibus mendacijs, contemptui Legum & Superiorum &c.

Reflecte te, num hi fontes vel saltem aliqui non reperiuntur in te? & infer quantum fatagere debeas ut obturentur.

Erum-

Erumpe in affectus diffidentiae sui. Elice actus confusionis tui coram Deo, doloris de peccatis. Propone praedictas causas recidivationis tuae cum. Divino auxilio tollere, praecipue particularius tibi notas.

CONSIDERATIO IV. PRO quolibet peccato maxime recidivo, quotupliciter homo in hac vita punitur? &. Tripliciter. imo. Pœnâ amissionis seu damni. Nam privatur Gratia sanctificante quæ est decor imo vita animæ. Privatur omnibus meritis in statu gratiæ comparatis. Privatur mercede æterna pro bonis operibus in peccato exercitiis. Privatur imagine & similitudine Dei, & transformatur in bestiam operantem juxta ductum sensualitatis perversæ. Privatur coronâ vitæ æternæ sibi appromissa & jure ad illam. 2do. Punitur pœnâ afflictionis, videlicet. Ex gravissimo remorsu conscientiae quæ est quotidianus carnifex animi. Ex interna confusione quod factus sit mancipium diaboli. Ex passionibus effrænatæ quæ intenduntur in peccatore. Ex timore pœnæ tam temporalis quam æternæ, quæ sequitur peccatum mortale; ut namq; certus est homo se commisisse peccatum mortale, ita nunquam fere certus est sibi esse dimissum. 3tio. Punitur pœna infirmitatis seu lapsus; unum enim peccatum est pondus grave ceu massa illa plumbea Zach: 5. quæ animum peccatoris deprimit vio- lenter, ut facillime datâ quâcunq; occasione in aliud peccatum prolabatur; sicut David dum commisit adul-

fit adulterium; lapsus est brevi in homicidium.

Reflecte te super hasce pœnas & plagas peccatorum, & non conniventer dispice, num in anima tua non regnet aliquod peccatum inveteratum, quod tibi tot forsan angustiarum, timorum, diffidentiarum ad Deum, & relapsuum causa est, & infer quam omni studio & conatu illud extirpare debeas?

Reflecte te quoq; an saltem aliquod grave veniale, non sit in te radicum, & majoris illud fac, ut fors hætenus. Nam & veniale trahit post se mala sane non exigua: *1mo.* Enim maculat animam, adeo ut nisi eluatur aut hic aquâ lacrymarum, aut durissimo igne purgatorij, non permittat eam frui conspectu consortioq; Dei. *2do.* Veniale præsertim habituaturn faciliat hominem ad quæque etiam gravissima; nam sensim in contemptum Divinæ humanæq; legis pertrahit delinquentem, & passim in corde dicit: Quid est hoc? *3tio.* Ita sensim hominis mentem obnubilat, ut cæcutiat ad celestia, in amore Dei frigescat, in oratione torpescat, opera ex se bona langvide steriliterq; exerceat, & tandem licet aliqua ex se mortifera committat v.g: contra puritatem, charitatem, persvadeat sibi esse venialia.

Erumpe in affectus timoris, odij peccatorum. Elice actus, doloris, deprecationis. Propone non solum à mortalibus recedere, sed & venialia deliberata cavere studiosius.

CON-

CONSIDERATIO V. Quomodo resurgendum est ex peccator? 3. Ex peccato quantum ad culpam, resurgere possumus per pœnitentiam, quæ est secunda post naufragium tabula. Quæ ut sit vera Deoq; accepta, debet peccator hæc facere. 1. Peccata sua agnoscere. 2. Erubescere de peccatis. 3. Confiteri peccatâ sincere. 4. Dolere de illis cordialiter. 5. Satisfacere pro peccatis, per opera pœnalia. 6. Occasionēs proximās peccatorum vitare. 7. Humiliter de se sentire. 8. De peccato propitiato non esse sine metu. 9. Vitam & mores in melius emendare; nam ex S. Bern: *Ubi emendatio nulla, panitentia necessario est vana.*

Ex peccato vero quantum ad pœnam resurgere possumus. 1. Per opera misericordiæ & charitatis. 2. Per opera heroica, nempe per victorias nostri in adversis. 3. Per frequentem ac devotam sumptionem SS. Sacramenti. 4. Per patientiam in tribulationibus. 5. Per dimissionem injuriarum proximis nostris. 6. Per indulgentias Ecclesiæ, ad earum lucrationem diligenter se disponendo.

Reflecte te an hæc media ad resurgendum de barathro peccatorum, ad sananda vulnera animæ tuæ, ad placandam Dei justitiam in usu habueris? quomodo ea exercueris? Num pœnitentia tua sic aliquando saltem fuerit qualificata?

Erumpe in affectus confusionis de tua ignavia, duritie, negligentia salutis tuæ. Elice actus, doloris, resolutionis ad agendos digniores fructus pœ-

nitentiæ; Petitionis auxiliij Divini, ut te infirmum sanare, mortuum peccato, suscitare dignetur.

Propone diligentius lustrare conscientiam tuam, confiteri sincerius. Opera heroica exercere &c.

CONSIDERATIO VI. Quare Peccatores maxime recidivi & con-

suetudinarij, difficillime aut raro convertuntur ad Deum & iustificantur? &c. Ob has potissimum causas. *1ma.* Quia per frequentationem peccatorum, oritur in illis habitus peccandi, qui in naturam pene convertitur, ita ut quod à principio fuerat fragilitatis, sensim fiat necessitatis. *2da.* Dilatio pænitienciæ usq; ad senectutem vel mortem; cum tamen juxta *S. Aug.* Pænitentia sœra raro sit vera: nec senectus vel mors ipsa mutat vitam in melius, sed mutilat ac eripit. *3tia.* Desperatio de misericordia Dei post primum vel alterum quandoq; peccatum, quam dæmon potissimum imprimit animabus timidis [& quæ maxime cavenda est, ac in primis initijs peccatorum expellenda] ut animum ad pænitendum despondeant. *4ta.* Excæcatio intellectûs quæ est pœna peccatoris pro rebellionē cœlesti lumini, toties cor ejus tangenti, ex qua consequi solet depravatio voluntatis, & memoriæ deturpatio, ac tandem mira animi perversitas, ut videat meliora & non arripiat, videat peccata & approbet, sœpeque glorietur de illis, & exultet in rebus pessimis. *5ta.* Impletio mensuræ certæ peccatorum; nam sicut Deus unicuique homini prædefiniivit ab æterno mensuram meritorum ad salutem,

tem, ita & mensuram peccatorum ad damnationem, quam si compleat peccator, licet subinde vivat in hoc sæculo, jam mortuus est Deo, & nullum actum salutarem elicere potest. *6ta.* Derelictio Divina in peccatis, quæ est pœna omnium gravissima. Et fit: Per exclusionem timoris Dei filialis ex corde. Per cessationem remorsus conscientiæ, ut legitur de perditissimo M. Lutero, qui post diutinas conscientiæ torturas, 14. annis ante pessimam mortem jam deinceps nullum sensit remorsum. Per subtractionem auxiliorum Divinorum efficacium ad veram conversionem & pœnitentiam. Fitq; justo Dei judicio ut sic derelictus & projectus à Deo peccator, dum vult converti non potest, qui cum poterat noluit. De talibus dicit DEUS. Ps. 80. *Dimisi eos secundum desideria cordis eorum ibunt in adinventionibus suis, & usq; in aeternum non videbunt lumen.*

Reflecte te super hæc singula, quæ etiam perditissimos homines deberent percellere, & dispice num saltem initialiter horum aliqua in te non sentias. Nec præsume, nec despera, conatum tamen adhibe, ne accumules peccata, ne apponas iniquitatem super iniquitatem, sed minuere studeas.

Erumpe in affectus timoris pariter ac spei. Elice actus doloris intimi, humiliationis, obsecrationis Divinæ misericordiæ &c. Propone serio minuere peccata in quæ laberis frequentius, ne consuetudine invalescant. Propone sæpius has causas inconversionis revocare tibi in memoriam, & dic

sæpe in corde: Jam amplius noli peccare:

*Conclusio harum Considerationum
per Orationem Dominicam.*

Pater Noster. Pater peccavi in Cælum & coram te, jam non sum dignus vocari filius tuus, quinimo filius diaboli cujus desideria feci: & si tamen ego filius impius, tu pius Pater. Ostende mihi te Patrem misericordiæ, licet sim filius miseriæ. *Qui es in calis.* Et ego in fœtoribus peccatorum, in inferno inferiori malarum assvetudinum: erue quæso animam meam de manu inferi. *Sanctificetur nomen tuum* quod ego una cum tot gratijs, cum pretioso Sangvine Christi, profanavi, conculcavi. *Adveniat regnum tuum* per infinitam bonitatem tuam, quod ego millies amisi per execrabilem malitiam meam. *Fiat voluntas tua sicut in Cælo & in terra.* In cælo, ubi in libro viventium non sum dignus inscribi: in terra in cujus centro cum damnatis merui collocari, quia Sanctissimæ voluntati tuæ semper restiti, & meam cæcam ac stultam illi præposui. *Panem nostrum da nobis hodie.* Panem angustię, panem doloris, panem lacrimarum. Flebo Domine & non satiabor fletu, quia & tu Domine toto corpore flevisi pro me. *Et dimitte nobis debita nostra* ut sciant cæli ac inferi, quantos etiam peccatores salvet misericordia tua. *Sicut & nos dimittimus debitoribus nostris* Sed quos ego habeo? nullos Domine, quia
omni.

omnibus hominibus, imo omnibus creaturis sum injurius. Si quos tamen Domine habeo, ijs plene dimitto, omnemq; indignationem, vindictam ex corde erado, & in aperto latere Salvatoris mei æternum repono. *Et ne nos inducas in tentationem.* & si illi succumbere debeo, malo potius mi Domine mori! malo mori! *Sed libera nos à malo iræ & indignationis tuæ, à malo finalis impænitentiæ, à malo non amandi te, à malo damnationis æternæ.* Amen. Amem, amem, amem Te Domine, & amer à Te.

C A P U T V. M E D I T A T I O

De

Miserijs vitæ humana

CONSIDERATIO I.

Quis est in hoc mundo miserrimus? & Omnium creaturarum miserrimus est homo. Nempe *Imo.* In vitæ initio. Concipitur enim ut brutum de sædo stercore, animatur in servitute diaboli, ob peccatum originale quod incurrit. Nascentur in dolore ac sordibus: & cum animalia cætera nascantur cum vestitu & ornatu, cum viribus & motu, moxque pastum sibi quærunt, comedunt, bibunt, natant, incedunt, homo solus nudus oritur & invalidus, plorans & gemens, sui ignarus,

totq; fomentis indigens & curis. *2do.* In vitæ progressu, est miserrimus *In corpore* innumeris subiecto morbis, languoritus, & doloritus. *In sensibus* in quorum usu, vigore, & acutie superatur à multis bestiis, juxta illud.

Nos aper auditu, lynx visu, simia gustu

Vultur odoratu, præcedit aranea tactu.

In animo nam omnia discere debet cum labore tædio fatigio: quod si artes non bene calleat, experientiâ rerum non polleat, inter stultos & contemptibiles reputatur. *In Casibus varijs* nam innumeris periculis terrâ mariq; ab elementis, ab hostibus, est obnoxius. *In anima* quam si bonam sortitur à Domino, expositus est tentationibus, persecutionibus &c. si malam? expositus est periculo damnationis æternæ. *3tio* *In vita termino.* Tum quod sæpe longis & gravissimis morbis, eorumq; incommodis ante mortem divexatur. Tum quod mortui cadaver nulli bono est, ut plurimum animalium exuvia, sed fætori tantum & horrori. Tum quod cæterorum animalium miseriæ cum morte desinunt, hominis autem maxime peccatoris novæ miseriæ à morte incipiunt, quid si æternent?

Reflecte te, an jure in animo possis extolli ac rumescere, cum sis pauper & cæcus, & nudus & miser & miserabilis. Perpende an te miserum ex animo credis & agnoscis? an non potius felicem beatum, sapientem, fortem, honorabilem?

Erum-

Erumpe in affectus confusionis tui, & humiliationis coram Deo, cui comparatus, nihil es.

Elice actus subjectionis Divinæ voluntati, & Sapientiæ. Propone humiliter de te sentire.

CONSIDERATIO II. *Quæ* nam sunt miseriæ hominis in præsentī

vita? &c. *1mo.* Respectu totius hominis, est Brevitas vitæ. Quæ est enim vita nostra, nisi vapor ad modicum parens, & mox exterminabitur? Quam enim brevis illa est, si comparatur vitæ Cedrorum, palmarum, quercuum? Quam brevior, si comparatur vitæ corvorum, cervorum, elephantum, qui mille annos superare dicuntur? Quam brevissima deniq; si æternitati comparatur? profecto sicut dies hesternæ quæ præterijt. *2do.* Respectu corporis, sunt hæ miseriæ: Labor, dolor, fames, sitis, frigus, æstus, mors & corruptio, & aliæ quæ ex his procedunt: uti sunt insomniæ, tabes, langvores, nausæ, malus usus membrorum, turbationes, angustia animi &c. *3tio.* Respectu animæ sunt hæ miseriæ 1. *Ignorantia* quæ tot curas, labores, vigilias post se trahit in rebus vestigandis, in acquisitione scientiarum, artium, linguarum. Et quanto gravior est ignorantia rerum Divinarum, discretio rerum salutarium? 2. *Instabilitas seu infirmitas voluntatis* cuique explorata; quam enim breviter uni adhæret bono, in eodem persistit affectus? Quam volubilis in salutariis intentis in pijs desiderijs? nunc amore calet, nunc alget odio, nunc Divinis afficitur, nunc vanis

nis immergitur, nunc spiritum, nunc sensum sequitur, nunc cælestia libat, nunc terrena concupiscit &c. 3. *Concupiscentia* quæ homines à juventute, sæpe usq; in senectam & senium, violenter urget ad sensualia commoda, ad brutas & spurcas voluptates, à puro vero & summo bono mentem avertit, & hominem pene amentem facit. 4. *Malitia* Per quam sapit animo peccatum, adeoq; nec penitentia heroicâ diluitur, nec satisfactione condignâ redimitur. Unde veniunt gloriations de peccato, excusationes in delicto, perleverantia & obstinatio in malo.

Reflecte te. Tam fluxa brevisq; est vita tua, cur illi toto corde afficeris? cur æternæ illi quæ non habet finem cor & studium non apponis? cur illam tam segniter curas? Tot miseris animam corpusq; subiectum habes, cur adhuc in animo extolleris? cur toties tibi complaces? cur læpius vanissime gloriaris? Cur tibi inter tot amaritudines mundus sapit?

E rumpe in affectus humiliationis coram Deo. Elice actus petitionis, ut Deus ignorantia tu tenebras depellat, inconstantiam stabiliat, concupiscentiam extingvat, malitiam tuam emolliat.

Propone excitare in te desiderium vitæ æternæ à qua omnis exulat miseria.

CONSIDERATIO III. A quo præsentis miseriæ veniunt & augentur.
1^{mo}. Veniunt ab ipso Deo clementissimo.
Tum ut per earum sufferentiam pleriq; electi à præteritis

teritis peccatis expurgentur. *Tum*, ut à futuris præserventur. *Tum* ut per tolerantiam miseria-
rum, maiorem gloriam in cælo consequantur. *Tum*
ut proximi patientiâ eorum ædificentur. *Tum* ut
Deus ex patientia iustorum glorificetur. *Tum* ut
per eas multi à peccando revocentur, & ad De-
um convertantur. *Tum* ut multi pro peccatis suis
enormibus, tam in præsentī, quam in futuro sæculo
crucientur, uti factum est Antiocho & Herodi.
2do. Veniunt ab ipso homine, scilicet: A mala
voluntate, dum eam impleri ardentè desiderat,
nec tamen obtinet quod optat. A cupiditate ni-
mia terrenorum, quæ multorum laborum, curarum,
turbationum solet esse Causa. Ab immoderato ap-
petitu sensuum, qui multorum morborum, languo-
rum passim est occasio.

Reflecte te. Quam optimos & tibi salutares
fines habet Deus, dum te miserijs probat & affli-
git? Perpende an sapius tua voluntas, cupido, im-
moderatio non auxerit tibi misérias?

Erumpe in affectus laudationis Divinæ Justitiæ,
ac sapientiæ immittentis præsentēs misérias.

Elice actus religionis, humiliationis &c:
Propone tuam voluntatem & appetitus mortificare
& frænare.

CONSIDERATIO IV. PRO quo hisce miserijs à
Deo punimur & casti-
gamur? *R.* Punimur *Imo.* Originaliter pro pecca-
to originali, contracto à primis nostris Parenti-
bus, justitiâ Dei id exigente, & Sapientiâ ejus nos

M *erudi.*

erudiente, quantum malorum causa toti generi humano sit vel unum peccatum. Et sic, quia in omni peccato est quadruplexaversio mentis à Deo, nempe 1. Aversio à Deo ut est vita immortalis, pro qua punimur morte & miserijs corporis. 2. Aversio à Deo ut est summa Potentia, pro qua punimur fragilitate, & infirmitate animi nostri. 3. Aversio à Deo ut est summa Sapientia, pro qua punimur ignorantia multiplici. 4. Aversio à Deo uti est summa Bonitas, pro qua punimur concupiscentia & malitia. 2do. Occasionaliter punimur pro peccatis actualibus, quot enim sunt animi culpæ, tot homini debentur pænæ, quot corporis delectamenta, tot sequuntur tormenta; nam ex lege Dei, secundum mensuram delicti, erit & plagarum modus. Passim autem Divina Justitia, in hoc sæculo justorum labes præsentibus miserijs castigare consuevit, ne puniat in futuro; sicut enim igne probatur aurum sic homines receptibiles in camino tribulationis. *Prov. 17.* Reflecte te. Omnes miseriæ quas pateris sunt amara peccati germina, cur ergo hæc omnis mali semina, & pateris, & multiplicas in anima tua? Quo magis peccas, quo plures accumulas iniquitates, eo magis tam animæ quam corpori tuo etiam in præsentem es injurius? Utinam innocens ad exemplum Christi JESU, Preciosissimæ Matris suæ, & Sanctorum omnium præsentis miseriæ patiaris.

Erumpe in affectus admirationis malitiæ peccati. Elice actus doloris, detestationis tuorum peccatorum,

rum, desiderij patiendi pro Christo, & cum Christo, Propone misérias præsentés offerre Deo in satisfactionem peccatorum tuorum.

CONSIDERATIO V. **Q**uomodo misérias hujus vitæ ferre debemus?

1^o. Imo. Gratanter eò quod à manu Patris amantissimi proveniant, qui flagellat omnem filium quem diligit. *2^{do}. Hilariter*, propter spem certam, quod momentaneum hoc & leve tribulationis nostræ, æternum gloriæ pondus operabitur in nobis, & quanto magis hic gravabimur, tanto magis in cælo coronabimur. *3^{io}. Humiliter*, nam specialiter præsentibus miserijs Deus atterit, ut nos in humilitate [quæ est basis virtutum & fundamentum salutis] contineat. *4^{to}. Patienter* ad imitationem tot innocentum, tot Sanctorum, ipsiusq; patientissimi Salvatoris. *5^{to}. Confidenter*, quia Deus Pater misericordiarum & totius consolationis, semper tristibus læta miscet, & non permittit nos tentari supra id quod possumus. *6^{to}. Condolenter*, metiendo aliorum misérias ex nostris, & compatiendo in similibus miserijs. sicuti hortatur Apostolus Rom: 17. *Gaudete cum, gaudentibus, flete cum flentibus.* Et certè juxta S. Greg. *Cum alienæ infirmitati compatimur, valentius in nostra roboramur.*

Reflecte te super horum singula & perpende. Num hisce modis tolerare soleas tuas misérias? Metire veritatem ex tuis internis, externis remurmurationibus contra Deum, fors aliquando despera-

tionibus, maledictionibus, clamoribus, perturbationibus animi, aversionibus cordis à Deo, à proximis, desponsione mentis ab oratione, à labore, contractis à nimia bile infirmitatibus &c. & forsan invenies multa te passum non Christiformiter, steriliter, bestialiter.

Erumpe in affectus confusionis, humiliationis de tua superbia, impatientia, nimia sensibilitate in adversis. Elice actus doloris, spei, charitatis, resignationis ad Divinam voluntatem.

Propone aliquam singularem molestiam, æquo & miti animo tolerare.

CONSIDERATIO VI. **Q**uare Christus licet nos redemit à culpa & pœna æterna, non tamen liberavit nos ab omni pœnalitate & miseria? *1^{mo}.* Ut satisfiat Decreto Divinæ Justitiæ, punienti nos pro peccato originali. *2^{do}.* Ut per has misérias exsolvamus Deo debita nostrorum peccatorum. *3^{io}.* Ut sicuti volumus esse eum Christo socij consolationis & gloriæ, simus etiam socij passionis & miseriæ. *4^{to}.* Ut concitemur ad odium peccati, propter quod unice tam graves multiplicesq; patimur misérias. *5^{to}.* Ut per has misérias & amaritudines desipiat nobis mundus, & vita præsens, dulcescat autem Christus, & sapiat vita æterna. *6^{to}.* Ut peccator his miserijs trahatur & convertatur ad Deum, sicut reus citatione trahitur ad Judicem. *7^{mo}.* Ut præsentés miseriæ sint nobis memoriale mortis continuum; nam sunt quædam mortis

mortis præludia, maximè infirmitates & morbi.

Reflecte te supra Divinam Iustitiam, eamq; reverere humiliter: supra Divinam Sapientiam nostro bono has miseras immitentem, eamq; adora.

Erumpere in affectus detestationis peccatorum. Elice actus oblationis tuarum miseriarum Deo pro peccatis: recognitionis quod merito omnia pateris, & graviora merueris. Desiderij, ut sis socius passionis & consolationis cum Christo. Propone in morbis; vivacem excitare mortis memoriam.

Conclusio harum Considerationum per Orationem Dominicam.

Pater noster qui es in Calis. Et ego in terra miseriæ, in terra falsuginis, in terra exilij, in valle lacrymarum: respice miseriam meam, respice misericordiam tuam. *Sanctificetur nomen tuum* pro omnibus miserijs, quibus me probas, ut Pater amantissimus, quibus me castigas ut Iudex clementissimus. *Adveniat Regnum tuum*, à quo exulat omnis miseria, in quo omnis felicitas, & omnis est beatitudo. *Fiat voluntas tua &c.* ut ej conformer, sive me iuste castigat, sive misericorditer consoletur. *Panem nostrum quotidianum &c.* panem gratiæ qui me confirmet in hoc exilio, ut in omnibus miserijs subsistam in amore tuo, in debita patientia. *Et dimitte nobis debita nostra* Quid quid enim in præsentī vita me premit, debetur peccatis meis: quot quot patravi sceler

lera, tot contraxi pœnarum onera. *Sicut & nos dimittimus debitoribus nostris.* Quid quid unquam molestiæ perpeffus sum ab alijs, non reputo pro injuria, imo eam amore tui plene condono. *Et ne nos inducas in tentationem* resistendi voluntati tuæ, ex qua omnis crux & mileria descendit. *Sed libera nos à malo* culpabilis ignorantix, insipientis concupiscentiæ, inflexibilis malitiæ Amen.

CAPUT VI. MEDITATIO De Morte.

CONSIDERATIO I. **Q**uid sit mors? quam certa sit mors? quam incertæ ejus circumstantiæ? *R. ad Imum.* Mors est separatio violenta animæ à corpore: corporis ab operationibus, commodis, delicijs, vitæ. Est înteremptio sensuum tam internorum quam exteriorum. Est totius hominis ex hoc mundo perpetua expulsió, ex omnibus amatis bonis spoliatio.

Est amicitiarum, plausuum, honorum, divitiarum, solaciorum, desideriorum instantanea perditio, & perennis sepultura. Est ille peremptorius terminus, quo præsentaberis districto Judici, nec lacrymis placabili, nec ullis precibus exorabili. Est punctum illud decretorium, à quo pendet & incipit æternitas aut sine fine beata, aut sine fine dolenda.

Ad 2dum. Mors est certa ut nihil magis. Nam statutum enim est hominibus semel mori. Lex ista comprehendit & arctat omnes, divites & pauperes, humiles & sublimes, impios & Sanctos ipsumq; Sanctitatis fontem Christum Dominum. *Ad 3tium.* Mortis loco, tempore, causa, & modo nihil est incertius. Nam utiq; 1. Alij moriuntur domi, alij in via, alij in Patria, alij extra Patriam: 2. Alij in juventute, alij in senectute: alij dum maximè sperant, alij dum minime sperant: 3. Alij pereunt morbo, alij subitâ irâ, dolore, pudore, alios mergunt flumina, alios occidunt fulmina. 4. Alij moriuntur in sanctis, alij in pessimis operibus, alij defunguntur pretiosa morte Sanctorum, alij pereunt morte pessimâ peccatorum. Quanquam ordinariè evenit, ut qualis est vita, & finis sit ita.

Reflecte te quam omnium terribilium terribilissimum sit mors, & quam certa nihilominus sit? Interim cogitas ne mortem tibi futuram? Paratus ne es hodie ad mortem? ad inchoandam quam nescis æternitatem? An vitam tuam sic instituis, an conscientiam sic expiatam habes, ut quolibet loco & tempore mori sis paratus & supremo Judici præsentari? Vide an non pleraq; his in te sunt contraria?

Erumpe in affectus sancti timoris. Elice Actus approbationis, laudationis Decreti Divini de morte. Resignationis ad omnem locum, tempus, & modum mortis, proijciendo te in solam Divinam bonitatem. Propone frequentiore[m] mortis memoriam,

riam, & eundo cubitum dic: Ad lectum, ad lethum.

CONSIDERATIO II. **Q**uæ bona mors adfert
justis? & quæ mala

injustis? *R. Ad 1mum.* Justis hæc bona mors adfert. *Antecedenter* Solatium in ægri udine, quam suscipiunt ut nuntium cælestis sponsi invitantis ad cælum. Gaudium ex separatione à mundo, quem contempserunt, & cujus amaritudines probe cognoverunt. Spem certam salutis ac vitæ beatæ, quam ex meritis Christi, suisq; cum gratia Dei, conceperunt. *Concomitanter.* Præsentiam & vigorem mentis, quo se elevant ad Deum & æterna. Resignationem sui plenam in manus Dei. Occursum SS. Angelorum, Regina Angelorum B.V.M. ac nonnunquam ipsius Christi, Domini, consolantium in doloribus, invitantium ad cælestes delicias, ut in multis servis Dei probatum habemus. *Subsequenter* deniq; adfert susceptionem animæ à SS. Angelis, & felicem comparitionem in Dei conspectu. Liberationem ab omnibus hujus vitæ miserijs. Beatitudinem interminatam & securitatem perpetuam. *R. Ad 2dum.* Injustis mors hæc mala adfert: 1. *Antecedenter*, nempe: ægritudines, dolores, incommoda corporis, eò graviora, quo delicatioribus accidunt. Amaritudinem animi ex desertione voluptatum, divitiarum, honorum quibus cor immersum habuerunt. Horrorem & mentis angustiam proveniente ex consideratione peccatorum, quæ passim ad desperationem eos perducit. 2. *Concomitanter*, nempe: Difficultatem ele-

vandi

vandi cor ad Deum, disponendi se Christianè, & pœnitendi ex intimis præcordijs. Assultum dæmonum, qui omnes conatus exerunt ad animam peccatoris confundendam, perturbandam, obdurandam in malo. Separationem deniq; animæ à corpore violentam, absq; omni cordis solatio, spe salutis, ac protectione cælesti.

3. *Subsequenter* nempe. Raptum animæ miseræ à dæmonibus, [& tot certe quot eorum in vita invocavit, quot eorum desideria fecit] & statutionem coram irato Iudice Deo. Sententiam damnationis æternæ, ejusq; in inferno executionem perpetuam. Corporis tandem corruptionem, horrorem, fætorem, & post ultimum iudicium æternos cruciatus. Reflecte te in qua sorte mors te reperiet, iustorum an iniustorum? Num bona quæ iustis adfert, num deploranda mala quæ iniustis, à morte tua sperare debeas? Ab hac consideratione pendet momentum salutis tuæ! Attende saltem non conniventer, an in anima tua non hæreat aliquod peccatum inolitum, & diuturnâ consuetudine in naturam pene conversum? [quælia peccata sunt passim: Inveteratum odium, consveta mollities corporis, avaritia & cæcus amor bonorum temporalium] hoc enim profecto ponet te in parte iniustorum, ac dum adhuc vivis, oami vi & conatu illud extirpa.

Erumpe in affectus timoris, desiderij mortis iustorum. Elice actus doloris, detestationis peccatorum, deprecationis Dei, petitionis &c.

Propone rimari accuratissime quod vitium tibi maximum periculum & horrorem in morte incuteret?

CONSIDERATIO III. A quo mors homini venit? &c. Occasionaliter venit mors 1. A peccato originali; nam juxta Apostolum *ad Rom: 5.* Per unum hominem peccatum intravit in mundum, & per peccatum mors, & sic in omnes pertransijt. 2. Ab immoderato appetitu multorum hominum, saltem ocyor mors venit, dum vivunt quasi absq; lege & mensura, gulæ, ventri & libidini nimis indulgent: & sane: phires occidit crapula quam gladius. 3. Ab inhonoratione Parentum, & juste inducta super se maledictione illorum; nam Deus dixit: Honora Patrem tuum & Matrem tuam, ut sis longævus super terram. *Exod: 20.* *Efficienter* vero mors venit à Deo. 1. Ut effectus ejus bonitatis, nè homo diutius vivendo, longius torqueatur, amplius peccet, & plus pænæ mereatur. 2. Ut effectus Divinæ sapientiæ, tum nè mali diutius bonis noceant, tum ne boni diutius vivendo inter labendi pericula, corrumpantur. 3. Ut effectus Divinæ Justitiæ: sive dum punit morte ipsos tanquam vitâ indignos: sive dum justos transfert de mundo, tanquam jam cælo maturos, & vitâ meliore dignos. Reflecte te *imo.* Num tuâ immoderantia vitam tibi non abbrevias, quam impendere posses gloriæ Divinæ meritis tuis, bono Ecclesiæ, Religionis? num quoq; irreverentiâ Parentum sive carnalium, sive spiritualium,

tualium, ut sunt superiores, & alij tui Majores, tibi mortem non accelerasti, tibiq; ipsi non sis injurius? 2do. Qualemnam mortem sperare debeas? an ut effectum Divinæ Justitiæ præmiantis, num vero punientis?

Erumpe in affectus pudoris & humiliationis coram Deo, pro toties forsân datâ à te occasione mortis. Elice actus laudis Divinæ bonitatis, sapientiæ ac Justitiæ. Resignationis ad mortem tanquam pœnam tuorum peccatorum. Propone mortificationem gulæ, passionumq; tuarum.

CONSIDERATIO IV. PRO quo est necessaria mortis nostræ ignorantia? 1. *imo.* Ut semper simus parati, quolibet momento vocem Dei expectando. 2do. Ut in timore Dei contineamur, expectando quolibet tempore, & quovis loco mortem ceu gladium capitibus nostris impendentem. 3tio. Ut justî nescientes quantum temporis habent ad merendum, tanto impensius quolibet die pro salute sua operentur, sicut agricola nesciens quando hyems terram constringet, quam instantissime sementem absolvit. 4to. Ut injusti saltem hâc incertitudine mortis ab audacia peccandi arceantur & compeſcantur. Quid enim non auderent, si terminum vitæ perspectum haberent?

Reflecte te an paratus sis, imo saltim esse velis ad mortem? An occurrentem menti recordationem mortis non consulto repellis, ut liberius & laxius vivas? An cumulaſti lucra salutis per aliqua

opera excellentia, quæ tibi quoquomodo possunt mortem affecurare?

Plus ne temporis & studij impendis temporalibus bonis, quam spiritualibus & æternis? An non hucusq; totus es in præsentis vitæ desiderio? in commodis, delicijs quærendis &c.

Erumpe in affectus timoris Dei, desiderij vitæ æternæ: Elice actus doloris de tua negligentia merendi per bona opera vitam æternam? de tua audacia imo temeritate in peccando, quasi à Deo Syngrapham acceperis quam diu vives. Propone in majori timore Dei salutem tuam operari.

CONSIDERATIO V. Quomodo nos ad mortem præparare debemus? &c. *Dupliciter. Remote & proxime.* Remotæ præparationis formam præscribit Apostolus ad *Tit.* dicens: *sobrie & iuste & piè vivamus in hoc sæculo expectantes beatam spem & adventum gloriæ magni Dei.* Porro *Sobrie* vivimus, si non solum ebrietatem proprie talem (quæ permultis abripit vitam, & mortem repentinam affert) studiosè vitamus. Sed etiam, si vitam instituimus cum moderamine debito affectuum, non declinando ad dexteram vel sinistram, non nutando in primo studio perfectionis, non palando [ebriorum more] per varia mundi bona, per varias & vanas animi curas. *Iuste* vivimus: quò ad Deum, reddendo illi semper debitum amorem & honorem: quò ad proximum, non lædendo, non scandalizando, sed exhibendo illi charitatem, bonum exemplum, pro posse.

posse obsequium: quo ad te, aut servando primam innocentiam, aut expiando conscientiam. *Pie* vivimus, in devotione interna crescendo, in amore Dei proficiendo, Divinis meditandis inhaerendo, virtutum exercitijs insistendo, & ad ea quæ sunt spiritus primam curam adhibendo. *Proximæ* præparationis formam porrigit ipse Christus: *Marci: 13.* dicens. Videte, vigilate. & orate; nescitis enim quando tempus sit. *Videmus* si brevi futuram mortem respicimus, quanto plures annos vitæ exëgimus, quanto majores in corpore affectiones præsentimus. *Vigilamus* si in gravi & lethali morbo positi oculos mentis nostræ avertimus à terrenis, & convertimus ad salutaria, nempe ad maturè expiandam conscientiam, ad suscipienda Sacramenta moribundis necessaria. *Oramus* si eo tempore ferventius mentem ad Deum elevamus per affectus & actus fidei, spei, amoris Dei, resignationis, condonationis injuriarum, desiderij videndi Deum, oblationis nostrorum dolorum, gratiarum actionis &c. si quoque ad lucrandas in articulo mortis Indulgentias bene nos coaptamus.

Reflecte te. Num sobrie, juste & pie hætenus vitam egisti? sic enim vivere est signum optimæ præparationis proximæ. Reflecte te num gravi aliquando ægritudine conflictatus vidisti, vigilasti & orasti? An non forsitan in morbis totam curam de corpore habuisti, impatientissime dolores tulisti, servientes tibi onerasti, exacerbasti?

Na.

Erumpe

Erumpe in affectus confusionis tui doloris &c. Elice actus gratitudinis Deo, quod te hucusque conservet. Propone melius vitam instituere, ut bonam mortem commerciare.

CONSIDERATIO VI. Quare tam boni quam mali potius ociorem mortem, quam longam vitam debeant exoptare? &c. Boni ob has causas. 1. Quia diu in hoc mundo vivere, nihil aliud est, nisi diu torqueri. 2. Quia licet vita præiens est campus merendi, mors tamen est medium omnia delinquendi pericula pro semper evadendi. 3. Quia illorum miseriæ non nisi morte finiuntur. 4. Quia post mortem recipient pro suis laboribus mercedem, & pro pugna coronam immortalem. *Mali* verò ob has 1. Ne diutius vivendo, amplius & amplius Deum offendant. 2. Ne proximis noceant amplius eos affligendo vel scandalizando. 3. Ne in mundo locum occupent fidelioribus Dei servis. 4. Ne majorem damnationem incurrant, accumulando in dies peccata.

Reflecte te, an non potius omnia tua desideria tendant ad præsentem vitam longiorem? & agnosce te gravi hoc errore ac stultitiâ laborare.

Erumpe in affectus confusionis de tua stultitia. Elice actus resignationis, contemptus vitæ præsentis. Propone vanam spem & desiderium vitæ è mente tua repellere.

Conclusio

*Conclusio harum Considerationum
per Orationem Dominicam.*

Pater noster qui es in calis. Agnosce me jam moriturum pro filio, & concede, ut in agone possim dicere: Pater in manus tuas commendo spiritum meum respice me tunc de cælo sancto tuo, & libera me in mortis hora ab inferni periculis. *Sanctificetur nomen tuum* & imprimatur ori & cordi meo, usq; ad ultimum expirium nomen JESU Salvatoris mei. *Aa veniat Regnum tuum.* Ah! utinam non sero, ut te ocyus videam amemq; beatificè. *Fiat voluntas tua sicut in calo & in terra.* Ad quam implendam, ad quam adorandam resigno me, ad mortem, & eam voluntariè à Te Domino vitæ & necis suscipio. *Panem nostrum quotidianum &c.* Panem vivum qui de Cælo descendit, da nobis hodiè, & maxime ante mortis horam, ut Viaticum peregrinationis, ut pignus beatitudinis. *Et dimitte nobis debita nostra,* quia infinitè bonus es! sed & bonitatem tuam offendi? dimitte tamen Domine, quia copiosam mei accepisti redemptionem, sanguinem, vitam, Mortem Filij tui: & tunc dimitte Domine servum tuum in pace. *Sicut & nos dimittimus debitoribus nostris:* nemo jam mihi Domine quidquam debet, ego tantum tibi debitor sum summi amoris, utinam in ejus actu moriar. *Et nenos inducas in tentationem* prælumptionis aut desperationis in ultima hora

hora vitæ meæ. *Sed libera nos a malo* finalis im-
 perseverantiæ, libera me ab hoc malo per dolo-
 rosam JESU agoniam, per omnia viscera Tuæ pi-
 etatis: Amen.

CAPUT VII. MEDITATIO

De Iudicio Dei.

CONSIDERATIO I. **Q**Uis judicabit? quis
 judicabitur? ubi,
 quando, & quomodo? *ꝙ.* Ad *1mum*. Judica-
 bit Deus, ob suam immensitatem ineffugibilis, ob
 summam rectitudinem indeclinabilis, ob summam
 sapientiam indeceptibilis, ob summam Justitiam in-
 exorabilis: Judicabit Deus, quantum olim pius &
 misericors, tantum in die judicij severus & justus.
 Judicabit Deus millies offensus, contemptus, ne-
 glectus & irritatus. Judicabit immediatè & visibi-
 liter Christus JESUS, Amator nostri æternus,
 Legislator Sanctissimus, Altor nostri Dulcissimus,
 Redemptor laboriosissimus: Ille JESUS, qui amo-
 re salutis nostræ maxima egit, dirissima sustinuit:
ꝙ. Ad *2dum*. Judicabitur omnis homo, & exa-
 minabitur quatenus est homo ratione præditus,
 ad æterna creatus: quatenus Christianus, Religi-
 osus &c. *ꝙ.* Ad *3tium*. Judicium particulare sub-
 stit in eo loco ubi decedit è vita. Universale in
 valle

valle Josaphat pone montem Oliveti; nam ex quo loco Christus ascendit in Cælum, in eodem comparebit ad judicandos homines: & in quo loco incæpit opus Passionis & misericordiæ suæ, in eodem quoque consumabit opus Justitiæ suæ *Æ. Ad 4^{um}*. Particulariter & solitarie judicabitur homo in momento mortis suæ, dum anima separabitur à corpore. Generaliter vero judicabitur die illâ soli Deo notâ, die iræ & indignationis, die calamitatis & miseriæ, die tenebrarum & caliginis, die tubæ & clangoris, ut dicitur *Sophonia cap 1. Æ. Ad 5^{um}*. Judicabitur in veritate & justitia, nulla enim tunc obrepet fallitas, nulla restabit causâ clementiæ.

Reflecte te coram quanto & quali Iudice? quantillus & qualis comparere debebis? Formidas Iudicem hominem tibi naturâ æqualem, reatu aliquando parem: Ô quam exhorresces Iudicem Deum, infinities Te Dignorem, sanctiorem! coram quo nec cæli mundi sunt, & in Angelis suis reperit pravitatem.

Erumpe in affectus sancti timoris. Elice actus fidei, adorationis supremi Iudicis, humiliationis tui, confessionis peccatorum, implorationis Divinæ misericordiæ &c. Propone sæpius renovare memoriam Iudicis Dei.

CONSIDERATIO VI. QUæ potissimum timenda sunt in particulari & quæ in universali Iudicio Dei? *Æ. Ad 1^{um}*. Hæc timenda erunt. I. Iudicis Christi omnia videntis exactissima inquisitio de rebus singulis à ma-

ximo usq; ad minimum; ita ut non solum de negotijs magni momenti [ut sunt Sacramentorum usus, transgressiones votorum aut gravium præceptorum] sed etiam de minutissimo quadrante temporis inutiliter perditis, de verbis otiosis, & cogitationibus occultissimis rationem sit exacturus.

2. Multitudo rerum de quibus reddenda erit ratio; cui enim multum datum est, multum requiretur ab eo. Cum ergo tibi innumera prope collata sint beneficia tum in ordine naturæ, tum in ordine gratiæ, vide quantam patieris difficultatem in reddenda ratione! 3. Inductio demeritorum tuorum per infensissimos dæmones, quibus multifariam peccando obedisti, servijisti, quos forsitan multoties invocasti: qui utiq; producent non solum tabellam tuorum peccatorum, sed etiam omnium à te scandalizatorum, corruptorum, offensorum, afflictorum &c. 4. Quia Judicium etiam particulare, est ultimæ instantiæ, à quo nulla dilatio, nulla intercedere potest appellatio, nec aliud ab illo expectandum, nisi unum ex his: *Discede à me maledicte in ignem æternum vel veni benedicte Patris mei posside Regnum.* &c. Ad 2dum. Hæc timenda erunt in Iudicio Universali. 1. Aspectus irati Judicis, & Majestas nusquam visa & audita, quæ ipsis quoq; sanctis timorem inculcet, & damnatis horrorem intolerabilem, ita ut tunc clament ad montes & petras: *Cadite super nos & abscondite nos à facie sedentis super thronum & ab ira Agni.* Apoc. 6. 2. Aspectus Crucis Christi ac vulnerum

ejus

ejus super sydera fulgentium, monumentorum amoris illius, signorum olim salatis, sed millies à multis contemptorum. 3. Dismembratio perpetua, irrevocabilis ac æterna plurimorum, cognatorum, amicorum, contribulium, ConChristianorum, Con-sacerdotum, Correligiosorum, dum alteros illorum statuet Judex à dextris, alteros ad sinistram ceu hædos retrudet. 4. Revelatio omnium secretissimorum facinorum coram univerſo hominum cætu & exinde pudor intolerabilis ac opprobrium sempiternum, quod maximè superbis erit inexplicabile tormentum, ijs specialiter quos mundus adorabat, qui pro pijs & sanctis censebantur. 5. Sententia ultima, publicumq; decretum contra damnatos. *Discedite à me maledicti in ignem æternum*, quod approbabit, collaudabit, omnes beati & ipsa beatorum Regina, Dei Judicis Mater.

Reflecte, te, an hæc infanda mala, serio tuæ menti imprimere soleas, & quantum imprimere debeas ut salveris? Perpende quomodo in armatam fulminibus irati Judicis faciem oculum levabis? qui à clementissimo nunc Patre oculos toties averſi, quoties contempto inæſtimabili Deo, ad mitellam Creaturam cor & animum convertisti, Attende, quâ fronte crucem JESU, sanguine illius rubricatam aspectabis? qui toties inimicus Crucis ejus, conculcator pretiosi sanguinis ejus, & vulnere ejus fueras renovator?

Erumpe in affectus timoris & confusionis tui. Elice actus humiliationis tui &c.

Propone sæpius hæc quæ dicta sunt in memoriam revocare; & illud Propheticum ingeminare: *Malach 3. Quis stabit ad videndum Eum?*

CONSIDERATIO III. A quo accusabitur homo in iudicio Dei?

R. 1. A Sancto Angelo Custode, qui sicuti nunc est noster ad bonum Excitator, Pædagogus, Tutorq; indefessus, ita in die iudicij comparebit Patronus iustitiæ, zelotes læsi à te honoris Divini, & memor optimè suarum à te offensarum. **2.** A malis Angelis, nunc blanda, tuæq; sensualitati placita suggerentibus, tunc autem vel minima peccata tua cum insultatione producentibus. **3.** A Complicibus tuorum peccatorum, maxime his quos ad peccandum, & fors ad damnationem induxisti. **4.** A propria tua conscientia, quæ contra te erit tanquam mille testes, & speculum totius vitæ tuæ. **5.** A Legibus Divinis & humanis, quibus te subdidisti [vg: à Regula tua] & toties eas infregisti, contempsisti. **6.** A qualibet Creatura ad usum tibi concessa, quâ non es usus ad Dei gloriam, sed ad ejus offensam. **7.** A Christo ipso, qui labores ac sudores suos tuæ salutis causa susceptos palam producet, & ingratitude tuam accusabit.

Reflecte te, quam ingentia castra contra te consurgent in iudicio Dei? Quantus pudor & horror te invadet, dum in manu uniuscujusq; cernes authenticam tabellam peccatorum tuorum?

Erumpe in affectus admirationis. Elice actus deprecationis Christi JESU, Angeli tui Custodis,
doloris

doloris de peccatis. Propone vivere cautius & castius, quasi omnis creaturæ oculi in te jacerentur.

CONSIDERATIO IV. PRO quo coram Iudice Deo judicabitur homo?

& pro quo damnabitur vel salvabitur? *1^o* Pro cogitationibus vanis & malis. *Vanis*, idest ad nullum finem bonum, honestum, salutarem ordinatis. *Malis* idest quæ sunt contra veritatem, charitatem, puritatem, pietatem &c. si in illis cogitationibus deliberatè versabatur, nec excutiebat ex animo, sed consentiebat, vel ijs delectabatur. *2^{do}* Pro verbis otiosis seu vanis, tanto magis læsivis, scandalosis, blasphemis, falsis &c. *3^{rio}*. Pro intentionibus perversis, malis, vanis, per quas etiam opera ex se bona corrumpebat. *4^{to}*. Pro operibus malis sive proprijs sive alienis, idest suâ ope causatis in alijs, tam publicis, quam occultis, tam notis quam affectate ignotis. *5^{to}*. Pro omissionibus illorum bonorum operum, ad quæ sive ex præcepto Divino, sive assumptâ obligatione status, officij, sive ex forti instinctu Divino tenebatur. *6^{to}*. Pro malo, ignavo, vel nullo fere usu collatorum sibi à Deo talentorum, gratiarum, ac temporis pretiosi. Pro his omnibus si pervenerunt ad peccatum mortale damnabitur: E contra pro bonis cogitatis, dictis, intentis, factis, salvabitur.

Reflecte te super horum singula, scrutare Jerusalem animæ tuæ in lucernis, idest examina absque

negligentia & assentatione. Metire cogitata, dicta, facta tua ex intentionibus tuis, quæ si in te sunt passim bonæ & rectæ, potes humiliter inferre, quod rarius actiones tuæ tam internæ quam externæ, lethaliter peccaminosæ fuerint, si vero perversæ? infer oppositum.

Erumpe in affectus timoris Divinorum iudiciorum, desiderij operandi salutem tuam in majori timore & diligentia. Elice actus confusionis tui, humilitatis, doloris &c: Propone examina conscientia diligentius instituere.

CONSIDERATIO V. **Q**uomodo nos ad Iudicium Dei præparare debemus? &c. Multis quidem modis [quos recenset Tob: Lohner Tom: 2. Tit: 72.] at his præcipuè. *1mo.* Si frequenter conscientiam nostram lustraverimus, eamq; contritione, confessione ac pœnalibus operibus expiare studuerimus. *2do.* Si caveamus aliorum vitam, actus & mores, ex levissimis conjecturis ac indicijs temere judicare. *3to.* Si aliorum iudicia temeraria, & quasvis injurias nobis illatas patienter feramus, ex corde condonemus, & inimicis nostris beneficiamus. *4to.* Si Iudicem nostrum conciliemus nobis muneribus bonorum operum, maxime charitatis, misericordiæ, humilitatis. *5to.* Si Iudicem nostrum Christum fideliter imitemur ejusq; mandata, exempla, consilia sequamur & impleamus. *6to.* Si Passioni Christi ex corde afficiamur, eamq; frequenter ac ferventer recolamus & in ea spem nostræ salutis reponamus.

namus. 7mo. Si B. V. Matrem Dei, Matrem pulchræ dilectionis, & sanctæ spei, sincero amore, devoto cultu & obsequio prosequamur; nam; ideo ab æterno Mater Dei præelecta est, ut quem Deus salvare non potest per meritissimam justitiam, ipsa salvet per misericordiam & pietatem suam, teste S. Chrysost.

Reflecte te absq; conniventia, num hæc media affecurandi tibi iudicii Divini in praxi habeas? Perpende quod vix Morio in theatrum proslit imparatus, tu vero ad theatrum Iudicis Dei, ad publicam illam scenam, forte minime es paratus. Quid si hodie ad Iudicium Dei vocareris?

Erumpe in affectus confusionis de tanta tua stultitia, negligentia salutis tuæ æternæ. Elice ætus timoris, doloris &c. Propone, ante mortem præparare iudicium tuum.

CONSIDERATIO VI. OB quas causas Iudicium Dei universale sit necessarium cum in particulari unusquisq; iudicabitur? &c. Ex parte Dei sunt hæ causæ: 1. Ut Deus coram omni rationali creatura iustificet causam suam, ostendatq; opera Sapientiæ, Providentiæ, Justitiæq; suæ circa gubernationem salutemq; omnium fuisse vera, sancta & iusta. 2. Ut Deus ostendat Majestatem gloriæ suæ non solum electis, sed etiam reprobatis, ad eorum horrorem & opprobrium sempiternum. 3. Ut confundantur & reveantur qui detrahebant oraculis ac operibus Dei, eaq; in reprobum sensum detorquebant. Ex parte Chri.

Christi sunt hæ. 1. Ut omnes ejus contemptus in vita, in Passione, in SS. Sacramento illatis, publicâ damnatorum confusione, electorum vero laude & confessione reparentur. 2. Ut Christi JESU altissimus honor elucescat, ex visibili Judiciaria potestate, sibi à Deo Patre collata, & perstringat oculos & corda illorum, à quibus inique fuit judicatus. 3. Ut Passio, Crux & vulnera Christi, media salutis nostræ, ab omni Creatura agnoscantur, publiceq; honorentur.

Ex parte hominis hæ causæ. 1. Ut damnatorum peccata quæ studiose occultabant, sacrilege celabant, omnibus pateant, ad majorem suæ hypocrisis pœnam, & superbix confusionem. 2. Ut electorum pia opera plurimis ignota, actiones sinistre a multis interpretatæ, innocentia sapius condemnata, pateat omnibus ad maximam gloriam electorum. 3. Ut impij sint inexcusabiles de suis peccatis, ubi videbunt innumeros similis, ætatis, statûs, conditionis, in iisdem periculis, tentationibus, occasionibus, in gratia & amore Dei se conservasse, & gloriam æternam meruisse.

Reflecte te super hoc opus Divinæ sapientiæ idest supra universale Judicium, & perpende quid tibi immineat horroris ex visa Dei Majestate, Christi Persona & Cruce. Ex sacrilegis forsan tuis confessionibus, ex hypocrisi tua, ex temerarijs multorum judicijs, persecutionibus, ex omnibus deniq; tuis peccatis?

Erumpe in affectus admirationis Divinæ Justitiæ
ac sa-

ac sapientiæ. Elice actus adorationis earundem, laudis, gratulationis Christo Domino, omnibusq; electis ejus. Invoca Passionem, Crucem, Sanguinem Vulnera Christi in salutem. Exere actus, timoris, doloris, spei. Propone confessiones tuas exactissime absolvere, omnem hypocrisim devitare.

Conclusio harum Considerationum Per Orationem Dominicam.

*P*ater noster qui es in Calis. Agnosco te Patrem amantissimum, timeo Judicem severissimum, subijcio me Tuæ Justitiæ Sanctissimæ, Proijcio me in abyssalem misericordiam tuam. *Sanctificetur nomen tuum*, quia judicia tua vera sunt, & omnes viæ tuæ justitiæ, quia misericors & miserator & justus es Domine. *Adveniat Regnum tuum*, à quo exhæredari quidem promerui, sed me tua pietas restituat, quem impietas mea jure ad illud destituit. *Fiat voluntas tua sicut in Calo & in terra.* O utinam illa miserantissima voluntas quâ omnes vis salvos fieri, & neminem vis perire: quâ non vis mortem peccatoris, sed ut convertatur & vivat. *Panem nostrum quotidianum da nobis hodie.* Panem vitæ & aquam sapientiæ salutaris, ut cognoscam tremenda judicia tua, ut ea recogitem, & timeam a judicijs tuis *Et dimitte nobis debita nostra.* O quantum tibi debeo mi Domine pro tot beneficijs! quantum pro iniquitatibus meis! Heu: non habeo unde solvam: usur-

po mihi ex thesauro meritorum Christi, ex abyssis miserationum tuarum. *Sicut & nos dimittimus debitoribus nostris.* Dimitto & ego omnibus ex toto corde meo, dimitte tu mihi Domine ex toto corde tuo, facio amore tui quod iussisti, da ut pius quod promissisti. *Et ne nos inducas in tentationem oblivionis iudiciorum tuorum. Sed libera nos à malo illius terribilis sententiæ, quam proferes in damnatos.* Amen.

CAPUT VIII.

MEDITATIO

De Pænis Inferni.

CONSIDERATIO I.

Quid sit Infernus damnatorum? *R. Imo.*
Quo ad situm. Infernus est antrum vastissimum in centro terræ situm, à constitutione mundi paratum diabolo & Angelis ejus. Est specus igne, sulphure plena, omni fæore, putore, ex totius mundi fæcibus descendente infecta. Est immane chaos, densis tenebris horridum, in quo lux diesque nunquam, in quo ignis lucet miseris ad augmentum ut videant unde doleant, & non ad consolationem; ne videant unde gaudeant. *2do Quo ad qualitatem.* Infernus est Cataclysmus omnium malorum, diluvium omnium miseriarum, cruciatuum, dolorum, in anima, in corpore, mirâ Dei virtute inf.

te intensorum, elevatorum in summo gradu. Est carcer æternus debitorum summi Creditoris, in quo semper lugent & luunt debita, nunquam tamen solventur ab illis. Est Theatrum læventis [quanquam sancte] Divinæ Justitiæ, in quo omnis creatura armatur ad ultionem inimicorum ejus, omnia elementa vim totam exerunt, omnes sensus & potentiæ vivacissimè sentiunt. 3tio. Quo ad durationem. Est Oceanus, qui nunquam exhaurietur. Est circulus in quo ultimum punctum non attingetur. Est nodus qui nunquam dissolvetur? Est æterna pœna, & pœnarum æternitas. 4to. Quo ad incolas. Est ergastulum omnium dæmonum contra homines invisorum, cruentorum. Est receptaculum omnium rabidorum, furibundorum, desperatorum, iniquissimorum, spurcissimorum, maledictorum, despectorum, à facie, à consortio, à corde Dei repulsorum.

Reflecte super hæc singula inferni mala, & totis artubus exhorresce. Expende quam infelicem te censes, si aliquot annis in tenebris, in latrina sederes? si aliquot annis uno gravi dolore v. g. podagræ aut dentium affligereris? si aliquot annis inter scelestissimos, pessimos versareris? Quid igitur inferes? o quam horrendum in tenebris, in flammis, in omnibus, in summis doloribus, in consortio pessimorum dæmonum & hominum, idq; pro momentanea volaptatula, irrevocabiliter, æternaliter perennare, tabescere, ululare!

Erumpe in affectus timoris. Ellice ædus fidei

pænarum infernalium. Approba & lauda Divinam Justitiam, invoca Misericordiam. Dole ac gеме de peccatis. Propone infernum in memoriam revocare.

CONSIDERATIO II. Quæ damnati patiuntur in inferno? *Æ. 1mo.*

Generaliter. Patiuntur pænam damni & sensus, illam in anima, hanc in corpore, sicut in utroq; peccaverunt. Prior consistit in privatione Visionis Dei beatificæ perpetua. Posterior in dolorum sensibilibus inflictione. *2do.* Particulariter. Patiuntur *in Intellectu*, continuam, indefinentem recogitationem summorum malorum, dolorum, cruciatuum quæ sistent & sustinebunt in æternum. *In voluntate* perpetuam contrarietatem, desperationem, exclusionem omnis piæ affectionis ad optimum numen. *In Memoria* vermem conscientia, idest ineratissimum dolorem & pudorem ob peccata commissa, ob æterna bona amissa, ob æterna mala immissa, propter modicam voluptatem & vanitatem temporaneam. Qui vermis seu passio nunquam quiescet, nusquam morietur, sed vorabit animam damnati morsu amarissimo. Patiuntur *In Imaginativa & sensitiva Potentia*, fortissimam apprehensionem malorum præteritorum, horrorem futurorum, & exinde rabiem, iram, furorem, ex quo erumpent fletus, gemitus, dentium stridor, rugitus, ululatus inconditi. Patiuntur in sensibus externis. Nam *Visus* cruciabitur ejaculantibus undiq; flammis, mordacissimo fumo,

fumô, densis tenebris, teterrimis larvis, horrificis, monstis, novis & novis torturæ instrumentis. *Auditus* horrendis contra Deum blasphemijs, lamentis, contra Sanctos, Parentes, Superiores, contra socios criminum, contra diem nativitatis, Professionis, Sacerdotij, demum rictibus belluarum infernalium, rixis tantorum hominum & dæmonum, & væ omnium continuo. *Odoratus* tot corporum putridorum, tot sordium quæ ab initio mundi in vastissimam inferni latrinam defluunt, tot vaporum quæ ex sulphure, calce ascendent, gravissimo pædore. *Gustus* immani fame, ardentissima siti, omni amaritudine, nausæâ, ex fædissimis sordibus, venenis, liquatis metallis, felle, pice, sulphure discruciabitur. *Tactus* igne omnes fibras penetrante & findente, frigore omnes artus constringente, concisione omnium frustatim membrorum, discerptione omnium nervorum, venarum, ossium &c.

Reflecte te super tam immanes damnatorum pænas à quibus nulla animæ portio, nulla in corpore pars vacabit. Perpende attentius pænam damni.

Quid est hoc, videre Deum nunquam? amare Deum nunquam? amari à Deo nunquam? Cogita ex hac pæna, quam infanda mala sequantur? Nempe: æterna & inexorabilis aversio miserantissimi illius Divini cordis à quolibet damnato, tanquam ab hoste, tanquam à veneno &c. Constans obturatio Divinarum aurium ad lamenta quæq; damnatorum, etiam olim diu amicorum. Abnegatio firma &

oblivio mira eorundem; nam oblivione obliviscetur eorum qui sedent in tenebris, & in umbra mortis. *Oſea* 1. Deletio, erasio damnatorum [ah quam multorum Sacro nomine insignium] de libro viventium, ut vel nomen eorum non memoretur amplius. Omnium SS. Angelorum, omnium hominum beatorum, ipsiusq; Maris pul hræ dilectionis & sanctæ ſpei odium implacabile [quam sanctum] erga damnatos. Perpende acerbissimas ſenſuum pænas. Quid tecum fiet delicatule, cui ordinis rigor, cui iuxta pro peccatis pænitentia tam est moleſta? Quid fiet, dum in omnibus tuis ſenſibus patieris, torreberis, diſcerperis, affligeris &c.

Erumpe hinc in affectus admirationis, timoris. Elice actus, doloris, deprecationis, ſpei &c. Proponere corpus tuum caſtigare dum vivis, nè poſt mortem tam dira patiaris.

CONSIDERATIO III. PRO quo hiſce pænis torquentur damnati?

1^{mo}. Torquentur pænâ damni, pro averſione mentis ſuæ à ſummo bono, à ſummo pulchro, ſcilicet Deo, & pro contemptu amicitia, charitatis, gratiæ Divinæ, ac cæleſtis gloriæ, poſtponendo tanta bona ſuis deſiderijs & vanitatibus; juſtum namq; eſt ut qui mentem ſuam averterunt à Deo, avertat faciem ſuam ab ejs. *2^{do}.* Torquentur in potentijs rationabilibus animæ, nempe *in Intellectu* pro ejus converſione ad vana & tranſitoria. *In Voluntate* pro ejus adhæſione ad eadem.

In Me.

In Memoria pro immersione ejus in creatis, & oblivione Divinarum legum, inspirationum, rerum salutarium & cælestium. *3tio.* In alijs animæ potentijs, pro imaginationibus vanis fædis, perversis: pro desiderijs & oblectamentis sensualibus. *4to.* In sensibus externis pro eorum incustodia & dissolutione. Sic in *Visu* torquebuntur pro aspectibus vanis, lubricis, curiosis, impudicis &c. In *Auditu* pro libenti adlælicne ad verba blasphemæ, detractoria, impia, scandalosa. In *Odoratu* pro nimia conniventia, & delectatione in rebus suaviter olentibus, fastidio cujuscunq; fætoris vg: ægrotantium. In *Gustu & ore* pro nimia delectatione in commestationibus, dulciarijs, potationibus, ad luxum, excessum, pro jejunijs Ecclesiæ non servatis & contemptis. Pro verbis item inhonestis, detractorijs, lætivis, impijs, perjuris, maledictorijs, scandalosis, &c. In *Tactu* deniq; pro luxuria & conniventia corpori suo; maxime cum excessu, corruptione alienæ innocentia, cum profanatione sacrorum locorum &c.

Reflecte te super hæc singula, & examina, num per omnes potentias animæ corporisve tui, non patraſti ea, quibus tam graves imminet pænæ.

Recogita usum mentis, cordis, sensuumq; tuorum, num fuit ordinatus, modestus, honestus & prudens? num forsân dissolutus, inhonestus, brutalis? &c. Et infer quod quantum in delicijs fuisti, tantum tibi datur tormentorum, & ut prædixit Job. c. 20. *Lues qua fecisti omnia, nec ta-*

*men consumeris; juxta multitudinem adinventio-
num tuarum, sic & sustinebis.*

Erumpe in affectus timoris. Elice actus doloris
serij, confessionis & confulsionis coram Deo: imple-
ra pijsimam Dei misericordiam, deprecare justiti-
am Propone eos maxime affectus extirpare, eos
sensus mortificare, quibus magis deliquisti.

CONSIDERATIO IV. A quolibet damnatorum
qualiter hæc pænæ su-
stinentur in inferno? *1^{mo}.* Sustinentur cum
summo animi mærore, perturbatione ac furore,
eo quod ab ultimo fine ac centro suo scilicet Deo
ac beatitudine irrevocabiliter deviaverint, licet
tot viæ ac mediâ præsto illis fuerint ad eum at-
tingendum & possidendum. *2^{do}.* Cum inexpli-
cabili cruciatu ac dolore omnium sensuum, absq;
ullo respiro, levamine ac remedio. *3^{tio}.* Cum
maxima invidia contra Deum, Sanctos, potissimum
se olim inferiores, suarum iniquitatum sodales,
cum illos recogitant & vident æternum beatos, se
perpetim infelices. *4^{to}.* Cum summo odio, blas-
phemia & maledictione contra Deum qui illos
condemnavit, contra Parentes, Tutores, Præce-
ptores, Superiores, Sodales, qui illos à peccatis
non reduxerunt, imò ad multa scelera induxerunt.
5^{to}. Cum intensissimo desiderio sui finis, interitus,
annihilationis, quod quantò erit sterilus & vani-
us, tanto gravius eos discruciat. *6^{to}.* Cum de-
spiratione continua & irremediabili, cogitando
se omni amicitia, protectione, consolatione, & cle-

men-

mentia privatos. 7mo. Patientur æternaliter, nam nihil in inferno audietur, nisi hæc duo verba: Semper. Nunquam. semper pati, semper torreri. Nunquam cessare, nunquam respirare.

Reflexe te super horum singulâ, & potissimum expende, quanta damnatorum est infelicitas, quod eorum corda, in quibus olim diffusa fuit charitas Dei per Spiritum S. ora quæ ad laudem sui Deus creavit, quæ pretiosus Christi Sanguis toties tetigit & sacrauit. solus furor, ira, odium, blasphemia contra Deum occupabit! Concitare ad hoc ut amor Dei nunquam in corde nunc tepescat, ut de ore tuo nunquam Dei laus deficiat: ne fors in inferno cor tuum Deum aversetur, & lingua Ei maledicat.

Erumpe in affectus & desideria laudationis & amoris Dei. Elice actus timoris, spei &c. Proponere sæpius tibi in mentem revocare: Quid sit æternitas damnatorum?

CONSIDERATIO V. Quomodo potest homo evitare pœnas inferni? & his modis. 1mo. Si vivens frequentabit & visitabit infernum, ac mente consistens ad portas inferi, pie recogitabit, quæ damnati patiuntur pro suis peccatis. 2do. Si proprium amorem ac voluntatem non sequetur, imo studiose mortificabit, nam juxta. S. Bern: Cesset propria voluntas & infernus non erit. 3tio. Si paupertatem Spiritus colet ac servabit, non apponendo cor ad perituras hujus mundi opes. Avaritia enim sive in aggregandis, sive in retinendis temporalibus bonis,

est quoddam peccatum insensibile & culcitra diaboli, in qua placide obdormiunt ejus sectatores, tantoq; majori periculo damnationis sunt obnoxij, quanto minus hoc peccatum in se advertere possunt. Unde plurimi sobrij, casti, devoti, etiam homines statûs spiritualis, in hanc mûscipulam & laqueum diaboli incidunt, ac æternum pereunt.

4to. Si in vera intimaq; humilitate fuerit cum Dei gratia fundatus, nam humilibus dat gratiam Deus, quâ superbi diaboli tela retundere viriliter, quâ virtutes omnes conservare stabiliter possunt, & sic inexpugnabiles fiunt. 5to. Si dignos fructus pænitentiae pro delictis egerit, carnem macerando, animam humiliando, adversa sustinendo, misericordiam alijs exhibendo, injurias condonando, Deum assidue placando. 6to. Si Bs. V. Mariam Advocatam peccatorum, tenero amore & fiducia prosequatur, sinceroq; cultu, obsequio, imitatione, sibi conciliare non desistat.

Reflecte te num his & similibus modis uti consueveris ad evitandas inferni pœnas? Perpende modicam forsan tuam fidem, raram meditationem de inferno: proprii amoris, judicii, voluntatis in te prævalentiam: tacitam saltem avaritiam, furtivas licet exiguarum rerum procuraciones, retentiones: defectum veræ humilitatis: tepidum amorem Matris pulchræ dilectionis? &c.

Erumpe in affectus admirationis de socordia tua ad evitandas pœnas inferni. Elice actus fidei, confusionis tui, doloris &c. Propone sæpius ad por-

tas inferni accedere. Renova proposita tua servi-
endi B. V. Mariæ ferventius &c.

CONSIDERATIO VI. Quas ob Causas potissi-
mum plurimi homi-
num damnantur? *1^a.* Licet sit in confesso apud
omnes quod pro unoquoq; peccato mortali finali,
& non expiato damnatur homo. Cum tamen id
ipsum sciri nequit quis in tali peccato finali dece-
det è vita [quandoquidem & diu & multum pec-
cantes ex inscrutabili suo iudicio nonnunquam De-
us salvet à finali peccato] *2^a.* Patres assignant
quasdam causas probabiles, seu signa ex quibus me-
rito possumus inferre, quis morietur in peccato
finali, adeoq; quis condemnabitur. Harum causa-
rum seu signorum. *1^{um}. est* Infidelitas, sive
absoluta, qualis est in Atheis, Paganis, Judæis,
sive partialis qualis est in hæreticis &c. nam sicuti
absq; fide impossibile est placere Deo, ita in ejus
gratia vivere & mori. Et videmus quod ex mil-
lionibus ejusmodi infidelium vix aliqui conver-
tuntur, proinde innumeri damnantur. *2^{dum}. est*
Consuetudo vel recidivatio in aliquod saltem unum
peccatum; nam tale vitium converti solet in natu-
ram & necessitatem, adeoq; vix unquam est ex-
tirpabile, tantoq; gravius si post conversionem ad
Deum, ut v.g. post vocationem Religiosam in ali-
cujus anima radicetur. *3^{ium}. est* Perversitas
animi, seu modus vivendi secundum regulas pra-
væ politicæ, seu mundanæ sapientiæ quæ dicat:
Cor machinationibus tegere, sensum verbis velare,

quæ falsa sunt vera ostendere, quæ vera sunt, falsa demonstrare: pretenus comiter, cordetenus dolose cum alijs procedere: ambire, procurare, defendere honores, opes, medijs [si desunt licita] illicitis, vg. pejerando, æmulos supplantando, è vita tollendo. *4^{um}. est*, Propositum seu determinatio voluntatis, ad non proficiendum in vita spirituali, qui enim non proficit deficit, sensimq; contemnit leges Dei, Ecclesiæ Religionis, Superiorum, & in omnè malum laxatur. Quod signum maxime pertimescendum est Religiosis hominibus, qui licet non teneantur esse consummate perfecti, cæterim tenentur ad perfectionem tendere. *5^{um}. est*, Quodlibet peccatum contra Spiritum S. quod sicuti cum plena cognitione, cum pertinacia, cum malitiâ committitur, ita vix unquam à Deo dimittitur.

Reflecte te, num aliqua saltem horum in anima tua non hæreant? Utrum totâ efficaciam mentis ab hisce signis recessisti, aut recedere contendas?

Erümpe in affectus timoris. Elice actus fidei, gratiarum actionis DEO pro tui vocatione ad fidem salvificam, ad S. Religionem, pro gratijs præservativis à consuetudine peccandi. Actus doloris de tua qualicunq; perversitate, defectu, tepiditate in Spiritu. Propone quæcunq; signa damnationis eradicare ex anima tua, & cum spe & gaudio conscientie in posterum Deo servias.

Con.

Conclusio harum Considerationum per Orationem Dominicam.

Pater noster qui es in Calis. Et ego Parricida tuus, qui toties levavi manum contra Te Deum Omnipotentem, & quot commisi scelera, tot infernos aperui, tot gehennas promerui. *Sanctificetur nomen tuum* pro illo excessu bonitatis tuæ, quod non dum post tot crimina, inter damnatos, blasphematores nominis tui, oblatrantes Justitiæ tuæ, inveniar. *Adveniat Regnum tuum* Ah! non illud regnum tenebrarum, quod mihi toties emi! adveniat regnum dilectionis tuæ, ut inter filios regni ego quoq; recenscar. *Fiat voluntas tua sicut in calo & in terra.* Ah! non amplius mea cæca, fatua, & perversa, quæ sola ardet in inferno. *Panem nostrum quotidianum da nobis hodiè* Qui pascis me à juventute mea cibo Angelico, ne permittas quæso ut sim esca ignis infernalis. *Et dimitte nobis debita nostra* quibus vel mille patiendo gehennas non satisfaciam Justitiæ tuæ. Dimitte mihi pro tua pietate, quodolvere nequeo ex meavilitate. *Sicut & nos dimittimus debitoribus nostris,* nullum vindictæ affectum in corde servando, nullam vindictam à te implorando. *Et ne nos inducas in tentationem* finalis peccati quo à gratia tua excidere, & æternum deberem condemnari. *Sed libera nos à malo* blasphemandi te, odiendi te cum damnatis in æternum Amen.

CAPUT IX.

MEDITATIO

De Gloria Cælesti.

CONSIDERATIO I. **Q**Uis hominum cælestem gloriam consequetur? *1.* Quilibet à Deo prædestinatus & perseverans in ejus gratia usq; in finem. Hujus signa præcipua à SS. PP. hæc assignantur. *1mum. est* Vocatio Divina efficax [idest ab homine acceptata illiusq; consensu completa] Tum ad fidem Catholicam. Tum ad statum aliquem perfectum, maxime Religionis bene institutæ. Talis enim vocatio est fundamentum & medium singulare bene sancteq; vivendi, Christum D. imitandi, & justitiam Christianam operandi. *2dum. est* Justificatio quæ fit per liberam susceptionem Divinæ inspirationis dum peccator convertitur, & gratiam sanctificantem, deletivam omnis peccati mortalis. Continuatur vero per firmam aversionem cordis ab omni peccato, per desiderium proficiendi, per exercitia sanctarum virtutum. *3tium. est* Victoria heroica mundi & sui. Vincimus porro mundum per Votum & cultum *Obedientie* spernendo honores. Per votum & cultum *Paupertatis* contemnendo divitias. Per votum & cultum *Castitatis* despiciendo spurcas voluptates. Vincimus nosmetipsos per *anegationem* sinceram nostri proprij
judi-

judicii, voluntatis, amoris, & mortificationem aliarum passionum propter Deum. Taliter namq; se vincenti, promisit Deus manna absconditum, & edere de ligno vitæ, *Apoc. 2.* idest vitam in cælo beatam. *4tum est* Propensio ad opera misericordiæ tam spiritualia, quam corporalia, & in ijs exercitatio studiosa; nam ipse Christus *Matt. 25.* clarissime assecuravit regnum cæleste facientibus opera misericordiæ, dicens: Tunc dicet Rex his qui à dextris ejus erunt: Venite benedicti Patris mei, possidete Regnum; esurivi enim & dedistis mihi manducare. &c. *5tum est* Zelus salutis animarum, Sanguine Christi redemptarum, seu fervens desiderium convertendi proximos, reducendi ad viam salutis, trahendi ad fidem, cultum, amorem Dei, tum verbo sanæ doctrinæ, tum exemplo sanctæ vitæ, tum minis, tum pænis. Hæc namq; virtuosa passio juxta *S. Dyonis.* est opus omnium divinorum divinissimum: est cooperatio Deo in salute animarum, est maxima probatio amoris erga Deum, est singularis imitatio Christi. Unde Zelotibus suis non solum Deus confert æternam beatitudinem, sed altissimum gloriæ gradum. *6tum est.* Devotio interna, quæ est affectio pia suavis ac fervens, sive ad laudandum Deum, sive ad agendum quodcunq; pro majori Dei gloria, gultu ac beneplacito ejus. Hæc enim affectio generatur ex magna & viscerosa Dei charitate. Ipsa quoq; Devotio erga *Bs. V. Mariam*, conjuncta potissimum imitationi virtutum ejus, admodum

pro.

probabile signum prædestinationis à SS. PP. censetur, & innumerorum felicissimâ experientiâ comprobatur. *7mum. est* Perseverantia finalis in fide vera, in statu ac observantia Religiosa; nam ipsa veritas æterna edixit *Matt: 19.* Qui perseveraverit usq; in in finem hic salvus erit.

Reflecte te num hæc signa prædestinationis & adipiscendæ salutis in te reluceant: quod si ita? humillimas Deo redde gratias, cura diligentissime, ut in anima tua radiceantur. Si forte secus? novo fervore, conatu, diligentia, vitam institue, & præmissa signa in anima tua implantare studeto,

Erumpe in affectus gratitudinis pro vocatione Divina ad fidem, ad S. Religionem. Elice actus fidei, desiderij virtutum, abnegationis, & victoriæ tui, misericordiæ erga proximos, ac zeli sancti. Propone exerceri in devotione interna, & perseverare cum gratia Divina in fide Catholica, in S. Religione.

CONSIDERATIO II. Quæ præmia confert Deus electis suis in gloria Cælesti? & 2plicita præmia Alia Essentialia, alia Accidentalialia. *Essentialia* præmia consistunt in amotione cujuscunq; mali seu miseræ tam in anima tam in corpore, tum in collatione omnis boni, quo impleri, quietari & satiari potest rationalis creatura. *Bona* igitur respectu animæ hæc sunt: 1. In intellectu visio seu cognitio Dei ac Divinorum clarissima, absq; omni velamine, dubio, errore, defectu, simulq; visio seu notitia perfecta, omni-

um rerum creaturarum in Dei eſſentia tanquam in ſpeculo, quæ totam humanæ mentis curioſitatem & innatum ſciendi appetitum quietabit. 2. In voluntate. Svaviſſima Dei ſummi boni fruitio, amando, complectendo Deum, & inceſſanter gaudendo de illo, & in illo. Hic amor, hic gaudium, hæc delectatio de Deo, quo ſanctior puriorq; eſt, tanto gravior, tanto ſvavior eſt; nam voluntati nullum inferet timorem, ſtultitiam, tædium, ſed conſtanciam ac perpetuam voluptatem. 3. In Memoria, Poſſeſſio Dei ac omnium bonorum ſecuriſſima, quam nulla vis eripere, minuire vel immutare poterit.

Bona Reſpectu Corporis, potiſſimum ſunt quatuor 1. *Claritas*, quâ omnem ſplendorem, decorem, candorem quandocunq; viſum excelleſt, & quanto ſanctior erit anima, tanto clariuſ corpus habebit. 2. *Agilitas* par Angelis, adeo ut in uno oculi iſtu, poſſit beati corpus quemcunq; locum attingere, ſicut vg: nunc humana cogitatio. 3. *Subtilitas*, ob quam penetrare poſſunt beati omnes res corporeas vg: muros, velut radius vitrum. 4. *Impaſſibilitas* ob quam à nullo elemento, imò à nulla vi creatâ quidquam patientur corpora beatorum. Inſuper omnes ſenſus omni delectatione perfruentur, ut *Viſus* ex mira rerum omnium pulchritudine, præſertim ſpecioſiſſimi præ filiæ hominum Chriſti JESU, ac Ejus Matris pulcherrimæ. *Auditus* ex inaudita harmonia concentu, ac laudatione Dei continua. *Odoratus* ex miro odore. *Guſtus* ex mira ſapore auræ ſvaviſſimæ, quæ

erit quoddam manna absconditum, & omni neceſſa-
re dulcius alimentum corporum beatorum. *Tactus*
ex mira libertate ab omni fomite ſenſuali, tum
omnium rerum ſubtilitate, quæ nunquam tactum
irritabit, at potius delectabit.

Accidentalia præmia ſeu dotes beatorum ſunt.
Imo. tres, quæ vocantur Aureolæ, ſeu coronæ
ſpeciales, pro ſingulari labore & merito collatæ.
Harum *Ima.* eſt Aureola Virginitatis, quæ eſt ſpe-
ciale gaudium, triumphus, & applauſus curiæ cæ-
leſtis, pro ſervata virginali integritate & carnis
victoria. *2da.* Aureola Martyrij pro perfeveran-
tia in fide vel juſtitia, & ſimul victoria tormento-
rum. *3tia.* Aureola Doctoralis, pro labore ac ze-
lo in erudiendis hominibus, illuminandis & ad vi-
am ſalutis deducendis. *2do.* Accidentalia præmia
ſunt. *Imum.* Vaſtitas & amænitas cæleſtis Patriæ,
quæ eſt ipſamet Dei ſedes, regnum, & illud ſe-
curum, pacatum: quæ eſt divitiarum Dei condito-
rium, deliciarum Dei publica ſcena, ac Theatrum
ampliſſimum. *2dum.* Societas beatorum conviven-
tium ſibi, collatantium, conregnantium, quorum
eſt amor perfectus, omnium unus ſpiritus, omni-
um cor apertum omnibus, omnium ſine invidia
communio, omnium commune gaudium, eadem vita,
eadem gloria. *3tium.* Occupationes beatorum, ſanctæ,
illimes, gaudioſæ, delicioſæ. Ad extremum: *nec*
oculus vidit, nec auris audivit, nec in cor homi-
nis aſcendit, qua præparavit Deus diligentibus ſe.

Reſpecte te ſuper tanta cæleſtis gloriæ bona, &
reco-

recogita. Deum erga beatos tam profusum, ut ad eos ditandos, & beandos nihil boni tam creati quam increati sibi reservet. Perpende felicitatem hominum beatorum inæstimabilem eamq; æternam.

Erumpe in actus admirationis, desiderii &c. Elice actus gratitudinis, spei. Propone in te frequentius, desiderium videndi & amandi Deum excitare.

CONSIDERATIO III. Pro quo tanta præmia dantur electis in gloria Cælesti? &c. *1mo.* Præmia Essentialia, nempe *Amotio* omnium malorum dantur beatis pro constanti & forti sustentia miseriarum & adversitatum vitæ præsentis. *Collatio* omnium bonorum pro merito bonorum operum sive præceptorum sive spontaneorum. *2do.* Bona Animæ dantur, ut *Visio Dei beatifica* pro merito Fidei in cuius obsequium captivabant suum intellectum. *Fruitio Dei* pro merito charitatis, quâ in Deum ut summum bonum ferebantur. *Possessio Dei* pro merito spei, per quam Deo ut in promissis fidelissimo adherabant. *3tio.* Bona corporis dantur beatis, uti *Claritas* pro merito & usu prudentiæ. *Agilitas* pro merito Temperantiæ. *Subtilitas* pro merito Justitiæ. *Impassibilitas* pro merito Fortitudinis & victoria adversorum. *4to.* Bona accidentalia dantur, uti *Aureola Virginitatis* pro victoria carnis. *Aureola Martyrij* pro victoria mundi. *Aureola Doctoratus* pro victoria dæmonis animarum hostis. Item *Vastitas* & amænitas cælestis Patriæ pro

contemptu generoso terrenorum ob amorem Dei. *Societas* beatorum pro fuga malorum consortiorum, ac sancta & exemplari conversatione cum hominibus. *Occupationes* beatorum, pro fuga otij, vita laboriosa, exercitio virtutum.

Reflecte te, num polleas hisce virtutibus ac meritis, quibus tanta bona, tam copiosam mercedem Deus præparavit? An non forte hucusq; in socordia tua permanes, parum de virtutibus cogitando, segniter in illis te exercendo? Quod si ita sit, vide ne vel in statu amittendæ beatitudinis hæreas, aut plurimos gradus æternæ gloriæ amittas.

Erumpe in affectus confusionis, humiliationis tui, de tua socordia. Elice actus, fidei, spei, charitatis, desiderij cælestis gloriæ. Propone diligentius exercitium sanctarum virtutum.

CONSIDERATIO IV. A quo tanta bona cælestis gloriæ proveniunt?

R. 1^{mo}. proveniunt à miserantissima voluntate Dei, quæ sicut omnes vult salvos fieri, ita omnibus & singulis confert gratias & validissima auxilia ad bona opera & merita celestis gloriæ; ideo juxta S. Aug: *Dum coronat merita nostra, coronat munera sua.* 2^{do}. A summa Dei Justitia, qui sicut in hac vita præcepit ut strenuè pugnemus in stadio virtutum, ita rite militantibus, pro ejus honore, fide, & amore, coronam justitiæ reddit quam promisit. 3^{io}. A Christi JESU Salvatoris nostri inestimabilibus meritis, totius vitæ sanctissi-

nz, Passionis acerbissimæ, quæ omnia non fuerunt ordinata ad promerendam Christo æternam beatitudinem; [nam illam habuit per modum hæreditatis ut Filius Dei] at solum ad nostram. Proinde cum esset ab æterno Filius Dei, factus est in tempore Filius hominis, ut nos redderet Filios Dei adoptivos & gloriæ suæ cohæredes. Cum esset ab æterno benedictus, factus est pro nobis maledictum, *Gal. 3.* [tot quippe maledicta, opprobria, blasphemias, in vita & Passione sua pertulit] ut nos repleret æternis suis benedictionibus. Cum esset naturâ suâ felicissimus, factus est pro nobis miserrimus, ut nos miserrimos faceret in gloria sua beatissimos.

Reflecte te num serio consideras, num viscerosè amas miserantissimam Dei voluntatem, ac fidelissimam Dei Justitiam, quæ tuæ beatitudinis est causa & principium, quæ tuæ spei, ac desiderij fundamentum est ac fomentum? Num Christo JESU, ejusq; laboribus, meritis, Passioni gratum te exhibeas, de illa cogitando libenter, illam tibi applicando, imitando &c.

Erumpe in affectus confusionis tui. Elice actus Benedictionis, glorificationis Misericordiæ ac Justitiæ Divinæ, Actus gratitudinis Christo Domino, spei, desiderij, gloriæ cælestis. Propone spem cælestis gloriæ sæpius in te excitare.

CONSIDERATIO V. Quomodo nos præparare debemus ad gloriam cælestem consequendam? *R. 1mo.* Sæpe de illa

cogitando, & illius desiderium in nobis excitando; quanto enim minus homo aliquod bonum cognoscit & desiderat, tanto minorem curam adhibet de illo assequendo. *2do.* Frequenter & quam dignissime sumendo *SS.* Sacramentum uti pignus æternæ gloriæ, fontemq; omnis gratiæ *3tio.* Orationi potissimum mentali diligenter insistendo, quæ est fomentum amoris Divini, & medium intimæ cum Deo unionis. *4to.* Prospera hujus mundi contemnendo, adversa verò patienter ad imitationem Christi sustinendo; nam utiq; per multas tribulationes oportet nos introire in Regnum Dei. *5to.* Non solum peccata, verum etiam omnem speciem iniquitatis [uti sunt imperfectiones & defectus] omni conatu fugiendo; nam in illam Civitatem Patriæ Cælestis, nihil intrabit coinquinatum. *6to.* Pœnitentiam seriam & non seram de peccatis agendo, nam peccata mortalia non expiata per pœnitentiam, privant hominem cælesti gloriâ, venialia quoq; sic non expiata impediunt à consecutione illius. *7mo.* Redimendo [donec vita superstes est] male transacta priora tempora, ac spacia reliquorum dierum sanctis operibus implendo.

Reflecte te, num hisce modis præparas te ad capeffendam beatitudinem æternam? An non potius minimam de illa curam adhibeas, & sic vivas, quasi asini aut nescio cujus interesset, æternum beari, lætari, delictari cum Deo & Sanctis ejus.

Erumpe in affectus pudoris de tua, sôcordia de modica fide ac desiderio cælestis gloriæ. Elice
actus

actus doloris de tua impatientia, impænitentia, negligentia orationis. Excita in te fervens desiderium beatitudinis. Propone ſaltem bis in die tale deſiderium renovare & elicere.

CONSIDERATIO VI. Quare Deus tam magna præmia conferre electis in cælo? R. Ob has rationes. *1mo.* Ut ostendat Deus Magnificentiam ſuam, nam tantæ Majestati glorioſum eſt longe majora dare præmia, quam humana vilitas mereatur. *2do.* Ut demonſtret Bonitatem ſuam perfectiſſimam, dando ipſi magna bona in creatione, majora in redemptione, maxima vero in glorificatione. *3tio* Ut declaret Juſtitiam ſuam nam amor hominis erga Deum ſuper omnia, meretur præmium ſuper omnia bona, & tale bonum eſt ſolus Deus, ejusq; poſſeſſio. *4to.* Ut nos alliciat ad ſuum amorem, & excitet ignaviam noſtram ad bona opera, dum pro eis promittit tam excelsa præmia. *5to.* Ut ſicut bona opera hominis juſti ſunt in intentione maxima & æterna, ita merces eorum ſit magna nimis & æterna. *6to.* Ut Chriſti Domini tanto ſit major gloria, & gaudium, dum Ejus myſtica membra [ideſt homines] eâdem cum illo tanquam Capite, gloriâ & beatitudine perfruntur. *7mo.* Ut nos Deus edoceat quanta ſit felicitas hominis, eſſe Filium Dei adoptivum per gratiam; quandoquidem talem facit Deus hæredem omnium bonorum ſuorum, & proprii Filij ſui cohæredem.

Reſpecte te ſuper horum ſingula, perpende ineffabi.

fabilem magnificentiam Divinæ Majestatis, immensatam Bonitatem, reatissimam Justitiam.

Erumpe in affectus adorationis, æstimationis earundem. Elice actus, gaudij, spei, gratitudinis, laudis glorificationis. Aspira ad Christum Dominum & pete ut Ei tanquam Capiti tuo æternum uniaris. Propone opera tua majori fervore, sublimiori intentione exercere, ut digna sint tam sublimi in Cælis præmio.

Conclusio harum Considerationum per Orationem Dominicam.

Pater noster qui es in Cælis. Et quousq; ego totus in terra, totus in sterquilinio? Quis mihi dabit pennas sicut columbæ, ut evolem ad te, ut gaudeam aspectu vultûs tui, ut invocem te: Pater meus es tu: *Sanctificetur nomen tuum.* O utinam ibi ubi Seraphim: Sanctus, Sanctus, Sanctus tibi acclamant, ubi est sanctificium tuum, ubi est festum perpetuum, laudandi, amandi, adorandi Te: *Adveniat Regnum tuum* regnum desiderabile, regnum quod in perpetuum non auferetur, Regnum sancti amoris tui. *Fiat voluntas tua sicut in Cælo & in terra.* Ah! non fit in terra cordis mei voluntas tua, transfer me in Cælum, & ibi faciam, ibi laudabo omnes voluntates tuas. *Panem nostrum quotidianum &c.* Comedo hic panem afflictionis, pascor siliquis porcorum, exul mæreo, & fame pereor. Ah utinam accumbam ad mensam tuam,

tuam, & satier ab ubertate domûs tuæ. *Et dimitte nobis debita nostra.* Hoc est quod me impedit, quia debitor sum tot talentorum, tot pænarum! quot commisi scelera, tot contraxi onera. At tu patientissime Creditor dimitte mihi per viscera Paternæ misericordiæ tuæ. *Sicut & nos dimittimus debitoribus nostris,* ob amorem & imitationem tui, cui proprium est misereri semper & parcere. *Et ne nos inducas in tentationem,* quia ecce Domine in illa non proficio, sed millies à Te deficio, à studio cælestis gloriæ desisto. *Sed libera nos à malo,* à vita ista præsentis; tu enim scis Domine, quantum & quale mihi malum est, exulare à Te, non videre Te, non amare Te.

Amen. Sit vitæ meæ miseræ Amen, & nunquam amoris laudisq; tuæ sit in me

A
M E
N.

TRACTATUS III.

De Fontibus & Exercitijs piorum actuum & affectuum.

Quandoquidem Ascetica Theologia sui Cultores potissimum edoceat ac excitet, ad mentem conjungendam Deo per orationem, hæc vero absq; pijs affectibus atq; devotis actibus manca sit & jejuna, idcirco visum est usui Tyronum aperire aliquos fontes talium affectuum & actuum, e quibus illos haurire possint. Similiter porrigere illis exercitia seu modos quæ præmissa elicere valeant. Sit igitur.

CAPUT I.

De Fontibus piorum affectuum & actuum.

Primus **F**ons est Conscientia serena, & cor purum à peccato. Nam ad tale cor loquitur Deus, in eo Cathedram habet Spiritus S. in eo diffundit suam charitatem, ex qua tanquam ex igne & intillæ & flamma, ita pijs ad Deum erumpunt affectus & actus, feliciterq; inquietum faciunt animum, ut sæpius & sæpissime aspiret ad Deum, feratur in Deum, alloquatur illum, imploret illum, speret, credat, ametq; ut pote quem prope

prope habet, quem intus tenet, quo fruitur, quo vivit. Unde legimus & novimus, plerosq; hominum rudes & illiteratos, longe intensius, diutius frequentius vacare pijs affectibus, quam nescio quos Theologos, & magnarum scientiarum Magistros. Quid quæso in illis rudibus eam fecunditatem affectuum generat? nisi conscientiae serenitas, cordis puritas, mentis securitas, quæ est quasi jube convivium, animi libertas & lætia, quæ sicuti in rebus humanis facundiam verborum concitat, ita quoque in rebus Divinis. Proinde tu Religiosè Tyro, primam hanc adhibe curam, ut conscientiam mundam ab omni peccato maxime graviore ac deliberato conserves: omni custodia serva cor tuum, ab omni terreno carnaliq; affectu, & erit tibi fons aquæ salientis in vitam æternam, è quo prorumpent frequenter pijs affectus, tadium in oratione mentisq; ariditas non sentietur; nam frequentissime Deus tibi obviabit, ad cor tuum pulsabit & loquetur, accedes ad eum & illuminaberis, alloqueris eum & respondebit tibi.

2dus. Fons est Præsentiae Divinæ renovatio, consideratio viva Viventis & Videntis omnia Dei, quæ si menti inhæreat, plane est impossibile, quin ex ea frequentes ac plurimi in corde affectus excitentur: maxime vero affectus adorationis, admirationis, glorificationis &c: ex his vero actus fidei, spei, amoris, timoris, doloris erumpent. Hoc è fonte sexcentos affectus suos hauriebat David, nam Ps. 15. dicit. *Providebam Dominum in*

conspēctū meo semper, propter hoc latatum est cor meum & exultavit lingua mea. Et Ps. 76. *Memor fui Dei & delectatus sum. & exercitabar & scopebam spiritum meum.* Duplici vero modo possumus nobis præsentiā Dei in mente imprimere. *1mo.* Recogitando Deum ut est in se, vg: immensum, æternum, immortalem, incomprehensibilem, ineffabilem, Trinum & unum. Omniscium, Omnipotentem, Justum, Bonum, Misericordem &c. *2do.* Recogitando Deum in operibus Sapientiæ, Potentiæ, Justitiæ, Misericordiæ, Bonitatis ejus. Prima recogitatio Dei est sublimior, atq; à nostro humano conceptu remotior, altera nostro captui propinquior. Per utramq; tamen varios affectusq; pios excitare in nobis possumus, ut admirationis, adorationis, amoris, laudis, benedictionis. Sic David considerans Deum in se, erumpebat in affectus admirationis, laudis. vg. Ps. 8. *Domine Dominus noster, quam admirabile est nomen tuum in universa terra!* Ps. 144. *Magnus Dominus noster & magna virtus ejus & magnificentia ejus non est numerus.* Considerans autem Deum in operibus ejus, erumpebat in affectus benedictionis vg. Ps. 102. *Benedic anima mea Domino, & omnia quæ intra me sunt Nomini Sancto ejus &c.* Hoc modo usi sunt tres pueri in fornace Babylo-nica. *Benedicite omnia opera Domini Domino &c.* Hisce modis tu quoque utere mi Asceta, & sanctorum affectuum copiam habebis.

3^{tius}. Fons est. S. Scriptura utriusq; Testamenti, quæ sicut Verbum Dei hominibus dictatum non solum docet mentes, sed etiam corda movet ad pios erga Deum affectus. Hæc utiq; sola à principio nascentis Ecclesiæ, fuit Sanctis Viris liber Meditationum, Recollectionum, Concionum, adeoq; & piorum affectuum, potissimum vero Psalmi Davidis, quorum, singuli pene versus, halant pios affectus vel actus. Proinde cum omni attentione lege, audi S. Scripturam, recita, canta Psalmos, & innumeris affectibus imbueris.

4^{tus}. Fons est. Lectio librorum spiritualium ad devotionem excitandam conscriptorum, inter quos primas obtinent SS. PP. Meditationes, Soliloquia, Aspirationes, uti SS. Augustini, Bernardi, Anselmi, Idioræ, tum multorum quoq; recentiorum Ascetarum vg: Bartholom: Salutij, Joannis à JESU Maria, Gasparis Druzbiccij, Joan: Morawski, Blasij Palma &c. sæpe hos libros considerate lege, ac ceu apis argumentosa ex istis hortis flores decerpe, in memoria reconde, & sive alienis Deum lauda, sive proprijs ad normam horum efformatis.

C A P U T II.

De Exercitijs seu modis piorum affectuum & actuum.

TRes potissimum modos exercendi pios affectus & actus usurpant Ascetæ, quorum.

Imus. est Per Colloquium seu Soliloquium cum Deo prolixius institutum: hoc vero solet fieri 2plicitè. *Imo.* quasi solutâ oratione. *2do.* Quasi ligata seu Rythmicâ. Utriusq; modi exempla reperire facile est in SS. Patribus maxime in libris S. Bernardi, qui tam solute quam rythmice Deum laudabat, ut constat ex ejus Meditationibus, & ex illo Rythmo: *Salve mundi salutare &c.* & alijs ad Christum passum, qui ipsi attribuentur. Imo tota Ecclesia Catholica orat Deum, tum soluto tum ligato stylo, ut constat ex Missali ac Breviario Romano. Ad hunc utrumque modum exercendi pios affectus, præter gratiam Dei specialem requiritur magna charitas Dei, nam ut docet S. Aug: Man: c. 18. *Amor Dei ubi venerit, ceteros in se traducit & captivat, affectus.* Proinde sicut quo major est ignis, eo magis extenditur & altius ascendit, & diutius durat, ita quo major est charitas DEI eo magis extenditur, elevatur ad affectus, & in ijs perseverat. Item requiritur magna collectio Spiritus, & abstractio à rebus vanis nam ex Prov. 21. [juxta Hæbr. vers] *Cogitationes collecti semper in abundantia* Tandem requiritur frequens usus & exercitatio in pijs affectibus

2dus. Modus est, per breves & crebras ad Deum aspirationes, quæ à nonnullis vocantur *Motus Anagogici*, idest sursum ducentes ad Deum. Ab alijs. *Orationes jaculatoria* quia instar jaculorum velocissime attingunt Deum. Ab alijs *Sancta desideria* Unde Victor Gelenius aspirationem describit:

bit: quod sit expeditus affectus erga Deum & summum bonum. Porro SS. Patres magnopere dilaudant & commendant usum harum aspirationum. Tum quia per eas illa Christi doctrina ad amissum impletur Luc: 18. *Oportet semper orare & non deficere.* Tum quia nescio quibus curis distenti, laboribus occupati homines, per illas possunt Deum orare & laudare. Tum q. per illarum usum major erga Deum amor & devotio elucescit, quam per longas sed raras preces; amanti enim est, frequenter amati sui recordari. Maximopere vero ipsa æterna sapientia hunc orandi modum commendavit; nam Christus S. Birgittæ dixit. *Quicumq; fide & voluntate perfecta legit hac verba: JESU miserere mei, magis mihi acceptus est, quam is qui mille versus sine attentione pronuntiat.* Proinde quot quot homines perfectionis studiosi fuere, crebris hisce jaculis ad Deum se elevabant, sive unam aliquam aspirationem frequentando uti S. Pelagia illam: *Qui plasmasti me, miserere mei!* S. P. Franciscus illam *Deus meus & omnia!* sive varias & varias eliciendo, præsertim ut occasio ferebat: vg. Credo Domine & procido ante te. Tibi Domine. omnis honor & gloria! Propter te Domine! o Deus ego amo te! Ante tribunal Dei sto! Domine vim patior! &c. Utere igitur & tu Religiose hisce jaculis quam frequentissime, & metam cordis tui Dominum Deum attingens. Quod si nec per quadrantem saltem aspirare ad Deum consueveris, credito te non esse è numero amatorum DEI.

Alius.

3tius. Modus est per Pacta cum Deo inita ita ut quotiescunq; aliquem affectum vel actum pium elicueris, vellis illum elicere latissimâ & altissimâ intentione, vg. omni eo sensu quem in illo Divina Sapiencia agnoscit. Vel omni illius intensi-
one, extensione, sublimitate, perfectione, quæ Deo placita, honorifica & possibilis est. porro hæc pacta animæ, solent Ascetæ disponere per modum
Scalarum & graduum ita ut unus actus sit alio
sublimior, quarum Sclarum schemmata pro usu
Tyronum proponuntur.

SCALA I.

Actuum Fidei

Credo Domine!

ET quotiescunq; hunc actum elicuero, volo elicere omni illius intensi-
one, extensione, sublimitate perfectione, illumq; semper usq; ad
ultimum exspirium corde fovere & opere conte-
stari. Volo Domine credere, & firmiter credo
propter veracitatem tuam omnia quæcunq; mihi
de Te credenda revelasti, idq; non solum meâ
sed etiam.

Fide omnium SS. Virginum & Viduarum

Fide omnium SS. Confessorum

Fide omnium SS. Martyrum

Fide omnium SS. Apostolorum

Fide

Fide omnium SS. Prophetarum

Fide omnium SS. Patriarcharum

Fide totius Ecclesiæ tuæ sanctæ

Fide omni Beatissimæ Virg. Mariæ.

S C A L A II.

Actuum spei

Spero in te Domine!

ET quotiescunq; hunc actum elicuero, volo elicere omni illius sensu, perfectione &c. tibi notâ, placitâ, honorificâ. Volo in te semper & firmiter confidere, vivere & requiescere in spe, ob inexhaustam bonitatem tuam, idque.

Expectans à te veniam peccatorum

Expectans à te gratiam copiosam

Expectans à te auxilia salutaria

Expectans à te consolationem in tribulationibus

Expectans à te victoriam in tentationibus

Expectans à te remissionem pænæ æternæ

Expectans à te remissionem pænæ temporalis

Expectans à te coronam gloriæ immortalis.

S C A L A III.

Actuum Amoris Dei

Amo te Domine Deus meus!

ET quotiescunq; hunc actum elicuero, volo illum elicere omni illo sensu quem in eo

T

Tua

Tua Divina sapientia comprehendit. Volo toties amare te Deum meum ex toto corde, ex tota anima mea, ex totis viribus meis, amore replicato ad omnia instantia æternitatis, quia hoc à me exigis, quia amas me, quia dignus es, quia Deus es. Et amo te.

Supra omnes creatas pulchritudines.

Supra omnes carnis delicias.

Supra omnes sæculi divitias.

Supra omnes mundi honores.

Supra omnem amorem sanguinis

Supra omnem amorem mei.

Supra omne id, quod tu Deus non es.

SCALA IV.

Actuum Charitatis proximi

Amo Domine proximos meos propter te!

ET quotiescunq; hunc actum elicuero, volo illum elicere, omni sinceritate, perfectione &c. ideo quia tu Deus charitas es, quia prior dilexisti me, quia jubes, quia amas homines, quia imago tui sunt, quia membra Christi sunt. Et amo omnes proximos.

Mihi genere, sanguine, natione conjunctos.

Mihi fide, Professione, caractere conjunctos.

Mihi amicos, gratos, beneficos.

Mihi

Mihi infensos, ingratos, inimicos.

Mihi in fama, honore ac alijs bonis injutios.

S C A L A V.

Actuum Adorationis Dei

Adoro te Deus meus!

ET quotiescunq; hunc actum elicuero, toties volo descendere in abyssum nihili mei, vilitatem meam recognoscere, Altitudinem tuam honorare. Idque.

Ilo cultu quem habes ab omnibus hominibus

Ilo cultu quem habes ab omnibus Angelis.

Ilo cultu quem habes à Bs. V. Maria

Ilo cultu quem habes à SS. Humanitate J. X.

Ilo cultu quem exigit tua infinita sanctitas

Ilo cultu quem Sapientia tua comprehendit.

Ilo cultu qui tibi soli Deo competit.

S C A L A VI.

Actuum Gratitudeinis

Deo Gratias!

ET quotiescunq; hunc actum elicuero, toties omni intensione, effusione cordis mei, volo Tuam liberalissimam Bonitatem recognoscere & oblectare, omniq; actu, motu, respiro meo, tibi gratias reddere quas possum, quas exis, quibus dignus es. Idque.

Pro omnibus beneficijs mihi collatis.
 Pro omnibus beneficijs mihi præparatis.
 Pro omnibus donis per meā ſocordiā impeditis
 Pro omnibus bonis cuiſcunq; creaturæ collatis,
 Pro omnibus bonis Religioni meæ conceſſis.
 Pro omnibus bonis Eccleſiæ S. collatis.
 Pro omnibus donis Chriſto JESU collatis.
 Pro omnibus donis quæcunq; ex Oceano Tuæ
 Bonitatis effluere poſſunt.

SCALA VII.

Actuum Oblationis

Domine Deus Tibi offero!

ET quotieſcunq; hunc actum elicuero, toties
 volo omni perfectione, ſublimate, ad gu-
 ſtum cordis tui offerre Tibi ſupremo Domino
 tanquam tua, omnia bona opera hominum & An-
 gelorum, omnes actus heroicos SS. tuorum, omnia
 Sacrificia antiquæ & novæ Eccleſiæ & quidquid
 Te dignum eſſe poteſt. Et offero affectu, voto
 ac deſiderio illo.

Quod in corde meo reſidere poteſt.
 Quod in corde omnium hominum cognoviſcis.
 Quod in corde omnium SS. Angelorum.
 Quod in corde Reginæ Angelorum V. Mariæ.
 Quod in corde Filij tui JESU Chriſti.

SCALA

SCALA VIII.

Actuum Petitionis

Domine Deus à Te peto!

ET quotiescunq; hunc actum elicuerò, toties volo abyssalem indignitatem & indigentiam meam coram te recognoscere, fiduciam meam erga te contestari, & omni humiliatione cordis mei à tua bonitate petere mihi & alijs gratias ac dona tua, quæ nosti cuiusq; statui, Professioni salutaria, Tibiq; honorifica. Et præsertim mihi mendico & inopi, qui specialiter.

Peto à Te spiritum veræ humilitatis.

Peto à Te spiritum internæ devotionis.

Peto à Te donum intimæ charitatis.

Peto à Te donum continentiae & castitatis.

Peto à Te finalem perseverantiam.

Peto à Te veniam, gratiam & gloriam

Peto à Te hæc omnia donæ quibus Te magis honorare & oblectare possim.

SCALA IX.

Actuum Intentionis

Domine Deus propter te!

ET quotiescunq; hunc actum elicuerò, toties volo in omni meo motu interno & externo

T3

Te ul-

Te ultimum finem meum recognoscere, gloriam nominis tui augere, amorem meum tibi contestari; idcirco volo omnia agere ac pati:

In recognitionem supremi Domini tui.
 In adorationem infinitæ Dignitatis tuæ.
 In gratiarum actionem Bonitatis tuæ.
 In satisfactionem Justitiæ tuæ.
 In protestationem amoris tibi debiti.
 In gustum beneplacitumq; cordis tui.
 In æmulationem cum omnibus SS. tuis.
 In imitationem SS. Virginis Matris.
 In imitationem Salvatoris nostri J. Chr:

S C A L A X.

Actuum Desiderij *Desidero te millies!*

ET quotiescunq; hunc actum elicuero, toties volo omni intensione, fervore, excitare in me omnia sancta, tibi placita, honorifica desideria. Et singulariter.

Desidero Te amare amore perfectissimo.
 Desidero Te honorare omnibus actionibus meis.
 Desidero Te honorare omnibus passionibus meis.
 Desidero Tuam fidem in toto mundo propagari.
 Desidero Tuam gloriam infinities augeri.
 Desidero voluntatem tuam in omnibus impleri.
 Desidero omnes homines salvari & beari.

Deside,

Desidero Te videre beatifice.

Desidero Te amare beatifice.

Desidero Te cognoscere, amare, laudare perenniter, æternaliter, omnitudinaliter, omnipotensibiliter.

S C A L A XI.

Actuum Doloris

Peccavi Domino!

ET quotiescunq; hunc actuum elicuero, toties volo toto corde omnes actus confessionis, imo & omnes modos ac formas pænitentiae, Tibi notas & placitas exprimere ac elicere, præcordialiter dolere de peccatis, illa eluere, extinguere in me, sicuti nunc pro semper.

Doleo quod peccaverim contra te & coram Te.

Doleo propter severissimam Iustitiam tuam.

Doleo propter dulcissimam Bonitatem tuam.

Doleo propter altissimam Dignitatem tuam.

Doleo propter extremam vilitatem meam.

Doleo propter grvissimam malitiam meam.

Doleo propter execrandam ingratitudinem meam.

Doleo amore, pretio, æstimatione tui.

Doleo, dolore omnium SS. Pænitentium.

Doleo dolore Christi JESU, quem habuit pro peccatis omnium nostrum.

Doleo quia vis ut doleam, quia das ut doleam.

SCA-

SCALA XII.
 Diverforum Pactorum & Actuum
 PACTUM I.
 Acclamationis & Reclamationis
 SS. Trinitati.

Vivat SS. Trinitas unus Deus!

R. Vivat, vivat!

Quotiescunq; hunc actum elicuero toties vo-
 lo non meo tantum corde, sed omnium cre-
 aturarum cordibus, affectibus, viribus, conatibus,
 laudare, benedicere, glorificare, prædicare, con-
 fiteri te, acclamare Tili, ut honor tuus, nomen
 tuum amor tuus, beatitudo tua.

Vivat in tua incomprehensibili Deitate.

Vivat in summa Essentiæ tuæ unitate.

Vivat in admirabili Personarum Trinitate.

Vivat in omnibus Perfectionibus tuis.

Vivat in omnibus operibus tuis.

Vivat in omnibus hominibus viatoribus.

Vivat in omnibus animabus Purgatorij.

Vivat in omnibus Angelis Sanctis.

Vivat in Pretiosissima Virgine Maria.

Vivat in SS. Humanitate Christi JESU.

Vivat vivat incessabiliter, æternaliter.

PACTUM

P A C T U M II.

Acclamationis & Reclamationis
Domino nostro IESU Christo.

Vivat Rex noster IESUS Christus
R. Vivat, vivat.

QUotiescunq; hunc actum elicuerō, toties vo-
lo omni fide amore, voto, recognoscere
Te JESU Christe verum Deum & hominem,
Redemptorem meum, Dominum omnis substantiæ
meæ Regemq; cordis mei, optareq; & acclamare
semper, ut fides nominis tui, honor tuus, amor tu-
us, doctrina tua, vivat in omnibus gentibus & fini-
bus terræ. Volo ut cor meum jugiter sonet.

Vivat JESUS in sinu æterni sui Patris.

Vivat JESUS in utero ac sinu Virginis Matris.

Vivat JESUS in præsepio Infans.

Vivat JESUS in medio Doctorum Puer.

Vivat JESUS in laboribus Adolescens.

Vivat JESUS in prædicatione Evangelij.

Vivat JESUS in stupendis miraculis.

Vivat JESUS in acerbissima sua Passione.

Vivat JESUS in cruce & morte.

Vivat JESUS in suo glorioso sepulchro.

Vivat JESUS in corde suæ Matris Dolorosæ

Vivat in cordibus omnium Amatorum suorum.

Vivat in SS. Eucharistiæ Sacramento.

V

Vivat ad

186 *Acclamationis & Reclamationis Preti: V. Maria*
Vivat ad dexteram Patris in gloria.
Vivat JESUS Rex meus & Deus meus
Amator meus & amor meus in æternum.

P A C T U M III.
Acclamationis & Reclamationis
Pretiosissimæ Virginis Mariæ.

Vivat SS. Virgo Maria.

R. Vivat, vivat.

QUotiescunq; hunc actum eliciero, toties vo-
lo omni fidelitate, ac filiali tenerritudine
Te ô Virgo & Mater Pretiosissima, agnosce-
re, colereque ut Personam uni secundam Deo,
omnium Angelorum hominumq; Reginam & Do-
minam, primam totius Ecclesiæ Christi Advoca-
tam, Religionis meæ Principalem Patronam, Ma-
trem misericordiæ erga peccatores quorum ego
sum primus. Toties volo me totum Tibi com-
mittere, tradere, donare, mancipare, in cultum,
obsequium, laudem, omnemq; amorem, & toto
corde acclamare.

Vivat Mater Dei & Virgo MARIA!

Vivat in æterna Prædestinatione sua.

Vivat in Immaculata Conceptione sua.

Vivat in purissima Conceptione Filij Dei.

Vivat in intemerata Virginitate sua.

Vivat

Vivat in Nativitate J. X. Domini nostri.

Vivat in Compassione dilecto Filio suo.

Vivat in omnis gratijs, donis, excellentijs,
muericordijs Maternis erga hominum genus.

Vivat in terra, in Purgatorio, in Cælo, in tem-
pore & in æternitate.

PACTUM GENERALE

O Deus meus, & omnia!

Quotiescunq; hunc actum elicuero, toties
volo omni desiderio, sublimitate, sensu, af-
fectu SS. Patris mei Francisci, nec non omnium
filiorum ejus, omnium fidelium & Amatorum tuo-
rum recognoscere, amare Te Deum ut infinitis ti-
tulis meum, mihiq; pro omnibus bonis sufficien-
tissimum. Proinde & nunc pro omnibus momentis.

Adoro, amo, laudo, glorifico benedico Te in
omnibus.

Adoro, amo, laudo, glorifico &c. Te cum
omnibus.

Adoro, amo, laudo, &c. Te pro omnibus.

Adoro, amo, laudo &c. Te præ omnibus.

Adoro, amo, laudo &c Te Deus meus & omnia
toto universo humano, Angelico, Mariano.

Istudq; Pactum ac omnia consigno pretioso San-
guine ac omnibus Theandricis actibus Salvato-
ris mei JESU Christi.

Nota Vero: per hæc aliave Pacta cum Deo inita, fieri lucrativam negotiationem, & modico impendio maximas opes cælestes accumulari; neq; enim liberalissimus Deus prætendit ut multis illum oremus seu laudemus, at potius ut multum [ut subtiliter docet V. P. Druzbiccius T. 2. f. 12.] idest multo & magno affectu, desiderio, intensione, extensione voluntatis. Proinde utilissimum pariter atq; congruum est Amatoribus DEI premissa Pacta seu Conventiones cum Deo sæpius renovare; nam si vg: saltem semel in hebdomada, vel mense, vel in anno expresse & fervide innoventur, ab intentione non retractata eiusmodi fructum ac meritum sortientur, ac si frequentissime vel continuo elicerentur.

Quod commendatum tibi velim
homo Ascetice.



TRACTATUS IV.

De Renovatione Spiritus

Quam salutaris & fructuosa sit, [cum omnibus tum maximè ad perfectionem status vocatis hominibus] frequens renovatio spiritus, multis docent Spirituales Magistri. Quinimo ipsa ratio dicat & experientia in rebus alijs ostendit, absq; renovatione plurima à statu, decore, vigoreque suo excidere. Proinde frequentius renovantur ædificia, fortalitia, horologia, vestes, vasa, instrumenta, ut sint in bono statu, usu, nitore, firmitate. Quanto potius necessariam inferes renovationem in rebus animæ ac salutis? Licet enim spiritus hominis Religiosi nescio quam sit fervens, attamen veluti ignis maximus, ni sæpe moveatur, sensim minuitur, & demum extinguitur: sic ille ni sæpius moveatur, excutetur ad meliora, corrigatur, excutiat, insensibiliter plane tepescet ac deferbescet. Et quid quæso sentendum de spiritu hominis tepidi ac imperfecti? Renovationem istiusmodi adumbratam habemus in Encænijs seu festo Renovationum, quod anniversariâ Solemnitate recolebatur Jerosolimis, ut innuitur. Joa: 10. *Facta sunt Encænia Ierosolymis.* supra quam Evangelistæ relationem pulcherrimum & Ascericum cogitatum habuit. Abbas Didacus Nissen: *con: fer. 4. post Dom. 5. Quadrage. Non*

mirarer [iniquit:] si in *Agypto* ubi sunt tenebræ; si in *Babylone* ubi confusio, sed cur *En-ænia*, seu renovationes *Jerosolymis*? non mirare; nulla enim talis *Jerusalem*, nulla anima tam sancta, quæ nihil habeat innovandum, purgandum & perficiendum.

Porro *Renovatio Spiritus* nihil aliud sonat apud *Alicetas*, nisi frequentem reflexionem super actiones suas, & recollectionem earum in animo, quæ ad hoc ordinatur, ut lustratis diligenter cogitatis, verbis actisq; suis, quid quid in illis devium, & imperfectum advertitur, congrue castigetur, dolore ac pænitiâ eluatur, emendatio seria in animo concipiatur, & opere impleatur, sicq; omnis deordinatio facta in anima, ad orbitam rationis, *Regulæ ac amoris Divini* reducat.

Recollectio isthæc à perfectioni studiosis prædicatur sive pluries per diem, uti horarie, sive bis quâlibet die, potissimum mane & vespere, & vocatur *Examen conscientiæ particulare*. Vel etiam annuatim longiori tempore, & vocatur *Examen Conscientiæ Generale*, sive interim sit circa acta totius anni, sive totius vitæ. In nostra Reformata S. P. F. Religione præscribitur & dictum absolvitur, tum mane tum Vespere *Examen particulare*. Semel vero in anno à singulis omnino Religiosis *Examen Generale* seu *Recollectio spiritus* octidua aut *Decemdiaria*. Pro utriusq; noticia & praxi sit.

CAPUT I.

De Recollectione Matutina & Vespertina.

Recollectio mentis Quotidiana juxta usum nostratum tres habet partes, ut pote: Præparationem, Reconciliationem & Conclusionem. Præparatio constat tribus exercitijs seu punctis.

1um. est Adoratio Dei vg: hoc actu. Credo Domine & procidens in abyssum nihili mei, adora Te in omnibus operibus Potentia, Sapientia, Iustitia, Misericordia tua. Adoro te in calo, interra, in Purgatorio, in inferno. Adoro te in omnibus hominibus, in SS. Angelis, in Pretiosissima V. Maria, in SS. Humanitate Christi IESU, in admirabili Eucharistia Sacramento. Adoro Te in omnibus perfectionibus tuis: in Tua ineffabili Unitate & Trinitate, in Tua incomprehensibili Divinitate.

2dum. est Gratiarum actio vg: hoc actu. Grattias tibi ago o liberalissime omnium bonorum largitor pro omnibus beneficijs ex Oceano bonitatis tuae effusis in omnes Creaturas, & præcipue in SS. Humanitatem Christi IESU. In Pretiosissimam Ejus Matrem. In omnes electos tuos, tam SS. Angelos quam homines. Pro beneficijs effusis in totam Ecclesiam S. in totum hoc Regnum, in totam hanc Regionem, in totam Religionem nostram, in Com,

ventum nostrum. Pro beneficijs effusis in me abjectissimum plasma tuum, tam communibus quam specialibus, idque collatis mihi totâ vitâ, toto hoc anno, mense, die. Prasertim pro his N.N.

2^{ti}um. est Imploratio cælestis luminis ad cognoscendas maculas conscientiæ vg: hoc actu. O lux qua illuminas omnem hominem vententem in hunc mundum, emitte in cor meum lucis tue radium, disselle tenebras mentis mea. Responde mihi quantas habeo iniquitates & peccata, scelera mea & delicta mea ostende mihi.

Reconciliatio Tribus constat punctis. *1^{um} est Examen conscientiæ, idq; 1^{mo}. De cogitationibus.* Num fuerint vanæ, mundanæ, superbæ; gulosæ, immundæ, iracundæ, murmuratoriæ, sinistre judicativæ, condemnativæ, perversæ, impertinentes statui, Characteri, officio suo. Idq; an frequenter? an per longiorem moram? an cum advertentia? cum quali earum repulsa, victoria? *2^{do}. De Intentionibus* Num fuerint rectæ, sinceræ, elevatæ ad Deum ejusq; gloriam & honorem? Directæ ad bonum Religionis, utilitatem & charitatem proximorum. Num vero secus? vg: perversæ, tepidæ, inconstantes, vanæ, leves, directæ ad sua commodâ, desideria, ad favores, respectus, laudes & mercedem ab hominibus? *3^{io} De Verbis* An fuerint iracunda, punctiva, læsiva, absq; reflexione, cum impetu, furore evocata, superbiâ, contemptum, fastum spirantia, indecentia, mendacia, dolosa, calumniosa, adulatoria, cum nimia lingvæ effusi-

one scandalo, turbatione, damno, injuria proximo-
rum deprompta. Idq; quam frequenter? quam
reflexe? quam longo tempore? 4to. De Operibus
Num fuerint vana, inutilia, non rectâ intentione,
vel absq; ulla exercita? Non juxta statum, ordi-
nem, tempus locum, absq; attentione, devotione,
reflexione, modestia, decentia. Contra leges Di-
vinas, & Religiosas. Ex propria tantum volunta-
te procedentia? Num etiam fors aliqua scanda-
losa, invereconda, malitiosa, imprudenter peracta?
5to. De Omissionibus seu negligentijs vg. devotio-
num communium vel privatarum absq; justa causa:
exercitij in virtutibus, in implendis bonis propo-
sitis, inspirationibus Divinis: in exequendis man-
datis doctrinis, consilijs superiorum: in lucrandis
Indulgentijs, in exhibendis obsequijs. Conventus,
vel ex officio vel ex charitate debitis. In absol-
vendis examinibus conscientiae circa suos defectus
vitia, passiones, & pœnitentias pro illis.

Hoc ipso modo poteris lustrare conscientiam
tuam ante Confessionem Sacramentalem, atten-
dendo singulariter ad defectus & vitia inveterata
& inclita, in quæ frequentius & quasi ex usu tibi
labi contingit, ut ea castigare possis & extirpare.

2dum. est Dolor de peccatis qui in Religioso
homine non qualis qualis esse deberet sed intimus,
serius, conceptusq; ex motivo summæ Dignitatis,
Sanctitatis, Bonitatisq; Divinæ, qui vocatur
Contritio seu dolor perfectus, qui tantam vim ha-
bet, ut etiam extra Sacramentum pœnitentiæ, ju-

stificet & emundet conscientiam à peccatis, modo sit conjunctus cum voto serio ejusdem Sacramenti opportuno tempore suscipiendi. Potest vero elici Contritio vg. tali formâ. *Doleo, superdoleo toto corde, Dignissime Deus meus de omnibus peccatis meis. amore, pretio, aestimatione tui, ob lasam & contemptam à me infinitam Sanctitatem, Bonitatem & charitatem tuam. Confundor & erubescio in conspectu tuo de omnibus iniquitatibus meis, easq; in aeternum detestor execror, ejuro coram te. Utinam eas detester & odiam illo sancto odio quod in corde tuo Divino residet adversus mea omniumq; peccata. Da ut plus te non offendam, da ut amplius, ampliusq; doleam.*

3tium. est Propositum emendationis & satisfactionis, quod debet tendere *1mo.* & quidem necessario ad fugienda omnia & singula peccata mortalia. *2do.* Ad cavenda singula peccata venialia, nam omnia evitari absq; speciali dono haud possunt. *3tio.* Ad cavendas proximas occasiones peccatorum. *4to.* Ad vitia inolita, inhabituata. *5to.* Ad proprium amorem, judicium, voluntatem abnegandam & mortificandam. Et potest formari vg. hoc actu. *Domine Deus meus, cui non sunt abscondita mendacia & perjuria mea coram te, agnosco dignum esse ut qui te offendi reconciliem, qui erravi emendem. Ideo amore tui propono firmissime, praterita peccata eorumq; occasiones vitare, vitia hac potissimum, N.N. eradicare, amorem, judicium, voluntatem propriam vincere, & te summum bonum*

bonum meum de cetero non offendere, sed placare. Consigna Domine hoc velle meum, Sanguine, Vulneribus Redemptoris mei, ac Filij tui IESU Christi.

Hujusmodi vero Proposita tunc erunt sincera, Deo placita, & homini salutaria, si non solum mente & corde eliciantur, sed operibus pœnitentiæ, mortificationis confirmentur. Unde boni & timorati Religiosi, mox ut aliquos defectus notabiles in Examine agnoverint, ingressi Cellulam eos castigant, uti orando prostratum in terra, lingua pavementum verrendo, disciplinam sibi adhibendo, diu stando, genuflectendo, manus elevatas tenendo &c.

Conclusio Recollectionis tribus constat punctis *Imum est* Petitio variarum gratiarum & donorum salutarium à Deo. vg. hac formâ *Domine Deus, à quo bona cuncta procedunt, largire mihi quæso peccatorum veniam & odium, virtutis amorem & studium, in bono constantiam, Regula observantiam, in fide & gratia perseverantiam, & illa omnia dona quibus Tibi placere & ad Te ultimum finem valeam pervenire. Largire eadem toti Ecclesie tue, toti Religioni, Conventui nostro, omnibus Benefactoribus, Confratribus & amicis nostris per infinitam pietatem tuam.*

2dum. est Oblatio, vg. hac formâ *Tibi Altissime Domine, totâ prostratione cordis mei offero omnia, si qua sunt bona opera mea, omnes actus pios tibiq; placitos omnium SS. Angelorum & hominum, omnia Sacrificia Ecclesie, & omne quid*

quid tua Maestate dignum in me vel in alijs creaturis esse potest, specialiter offero tibi hoc.

3tium. Commendatio sui Christo Domino, Ejus Matri SSmæ, S. Angelo Custodi, SS. Patronis. vg: hac forma. O Salvator mi Dulcissime, Tibi me hodie totum committo, cui me totum debea. In vulneribus tuis absconde me, tuere me ab omni periculo anima & corporis. In tuam Maternam protectionem projicio me o Virgo Deipara, habe me pro filio tuo, monstra Te mihi esse Matrem, Tutricem & Patronam. S. Angele in custodiam mihi deputate, custodi, rege, defende illum pupillum tuum, & in manibus tuis porta me, ne cad m, ne demergar in quodcunq; peccatum. SS. Dei omnes, prasertim vos electi & dilecti Patroni mei juvate me, orate pro me, implorate mihi Clementiam Dei.

Tandem salutariter potest visitari adorariq; SS. Eucharistiæ Sacramentum & Communio spiritualis peragi, juxta modum supra porrectum *Traçt* 2. Appendice 2da, hic vero sit.

A P P E N D I X

De Recollectione Horariâ.

Multi Servi Dei amantes puritatem conscientia, piam habent consuetudinem quâlibet horâ diei lustrare animum, & recolligere, in quo hâc horâ deviaverint. Tu quoq; si eos imitari volueris, potes vel ad pulsum singularum horarum diei,

diei, vel ante singulas Horas Canonicas Recollectionem ejusmodi instituire, absq; magno labore & brevissimo tempore cujus tale ichemima habeto. Converte te ânimo ad 3. Vulnera Christi, & ad 1mum. dic in corde: *Deo gratias.* Ad 2dum. *Illumina Domine faciem tuam super servum tuum.* Ad 3tium. Lustra quid & qualiter hâc præcedenti horâ devij imperfecti gesseris Ad 4tum dic in corde: *Peccavi Domino, Deus propitius esto peccatori.* Ad 5tum. Lateris Christi, dic in corde. *Iam amplius nolo peccare, consigno hoc propositum illo pretioso sanguine, quem ex vulnerato corde tuo, amore mei ô bone IESU effudisti.*

CAPUT II.

De Recollectione Annua.

Recollectio annua est magnum quoddam vivumq; speculum Religiosæ mentis, in quo tum maculas animi quas contraxit scelerter advertere potest, ut eas pænitiæ lacrymis abstergat, tum bonorum operum lucra, profectusq; sui augmenta recensere valet, ut pro ijs omnium bonorum Authori Deo, intimas & humillimas grates rependat. Geminum namq; hunc finem in sua Recollectione intendere ac respicere debet Asceta, nempe ut Deum sibi reconciliet, ac pro suis peccatis deprecetur, & pro donis ab Ejus bonitate sibi collatis, illum benedicat, & debitam gratitudinem contestetur.

Porro

Porro ut hoc salutare Exercitium recolligen-
di spiritum congruâ ratione, modo ac ordine pe-
ragatur, debent notari ac observari sequentes
regulæ.

1ma. est Ut isthæc Recolle^{ctio} libenti pariter
ac magno animo suscipiatur, tanquam maximi mo-
menti occupatio, à qua non modicum dependet
vitæ tuæ emendatio, salutis assicuratio & Dei glo-
rificatio. Proinde tractanda & peragenda est ut
negotium gravissimum, quod totum hominem exi-
git, rescindendæ curæ temporales, solitudo Cellæ
petenda, silentium arctissimum servandum est, ad
eum fere modum quo negotiator avarus, dum suæ
fortunæ decessus vel augmenta sollicite investi-
gare cupit, totus ratiocinijs incumbit, societatem
tumultumq; fugit, & quid sibi decesserit vel acces-
serit contemplantur.

2da. Toto Recolle^{ctionis} tempore Divinum
Officium, Missa, aliæq; consuetæ spirituales occu-
pationes, quâ fieri potest tractandæ sunt cum fixa
attentione, elevatâ intentione, affectuosa Spiritûs
devotione, & omni perfectione, ut si fors alijs
temporibus decessit nobis de diligentia & merito,
Divinæ vero Majestati de debito à nobis, amoris
gloriæq; tributo, hoc saltem tempore quoquomo-
do recompensetur. Et hoc est redimere tempus
juxta Apost. Eph. 5. & talenta nobis à Domino
credita reddere cum usuris.

3tia. Tota hæc Recolle^{ctio} commode potest
absolvi spatio, octo dierum, vel si alicui placeat de-

tem dierum, ita ut cuilibet diei certum spirituale exercitium determinetur, & singulis horis peragatur. Porro juxta utrum & commodum nostræ Religionis, cujuslibet diei potest esse hujusmodi repartitio. 1. Absoluto Examine Matutino. 2. Absolvenda in Choro Prima & Tertia Canonica. 3. Sacrum audiendum, vel celebrandum præmissa devota præparatione. 4. Gratia Deo ferventer agendæ 5. Meditatio *1ma.* de Passione D. instituenda. 6. Legatur aliquid in materia spirituali 7. Meditatio *2da.* instituenda ut in loco est. 8. Sexta & nona absolvenda. 9. Summendum prandium. 10. Hoc finito gratijs actis in choro visitandum SS. Sacramentum ut cibus cordis, ac spiritualis Communio facienda, postea parum quiescendum ad Primam. 11. Ab hora *1ma.* ad *2dam.* Meditatio *1ma.* ut in loco instituenda. 12. Vesperæ dicendæ. 14. à Tertia ad *4am* Recollectio seu Reflexio illius diei facienda, si quæ dictamina spiritus hauries, vel proposita salutaria, scriptotenus annotanda. 15. Completorium & Meditatio *2da* communis alijs instituenda. 16. Cæna frugaliter summenda. 17. Disciplina productior infligenda. Tum preces fundendæ ut infra suis locis notatur. Vel Corona B. V. M. aut pars Rosarij dicenda. Vel Via crucis Chr. recolenda. 18. Examen conscientia Vespertinum absolvendum. Actus excelsis ut sup: Factorum eliciantur, & actis Deo gratijs pro transacto die, somnus capiendus.

4ta. Pro obtinenda Indulgentia Plenaria, talem

200 DIES I. *Exercitia Antemeridiana.*

Item Recollectionem facientibus, concessa à Paulo V. An: D. 1606. Die 21. Maij, & specialiter nobis FF. Minoribus ab Alexand. VII. A. D. 1659. D. 1. Jun: Confessio generalis vel annua omnium peccatorum ad finem Recollectionis est facienda, Demum concepta dictamina spiritus & pia propo- sita relegenda & servanda in scripto quam re- conditissime, ac saltem semel in mense revidenda, ut cognoscamus, an sint effectuada nec ne?

sta. Finitâ hâc Recollectione caveatur festina præmatura & nimia extroversio [cui occasionem dare studiose hostis animæ procurat] ne per eam spiritus collectus dissipetur, & inflammatus mox tepescat, insultetq; fors dæmon: Laborastis multum & intulistis parum.

D I E S I.
*Exercitia Anteme-
ridiana.*

1. DE Mane Meditatio *ima.* de Passione Do- mini si non est præmissa post Matutinum, instituenda.

2 Lectio Spiritualis per justum tempus ex aliquo Authore qui erit ad manum, potissimum ex satis obvio Thomæ de Kemp: lib, de Imit. Chr. instituatur, idq; hâc die legatur attente ex Lib 3. cap. 1. 2. 3. & 9. cum Oratione quæ ibi ad finem est posita.

3. ME-

3. MEDITATIO I. De Fine hominis.

PRÆLUDIUM I. **E**Leva mentem ad Deum
& ausculta loquentem ad
Cor tuum. *Ego sum Alpha & Omega Apoc. 22.*
Ego sum principium qui & loquor vobis Joan: 8.
& responde ei in corde: *Credo Domine & proci-*
dens adoro Te.

PRÆLUDIUM II. **O**bscra ferventissime De-
um, ut hanc veritatem
cordi tuo imprimat; & principio ac fini Recolle-
ctionis tuæ benedicat.

PUNCTUM I. **V**eritas veritatum est, quod di-
xit Propheta. Prov 16. *Uni-*
versa propter semetipsum operatus est Dominus.
Non indigens sane ullius creaturæ obsequio, cum
sibi sit sufficientissimus, sed Potentiam suam exer-
cens, sapientiam ostendens, & communicativam
suam Bonitatem effundens. Omnia igitur quæ De-
us in universo jam condidit, quæ condenda decre-
vit, & quæ possibilia cognoscit, hoc principium,
causam & Authorem habent, hunc ultimum finem
sue creationis agnoscere debent, nempe infinitæ
Majestatis, Dignitatis, Potentiæ, Sapientiæ, Bo-
nitatis omnisq; cogitabilis Perfectionis Numen.
Exindeq; lætari & gratulari sibi possunt quod tan-
ti solis sunt umbræ, tanti æquoris sunt stillæ, tan-
ti Patris sunt Filij, tam Optimi, Maximi Dei sunt
creaturæ.

Z

PUN.

PUNCTUM II. **I**N creatione aliarum rerum effusa Divina Bonitas, majori incomparabiliter charitate effudit se in condendo homine, tanquam in summa & compendio omnis creaturæ. Creavit solem & stellas quæ moventur sed non vivunt: arbores, flores, herbas, quæ vivunt sed non sentiunt: creavit bestias quæ sentiunt, sed non intelligunt: creavit hominem qui movetur, vivit, sentit, intelligit, & invisibilia quoq; naturæ ac Dei cognoscit. Et ut dixit *S. Greg:* Habet commune esse cum lapidibus, vivere cum plantis, sentire cum brutis, intelligere cum Angelis. Idcirco omnis creaturæ nomine homo potest intelligi, & Microcosmus seu parvus mundus appellari. Et hac de causa post omnes alias creaturas hominem Deus condidit, ut sit quasi novissimus, quasi totius operis summa, quasi causa mundi propter quem facta sunt omnia, quasi omnium elementorum habitator, ut notat *S. Amb:* *S. 10. in Psalm: 118.*

PUNCTUM III. **C**Reavit Deus hominem absq; ullo merito, dedit illi vitam ex oris sui spiraculo, adornavit massam luti informem, mente Angelis fecit parem, loquelæ usu ditavit, erecto ad Cælos corpore fecit, & quod super omnia æstimari meretur, fecit hominem ad imaginem & similitudinem suam, id quod non concessum est brutis, quod non dictum est de Angelis. Opus solius Dei es homo totius adorandæ Trinitatis negotium, imago summæ Essentiæ, summa

mæ Bonitatis, Pulchritudinis Sanctitatis. Membrum es non alterius capitis nisi Christi Filij Dei: subditus es non alij Domino vel Judici nisi Deo: hæres Dei destinatus es, cohæres Christi. Pupillus es! Tutorem habes Deum, qui te protegit, qui gratiose conservat.

Reflexio Omnia creata ad suum principium re-
currunt, ad suum finem tendunt, ad suum cen-
trum violenter moventur. Tuum principium su-
preum, tuus finis altissimus, tuum ultimum cen-
trum ô homo, nunquid non Deus solus est? De-
us tibi præ cæteris affectissimus, in te prodigus,
tui amantissimus, qui memoriam ejus ab æterno
occupas, & suavissimam illius Providentiam con-
tinuo experiris. At quomodo ad hoc centrum
cordis tui raperis? quomodo illi per intimam
charitatem adhæres? Examina te quot momenta
& horæ, quot dies & anni in vita tua decurrerint,
in quibus à Deo tuo prorsus fuisti alienus? elon-
gatus ab illo per peccata, abreptus ad vanas sæcu-
li curas, ad sensuum commoda & spurcas volu-
ptates, ad captandam humani favoris auram, im-
memor plane tui & DEI, immemor debiti cultus,
obedientiæ, charitatis? totiesq; miser factus quoti-
es à Deo fueras separatus. Dole & deplora ge-
menter aversiones tuas à Deo. Agnosce te vi-
xisse ut bestiam Dei ignaram. Et deinceps omni-
bus intentionibus, actionibus tuis tende in Deum,
in ejus amorem, gloriam & honorem. Elice actus
fidei, adorationis Dei tui.

Exercitia Pomeridiana

MEDITATIO II

De obligatione hominis erga Deum ratione beneficij Creationis.

PRÆLUDIUM I. ELeva mentem ad Deum⁹ loquentem ad cor tuum Malach. ca: 1. *Si ergo Pater ego sum? ubi est amor meus? & si Dominus ego sum? ubi est timor meus?*

PRÆLUDIUM II. Obsæcra Deum pro lumine, ut profundius cognoscas, qualis sit ille Pater? qualis & Dominus?

PUNCTUM I. Inter omnia quæ exigit à te Deus ut Creator & Pater, est amor ejus: quæ requirit à te Deus uti supremus Dominus, est timor ejus, quod & alibi expressit. Deutor. 10. *Et nunc quid Dominus Deus petit à te, nisi ut timeas Dominum, tuum, & diligas eum in toto corde tuo, & in tota anima tua?* Duplex hoc tributum & si nunquam Deus exigeret, ipsa natura à cordibus nostris extorquere deberet. Nunquid enim ô homo! ô rationale animal! inferior aut insensibilior es brutis? vg: avibus, ovibus ac fustibus? interim vides, quod pullus ovo exclusus mox se se foveat sub alis gallinæ, sequitur il-

lam,

lam, amat illam, timet illam. Idem facit Agnellus idem vel Porcellus Matri suæ. Quam incomparabiliter fortiolem impulsus, fortius vinculum in corde suo habet homo ut amet Deum, verius suum quam aliarum creaturarum Patrem, ad cujus imaginem & similitudinem conditus est? Ut timeat Deum, verius suum quam aliarum rerum Dominum, cui soli subiectus est, & à quo plus omnibus creaturis recipit pro exiguo servitio suo?

PUNCTUM II. **H**umani Patres & Matres, qui nos mundo generant, & in lucem brevissimi temporis educunt, qui nos alunt, fovent, vestiunt, ditant, non de propria sed Divina Providentia, quam magnum à suis prolibus exigunt amorem, solatium, honorem, obsequium? Quam magnam auctoritatem & dominium exercent? quod se eousq; extendit, ut possint filios percutere, exhereditare, & in necessitate constituti valeant filium vendere. Et quid sunt Parentes nostri temporales, Deo, Patri increato, infinito, Domino Altissimo & absolutissimo comparati? cujus Potentiâ subsistimus, Sapientiâ gubernamur, inexhaustâ Providentiâ in anima & in corpore nutrimur, vestimur, & delicatissime fovemur? à quo usq; ad delicias amamur? O quantum amorem, gratitudinem, devotionem Deo & Patri omnium? quantum timorem, cultum, servitium obedientiam, subjectionem debemus supremo Domino nostro? qui pios erga se filios & fideles

servos æternaliter beat ac præmiat, qui impios & rebelles æternaliter damnat & cruciat.

PUNCTUM III. Quam stupendum, quam probrosum sit quod Deus, Creator, Pater & Dominus noster; qui nobis infundit rationalem animam, amandiq; ac timendi se ex naturâ capacem, toties præcepto expresso obstringit nos ut eum ex toto corde ex tota anima, ex totis viribus amemus? tot minis gravibusq; pænis extorquet à nobis debitum sui timorem. Nisi quod videat mentis nostræ cæcitatem, cordis nostri duritiem, ingratitude in filijs, suis rebellionem in subditis. Et adhuc fingimus laborem in præcepto, ad quod implendum ipsa nos impellit natura, provocant innumera beneficia: non veremur Deum, Dominum vitæ & necis, licet tot percussionibus attriti, libentiusq; minantem offendimus, quam iratum placamus.

Reflexio. Potes quidem dicere aliquando: Non possum jejunare, quia corpus habeo debile, non possum eleemosinas dare, quia pauper sum, nunquam tamen potes in veritate dicere: Non possum Deum amare & timere, cum te ideo condiderit, ut illum ames & timeas. Vide tamen an & quam frequenter, quam constanter amor Dei versetur in corde tuo? an te penetret timor Dei? Num aliquando ut liberior peccares, ut voluptati indulgeres, amorem timoremq; Dei ex mente tua non exclusisti?

Mirare deteriorem bestijs tuam vesaniam & duritiem, confitere & dole, quod tam suave tributum

butum Patri Dominoq; tuo supremo subtraxeris, ora Deum ut ignem sui amoris in corde tuo reaccendat, & sanctum sui timorem animo tuo imprimat. Elice actus amoris timorisq; Domini pro omnibus illis momentis, horis, diebus quibus hoc omisisti.

Recollectio de Charitate.

PRæceptum de Charitate Dei, inseparabiliter connexum est præcepto de charitate proximi, cum charitas sit Virtus quâ Deus propter se, & proximus diligitur propter Deum. Examina igitur conscientiam. *1mo.* Quantum defecisti in amore erga Deum? Quam oscitanter, frigide Deum amasti? Quam desiderioso servitio beneficia à Deo accepta rependisti? Quam tardus ad implenda præcepta, ad arripienda consilia, ad acceptandas ejus influentias fuisti? Quomodo non filiali propter Deum ipsum, sed mercenario amore propter mercedem, Deum dilexisti? Quot heroica opera ambre Dei v.g: hoc anno fecisti? Quanto cum amore ad Deum in Eucharistiæ Sacramento accessisti? Quam multoties Deum ipsismet beneficijs ejus offendisti? An non extinxisti in te amorem Dei aliquo peccato mortali?

2do. Erga proximum. An illum vere sicut te dilexisti. Bona toto affectu apprecando: in necessitate, ope, consilio, osequio pro posse subveniendo: miterijs ejus condolendo, de prosperitate lætando:

tando: voluntarie non offendendo, non traducendo, non irridendo, injurias & offensas condonando, bonis exemplis prælucendo. Num forte? Et quidquid saltem graviter devium charitati Dei vel proximi adverteris annota, & emendare propone.

Post Completorium Meditatio *ada* communis instituat. Hâc die demum commodo tempore de vespere. Preces funde pro Exaltatione S. R. Ecclesiæ quomodo velis, mentaliter aut vocaliter. Ante somnum institue Communionem Spiritualem visitando SS. Sacramentum Ad extremum, Pacta fides? & actus scilicet *ima* ut habentur supra Tract. III. sub Cap: 2. Et actis Deo gratijs pro doctrinis quas excepisti, pro dictaminibus quæ fors hausisti intentione surgendi ad laudandum Deum somnum cape.

D I E S II.

Exercitia Antemeridiana.

1. PRÆMISSA Meditatione de Passione Christi.
Lectio Spiritualis instituat *vg.* ex V.

Thoma Kemp. lib. 2. cap. 2. 3. 4.

2. MEDITATIO

De Fine hominis Christiani.

PRÆLUDIUM i **A**udi præconem Christi
S. Paulum dicentem.
Coloss. 2. *Sicut ergo accepistis IESUM Christum
Dominum, in ipso ambulate, radicati & superadi-
ficati in ipso.*

PRÆ-

PRÆLUDIUM 2. **A**spira ad Deum ut valeas
istam doctrinam Apostoli-
cam salutariter intelligere.

PUNCTUM I. **E**T si homo vi solius creatio-
nis suæ à Deo, indispensabili-
ter sit obstrictus, ut ad Deum tanquam plasma ad
suum Creatorem, tanquam rivus ad fontem, tan-
quam opus ad suum finem tendat, tanquam Pa-
trem amet, tanquam Dominum timeat, & per hoc
salvus beatusq; fiat. Cæterum quâ homo Christia-
nus, in sortem Christi vocatus, ejus nomine insi-
gnitus, ejus doctrinâ imbutus, ejus exemplis pro-
vocatus, ejus Passione redemptus ejus Sangvine
emundatus, debet specialem habere finem, quem
respicere, quem contingere annitatur. Accipit
homo Christum **JESUM** in baptismo, suscipit il-
lum ut Ducem & Magistrum, cujus doctrinam
fidemq; sectetur, cujus vestigia sequatur. Ecce
hunc finem debet sibi proponere, hunc in actio-
nibus suis, respicere, ut ambulet in Christo Domino!

PUNCTUM II. **I**N lege naturæ nonnullis SS. Pa-
triarchis Deus imperabat ut
ambulant cum eo vel coram eo, & sic perfecti
evaderent. Sic Gen. 5. *Ambulavit Enoch cum*
Deo, & transtulit eum in Paradisum. Gen. 6. *Noe*
vir justus atq; perfectus ambulavit cum Deo.
Gen. 17. dictum est Abraham. *Ambula coram me*
& esto perfectus. Jam nunc in lege gratiæ nobis
A a dicitur,

dicitur, ut in Deo Incarnato, in JESU Christo Domino nostro ambulemus: *in ipso ambulate* nimirum quia de illo prænuntiavit Propheta. Is. 30. *Et erunt oculi tui videntes preceptorum tuum, hac est via, ambulate in ea!* Id ipsum confirmavit Christus D. Joan: 14. *Ego sum Via, Veritas, & Vita nemo venit ad Patrem nisi per me:* & ore S. Bernardi se explicat. Ego sum via in exemplo, veritas in promisso, vita in præmio. Ego sum via per quam est eundum & veritas ad quam veniendum, & vita in qua permanendum. In hac igitur via ambulare debes ô Christiane, in semitis ejus incedere, idest in ejus doctrinis Sanctis, in vivis exemplis. Ne aberrares ab hac via, signavit illam pretioso Sangvine suo; nam ut docet S. Petrus. 1. Petr. 2. *Christus passus est pro nobis vobis relinquens exemplum, ut sequamini vestigia ejus.*

PUNCTUM III. AD hoc tendit tota in hoc exilio peregrinatio nostra, ut passibus bonorum operum præsertim amoris timorisq; Divini, perveniamus ad Patrem qui nos creavit, qui nos gratiose conservat, ut attingamus in æterna beatitudine Deum nostrum. Sed attende quid dicit Christus: *Ego sum via, nemo venit ad Patrem nisi per me,* quasi diceret: non per illam viam quæ videtur homini recta, & novissima ejus deducunt ad mortem. *Prov 16.* Non per viam spatiosam quæ deducit ad perditionem, qualis via est in qua stant peccatores. Via iniqui-

tatis,

tatis, via perversitatis, via luxuriæ, avaritiæ, superbiæ aliorumq; vitiorum nam lux viæ, idest hic processus ac tenor vivendi, non est hominis Christiani, ad veram fidem vocati, sed hominis gentilis, profani, fide carentis legem Divinam ignorantis, Judicium DEI non attendentis, infernum non credentis, æternam beatitudinem non curantis.

Reflexio. Quoties dixit ad cor tuum Christus JESUS: Veni! sequere me! quoties viam mandatorum, semitas consiliorum suorum oculis mentis tuæ proposuit, demonstravit? quoties ab hac, illa via iniquitatis revocare te voluit? quoties viâ justitiæ, humilitatis, obedientiæ, castitatis te incedere voluit? Interim an has vias salutis trivisti? an non magis ambulasti vias difficiles peccatorum? in quibus lumen justitiæ non illuxit tibi! & sol intelligentiæ non est ortus tibi. An non lassatus es in via iniquitatis, perditionis & viam Domini [quæ Christus est] ignorasti? rebellando cælesti lumini, inspirationibus Divinis, monitis humanis, pudorî & honestati, eundo post desideria carnis, sequendo propriam voluntatem, & alias passiones infranctas, quæ te in tot abrupta scelerum perduxerunt, in pericula damnationis pertraxerunt? Num fors hucusq; in istis devijs itineribus, carnis & mundi pervicaciter non perstas? & illas decurris ut per eas per eas, non illam quæ de se dicit: *Ego sum via!* Revertere saltem nunc ad hanc viam, sequere Christi vitam sanctissimam, purissimam &c. Ora Christum JESUM ferventissime, ut convertatur ad te & convertaris ad eum, Exer-

Exercitia Pomeridiana

MEDITATIO

*De obligatione hominis erga Deum
ratione beneficij Redemptionis.*

PRÆLUDIUM I. **I**Maginare tibi S. Petrum
Apostolum prædicantem:
*Non corruptilibus auro vel argento redempti
estis, sed pretioso sanguine quasi Agni immacula-
ri Christi* 1. Petr. 1.

PRÆLUDIUM II. **O**bscra JESUM Redem-
ptorem tuum ut possis
agnoscere, quam copiosa fuerit illius redemptio.

PUNCTUM I. **D**EUS omnia solo voluntatis
sue nutu creavit absq; labo-
re & expensa; conservat omnia absq; turbatione
vel decessu thesaurorum suorum, sed pro redem-
ptione hominis è sinu suo misit Filium dilectionis
sue, per omnia sibi coequallem, per omnia san-
ctum & beatum. Univicit illius Personæ non pu-
rissimam naturam Angelicam, sed naturam huma-
nam; non enim apprehendit Angelos sed semen
Abrahæ. *Habr. 2.* naturam in primo Parente pec-
catô [quo nihil est Deo indignius & detestabilius]
viciatam, naturam è luto plasmata, sæcibusq;
scatentem totam. Quæ duo magis contraria dari
possunt;

possunt, quam Deus & peccator? & quæ duo arctius nunc sunt combinata, quam Deus & homo? Non est quidquam Deo sublimius [ait S. Bern] & non est vilius quidquam luto, ex quo homo formatus est. Nihilominus ut redimeretur homo, Filius Dei & factus est homo, & formam luti accepit, & formam in se assumplit peccatoris.

PUNCTUM II. AN non satis hoc erat redemptioni nostræ, ut Filius Dei homo fieret, ut Divinam Justitiam aliquo unico actu vg. amoris aut humilitatis placaret humano generi? Satis hoc profecto erat nostræ saluti ac redemptioni, sed non satis Christi amori, de quo prædixit Isaias. c. 63. *In dilectione sua, & indulgentia sua redemit nos* Idcirco ut me summâ dilectione redimeret omnes in se miseras assumpsit. Natus in stabulo ut pauper, circumcisis ut nocens, exul in Ægypto ut perduellis. Amore mei jejunavit, vigilavit, sudavit & alit, injurias, calumnias, persecutiones, contradictiones sustinuit. Propter me nefarie proditus, captus, à suis relictus, venditus negatus, alapis cæsus, consputus, illusus, flagellatus, spinis coronatus, repletus opprobrijs, inter sceleratos deputatus, crucis patibulo oneratus, affixus, dire confixus, ignominiosa morte mulctatus, blasphemijs in corde, lanceâ in latere vulneratus.

PUNCTUM III. ET quorsum hæc tanta, laborum, dolorum, honoris, famæ, Sangvinis, vitæ Christi JESU impensa? quorsum

sum hæc tam copiosa apud Deum redemptio spectabat & spectat? quantam retributionem à nobis exigit? quantam redamationem vel à duris cordibus extorquet? Si enim amare JESUM pigebat, saltem redamare non pigeat. Effudit se totum Dei Filius, ut vilissima mancipia, ut servos pænæ æternæ, ut sibi ipsi rebelles subditos, redimeret, liberaret, in gratiam reciperet, in Filios Dei, in coheredes suos assereret. Cur quæsitio: nisi ut nos totos haberet ad amorem reciprocum, ad fidele servitium, ad laudem gratitudinem, ad imitationem sui? ut agnoscebat *S. Bernz*: Si totum me tibi debeo pro me facto, totum me iterum debeo pro me refecto & sic refecto.

Reflexio. Si fores sub jugo Tyranni sævissimi innocens mancipium, an non deberes Liberatori tuo omnem substantiam pro redemptione tui effundenti, an inquam non deberes, amorem fidelitatem, obsequium & continuum quidem ac perpetuum? Non cens eras mancipium Tyranni infernalis, & eo magis reum servitutis ac pænæ, quia voluntarium. Ecce te redemit de manu inimici, de potestate Tyranni hujus Dei Filius! profudit in tui redemptionem labores 33. annorum, prodegit famam honoremq; suum, exposuit Corpus ad immanes cruciatus, animam ad mætores & dolores, posuit deniq; pretiosissimam vitam in Cruce? Quid ultra pro te dare potuit? an non totum se dedit pro te? Quæ tu pro tanto impendio retribuisti amantissimo Redemptori tuo? an reddis amorem pro amore,

amore, gratiam pro gratia? Vide an non retribuisti mala pro bonis, & odium pro dilectione ejus? Vide an memor sis tantæ redemptionis tuæ? an non forte vilipendis? cum toties venundatus es peccato? toties servitutem diaboli voluntarie, temerarie suscepisti. Ah redi rursus ad JESUM Redemptorem qui te vocat: *Revertere ad me, quia redemi te.* Isa: 44. qui te ex pañsis in cruce brachijs expectat, aversare omne peccatum, alligat te JESU tuo, indissolubili vinculo charitatis, & dic in corde. *Tu es Domine adjutor meus & Redemptor meus. &c.*

Recollectio de Cultu Dei.

Virtus quæ nos inclinât ad debitum cultum Deo deferendum, Religio vocatur. Examina itaq; conscientiam, an in hac virtute non defeceris? Et perpende 1. Quanta in te fuerit Deo ac Divinorum æstimatio? 2. An semper adoras Deum in spiritu & veritate, non sicut illi de quibus dixit Deus. Is. 29. *Populus hic labijs me honorat, cor autem eorum longe est à me.* 3. An cum viva fide. & profunda humilitate adoras Deum præsentem in SS. Sacramento? 4. An attendis & revereris præsentiam Dei in omnibus actionibus tuis? 5. Quomodo laudas & oras Deum tuum, an non segniter, oscitanter, perfunctorie, fraudulenter? 6. An Sacramenta devote, reverenter,

tractas,

tractas; suscipis, administras? 7. An Ecclesiam quæ est Domus Dei non profanasti aliquando, nugis, jocis, sacrilegijs. 8. An Reliquijs sacris, Altaribus, Imaginibus SS. aliquem dishonorem non inferis? 9. An S. Scripturam quæ est Verbum Dei, doctrinas, Ritus Ecclesiæ non contemnis, non irrides? 10. Vide ne in cultu veri Altissimi Dei superent te Catholicum aliqui infideles? Quid quid devium Religioni erga Deum adverteris, annota, & emendare propone.

Post Completorium Meditatio 2da. Communis peragatur. Preces fundendæ pro S. Religionis Propagatione, & cætera ut *1ma* die absolvenda. *Pacta Scælæ 2dæ.*

D I E S III.

Exercitia Antemeridiana.

1. **P**Ræmissa Meditatione de Passione Domini. Lectio spiritualis instituenda vg: ex Th. de Kemp: lib: 1. c. 17. 18. 19. & 20.

MEDITATIO

De Fine Hominis Religiosi.

PRÆLUDIUM I. **I**nclina aures cordis tui ad illa Verba Apostoli 1. Tim. 1. *Vocavit nos Deus vocatione suâ sanctâ, secundum propositum suum & gratia, qua data est no-*

est nobis in Christo IESU ante tempora sæcularisa.

PRÆLUDIUM II. PETE à Deo lumen ut possis cognoscere excellentiam vocationis tuæ ac finem quem per eam Deus intendit.

PUNCTUM I. HABET suum finem homo, quâ conditus est à Deo ut amet timeatq; suum Creatorem, Patrem ac Dominum. Habet sublimiorem finem homo quâ Christianus, ut ambulet in Christo, non aliamq; scèdetur viam & vitam, quam illam quæ de se dicit *Ego sum Via & vita*. Igitur & Religiosus homo, debet specialem & eminentiorem habere finem ad quem tendat. Finis iste colligitur facile ex ipso modo & ordine quo Deus vocat hominem ad serviendum sibi, ad imitandum Christum in S. Religione. Vocavit enim unumquemq; Deus vocatione suâ sanctâ, idest ad nostram sanctificationem tendente juxta illud Apostoli. 1. Tess: 2. *Non vocati estis in immunditiam sed in sanctificationem*. Vocavit per gratiam quæ ab æterno ingritu meritorum Christi unicuiq; est præparata estq; gratia specialis concessa paucissimis, est fructus specialis meriti, amoris, orationis Christi pro quolibet ad Religionem vocato.

PUNCTUM II. CONSTAT profecto exinde, quod Religiosus homo vi suæ vocationis à Deo, debet esse non vulgaris servus

Dei, sed omnibus alijs fidelior, debet esse non rudis & fucata, sed viva imago vitæ Christi: debet esse non solum observator præceptorum, sed etiam consiliorum Christi. Uno verbo: debet tendere ad perfectionem Evangelicam, cum juxta D. Thom: status Religiosus sit tendentia seu via ad perfectionem. Ad quid enim Deus vocandis ad Religionem hominibus singularem gratiam ab æterno præpararet? Ad quid in tempore tot salutare doctrinas, tot lumina cælestia, tot Magistrorum subsidia, tot consodalium bona exempla, tot exercitia spiritualia, tot Sacramentorum usus, tot auxilia supernaturalia ordinaret Personis Religiosis? si satis illis esset ut forent milites gregarij, ut cunq, Deo more sæcularium servientes, & ad majorem illis perfectionem non tendentes?

PUNCTUM III. **T**Ria sunt potissimum quæ perfectionem consequendam impediunt. Amor sui, amor tetrenorum & amor carnis. Religiosus itaq; ut gratiæ vocantis Dei respondeat, tenetur, pugnare contra amorem sui per exactam obedientiam, subiiciendo & subjugando voluntatem propriam alienæ. Pugnare cum amore seu innata cupiditate tetrenorum per altissimam paupertatem, nihil procurando nihil absq; licentia Superiorum retinendo, nihil sibi penitus appropriando, necessarijs quoq; utendo non ut suis, sed alienis. Pugnare cum fortissimo amore carnis per intaminatam castitatem, per heroicam

conti.

continentinm mentis & corporis ab omni delectatione vel opere libidinoſo, & ad hunc finem, ſenſus refrænando, corpus macerando: Et ſuppreſſis his tribus amoribus, ad amorem Dei ſolius ad unionem cum Deo enitendo, in quo ſubſtantia & ſumma perfectionis conſiſtit.

Reflexio. Et ſi non obliſeris Religioſe ut omnino & certo perfectus evadas, ita ut nulla tibi contingat imperfectio, obligatus, tamen es ad perfectionem tendere, præcipue per illa media quæ tibi ſtatus tuus dictat, Regula & Conſtitutiones præſcribunt. Tendis ad perfectionem ſi vora quæ Deo nuncupaſti exacte ſervare curas: ſi præcepta Regulae exequi diligenter ſtudes, ſi Conſtitutiones item obſervare non negligis. Vide igitur & non conniventer conſidera. An non aliquando, an non ſæpius forſan prævaricator votorum, transgreſſor præceptorum, contemptor legum fueris. Si ita? aberras à fine vocationis, devias à perfectione, properas ad viam perditionis; qui enim non proficit deficit. Redi ad cor, æſtima melius gratiam vocationis Divinae ne cum hypocritis condemneris, quia cenſura & habitus Religioſum non faciunt ſed vita perfectioni dedita. Annota tibi in quo maxime defeceris, dole coram DEO, & cum ejus auxilio emenda in melius.

Exercitia pomeridiana

MEDITATIO

*De obligatione hominis erga Deum
pro beneficio Vocationis &
Iustificationis.*

PRÆLUDIUM I. **A**ttende Magni Doctoris
gentium doctrinam

Rom 8. *Quos autem prædestinavit hos & vocavit;
& quos vocavit illos & iustificavit, quos autem
iustificavit, illos & glorificavit.*

PRÆLUDIUM II. **P**osce à Deo gratiam ut hanc
sublimem doctrinam salu-
tariter possis intelligere.

PUNCTUM I. **D**EUS qui pro sua infinita boni-
tate vult omnes homines sal-
vos fieri, eos quorum merita ab æterno prævi-
dit, prædestinavit ad æternam gloriam, beatitu-
dinem & felicitatem interminabilem: Ad quod
bonum obtinendum ab hominibus, singularem gra-
tiam vocationis elargitur, aliquibus ad solam fidem
veram & salvificam, aliquibus vero ad S. Religio-
nem. Gratiam vocationis Divinæ subsequitur ju-
stificatio à peccatis; hanc vero consequitur desi-
deratissima glorificatio in cælis.

Quantum igitur hoc bonum est Divina voca-
tio? cum sit medium singulare à summa Dei sapi-
entia

entia & bonitate præparatum ad alia nostra bona salutaria, ac deniq; ad supremum bonum æternæ beatitudinis nostræ? quod nec oculus vidit, nec auris audivit, nec in cor hominis ascendit.

PUNCTUM II. Justificatio nostri à peccatis, quæ fit per gratiam Spir: Sancti, ô quam sublime donum est! Quid enim profuisset nobis beneficium Redemptionis, si Justificationis beneficium non fuisset subiecutum. quô mediante virtus Redemptionis Christi, seu effectus illius nobis applicatur. Quoties enim Deus à proprijs reatibus nos justificat, quoties per gratiam suam delet peccata nostra, toties Christi merita, Passio, ac sanguis ejus in animas nostras effunditur. Porro per istud donum Justificationis non solum delentur peccata nostra, sed insuper homo reconciliatur offenso à se jusq; irato Deo & ad amicitiam ejus revertitur? fit adoptivus Dei filius: fit vivum Christi membrum: fit liber ab æterna pæna, fit hæres Dei & cohæres Christi: fit habitaculum gratissimum totius SS. Trinitatis. Et sicut per peccatum omnia deploranda mala inrant in animam hominis, ita per gratiam justificantem inrant omnia bona, ita ut homo justificatus possit exultare & dicere. *Venerunt mihi omnia bona pariter cum illa Sap: 7.*

PUNCTUM III. Quandoquidem hæc duo dona, Vocatio nempe & Justificatio, tam excellentium bonorum fontes nobis

existent, imo prædestinationis nostræ sint potissima signa, ac æternæ glorificationis nostræ sint certissima media. Quantam ô homo debes gratitudinem optimo Deo qui te gratiose vocavit ad fidem Catholicam? ô Religione qui te vocavit ad hunc in quo degis statum? Quantam debes gratitudinem Miserantissimo Deo, qui te inquinatum peccatis [& fors gravibus & permultis] inimicum sibi, rebellem suæ Majestati, execrabilem Divinis oculis suis, ad pænitentiam excitavit, à peccatis expiavit, à maculis emundavit, in Christi, Sanguine dealbavit, in gratiam recepit, ab æterna pæna liberavit, uno verbo: qui te justificavit, & toties justificavit? Quam sollicitam debes vigilantiam ut vocationi Divinæ, per opera perfectionis, per votorum observantiam, per legum custodiam respondeas? Quantam debes adhibere curam ne semel [maxime in Professione tua quasi in altero baptismo] justificatus, nunquam ad peccati vomitum redeas, sed constanter dicas in corde: *Justificationem meam quam tenere capi non deferam.* Job. c. 7. Quod si vero per fragilitatem aliquando labaris in peccatum non inhere illi, sed redi ad Deum, quantocius expia illud: *Narra si quid habes ut justificeris.* Is. 46. Nam ex S. Aug: nullus sanctus & justus caret peccato, non tamen ex hoc desinit esse justus & Sanctus, cum affectu teneat Sanctitatem.

Reflexio Vocavit te Deus Optimus non merentem ad statum Religionis sacræ, & quidem non relaxatæ

relaxatæ sed Reformatæ, & vere Apostolicæ, in qua efficacissima habes media ad hoc ut in Sanctitate & iustitia Deo servias omnibus diebus vitæ tuæ? Quomodo hanc gratiam æstimas? quomodo vocationi tuæ correspondest? Vocavit te Deus ad hanc vineam suam ut in ea labores pro Dei honore, pro tua & proximorum salute, & ad hoc imbuaris scientia rerum spiritualium, exercearis in palæstra virtutum, agas & patiaris multa, defectus exturpes, passionem vineas, Regulam legesq; observes. Vide an hæc strenue exequaris? an sis Religiosus qualem vult te esse Deus? Quod si stas tota die otiosus, time Judicem Deum time Dominum vineæ hujus. Dole de ignavia, & novo fervore dic in corde: *Dixi nunc capi!*

Recollectio de Intentione.

Intentio arbor quædam est, quæ si bona est bonos fructus, si mala malos facit. Igitur te examina 1. Si in Religionis ingressu habuisti intentionem rectam serviendi Deo perfectius. Num forte perversam, aut vanam, respicientem proprium commodum? 2. Suppositū quod habueris intentionem bonam & rectam, imo ferventem, num tali intentione Deo famularis, qualem ab initio habuisti? 3. Num in tuis actionibus non es excors immemorq; tui, multa absq; intentione bona agendo, vg: laborando, studendo, orando. 4. Si habes frequenter elevatas ad Deum intentiones, tanquam ad ultimum finem tuum. 5. Si depuratas ab omni quasi-

quæſitione tui ideſt tui privati commodi, honoris, applauſus humani. 6. Si non es fixus & pertinax in vanis, perversis, malis intentionibus exequendis. 7. Si erga Deum habere ſoles intentiones extenſas & intentas, volendo. Deum amare, laudare, quam frequentiffime, quam ferventiſſime, quam digniſſime &c. Si quid reſpectu intentionum tuarum adverteris devium, frivolum, vanum, inordinatum, emenda, nam hoc Deo eſt indignum, hoc opera tua facit ſterilia, & nullus aut exigui meriti coram DEO. Malas itaq; omnino muta, vanas elimina, ut bonis rectiſq; imbuaris, sæpe in tuis actionibus uſurpa illud Pactum. Domine Deus propter te! vel illud: Soli Deo honor & gloria! *Post completorium* Meditatio 2da. Communis. Preces fundendæ pro Chriſtianitate, pace & concordia Principum, & reliqua ut *1ma.* die abſolvenda. *Pacta Scalæ 2da.*

D I E S IV.

Exercitia Antemeridiana.

1. **P**Ræmiſſa Meditatione de Paſſione Domini. Lectio Spiritualis iſtituatur vg: ex Thom: kempensi Lib. 1. c. 25. & 1. 2. c. 5. 6. & 7.

MEDI.

MEDITATIO

De Conversione hominis ad Deum.

PRÆLUDIUM I. **R**Evoca tibi in memori-
am ex Evangelio filium
prodigum, & attende dicentem: *Surgam & ibo
ad Patrem meum, & dicam ei: Pater mi! peccavi
in cælum & coram te. Luc. 15.*

PRÆLUDIUM II. **P**osce humiliato corde gra-
tiam à Patre cælesti, ut
sicuti secutus es filium prodigum aberrantem, ita
sequaris revertentem.

PUNCTUM I. **Q**uodlibet peccatum est aver-
sio hominis ab ultimo fine
suo, à summo veroq; bono suo, videlicet Domi-
no Deo. Et à quam stolidi averfio, ab eo qui est
Deus Vivens & Videns omnia, & citius oculis nu-
da sunt & aperta omnia? Quam imprudens fuga &
exilium ab eo, qui ubiq; est, & se ipso implet
omnia? juxta illud Psal. 138. *Quo ibo à Spiritu
tuo & quo à facie fugiam. Quam malitiosa aver-
fio à Deo, qui nos à se aberrantes & fugientes
ipse quærit & sequitur, ut dicitur de sapientia
Divina: Quoniam se ipsa circuit quarens, & in
omni providentia occurrit illis Sap. 6. Amisit
Evangelicus Pater filium quem domo suâ dimisit,
at non, quæsit. Prodegit ille substantiam quam
à Patre acceperat, pervenit ad ultimam egestatem
& penuriam, adeo ut cuperet ventrem suum im-*

ploris de filiis porcorum, audivit hæc forsan Pater, nec tamen requisivit, nec reduxit filium. At Pater noster qui in cælis est, avertentes se ab illius domo, lege, amore, cultu, servitio, ipse ultro querit, jam submitiendo ad corda illorum graves inspirationes, jam terrendo minis & pænis, jam in funiculis charitatis trahendo illos ad se: jam patienter expectando conversionem illorum juxta illud: *Expectas Dominas ut misereatur vestri*. It. 30. Eccur ô homo sic trahenti, sic invitanti, sic patienti, sic miseranti Deo non respondeas? cur non converteris ad Dominum Deum tuum?

PUNCTUM II. **P**RODIGUS filius; post Substantiam dissipatam, post honorem prostitutum, post conscientiam inquinatam, qui magis à se quam à Patre exulabat, in se reversus dixit: Surgam & ibo ad Patrem meum. Occurreret ipsi forsan aliquis & diceret: Quâ fronte, quâ spe, quâ fiducia? At ille responderet: Illâ quâ Pater est, ego amisi quod erat filij, ille quod Patris est non amisit: Dixit, surrexit, & ivit ad Patrem, recepit veniam, accepit dulce osculum, admissus ad amplexum, domum, & mensam?

O homo quæ te causâ retardare potest, ne eas ad Patrem suum cælestem? ne convertaris ad Dominum Deum tuum? ne recedas à via iniquitatis & perditionis? Nunquid tu minus spei debes habere in misericordia Patris Cælestis, quam prodigus

Dignus filius in misericordia Patris terreni. Con-
cipe spem, excute timorem, non reijciet, non
puniet te Deus penitentem, qui tam longanimiter
suffert peccantem. Ecce ille te affecurat: *Vivo ego
dicit Dominus, nolo mortem impij, sed ut con-
vertatur impius à via sua & vivat.* Ezech. 32.

PUNCTUM III. Filius prodigus, in omnia sce-
lera dissolutus, mox ubi li-
men domûs Paternæ attigit, mox ubi vidit il-
lum Pater, invenit tantam clementiam, tantam
gratiam, ut misericordiâ motus Pater ipse accur-
reret, super collum eius caderet, dulci osculo fili-
um dignaretur, ceteraq; exhiberet, quæ non cri-
minoso & vago, sed dilectissimo ac fideli vix de-
berentur. Non dum ille miser procidit ad pedes
Patris, nondum offensum deprecatus est, nondum
confessus est culpam, & sic amanter receptus à
Patre, & tanto amore, tanta præventus est dulce-
dine. Cælestis Patris genium & misericordiam illi
Pater iam se expressit. An enim tu ô homo! ô fili
prodige, prævenis Deum tuum, dum ad illum
conversari intendis? Ipse te prævenit, ipse tibi oc-
currit, ipse offert gratiam efficacem ut ad eum
redeas per bonam, quæ ab eo te subduxisti per
malam tuam voluntatem. Sed scies & considera
quod hæc Dei gratia donum est gratuitum non de-
bitum tibi. Cogita: an non ultima hæc gratia, quam
tibi Deus offert ad conversionem tuam? An tibi
tantæ caræ contententi non subtrahat in per-

petuum? Convertere ergo nunc ad Dominum Deum in toto corde tuo.

Reflexio Prodigus ille filius, semel dixit in corde suo: Surgam & ibo ad Patrem meum &c. Quoties tu Divinâ movente gratiâ dixisti similiter quoties proposuisti, & fors jurasti? at num in veritate surrexisti de cæno vitiorum? num te proripuisti ab illa vel illa iniquitate, vitiosa consuetudine? num adhuc non stas in via peccatorum? Num usq; hodie ivisti ad Patrem cælestem per semitas justitiæ, per viam pænitiæ, per opera sancta peccatis tuis opposita? Et quando erit hæc felix hora, quâ vere surges ab omni peccato? quâ vere dices: Pater peccavi in cælum & coram te? quâ ibis & relinques omnia quæ te oblectant, quæ te retardant à Deo. Ab sit à te ne illa hora, sit tempus mortis tuæ. Audi Spiritum S. Eccl. 17. Convertere ad Dominum, & relinque peccata tua, precare ante faciem Domini, & minue offendicula. non demoreris in errore impiorum, ante mortem confitere, à mortuo quasi nihil, perit confessio.

Exercitia Pomeridiana

MEDITATIO

De Cessatione à peccatis.

PRÆLUDIUM I.

Audi Christum dicentem & minantem tibi: Vade & jam amplius noli peccare, ne deterius aliquid tibi contingat. Joan: 5.

PRÆ.

PRÆLUDIUM II. **O**bestare humiliter Magistrum cælestem D. JESUM, ut hoc monitum ejus fortiter cordi tuo imprimas.

PUNCTUM I. **P**rimum omnium hoc est quod exigit Deus ab homine converso ad se, à sanato per gratiam suam, ut vadat, id est non stet ultra in via iniquitatis, non sedeat in cathedra pestilentiae, nempe in consortio malorum in occasione proxima peccatorum; nam duo hæc, sunt pestes animæ, quam blande quidem ac insensibiliter afflant, sed lethaliter inficiunt & occidunt. Sic David conversus ad Deum fecit. *Ecce elongavi fugiens, & mansi in solitudine Ps. 54.* Ut vadat, id est recedat toto corde, ab omnibus objectis amatis, ab illicitis sensuum, à cupiditatibus terrenis, à vanitatibus sæculi, quod si nonnullis uti debeat juxta sui status qualitatem, affectu tamen ab eis sit remotus juxta illud Apost. 1. Cor. 7. *Et qui utuntur hoc mundo tanquam non utantur* Et solus cum solo Deo versetur, omnia creata tanquam sibi extranea post se ponendo. Tandem ut vadat, id est à se ipso quoque recedat, avertendo cor à proprio commodo, amore & propria voluntate, non secus, quam à suo hoste, à suo proditore, per illud sancti. *Quoniam odium quod suadet nobis Christus: Qui non edidit animam suam, non potest meus discipulus esse. Jo. 12.*

PUNCTUM II. Sicut hoc est certissimum quod
Unicuiq; data est gratia se-
condum mensuram donationis Christi Ephes. 4.
 Id est præfixus certus cumulus gratiarum & meri-
 torum ad obtinendam salutem æternam: ita hoc
 alterum indubitatum est, quod unicuiq; peccatori,
 præfixa est mensura seu cumulus certus peccato-
 rum, quò completo infallibiliter incurrit damna-
 tionem æternam. Utraq; harum veritas patet non
 solum ex Scripturis Divinis, sed etiam à felici ex-
 perientia justorum, qui etiam si inter gravissima
 pericula peccandi positi sint, perseverant tamen fi-
 naliter in gratia & amore Dei: tum ab infelici
 experientia impiorum, qui etiam si habeant fortis-
 simos impulsus, & media facillima conversionis,
 perseverant tamen finaliter in peccato, cujus diffie-
 rentie non est alia ratio, nisi quod jam primò
 compleverunt mensuram operum bonorum, hi au-
 tem mensuram malorum. Hæc igitur sola veritas,
 debet esse fulmen penetrans cor hominis peccato-
 ris, loquens illi: Jam amplius noli peccare! Quis
 enim tibi syngrapham dedit? quis te affecuravit?
 quod & si rursus appones iniquitatem super ini-
 quitatem, adhuc non peribis in finem? adhuc non
 implebis mensuram peccatorum? adhuc miserebi-
 tur tui Deus? non dum subtrahet finalem ac effi-
 cacem gratiam? Tu ne multiplicando peccata,
 contemnendo præsentem gratiam, prudenter tibi pro-
 mittas non panem, sed uberiores gratias? Fal-
 sis decipere: utiq; Deus ipse dubitantem se
 ostendit.

ostendit in hoc passu, ubi tu tam comerarie tibi præsidis, dum dicit. *Eccl. 40. Quis scit si convertantur & sanem cor? Audi ergo vocem Domini hodie. Jam amplius noli peccare.*

PUNCTUM III. PErpende, quod dum JESUS dicit: Jam amplius noli peccare: non comminatur peccatori amplius & amplius in prærupta vitiorum ruenti, *ne malum* aliquod ipse contingat, sed *ne deterius aliquid*. Ne putes Christi Asylum vacare mysterio. Peccatum enim quodlibet quidem est summum malum, est solum malum, est semper malum, et relapsus in illud, post tot lumina cælestis, post fortes instans est aliquid ipso peccato deterius. Quid enim quæso est deterius, an habere Deum tantum offensum, an relinqui & projici animo à Deo? hoc utiq; secundum, quod contingit homini amplius & amplius peccare volenti. Dimittit enim talem Deus secundum desideria cordis ejus, derelinquit, deserit, subtrahit efficacem gratiam, obdurat cor ejus, obtundit conscientiam, obturat aurem suam ad preces ejus & dicit: *Vocavi & non misisti, ego quoq; in iniquitatibus tuis videbo* Prov. 1. nihilq; jam restat misero, nisi desperatio, & inevitabilis damnatio.

Reflexio. Num ad aurem quoq; cordis tui, non sæpius hæc vox Christi inhabitat: Jam amplius noli peccare! in tot meditationibus, recollectionibus? Vide an jam hanc vocem salutis ad cor suscepisti? an non toties velut surda aspis obturasti aures non hanc vocem audires? Vide an voluntatem peccandi

hæc

hâc vel illô vitiô cui assvetus es, in quod frequen-
ter prolaberis, de quo continuum sentis remor-
sum, heroice vicisti, avertisti? Si ita? Deo ferven-
tissime gratias age. Si nondum forsan? Ecce in hac
Recollectione tua, dulcis vox JESU ad cor tuum
illabitur: *Iam amplius noli peccare*, totque se pro-
dit oribus quot vulneribus tot lingvis quot plagis:
num tam æquæ jussioni Domini non respondebis?
num adhuc voles delinquere, peccata peccatis ac-
cumulare, contra hoc vg: votum, præceptum, con-
tra hanc virtutem agere? Audi potius vocem Do-
mini, & statue semel pro semper: Nolo peccare!
Malo mori quam fædari! Dole & geme ad pedes
JESU Crucifixi, quod hactenus hanc vocem non
es executus, & cum S. Teresa osculando Vul-
nera JESU, dic ad singula: Non amplius peccatum!

Recollectio de Humilitate:

Sicuti omnis peccati initium est superbia, ita
omnis sanctitatis fundamentum est vera Humili-
tas, Igitur circa illam te examina, quantum in hac
virtute defecisti: 1. Te ipsum magnificiendo, &
alijs præferendo. 2. Superbos conceptus de emi-
nentia super alios in gradibus honorificis, in alijsq;
talentis, voluntarie fovendo in mente. 3. Ambi-
endo ferventer, importune, impudenter promo-
tiones, officia quasi tibi soli debita. 4. Alios
contemnendo, bona facta, talenta, merita exte-
quando, supplantando ut tu eucharis, & præ alijs
æsti.

æstimeris. 5. Ab alijs laudari, prædicari cupiendo, & in humanis laudibus applausibus nimis complacendo, in vituperijs vero displicendo, honorem proprium zelando. 6. Verba vanam gloriam spirantia, cum audientium fastidio vel scandalo proferendo. 7. In contemptibus, calumnijs, depressionibus fremendo, gemento, querulando. 8. Suum velle, sentire, alijs subijcere pro erve nolendo. 9. Superiores, Confratres non apprehendendo, non æstimando, indigne de illis cogitando. 10. Dona Dei gratiose tibi impertita, proprio merito, aut industria adscribendo. 11. Factum in voce, incessu, alijsq; operibus præferendo. 12. Reverentiam convenientem unicuiq; non exhibendo, sed barbare compellando &c. Vide an in his & alijs humilitatem Christi JESU tæsteris? An humillimi Patris tui S. Francisci imaginem in te prætuleris. Annotato graviores in humilitate defectus, deplora tuam superbiam, heroico tu contemptu recompensa, humilia te in omnibus & coram Deo invenies gratiam. *Post Completorium*
 Meditatio 2da. Communis. Preces fundendæ pro extirpatione hæresum. Pacta Scalæ. 3. & 4ta.

D I E S V.

Exercitia Antemeridiana.

1. **P**Ræmissa Meditatione de Passione Domini Lectio spiritualis instituatur vg. ex V. Thom. Kemp. lib. 2. cap. 12. l. 3. c. 32. & 36.

De

ME.

MEDITATIO

De abneganda propria voluntate.

PRÆLUDIUM I. **A**ttende oraculum Spir: San-
Post concupiscentias tuas
non eas, & à voluntate tua avertere. Eccli 18.

PRÆLUDIUM II. **P**osce lumen Spiritûs S. ut
 hoc illius dictamen men-
 ti imprimas, & in effectum deducas.

PUNCTUM I. **U**Nicuiq; nostrum indidit Deus
 liberum arbitrium & volunta-
 tem, ut ejus bono usu mereatur; in illa namq;
 consistit vis amandi ac timendi Deum, ac omnia
 quæque sancte & virtuose operandi. At quia ex
 se cæca est addidit ei socium & Pædagogum in-
 tellectum à quo instruatur, proposuit voluntatem
 suam Divinam pro regula, à qua in omnibus pen-
 deat & regatur. Et profecto quousq; & quando-
 cunq; intellectus consilium, ac Divinæ voluntatis
 imperium sequitur, Divina plane vocari censeriq;
 debet, juxta illud Is. 62. *Vocaberis voluntas mea*
in ea. At vero dum non Dei mandata, non ratio-
 nis præscripta, sed solas cupiditates suas sequitur,
 dum libertate sibi inditâ abutitur, jam tunc pro-
 pria vocatur, adeoq; cæca fatua & perversa eva-
 dit, & vadit in præceps post concupiscentias su-
 as, tanquam post equos indomitos, vel furentes
 ventos, absq; rectore, absq; duce, absq; lumine
 cælesti cui fit rebellis.

PUN.

PUNCTUM II. **P**Erpende tecum: quis nam sanæ mentis homo, in devio, scabroso, periculoso itinere, cæcum in ductorem sibi assumeret? utiq; ex Christi Sententia. *Quod se cæcus caco ducatum prabeat, nonne ambo in fossam cadunt?* Math. 15. Quis nam hominum filio suo præceptorem, unum fatuum eligeret, illiusq; regulas sequi permetteret? Nam. *Expedi magis ur̃sa occurrere raptis fatibus, quam fatuo confidenti in stultitia sua.* Prov. 17. At quid est aliud voluntas propria, amore proprio excæcata, desiderijs pravis imbuta, passionibus abrepta, rationi repugnans, in intentis pertinax, nisi cæca & fatua? Justum ne est, prudentis ne est illam sequi, illi adhærere, illius perversis impulsibus regi, & ire post concupiscentias ejus? An non potius averti ab ea studiose, heroice? illam propter Deum, vincere, subjugare, abnegare, contemneret? nihil propria voluntate facere; nam quid quid tēste S. Basilio, ex voluntate propria concupiscitur id alienum est à pietatis cultoribus.

PUNCTUM III. **A**Vertimur omnino à viperis alijs que nocivis animalibus, fugimus lepram, cavemus manui aut vesti ab igne. Quantum averti debemus à propria voluntate? ipsa enim juxta SS. PP. est vipera pessima & nequissima, & quæ sola damnare possit animas nostras. Ipsa est lepra pessima, eoq; perniciosior quo magis interior. Ipsa est ignis usq; ad perditionem

devorans. Cesset propria voluntas & infernus non erit; in quem enim deserviet ignis ille, nisi in propriam voluntatem? Avertimur à furioso homine, vel fortiter illum religamus. Et quid est propria voluntas, nisi una infernalis. Furia? Audi S. Bern: Quo inquit furore propria voluntas Domini Majestatis impugnatur, audiant & timeant servi propriæ voluntatis? Primo namq; subducit dominatui ejus se ipsam, cui tanquam Authori servire jure debuerat, dum efficitur sua: sed nunquid contenta erit hâc injuria? addit adhuc, & quod in se est, omnia quoq; quæ Dei sunt tollit & eripit. Igitur si quid sapias religa furiam istam, mortifica continuo, fræna concupiscentias ejus, & à voluntate tua avertere.

Reflexio Non dubito quod cum Religionem Sacram ingressus es, primum hoc didicisti: Non velle meum facere, sed passiones vincere. Credo quod in corde tuo non semel dixeris illud Christi Io: 6. Descendi [ad statum humilitatis, obedientiæ] non ut faciam voluntatem meam, sed ejus qui misit me Patris. Sed perpende an sis aversus à tua propria voluntate, an studeas abnegationi? Si ire soles post concupiscentias tuas, si tui amoris es mancipium, si in proprio sensu abundas, non averteris à voluntate tua, non velle Divinum sed tuum facis. Si impacatus es in occasionibus humiliationis, patientiæ, si forte aliquando furibundus in his & excorsus velle tuum facis.

facis. Igitur à modo saltem amore JESU amore salutis tuæ à voluntate tua avertere. Dole coram Deo, erubescere quod fueris hactenus mancipium illius, & per eam mancipium diaboli; nam juxta *S. Bern:* Diabolo nos mancipat nostra voluntas, non ipsius potestas.

Exercitia Pomeridiana

MEDITATIO

De Conformitate voluntatis nostræ cum Divina.

PRÆLUDIUM I. **C**ONverte oculos mentis tuæ ad Christum Dominum, in horto Getsemani, positum inter extremos animi sui mærores, tædia, pavores, dicentem ad Patrem suum. *Verum tamen non mea sed tua voluntas fiat.* Luc. 22.

PRÆLUDIUM II. **O**Ra humiliter orantem in horto JESUM, ut te doceat, quantâ resignatione Ille, quantâ tu debeas voluntatem tuam Divinæ conformare.

PUNCTUM I. **S**ALvator noster, & dilectus æterni Patris Filius, humanam voluntatem suam habuit sanctissimam, rectissimam, impetabilem, rationi & gratiæ nusquam dissonam.

adeoq; quidquid voluit & intendit, sanctum perfectumq; fuit. Nihilominus eam sibi pro regula actionum suarum non statuit, sed potius Divinam æterni Patris sui voluntatem, quâ plane vixit juxta illud: Joan: 4. *Mens cibis est ut faciam voluntatem ejus qui misit me Patris.* Potuit D. JESUS velle absq; omni peccato summos honores, maximas opes, imo & deficias: potuit plura & majora facere miracula, graviores labores, jejunia subire, potuit omnia elementa movere, omnes homines suo imperio subjugare, cæterum nil plus egit, non plus sustinuit, quam ei voluntas Dei Patris definivit, tamq; in prosperis, quam in adversis ad hanc solam regulam respexit, ac in omnibus actionibus suis id unum cogitavit, dixit, fecit: *Ita Pater! quoniam sic fuit placitum ante te!* An hoc exemplum Salvatoris nostri non debet convincere stolidam mentem nostram, ut Sanctissimæ Voluntati Divinæ, voluntas nostra per omnia conformetur, quæ peccato est vitiata, passionibus excæcata, omni Protheo mobilior, omni vento instabilior.

PUNCTUM II. ATTende quo tempore D. JESUS illa protulit: *Non mea sed tua voluntas fiat!* Illo utiq; quo æterni Patris voluntas erga tam innocentem. tam dilectum Filium fuit severissima, quando Illum conterere voluit cum iniquitate, quando Illi calicem non melle sed felle plenum, calicem indignationis & iræ propinavit & epotare mandavit: quando JESUM ad
extre-

extremas angustias, calumnias, blasphemias, contemptus, plagas, spinas, crucem ac mortem patibulariam damnavit. Ad hæc omnia & alia dirissima quæ Christo in horto præsentata fuere, tota illius natura humana exhorruit, totus Sanguis è venis emotus, interposita ad Patrem oratio, non tamen exaudita. Tunc JESUS, quando, facta est tristis anima ejus usq; ad mortem, quando illi ademptum est omne solatium, resignat se & protestatur. *Non mea sed tua voluntas fiat*. An te non satis docet Ô homo, quod ne dum in prosperis, sed etiam in adversis, nedum in levibus, sed in gravibus quoq; ac extremis, conformari debeas supremæ Dei voluntati, illiusq; decreta sive dum tecum suaviter agit, sive dum fortiter procedit æquo animo acceptare, benedicere, collaudare, ad modum illorum qui in cælis concinunt. *Salus & gloria & virtus Deo nostro est: quia vera & justa sunt judicia ejus.* Apoc: 19.

PUNCTUM III. PUTASNE Ô homo solius Dei interesse, solum honorem, & dominium ejus id exigere, ut subijcias & conformes in omnibus tuam voluntatem Divinæ illius voluntati? nequaquam ita est. quinimo in hoc tuæ felicitatis, pacis gaudij, maximiq; meriti negotium vertitur. Deus ipse asseverat. *Prov. 12.* Non contristabit justum quidquid ei acciderit. Cur quæso? quia subiectus est Divinæ voluntati, quia eam ut Sanctam adorât, ut Sapientissimam æstimat,

mat, ut optimam amat. Revolve Sanctorum exempla in tribulatione gaudentium, in morbis, in egestate, in spoliatione honorum, in amissione prolium, in depressione latantium: unus ad voluntatem Dei respectus illos gaudio replevit, pacatos reddidit. Revolve SS. PP. dicta & invenies hanc veritatem. Qui Divinam voluntatem in omnibus sequi conatur, in curru cum crucibus aliquando ferendis vehitur: alij vero qui hanc itineris agendi rationem & compendium ignorant, pone pedes sequuntur, & onerosas cruces aut morose aut laboriose ferunt. Relinque ergo te, resigna te, projice te in voluntatem Dei, & magna frueris in eterna pace, quæ datur hominibus bonæ voluntatis.

Reflexio. O quoties Deus voluntatem suam quodammodo subijcit voluntati humanæ? Utiq; voluntatem timentium se facit: at quot mirabilius voluntatem non timentium se, peccantium, impiorum, rebellium sibi facit, juxta illud. *Is. 43.* *Servire me fecistis in peccatis vestris.* O quam prolium, quam impudens si homo voluntatem suam non vult subijcere & conformare Divinæ voluntati: Dispice tu ô anima innumeras tuas difformitates repugnantias, rebelliones Divinæ voluntati. Quot damna meritorum, quot pericula damnationis exinde incurristi? quot angustias & inquietudines exinde in varijs eventibus pertulisti, cum ad tuam non ad Dei voluntatem respexisti. Desse tuam contra Deum superbiam, rebellionem, deplora quotidiana pene tua perjuriam, dum dicis:

Fiat

Fiat voluntas tua, & à modo dic in corde. Nonne Deo subiecta erit anima mea? dic cum Christo: Non mea Domine sed tua voluntas fiat!

Recollectio de Obedientia

Obedientia est aurea regula Religioſæ voluntatis & frænum licentiſſæ libertatis. Circa illam igitur te examina. *1mo.* Quantum defecisti in obedientia erga Deum? 1. Desideriose præcepta ejus & Regulæ adimplendo, imo fors transgrediendo. 2. In adversis animæ vel corpori remurmurando contra Deum, ejus judicia circa te non tam mirando quam rimando. 3. Raro heroice voluntatem tuam Divinæ subijciendo, adversa de manu Dei provenientia nimis timendo, impatienter ferendo. *2do.* In obedientia erga Dei Vicarium. 1. Toties liberum arbitrium voluntati Superioris nolendo subijcere. 2. Jussa ejus, si non formalia, saltem interpretativa, contemnendo vel non exequendo. 3. Propriæ sententiæ contra mentem Superioris adherendo. 4. Contra vel præter voluntatem, licentiam, noticiam Superioris, notabile aliquid faciendo. 5. Licentias, libertates morose extorquendo. 6. Placita tibi libentissime, displicita impatientissime exequendo. 7. In occupationibus tuis amittendo sæpe intentionem obediendi propter Deum. Dispice tandem an contra votum obedientiæ graviter in aliquo non deliqueris? quod si quid tale adverteris deplora, renova tuam professionem, &

annota ut caveas, & crede contemptores obedientiae nec in altero saeculo beari, nec in hoc felicitari.

Post Completorium Meditatio 2da. Communis.
 Præces fundendæ pro Parentibus, Consanguineis, Benefactoribus, amicis, inimicis. *Pacta Scalæ 5ta. & 6ta.*

D I E S VI.

Exercitia Antemeridiana

1. **P**Ræmissa Meditatione de Passione Domini. Lectio Spiritualis instituatur vg: ex V. Thom: Kempensi lib: 3. c. 10. 17. 31. 41.

MEDITATIO

De Contemptu terrenorum.

PRÆLUDIUM I. **A**usculta Christi Dilectum dicentem: *Nolite diligere mundum, neq; ea qua in mundo sunt: Si quis diligit mundum, non est charitas Patris in eo.*
 1. Ioan: 2.

PRÆLUDIUM II. **O**bscra Amatorem tuum D. JESUM ut hoc salutæ monitum profunde cordi tuo inprimatur.

PUNCTUM I. **T**otus in hoc stat labor conatusq; inferni, ut hominem ratione præditum, fide quoq; illustratum, avertat à vero

à vero ultimoq; fine suo, & filialem amorem quem debet homo Deo, tanquam Creatori Patriq; suo, aut imminuat, aut penitus è corde excludat. Quid igitur dæmon facit? novit ille optime Deum esse verum & summum hominis bonum, juxta illud Christi: Luc: 18. *Nemo bonus nisi solus Deus* ergo obtendit & ostendit homini alia bona, ad quæ oculum animumq; convertens, à Deo, summo, vero, soloq; bono suo avertatur. Ponit importune ob oculos nostros bona hujus mundi, non sua certe sed aliena hic dives mendax; sicut aliquando ipsimet Christo ostendit omnia regna mundi & omnem gloriam ejus *Matt: 4.* præsentat id esse quod non est, promittit quod dare non potest. Quam vere dixit Ethnicorum non nemo: *Occurrunt subinde mendacia, qua licet mendacia sint, majorem tamen habent veritatis apparentiam, quam ipsa veritas.* Talia sunt profecto mendacia Patris mendacij dæmonis, qui bona aliena vendicat pro suis, bona fucata pro veris, caduca & fluxa pro solidis ac æternis, infima pro summo bono. Credesne anima mea his larvis, umbris, & apparentibus bonis? credesne huic stygio impostori? & recedes aliquando à Deo, summo bono tuo!

PRÆLUDIUM II. **T**Ria sunt genera bonorum hujus mundi, quibus nos dæmon illaqueare solet, nempe quæ recenset Apostolus 1. Jo. 2. *Omne quod est in mundo concupiscentia carnis est,* nempe deliciæ sensuales
Ec 2 & bru-

& brutales voluptates, & *concupiscentia oculorum*, nempe divitiarum ac quarumque rara, cara, pretiosa, curiosa, & *superbia vita*. nempe honores, dignitates, præminentiarum, præcedentiarum &c. Sunt ne hæc singula, vera, solidaque bona? Utique mundus transit & concupiscentia ejus. Sunt ne hæc bona, infinito, incommutabili bono, scilicet Deo nostro aliquatenus comparanda, sunt ne illi anteponenda, & præ bonis gratiarum Divinarum ac æternarum gloriarum prudenter æstimanda? Singula profecto hæc bona, quam sunt breviora: quia nec statim cum vita hominis incipiunt, nec durant continuo, ante mortem longo sæpe intervallo deficiunt, in morte vero omnia desinunt. O quam sunt viliora: num enim Deus vel impijs negat honores & divitias? an vel abjectissimis denegat spurcas voluptates? O quam sunt noxia: an enim non torquent hominem curis ut acquirantur, an non premunt laboribus & vigilijs ut retineantur? num cor non pungunt, opprimunt, vulnerant, si amittantur? Merito S. Bernardus dicit: Beatus qui post ea non abiit, quæ possessa onerant, amata inquinant, amissa cruciant. Hæc igitur larvæ & meræ apparentiæ bonorum, hæc fluxa, viliora, noxiaque bona, vero æternoque bono præpones? Propter hæc summum bonum offendes? æterna bona iuste & sapienter amittes?

PUNCTUM III. DEI Sapientia quæ suaviter disponit omnia, non stringit nos aliquo præcepto, ne mundi bonis utamur,

Quia ita est Coma. Hæc sunt

mur; cum ipsa nobis conferat tum licitas voluptates, tum opes, tum honores: at hoc unum à nobis exigit: *Nolite diligere mundum, neq; ea quæ in mundo sunt*, quasi diceret: nolite cor apponere divitijs, nolite immergi delicijs: nolite affici honoribus vanis: nolite omnes vestras cogitationes, affectus, vires, curas, labores his perituris bonis impendere, sed uti breviora, viliora, noxia, paucifacere, contemnere. Nolite vestram salutem, beatitudinem æternam pro illis prostituere: nolite amoris, gratiæ, amicitia: meæ, horum bonorum amorem præponere. Vel ut Christus dixit: *Matt: 6. Quarita primum regnum Dei & justitiam ejus, & hæc omnia adjicientur vobis, & à me quidem qui solus hæc bona confero*, non à dæmone qui vobis illudit, qui aliena hæc bona, vestra salute vendit, qui amorem vestrum erga illa toto inferno rependit. An hæc non suavissima Dei nostri Providentia? an non æqua jussio, præsentia bona gustare ac ijs non saturari, amare illum magis, quam hæc bona? ob nullam voluptatem, ob universas mundi opes & honores summum bonum non offendere, ac æternaliter non amittere, imo his bonis ordinatè uti ac sobrie, amore Dei heroice contemnere, & bonis nunquam interituris, immutabiliter, incessabiliter, satiabiler, cum Deo sanctisq; ejus, in cælesti Patria gaudere?

Reflexio. Perpende, an tu quoq; in numero amatorum mundi non inveniaris, qui tamen deseruisse mundum te opinaris? an te quoq; forsan

aliqua concupiscentia mundi vg: honoris, eminentiæ, commodorum carnis &c. non illaquearit? an totum te aliquando non possedit? an plus iusto, plus nimio excellentiam aliquam non ambiisti? an in honore dignitate oblata non complacuiſti ex corde? an eam cum aliqua Dei offensa non quaſiſti, per mendacia, illicita obsequia, factiones subornationes &c. num tui labores, curæ industria, non tendebant magis ad hoc ut honoratus evaderes, vel maioribus commodis gauderes, quam ad Dei gloriam, Religionis honorem & utilitatem? An tuæ cogitationes, affectus magis circa ea versantur quæ sunt spiritûs, quam circa ea quæ sunt carnis & mundi? Rimare abdita conscientia tuæ, & quidquid devium inveneris, desce, emenda & time, ne te Deus inscribat inter eos, de quibus Apostolus dixit: *Philipp: c. 3.* Nunc autem & flens dico inimicos crucis Christi, qui terrena sapiunt, quorum Deus venter est, quorum finis interitus, & gloria in confusione ipsorum.

Exercitia Pomeridiana

MEDITATIO

De Contemptu sui.

PRÆLUDIUM I. **A**usculta brevem in verbis, magnam in sensu doctrinam Apostoli ad Rom. 11. *Noli altum sapere sed time.* PRÆ.

PRÆLUDIUM II. **O**bscra in spiritu humilitatis: Spiritum S. ut hanc doctrinam cordi tuo imprimere dignetur.

PUNCTUM I. **P**lures forsan inveneris, qui omnia mundi bona generose contempserunt, calcarunt divitias, navicarunt delicias, abdicaverunt honoribus, vivunt pauperes, mortificati & inglorij. Paucissimi qui se ipsos contemnant, & altum quid de se non sapiant, alios non despiciant, se se alijs in animo non præponant. Sæpe ipsæ virtutes, & ipsa quoq; exterior humilitas mentem hominis attollit ut de se aliquid magni sentiat. Et hic est scopulus singularis, ad quem plurimi in magnis virtutibus exercitati infeliciter offenderunt, & salutis suæ naufragium pertulerunt. Unde saluberrime præcavet Spir: S. *Eccl: 3.* Quanto magnus es humilia te in omnibus & coram Deo inventes gratiam. Et ipse Christus discipulis inculcabat. *Io: 15.* Cum feceritis omnia quæ præcepta sunt, dicite servi inutiles sumus.

PUNCTUM II. **U**Num est medium contemneredi se ipsum, nempe vera sui cognitio, quæ juxta SS. Patres est sublimissima scientia & artium maxima. Igitur cognosce te secundum naturam, & juxta S. Bernardi consilium: ista tria semper in mente habeas, quid fuisti? quid es? quid eris? Quid fuisti? quia sperma fatidum. Quid

Quid es? quia vas stercoreum. Quid eris? quia esca vermium. Unde ergo altum sapies? unde cristas attolles? Cognosce te rursus juxta spiritum, habes nonnulla animi talenta, nonnullas virtutes si te comparaveris ad eos qui longe majora te habent, ad eos qui paria habent, cur tumescas & turgescas qui minus alijs, vel nihil majus alijs habes? Si te compares ad eos qui forte minora talenta dotesq; habent, fateare. Quid non habes quod non accepisti, aut si accepisti, quare gloriaris quasi non acceperis? Num exinde potest efferri unus debitor præ alio, quod unus ab opulentiore contraxit debitum mille talentorum, alius vero decem millium talentorum, Ita profecto si quæ sunt dona tum naturalia, tum supernaturalia in anima tua, utiq; sunt mutuo accepta, sunt debita summi Creditoris Dei, quanto majora accepisti dona, contraxisti debita, tanto majora onera assumpxisti pro quibus rationem strictam es redditurus, tantoq; severiorem, si ea quæ tibi Deus concessit ad gloriam suam, convertas ad gloriam tuam, ex illisq; intumesceas: *Noli igitur altum sapere, sed time!*

PUNCTUM III. **A** Mor sui inordinatus qui Luciperum nimis respectantem ad collatas illi à Deo dotes naturæ & gratiæ, in summam superbiam erexit, & mox ad inferos depressit, amor iste est speculum fallax, quod dæmon anteponit homini, & in eo hic mendax spiritus

ritus facit omnia magna. Remove te ab hoc speculo, & statue tibi veram speculam, pone tibi amaritudines *Iere: 31.* Dispice non conniventer in anima tua tot peccata quæ commisisti, tot in factis tuis errores, imprudentias, perversitates mobilitates, inconstantias in bono, in continentias passionum, hæc omnia mala, vitia, defectus, imperfectiones, tua sunt, hæc sola tibi propria & hæreditaria, hæc tu respice, horum gravitatem, frequentiamq; perlustra, agnosce fideliter & humiliter, & jam fer sententiam, an non stultissimus virorum sis? an penes innumera tua vitia, si quæ sunt dotes à Deo tibi datæ, vel virtutes à te exercitæ, non umbræ sunt tenues? penes incendium tuorum vitiorum, an non sint scintillæ, penes diluvium tuarum iniquitatum non sint stillæ exiguæ? *Noli ergo altum sapere sed time.*

Reflexio. B. Margaritæ à Sabaudia Ord. S. Dominici, cum peteret à Deo gratiam cognoscendæ viam per quam antiqui Patres ad magnam sanctitatem pervenissent, in libro aureis literis exarata hæc verba ei sunt ostensa: Perfectio antiquorum Patrum isthæc fuit: Deum amare, se ipsum nosse & despicere, aliorum vero neminem contemnere, neminem vel in re minima judicare. Num tu sequeris hanc antiquorum Patrum viam? num te saltem nunc vere cognoscis, intime despicias, aliosq; non contemnis? Forsan nulla alia imperfectio tibi tam familiaris, tam frequens, tam inveterata, quam te ipsum magnificare, alios despice-

re, sinistre judicare. Ah noli jam ultra altum sapere, sed time illud fulmen à Deo vibratum *Is. 23. Va qui spernis nonne & ipse sperneris!* & illud Christi *Luc: 14. Omnis qui se exaltat humiliabitur.*

Dole ex animo quod licet vota tua nuncupaveris Christo contempto, exinanito, nondum sis tui contemptor, & SS. ejus imitator.

Recollectio de Paupertate.

PAupertas Ascetica præ alijs virtutibus disponit hominem ad contemptum terrenorum, & ad sui ipsius contemptum; nam ipse Deus odit pauperem superbum *Ecclesi: 25.* Itaq; circa eam te examina. 1. Si aliquem affectum ad res temporales, scilicet ad honores, voluptates, libertates &c. non habuisti, non foves etiamnum? nam hæc omnia paupertati Spiritûs sunt contraria? 2. Si paupertatem Evangelicam ad imitationem Christi gaudenter supportas, & intime contentus es, quod te Deus in hoc statu paupertatis collocaverit? 3. Si nulla chara, cara, rara, superflua appetis, procuras retines contra vel præter voluntatem Superioris, contra Regulam tuam, vel leges? 4. Si in penuria non murmuras, non conturbas, Superiores, & furtive esculenta poculenta non surripis? 5. Si necessaria non avide nec scandalose acquisis? v.g. recurrendo ad pecuniam, importune extorquendo? 6. Si acquisita sine amore tenes, de amissis non turba-

turbatis, alijs charitative comunicas? 7. Si nihil omnino proprietati tuæ adscribis, nihil coram Superiore celas? 8. Si nihil apud Sæculares depolis, nihil disponis propria voluntate, nihil extraneis absq; licentia Superiorum expressa aut prudenter præsumpta [quam novelli & non graduati in Religione nequaquam sibi rite possunt polliceri, præsertim quo ad res notabiles in quantitate vel qualitate] extradis? 9. Si rem usui Communitatis, Ecclesiæ, Sacristiæ aut particularis fratris destinatam accipis, tibi soli usurpas, vel eam alteri donas? 10. Si Conventum vel Cellam tibi approprias, manendo ibi contra Superiorum voluntatem, aut dolose, mendaciter, extorquendo ad manendum licentiam? Vide non conniventer an in his plerumq; non defecisti in paupertate? an non forsan proprietatis actus contra votum commisisti? contra illud Regulæ tuæ præceptum illimitatum *Cap. 6to.* Fratres nihil sibi approprient, nec domum, nec locum, neq; aliam rem in hoc sæculo. An per hæc & alia paupertati devia, summo Amatori paupertatis Evangelicæ SS. Patri tuo Francisco non displicueris? qui jam in cælo regnans transgressores paupertatis gravissime punivit, ignibus mandavit. pro filijs non agnovit, ut Chronica nostra attestantur. Jam ex nunc diligentius stude pauperem Christum pauper sequi, abijce curiosa, pretiosa, superflua. Dole de commissis contra paupertatem, deprecare Christum JESUM & S. Patriarcham Franciscum. *Post completorium*

Meditatio 2da. Communis. Preces fundendæ
pro obstinatis in peccatis. Pacta Scalæ 7ma.
& 8va.

D I E S VII.

Exercitia Antemeridiana

I. **P**ræmissa Meditatione de Passione Domini
Lectio Spiritualis instituenda vg. ex
Thom. Kemp. lib, 3. c. 6. 28. 25. lib. 1. c. 11.

MEDITATIO

De Profectu Spirituali.

PRÆLUDIUM I. **A**udi Doctorem gentium ferventer adhortantem: *Ergo dum tempus habemus operemur bonum, bonum autem facientes non deficiamus Galat. 6.*

PRÆLUDIUM II. **A**spira ad Deum ut hoc salutare monitum penetret intima cordis tui.

PUNCTUM I. **E**T si convertaris ad Dominum Deum tuum in toto corde, & si à peccatis recesseris, voluntatem tuam abnegaveris, Divinæ illam subjeceris, & si terrena omnia, & te ipsum deniq; heroice contempseris, an jam sistendum hic putas? Falleris: nam sic modo primum in prima via incipientium Tyronum in spiritu

ritu constitisti, posuisti bonum fundamentum, sed non dum structuram erexisti. Ad quid tibi concessum est à Deo pretiosum tempus? ad quid prorogantur tibi dies vitæ? ut quiescas, non crescas, non labores, ita ne? Ad quid te posuit Deus in paradiso voluptatis, idest in S. Religione nisi ut custodias & opereris? Ita omnino. Ergo dum tempus habes, opereris bonum, exercearis in virtutibus sanctis, eundo de una virtute in aliam virtutem, crescendo & augendo merita, ascensiones in corde tuo disponendo, & de minori gradu ad sublimiorem virtutis gradum entendo; sicut enim humanum corpus successivis spatijs crescit, augetur, dilatur, ita perfectio animæ sensim & continuo exercitio ad summum pervenit, nam veluti nemo repente fit pessimus, ita nemo repente fit optimus.

PUNCTUM II. **H**Oc ipso titulo, quod S. Religionem sis professus, obligaris ad perfectionem tendere. Quid si horas innumeras, dies plurimos, & multos annos nihil vel parum proficiendo in Spiritu, consumpsisti, vixisti ne ut Religiosus, ut tendens ad perfectionem? Utiq; ex oraculo Divino Prov. 4. *Iustorum semita quasi lux splendet & crescit usq; ad perfectum diem.* Quid prodesset si aurora consurgeret, vel Sol in ortu tantum lucem spargeret, illamq; amplius & amplius per minuta & horas non diffunderet? nunquam perfectam diem haberemus. Ita profecto, quid juvaret nos, quid nobis ad me-

rendum diem æternitatis prodesset, si in primo tantum Tyrocinio, aliqua lux virtutum in nobis rutilaret? ferverent initia nostra, & progressus te-
teperescerent? diceremusq; in corde: sufficit: at nobis responderet conscientia: Si dixisti: sufficit: perijisti: tempus, quod tantum valet quantum Deus, otiose perdidisti, in dies non profecisti. Ergo dum tempus habemus, operemur bonum.

PUNCTUM III. SI tempus quod tibi Deus concedit, si auxilia gratiæ quæ tibi ad bene operandum elargitur, forent in tua proprietate, dominio, potestate, forsan p sses absq; tuo damno illis uti vel non uti. Sed num tua, num propria tibi sunt: Tempus & Gratia Divina? Nequaquam tua: commodato gratuito ista habes à Deo, & ignoras quam diu lux gratiæ tibi allucescet? Cur ergo his talentis à Domino tibi ad usum concessis non operaris, non lucraris? Cur in tanta incertitudine pōitus divitias spiritus, virtutes earumq; augmenta non accumulas? Cur nunquam vgdevotior, humilior, mansuetior, temperantior evadere conaris? Conscientiam tuam interroga. An post tot annos conversionis, post tot lumina interna, post tot exercitia spiritualia, constiteris jam in via proficientium? non dico perfectorum. At forte respondebit tibi: stulto errore deciperis! Non profecisti, sed defecisti, virtutes non cumulasti sed dispersisti, & in statera Dei inventus es minus habens, quam forte in tuis inijs habuisti.

Ergo

Ergo dum tempus habemus operemur bonum, bonum autem facientes non deficiamus. Tempus enim non erit amplius, vires & fervor deficient, & ne gratia Dei subtrahatur in finem.

Reflexio S. Eucherius Episcopus in parietibus Aulae suae istud Apostoli monitum jussit exarari. *Ergo dum tempus habemus operemur bonum:* quo excitaretur ad pretiosum tempus fructuose collocandum, in operibus virtutum expendendum. Num hanc auream doctrinam saltem in memoria tua aliquando descripsisti? Religio Sancta quærit ex te: Ad quid venisti? & respondisti tones: Sanctam Crucem tollere, & in dies proficere. Dime-titur tibi quotidie horas laudandi Deum, legendi salutaria, laborandi utiliter. Te Judica, an in dies profecisti? plures ne actus practicos virtutum, an defectuum exercuisti? An tot horas tibi præscri-ptas, non abligerijsti, non mutilasti? nugis, vani- loquijs, vanis excursibus, voluntarijs occupatio- nibus non impendisti, & hucusq; inops virtutum & meritum hæres. Age quod libet, neglige vir- tutum exercitia, consume tempus, contemne gra- tias Divinas, sed crede quod: Vocabit Deus ad- versum te tempus, ut minatur. *Thren: 1.* Ergo profecto melius dum tempus habes operare bonum, ejura otium sentinam vitiorum, excute socordi- am, profice, non defice, & mærenter dic in cor- de: Damna fleo rerum, sed plus fleo damna die- rum. Vel cum illo Sancto. Tempus vadit & ego nihil operor! Redime præterita tempora ferven-
tiori.

tioribus, frequentioribus actibus virtutum, sæpius elice hos v.g. actus. Domine! amo te, adoro te, deprecor te pro his omnibus momentis, quibus de te non cogitavi, te non amavi, in quibus nihil boni egi, in quibus te offendi, steriliter, infructuose, scandalose vixi &c.

Exercitia Pomeridiana

MEDITATIO

De Sanctis Desiderijs

PRÆLUDIUM I. **I**maginare tibi Christum in monte sedentem & deponentem illud oraculum. *Beati qui esuriunt & sitiunt iustitiam, quoniam ipsi saturabuntur.* Matt: 5.

PRÆLUDIUM II. **I**mplora à Magistro cælesti, ut hanc esuriem in animæ tuæ palato acuat, & sitim accendat.

PUNCTUM I. **I**nter innumera media seu auxilia, quæ liberalissimus Deus, ad consecrandas virtutes, ad assequendam perfectionem nobis elargitur, teste D. Thomâ Angelico sunt: Sancta desideria. Nimirum, experientia nos docente. Quotus homo sollicite & continuo querit, congregat, accumulât, & servat opes, nisi fer-

veat

veat avaritiâ quæ ipsi omnes curas, labores pericula in ijs conquirendis lenit & dulcorat. Quis nam captandis honoribus tam operose insudat, nisi qui ambitione flagrat? sic & stomachus famelicus multa de ferculis attrahit & sumit avidissime, & ardens siti guttur multo potu impletur. Ad eum fere modum anima fidelis, nunquam alias virtutibus ditescet, merita cælestis gloriæ accumulabit, saturabitur cælestibus delicijs nunquam in spiritu proficiet, nisi avara & ambitiosa sit virtutis, nisi esurierit, & sitiverit justitiam, perfectionem, sanctitatem, nisi plus & plus in his crescere appetat, juxta illud. *Apoc: 22.* Qui justus est, justificetur adhuc, & qui Sanctus est, sanctificetur adhuc.

PUNCTUM II. **N**on tam miranda est illa Davidis sententia *Pf 106.*

Beati qui custodiunt judicium & faciunt justitiam omni tempore, quam ista Veritatis æternæ. Beati qui esuriunt & sitiunt justitiam: certa nihilominus & indubitata est. Nam misericordissimus Deus, coronat sæpe in nobis bonam voluntatem, ubi non reperit facultatem, & in operibus nostris magis ad affectum nostrum respicit quam ad censum. Beati & exinde esurientes & sitientes justitiam, quia non utcunq, sapit ejus virtus, perfectio & sanctitas vitæ, sed ut famelicis cibis, vel sitientibus potus, proinde non adeo sentiunt nauseam in rebus spiritualibus, fastidium & acediam in pœnitentijs austeritatibus, rigoribusq; Religionis, sed ea

hilariter usq; ad mortem supportant; unde in his exercitati Religiosi plus gaudij in corde sentiunt, quam sæculariter viventes, in omnibus opibus & delicijs. Beati tandem, quia non pascuntur tantum, cælestibus dulcarijs, consolationibus internis, & jugi illo convivio securæ mentis, at saturantur, ut de eis dici possit: *Repleti prius pro panibus sedolaverunt, & famelici saturati sunt.* 1. R. 2. Ex quo demum provenit, quod nauseent mundi carnisq; solatia, jam Deo pleni, saturati, inebriati, nam *Anima saturata.* Divino nectare *calcabis fœvum* consolationis terrenæ Prov 23.

PUNCTUM III. Quanquam hoc indubitatum

sit: beatos ac felices esse qui esuriunt & sitiunt justitiam. Cæterum & hoc alterum æquè certum est quod dixit unus Ascetarum: *Nihil plus ardet in inferno quam bona desideria.* Percelleris hoc dicto? ne mirere. Vix enim aliquis homo est Religiosus saltem, qui non optat esse virtuosus, puderetq; illum dicere aliud ab hoc. At qualia sunt isthæc desideria? infirma, volubilia, inefficacia: scintillæ sunt ad cor injectæ sed non erumpunt in flammam, flores sunt, at sine fructu marcescunt, absq; effectu sterilescunt, velleitates sunt quædam sed non seriæ voluntates. Quid porro juvat ad meritum coram Deo, si cupias esse mortificatus absq; abstinentijs, disciplinis, genuflexionibus &c. Devotus absq; meditatione, attentione, applicatione mentis. Humilis absq; ullo contemptu.

contemptu sui: patiens absq; ulla molestia illata castus absq; sensuum continentia, collectus cum frequenti excursu, negotiorum quæ sitione, versatus in spiritu absq; seria lectione, perfectus absq; sui abnegatione. Ardent in inferno passim talia desideria. Quid tum inferendum? Desideria mea debent esse sancta, more sanctorum elicitæ, firma, seria, ad effectum deducta, exercitio virtutum, applicatione, labore, praxi comprobata. *Deus enim non irridetur, sed quacunq; homo seminauerit, id est perfecerit, hac & metet. Galat. 6.*

Reflexia S. Antonius M. refertur fuisse tam cupidus virtutis, ut quemcunq; audiret, in aliqua virtute excellere, illum conaretur imitari. De primis Socijs Patriarchæ nostri D. Francisci legimus, eos hoc unicum sibi proposuisse, ut non parcerent ulli labori, studio, violentiæ orationi, donec ad supremum gradum hujus vel illius virtutis pervenissent. Tu te examina an similem salutem unius virtutis assequendæ cupidinem, esuriem, sitimq; in corde senseris, in opere monstraveris. Quis scit, an non aliquando in corde dixeris: satis jam egi, satis sum continens, devotus, mortificatus &c. licet forsitan aliter sit coram Deo. Vide: an locum tibi promittas inter beatos qui esuriunt & sitiunt justiciam? Dole potius coram vidente omnia Deo, de tua tepiditate, posce ab illo sancta, ferventiora, efficaciora desideria, & sæpe ora cum Davide: Desiderium pauperis exaudi Domine, præparationem cordis mei exaudiat

auris tua. Et præsertim unius virtutis excita flagrans desiderium in qua te segniter exercuisti, Contra quam sæpius delinquis, de qua toties admoneris à Deo, à Superiore, à Confessario, si enim unam avide non persequeris, quidni & aliam?

Recollectio de Castitate.

Castitas desideria carnis nata est comprimere Itaq; de illa te examina. 1. Quam ardens habeas desiderium conservandi castitatem mentis & corporis. 2. Quam segniter in commotione sensuum, mentem ad Deum elevasti? 3. Vide si mentem immundis cogitationibus, cor impuris affectibus non occupasti? si hæc strenue rejecisti? si assensum non præbuiisti? 4. Si visu fixo, tactu pressò, auditu, sermone, lectione inhonestâ nimisq; libertate sensuum commotioni sensuali occasionem non dedisti. 5. Si familiaritates, teneritudines, conversationes lubricas non quæсивisti, sed cavisti? 6. Si abstinentias aliasq; media edomandæ carnis acceptasti. 7. Si ante somnum à potu calidiori, excessivo, à confortijs, colloquijs incastis abstinuisti? 8. Si aliquid gravius contra juratam castitatem non commisisti? 9. Si fors vel minima commissâ expias per pænitentiam? 10. Si omnem indecentiam & inverecundiam caves, etiam circa tuum corpus? Si quæ advertis devia, deplora, humiliare coram JESU Crucifixo, in cujus innocent corpore, à planta pedis usq; ad verticem, capitis non fuit sanitas. Exerce te in recolenda
ejus

ejus amarissima Passione. Immaculatæ ejus Matri-
te frequenter commenda, ejus amore statue dili-
gentius castitatem servare, & cætera in proxim
deduc quæ habes infra *Traſſ;* v. *cap* 3. *Initiũ* III.
Post Completorium Meditatio 2da. Communis
Preces fundendæ pro Agonizantibus, & reliqua ut
ut *ima*. Die absolvenda. *Paſta Scalæ 9na. & 10ma.*

D I E S VI.

Exercitia Antemeridiana.

1. **P**Ræmiſſa Meditatione de Paſſione Domini
Lectio ſpiritualis instituenda vg: ex V.
Th. kempen. lib. 1. cap: 23. 24. lib. 3. cap. 47.
& ſequi:

MEDITATIO

De quatuor noviffimis

PRÆLUDIUM I. **A**ttende diligenter grave il-
lud Spiritus S. oraculum
Memorare noviffima tua & non peccabis. Eccl: c. 7.

PRÆLUDIUM II. **P**oſtula gratiam à Deo, ut
memoriæ tuæ, tam ſalu-
taris doctrina imprimatur.

PUNCTUM I. **I**nnumera prope modum ſunt
quæ nos ad Dei amorem, cul-
tumq; virtutis alliciunt, ad non peccandum ob-

stringunt, ut summa Dei nostri Dignitas, bonitas liberalitas, ipsaq; Salus & æterna beatitudo nostra. Præter hæc tamen Spiritus S. quatuor nobis obstacula peccandi, Deum & salutem amittendi proponit, nempe Mortem nostram, Judicium Dei, Infernum, & Gloriam cælestem quasi unicuiq; nostrum diceret: Si te. Ô homo à peccando, ab offendendo, à contemnendo Deo tuo non retinet amor Dei, imo neq; amor tui ordinatus, si non pulchritudo virtutis, si non deformitas peccati, saltem memorare novissima tua. Mortem quæ te omnibus amatis & vitâ spoliabit. Judicium Dei severissimum quod non effugies. Infernum quem fors toties meruisti. Gloriam cælestem cujus adeptio non strenuè laborasti, quam tamen nunc cæcus & excors es, desideras. Memorare hæc frequenter, considera profunde. & non peccabis.

PUNCTUM II. Duo sunt ex quatuor novissimis quæ nullus nostrum effugiet. Statutum est hominibus semel mori, post hoc autem iudicium *Habr: 9.* Mors est momentum à quo pendet æternitas: Iudicium Dei est dies decretoria, aut certæ salvationis. aut certæ damnationis: nonne cogitare de his sensus est consummatus, occupatio sancta, negotium salutare? Quam sollicitè recogitantur dies vel horæ, à quibus pendet lucellum temporale, promotio humana? Dies vel horæ, à quibus pendet Iudicis humani in negotio gravi decisiva? Quanto diligentius huma-

nam

nam debet memoriam occupare mors inevitabilis, Judicium Dei inexorabile? Quid jam te ô homo præparabit ad placidam, securam, pretiosam mortem sanctorum, si non ejus memoria frequens morte sanctorum? Quid tibi asscurabit optatissimam Judicis Dei sententiam, nisi memoria, apprehensio, consideratio supremi Judicis & judicii? Hæc recogitantes, horum memoriam sibi refricantes adhuc sunt in periculo: tu nihil horum apprehendens, quasi extra te hæc duo forent, poteris esse securus? non peccabis liberius, gravius, frequentius? non incurres mortem pessimam peccatorum? non mereberis durissimum Judicium Dei quod contemnis?

PUNCTUM III. Duo alia novissima sunt incertæ aleæ. Infernus & Paradisus, pæna perpetua, & gloria æterna. Unum ex his extremis hominem expectat, justum illa gloria, impium illa pæna. Inferni memoria excitat in nobis sanctum justum, & salutarem timorem. Gloriæ cælestis recordatio, excitat nos ad laborem pro tam sublimi præmio, pro tam copiosa mercede. Num frustra nobis Deus per S. Scripturam, per Ecclesiam, per Revelationes certas, ob oculos ponit inferni pænas acerbissimas, incessabiles, æternas? nisi ut timeamus eum, qui potest & corpus & animam nostram mittere in gehennam, & exinde nunquam semel condemnatos dimittere, sed torquere semper, cruciari semper: num frustra nobis

nobis præsentat & promittit amantissimus nostri Deus, cælestem illam gloriam, quam nec oculus vidit, nec auris audivit, nec in cor hominis ascendit; & bona ineffabilia, inæstimabilia, æternalia quæ diligentibus te præparavit? nisi ut pro his bonis, pro lætitudine nostra breviuscule laboremus, illius desiderio ferveamus, illius spe in hoc exilio consolemur: timendo Deum, laborando pro Deo non peccemus? Ergo ne Boni Dei vota frustratimur, nihil de inferno, de gloria æterna cogitando? Vivetne securus Æ homo? vives ne innocens, vivetne certus æternæ felicitatis, serenæ conscientiæ, immaculatæ vitæ, si cæli & inferni memoriam è mente excludes? ne præsume, nocera! Memorare novissima tua & non peccabis!

Reflexio Quæ frequentius obversantur oculis tuis quam novissima hominis? quot cernis cadavera, tot habes monita tuæ mortis, & ipse suffixus in Cruce JESUS quem toties aspectas, nonne tuæ quoq; mortis est speculum? Toties de judicio Dei, inferno, & cælo, legis, audis, meditaris. An tamen hæc omnia & singula profunde imprimis cordi tuo? An in occasionibus peccandi revocas? in memoriam novissima tua? An te non tangit illud quod quicquam pie ac sapienter dixit: Cantantur hæc, leguntur hæc, videntur hæc, ridentur hæc! Et tamen quolibet die, horâ momento, propior es morti, judicio. Vide autem num ad portas mortis appropinques, num ad januam cæli tendas vitâ tuâ? Describere, non jam in parietibus domus tuæ [ut nonnul-

nonnulli faciunt] sed in tabulis cordis tui, hæc 4.
 Mors. Judicium. Pæna. Gloria. Mors ubiq; me-
 expectat: Iudex astat ante januam: Infernus aperuit
 os suum: Cælum ô quam pulchrum est, an propter
 me? verbo: Memorare novissima tua & non pec-
 cabis.

Exercitia Pomeridiana

MEDITATIO

De Perseverentia in bene captis.

PRÆLUDIUM I. **P**ondera illam dilecti Chri-
 sti Discipuli S Joannis
 doctrinam, & fulminationem. Videte vosmetipsos
 ne perdatis, quod operati estis, sed ut mercedem
 plenam accipiatis. Omnis qui recedit, & non per-
 manet in doctrina Christi, Deum non habet. 2.
 Ioa: 2.

PRÆLUDIUM II. **O**Ra humiliter Deum ut
 hoc fulmen doctrinæ
 Apostolicæ profuade vibretur in Cor tuum.

PUNCTUM I. **N**on ille censetur dives & opu-
 lentus, qui diebus ac nocti-
 bus cogitat de accumulandis opibus, nec ille qui
 illas diligenter ac solícite coacervat, sed qui eas
 non dispergit, ac cave conservat. Non unus ho-

Hh

minum

minum porro, dicit in corde suo: Dives sum & nullius egeo! Non parco labori in exercendis bonis operibus, in tot Examinibus conscientiae, quotidianis & annuis, discutio augmenta & decessus meos in spir tu. Annoto mihi salutaria proposita de cavendis defectibus, de exercendis virtutibus, & servo in memoria, sed ne dicat illi in aurem S. Angelus Custos: Dicis quod dives sum & nullius egeo, & ego dico tibi quia tu es pauper & caecus, & miser & miserabilis! Cogitasti multa bene, Exercitia Spiritualia etiamnum absolvesti, & alias multis vicibus, collegisti spiritum, multos pros affectus, actus, protektiones, detestationes elucisti, formasti & annotasti bona proposita, concepisti melius vivendi sancta desideria. At post tot in hac sancta occupatione labores, an congregata non disperdisti, an servas quae sanctè proponis? an perseveras in hoc fervore devotionis, humiliationis tui quo in Recollectionibus exarastisti? non quaeruntur in Christianis initia, sed finis & perseverantia. Vide ergo temetipsum ne perdas quod operatus es, cui tantum temporis & laboris impendisti?

PUNCTUM II. Iustus & fidelis Deus in promissis suis famulantibus in Aula sua, laborantibus in vinea sua, nempe in Ecclesia Dei vel S. Religione elargiri consuevit mercedem juxta meritum operis. Quis non exoptet de manu illius mercedem copiosam & magnam in caelis?

lis? Quis non desideret ut mensura coagitata & supereffluens detur in sinum ejus? Quis non cupiat pro labore tot dierum, annorum in Divino servitio, in exercitijs spiritualibus, ut ipse Deus sit merces ejus magna nimis? Sed agit nobiscum Cælestis ille Paterfamilias, ut humani cum suis operarijs, qui offerentibus se ad labores & strenue ac fideliter operam assumptam navantibus, plenam mercedem retribuunt; at solum se offerentibus laborare proponentibus, interim mentientibus aut parum vel langvide operantibus, aut non plenam mercedem aut sæpius pœnam ignaviæ reddunt. Oblulisti te Deo toties in recollectionibus, etiam in hac novissime, ad fidele servitium, ad vitam sanctius, melius, purius instituendam, obstrinxisti tot propositis, consignasti ea sciente ac spectante Deo. Quanta tibi in ijs exequendis incumbit fidelitas & constantia? quanta in assumpto itinere majoris perfectionis, perseverantia? Vide ergo te metipsum ne perdas quod operatus es, sed ut mercedem plenam accipias non pœnam mendacijs, fraudis, illusionis à Deo Judice & Domino tuo.

PUNCTUM III. Nota est illa Christi. D. Sententia *Lucæ 9.* Nemo mittens manum ad aratrum & aspiciens retro aptus est regno Dei, sed longe terribior illius Discipuli: Omnis qui recedit & non permanet in doctrina Christi, Deum non habet *2. Ioan: c. 9.* Quid sunt quæso dictamina spiritûs cordi tuo impressæ,

formata proposita salutaria, in alijs & in hac Recollectione? si non doctrina Christi menti tuæ instillata, ob Illius merita & pretiosum sanguinem tibi collata, inspirata? Ita profecto & non aliter. Ipse enim Salvator tuus est fons sapientiæ in excelsis, de cujus plenitudine omnes accipimus gratias illustrantes & moventes ad bonum; instinctus salutes, desideria sancta. Ipse est semper vivens in cælo ad interpellandum pro nobis, ut nostra Exercitia spiritualia sint nobis meritoria & fructuosa, Deo grata, & honorificata. Quid ergo sperandum, imo quid non timendum, si à conceptis toties, & nunc bonis propositis tanquam à doctrina Christi ut quidam Apostata recedes? quid si non permanebis, non perseverabis in ijs servandis exequendis fideliter? Quid magis verendum dici potest? *Non habebis Deum*: Quod si servaveris, quod si ab hac Recollectione fidelior in Dei servitio, in oratione devotior, in passionibus temperantior, votorum observantior, in dies perfectior evaseris, quid tibi sperandum? Affecurat te Christus. *Matth 10.* Qui perseveraverit usq; in finem hic salvus erit.

Reflexio Tot mille bona proposita feci in vita mea, præsertim in Recollectionibus meis, tam pauca effectuari, tam rarò in mentem ea revocavi, tam parum de eorum sterilitate, de mea infidelitate coram Deo pænitu. Adhuc ne mendax & perjurus ero Deo meo? Ah! dixi: nunc cæpi, ô sit in me mutatio dexteræ Excelsi! Tu Domine scis desiderium meum & gemitus meus à te non ab
scondi.

Reconditus. Da quod jubes, & jube quod vis.

Recollectio de Patientia.

Patientia opus perfectum habet *Iacobi* 1. & alia quidem est patientia in executione Verbi Divini sive auditi sive intus à Deo in meditationibus inspirati, de qua Christus innuit dicens: *Quod autem in terram bonam cecidit, hi sunt qui in corde bono & optima verbum retinent, & fructum afferunt in patientia* *Luc: 8.* Alia est in sufferendis quibuscunq; internis & externis tribulationibus & adversitatibus Ita q; ut opus tuæ Recollectionis sit perfectum, examina te *Imo.* Circa *Imam* Patientiam, idq; 1. An cordate & libenter præcepta Dei, Ecclesiæ, Regulæ tuæ, Superiorum monita [quæ omnia sunt voces Dei] suscipis, sustines, exequeris, absq; remurmuratione? 2. Si fortibus Divinis instinctibus, quos ipse judicas tibi multum esse salutare, corde bono, & absq; renitentia obsecundas? 3. An aliquem laborem in ijs exequendis, patienter subis, & dulcoras tibi amore Dei, humili obsequentiâ, firmâ spe in Deo. 4. An obtædium & impatientiam internam à bonis propositis, à virtutum exercitio non recedis?

2do. Circa Patientiam *2dam*, idq; 1. Si in adversitatibus animi vel corporis, non cogitas, aut loqueris stultum aliquid contra Deum? 2. Si Superiorum monita, reprehensiones, punitiones miti animo, non rugato supercilio, non furenti corde suscipis, nec similia effugere curas per mendaces

excusationes, per querelas, gemitus &c. 3. Si in veris aut imaginarijs læsionibus à quocunq; rancorem foves in corde, vindictam meditaris, & in opere exerces? 4. Si ore seu sermone læsivo, punctivo, maledictorio, contumehoso. Si signo vg. minaci vultu, torvo oculo, stridore dentium, ragatâ fronte impatientiam non demonstras, & multos pacem habentes conturbas? 5. Si non es Religiosus, clamorosus, furiosus? 6. Si ex impatientia non fuisti aliquando, aut non finxisti te infirmum, ægrotum? 7. Si à primo impetu cito vel forsan tardissimè defervescis? 8. Si injurias, læsiones, contemptus, offers Deo ex corde, & in Christi Vulneribus cos sepehre consuevisti? 9. An in ægritudine non es morosus, impatiens, molestus, ingratus Superioribus, Medicis, servitoribus? 10. An, quot, heroicis actus patientiæ vg: hoc anno eliciuisti, & opere comprobasti? 11. An aliquando serium in animo conceperis desiderium: pati & contemni pro Deo, amore, imitatione Patientissimi Salvatoris tui? Si quæ huic virtuti advertis contraria, ô quam confundi ac erubescere debes coram Christo & Sanctis ejus, quorum & tanta habes exempla patiendi. Dole ex animo quod tuâ impatientiâ in executione Verbi Divini, ineptum te feceris ad percipienda ea quæ sunt Spiritus, ad gustanda solatia cælestia. Tuâ in adversis intolerantiâ, pacem internam amisisti, externam sustulisti, tot merita & coronas amisisti, causam ægritudinum, abbreviationis vitæ tibi dedisti, & forsan jam habi-

bitum impatientiæ contraxisti. Redi ad JESUM patientiæ Magistrum, & audi illam lectionem. Discite à me quia mitis sum & humilis corde. Proponere sæpius in illis actibus te exercere: Pati non mori! Domine propter te! Tibi ô JESU hoc dono, dedico! In Vulneribus tuis recondo! In Latere tuo repono! Sub transfixis pedibus tuis appendo! Volo Domine pati quia jubes, quia dignus es, quia Deus es!

Post Completorium Meditatio 2da. Communis Pacta Scalæ 11ma & seqq. Demum hac ultima Die institue generale Examen conscientiæ sive ex tota vita, sive ex hujus anni tractu, ea maxime peccata annota & confitere, quæ graviora judicas, in quæ laberis frequentius & non emendas, quæ præ alijs gravant conscientiæ tuæ, quorum confessio majorem tibi erubesceniam potest adferre, ut tanto magis humiliaris coram Deo, &c. Nota pro semper, ut primam aciem mentis convertas & intendas ad peccata quasi Insensibilia, quæ in appetitu rationali nidum habent & in abditissimis penetralibus cordis latitant, & speciosis prætextibus palliantur. Talia sunt. Amor proprius. Superbia, Ambitio. Invidia, æmulatio, pertinacia, abundantia in proprio sensu, avaritia tacita sed ardens ad res magnas sive parvas quoquomodo procurandas, acquirendas retinendas. Nam hæc peccata quanto sunt reconditiora tanto minus aspectabilia, perceptibilia, conscientiam torquentia, sed tanto magis quoq; periculosa, ut causæ intrinsecæ innumerorum

rum & graviorum delictorum. Deinde oculum mentis dirige ad peccata sensibilia, quæ in appetitu sensitivo vel irascibili indulantur. Ut sunt Gulositates Intemperantiæ, Impetuositates, effusiones lingvæ, libertas nimia sentium, lenocinia, & conciventiæ carnis, morum incompotio, ignavia ad labores mentis & corporis, contentiones, rixæ transeuntes, & similia, quæ per sensus hominis commissa quasi palpabilia sunt. Peracta vero Confessione & Communione, concludes totum Recollectionis tuæ Exercitium speciali ad Deum oratione v.g. hæc similive formâ.

Domine Deus meus, à quo omne datum optimum & omne donum perfectum descendit tanquam à Patre luminum, qui cor meum excitasti ad peragenda hæc Exercitia, prostratus in abyssum nihili mei Te primum mei Principium ultimumq; Finem humillime recognosco pariter & adoro, in Te unicum cordis mei centrum toto amore, fide, ac spe tendo, quid quid te movente cogitavi, Te illuminante cognovi, Te inspirante decrevi, in Te solum refundo, Tibiq; Authori omnium bonorum toto corde in homagium in tributum, in honorem nominis tui offero. Tibi Domine gratias refero pro omnibus auxilijs gratiæ, luminibus internis, motibus, affectibus, actibus pijs, hoc octiduo mihi impressis, pro conceptis sanctis desideriis, salutaribus propositis. Laudo & magnifico infinitam Potentiam tuam ô Pater æterne, quæ mihi concessit vires naturæ & gratiæ, Altissimam Sa-

pien-

Sapientiam tuam, o Fili Dei quæ illuminavit mentem meam. Inexhaustam Bonitatem & Charitatem tuam o Spiritus Sancte, quæ voluntatem meam excitavit, cor meum durissimum emolliuit, ad amandum te ferventius, ad serviendum tibi fidelius. At quia Tu solus Domine quæ creasti conservas, & qui das bonum velle das & perficere, ad Te supplex recurro. Viderunt enim imperfectum meum oculi tui, nota sunt Tibi continua mendacia & perjuria mea coram Te. Tu Domine scis insipientiam & miram perversitatem meam, quia quæ tibi vovi non reddo, quæ statui non impleo. Mundi sunt oculi ne videant ultra hoc malum & ne respiciant hanc iniquitatem meam. Tuam igitur abyssalem misericordiam invoco, ut jam de cætero fidelitatem meam Tibi comprobem, nec illudam Tibi o Majestas o Veritas omni honore dignissima. Et confitis infinitæ Bonitati tuæ, sicut præsentem Te ubiq; Deum sancte agnosco, ita de præteritis omnibus peccatis meis tui amore toto corde doleo futura quæcunq; deliberata vitare firmissime propono, cæteraq; Tibi nota animi mei proposita consigno Vulneribus & pretioso Sangvine amantissimi Salvatoris mei JESU Christi, & ea servare cum gratia tua efficacissime volo. Quæcunq; autem bona & sancta in hoc octiduo cogitavi, ea volo totâ vitâ mea continuare, & in agone ultimo elicere, quæcunq; peccata sum detectus, ea pro toto tempore ac æternitate mea detestor, execror & ejuro.

O Christe JESU Salvator & Amator mi Dilectissime, sub vulneratis pedibus tuis sisto me, ululo tanquam caniculus unus, & peto Te per omnes miserationes tuas, per omnem amaritudinem Passionis mortisq; tuæ, ut pro me Vadem & Advocatum agas ad totam SS. Trinitatem omniaq; bona proposita mea illi præsentem, confirmes, & in Te me deinceps ambulare in novitate vitæ & Spiritûs facias, qui es Via, Veritas, & Vita.

O Mater Dei & Virgo Maria, ô dulcis Advocata mea! ô Mater Sanctæ spei, sub tuis quoq; Virgineis plantulis depono me totum, repono omnia cordis mei proposita. Ora pro me ut ea impleam, & Cordi tuo Materno complaceam.



TRACTATUS V.

De Virtutibus Asceticis ac Exercitijs earundem.

QUANDOQUIDEM homo Religiosus ex vi suæ Vocationis obligatus sit ad perfectionem tendere, hæc verò tanquàm corpus ex membris, arbor ex ramis, sic ex virtutibus coalescit, idcirco brevis saltem instructio hic traditur de Virtutibus assequendis, exercendis, & prosequendis, ac de singularum qualitate, gradibus, motivis, actibus, compendiosa Institutio proponetur. Interim

Quæritur 1mo. Quid est Virtus? *Respon:* Virtus est bona qualitas mentis, reddens hominem prout ac promptum ad bona opera secundum rectam rationem exercenda. Ita in re omnes Philosophi ac Theologi.

Quæritur 2. Unde hoc nomen, *Virtus* sortitur? *R.* cum S. Bonaventura; quia est quasi vis intus, idest interna, non in corpore sed animo residens, per quam homo contrarijs passionibus, tentationibus, alijsve impedimentis resistit. Vel quia est, *virum tuens*, à contrarijs videlicet defectibus & delictis, veluti scutum aptatum humero, tucur ab ictibus & jaculis.

Quæritur 3. Qualisnam est status hominis virtuosus? *R.* 1. Est DEO honorificus, nam sola virtus parit Deo gloriam, unde *Eccli 16.* dicitur: *Melior est*

Liz. enim

enim unus timens Deum, quàm mille filij impij.
 2do. Est homini operanti jucundissimus; quod illustat Ludovicus Granatensis eâ similitudine. Sicut in itinere labor, in termino verò quies est jucundissima; ita licet iter ad virtutem arduum sit & difficile, possessio tamen illius est plena voluptatis.

Quar: 4. Quotuplices sunt Virtutes? *Re. Imo.* sunt duplices. Aliæ in intellectu, aliæ in voluntate. nam aliæ illuminant intellectum, ut, Fides, Sapientia, Prudentia. Aliæ verò moderantur voluntatem, excitant, inflammant, ut Charitas, Justitia, Patientia. 2do. sunt duplices; Aliæ sunt Theologicæ & supernaturales, quas ipse Deus infundit animabus, & hæ ipsum Deum habent pro objecto & termino, ut sunt Fides. spes & Charitas. Aliæ sunt Morales, per actus frequentatos acquiruntur, & hæ ad mores bene ordinandos interserviunt. Ex his.

Aliæ sunt *Cardinales*, quasi cardines altarum virtutum, ut sunt: Prudentia, Justitia, Temperantia & Fortitudo. *Alia Capitales*, quæ vitijs capitalibus opponuntur, & sunt: Humilitas, Largitas, Mansuetudo, Castitas, Abstinencia, Devotio, & Patientia. Aliæ *Integrales*, quæ integrant perfectionem totam, uti Obedientia, Paupertas, Silentium, Modestia, Pœnitentia &c. Licet si verò Morales Virtutes ordinariè per actus frequentes, & cum labore acquiruntur, cæterum quandoquæ electis animabus, divinitus seu ab ipso Deo infunduntur; cum S. Scriptura & historica fides nos doceat, nonnullas animas, ab infantia plane, perfectis virtutibus fuisse decoratas.

Quar.

Quar: 5. Quonam modò virtutes acquisitæ gererentur in anima? *R.* Imo. cum Hugone à S. Viatore, qui comparans virtutem arbori vitæ dicit: Arbor est quæ per timorem seminatur, per gratiam irrigatur, per fidem radicitur, per devotionem germinat, per desiderium crescit, per charitatem roboratur, per spem viret, per circumspectionem frondet, per disciplinam floret, per doctrinam fructificat, per patientiam maturescit, per mortem carpitur. *R. 2do.* Practicè cum Alphonso Rodriguez, p. 1. Tr: 1. c: 2. qui hæc media virtutis assequendæ porrigit. 1. Magnam de virtute æstimationem concipere, 2. Magnopere illam desiderare uti faciebat S. Antonius M: nam ut docet S. Hieronymus: non sufficit velle iustitiam, nisi & famem illius patiamur. 3. Insignem in virtutibus consecrandis conatum adhibere. 4. Deum frequenter & ardentem pro dono virtutum obsecrare, nam omne datum optimum, & omne donum perfectum descendit à Patre luminum *Iacobi 1. 5.* Ad Majorem semper perfectum anhelare; nam ex S. Bernardo. *Epist: 91.* Ubi incipis nolle fieri melior, ibi etiam delinquis esse bonus. 6. Etiam alienas Virtutes amare: nam ut probè *Seneca:* Scias eum multis Virtutibus abundare, qui alienas amat. 7. Virtutis amatorum consortio frui, nam juxta *Psal: 17.* Cum Sancto Sanctus eris, & cum innocente innocens eris

Quar: 6. Quænam sunt signa Virtutis acquisitæ? *R.* ex P. Daniele Ziehlinski. hæc esse: 1. Si

non habetur Vitium oppositum, Virtuti. 2. Si in exercitio Virtutis non retinetur ab eodem Vitio opposito. 3. Si passiones hominis sint in temperamento. 4. Si habetur facilitas, & gaudium in executione Virtutis. 5. Si pacifice eadem Virtus possidetur. 6. Si habetur ardens desiderium, & frequens recordatio ejusdem Virtutis. 7. Si heroicis quoq; actibus exercetur.

Quar: 7. Quare unus magis proficit in Virtute, alter minus? *R.* Ex his causis. 1. Quia Deo sic placet, qui dat auxilium gratiæ ad Virtutem. 2. Quia complexio unius magis est consona huic Virtuti quam alterius. 3. Quia unus plus se exercitavit in hac Virtute, quàm alius. 4. Quia unus minus oppugnatur à vicio contrario illi virtuti, alter magis. 5. Quia unus majorem habet discretionem, & desiderium hujus Virtutis quàm alter.

Quar: 8. An sunt varij gradus Virtutis? *R.* cum S. Greg: hom: 15. in Ezech: *Unaquq; Virtus habet initium suum, & profectum, & perfectio- nem.* Doctor vero Seraphicus l. 2. de prof: rel: c. 24. dicit: *Triplex potest esse status cujuslibet Virtutis, est quadam in pulchritudine floris, quædam in ubertate fructus.* Unde sequitur, quod alius Virtutis gradus sit incipientium,, alius proficientium, alius perfectorum. Incipientes enim exercent Virtutes, ut ab oppositis Vitijs purgentur. Proficientes, ut purgati magis DEO placeant, & illuminentur. Perfecti, ut per Actus Virtutum, ardentissime Deo uniantur.

Quar:

Quar: 9. An quælibet Virtus est meritoria? *R.* Duplicem esse Virtutem. Alia est *Politica seu Philosophica* quæ exercetur ob honestatem, vel pacificam hominum cohabitationem. Alia est *Christiana & Ascetica* quæ exercetur ob DEUM. Virtus igitur Politica nullam à DEO mercedem promeretur, sed tantum Christiana. Cæterum sicuti actus ex se indifferentes, si dirigantur ad Dei gloriam fiunt boni & meritorij, ita Virtutes quoq; Politicæ, si ad hunc finem ordinantur. Porro ne Virtutes nostræ reddantur steriles, in earum exercitio tales intentiones convenit habere *vg.* 1. Qb amorem & gloriam DEI, etiamsi nullum esset præmium Virtutis. 2. Ob timorem severæ DEI Justitiæ. 3. Ob honorem & gaudium Ecclesiæ triumphantis. 4. Ob utilitatem, & exemplum Ecclesiæ militantis, Religionis suæ &c. 5. Ob acquisitionem perfectionis. 6. Ob meriti mercedem, & similia motiva.

Quar: 10. Quæ necessario requiruntur ad Virtutem Christianam? *R.* hæc tria. *1mo.* Gratiâ Dei, actualis, seu auxilium speciale, per quod homo excitatur, allicitur, & adjuvatur ad actum Virtutis. *2do.* Gratiâ habitualis, seu Sanctificans, nam sine illa [ut fit in homine existente in peccato mortali] opera virtutis nascuntur mortua, per illam vero fiunt viva, supernaturalia, & digna vitâ æternâ. *3tio.* Voluntas nostra bona, quæ gratiæ Divinæ cooperetur, & in actus Virtutum prodeat.

Quar: 11. Ad quid profunt Actus Virtutum, si homo

homo existit in peccato mortali? *R.* Ad hæc: A-
 ptant cor ad bonum. Minuunt pœnam. Occupant
 honeste mentem. Assuefaciunt. Delectant animum
 Mitigant fomitem peccati. Dant bona terræ. *Ædi-*
ficant proximos; Arcent graviora peccata.

Quar: 12. Quid corrumpit omnes Virtutes? *R.*
Imo. Vana gloria, dum hæc intenditur ex operi-
 bus. *2do.* Desidies seu ignavia, nam cum hac fiunt
 actus remissi, & pleriq, omissi. *3tio.* Indiscretio,
 dum vel remisse nimis, vel nimis intense fiunt.
 Proinde, fere quælibet Virtus potest esse vitiosa,
 vel per defectum, vel per excessum.

C A P U T I.

De Virtutibus Theologicis.

Institutio 1ma.

De Fide Theologica.

Fides est Virtus infusa animæ à DEO; per
 quam homo firmiter assentitur omnibus quæ
 ad credendum sunt à DEO proposita sive per se,
 sive per Ecclesiam.

Hæc Fides manet in solis veris Christianis, id
 est Catholicis, quia in baptismo infunditur, & per
 infidelitatem ab eis non tollitur, sicut ab hæreticis.

Motiva hujus Fidei retinendæ in anima & exer-
 cendæ, sunt hæc potissimum. 1. Quia tot ora-
 culis Prophetarum quæ omnino sunt implèta,
 firma.

A. firmatur. 2. Quia tot miraculis Christi & SS. est
roborata. 3. Quia tot Martirum professione & san-
guine est consignata. 4. Quia Evangelio Christi,
pant & rectæ rationi consonat, & nihil dicat nisi pium,
hum Edi. honestum, & sanctum.

g. *Gradus. Fidei sunt hi.* 1. Credere DEUM, id
ert. est agnoscere & confiteri, quod sit unus in subs-
unt stantia, Trinus in Personis, infinitus, immensus,
tio, Æternus, Omnipotens, Sapiens, Justus, & omni-
nt. mode perfectus, Creator, Redemptor, Sanctifica-
osa, tor, Judex noster &c. 2. Credere DEO, id est
assentiri omnibus his, quæ DEUS per Filium suum,
per Prophetas, Apostolos, & per Ecclesiam ere-
denda tradidit, idq; ideo, quia DEUS verax est,
& fallere non potest. 3. Credere in DEUM, id
est actibus Fidei Vivæ tendere ac ferri in Deum,
ut centrum, Objectum, & principium fidei nostræ.

per *Actus Fidei Practici.* 1. Captivare & subijcere
quæ Intellectum DEO loquenti per Ecclesiam, scriptu-
se, ram, traditiones & decisiones Ecclesiæ. 2. Credere
id & profiteri omnes articulos fidei, ob summam DEI
per Authoritatem, & veracitatem; 3. Agnoscere so-
lis, lius DEI opus in Sacramentis, Ritibus, & ceremo-
nijs Ecclesiæ. 4. Profiteri Fidem palam, nec eru-
id bescendo, nec timendo, etiamsi nescio quæ mala
per & ipsa mors exinde toleranda foret. 5. Adorare
is. DEUM in spiritu & veritate quàm frequentissime.
et. 6. In Fide & Mysterijs ejus rudes instruere. 7.
ra. Consortia hæreticorum, ut filiorum diaboli quan-
a, tum fas est devitare. 8. Detestari omnes doctri-

nas Fidei Catholicæ contrarias. 9. Nec legere, nec audire absq; iusta causa libros hæreticorum. 10. Aquis Fidei erga DEUM saltem quolibet die exercere. 11. Sacrificijs assistere, Sacramenta sumere, cum magna fide. 12. Curare omni Studio ut Fides viva sit in corde, id est peccato lethali non mortificata. 13. Fidem bonis & Sanctis operibus comprobare.

INSTITUTIO II.

De Spe Theologica.

Spes est Virtus infusa animæ à DEO, per quam cum fiducia expectamus bona salutaria, nempe veniam, gratiam, & gloriam æternam in cælo.

Hæc Spes manet in anima hominis Christiani, quousq; in præsumptionem de misericordia DEI, vel desperationem voluntarie & deliberate non incidit.

Motiva Spei nostræ sunt hæc: 1. Quia DEUS est infinite bonus. 2. Quia vult & jubet sperare in sua bonitate. 3. Quia sperantem in Domino misericordia DEI circumdat ut dicitur. *Psalms: 31.* 4. Quia Spes non confundit. *Rom: 5.* & nemo qui speravit in Deo est confusus. *Ecclesi: 3.* 5. Quia Spes in DEO, omnes vitæ labores & dolores lenit, ac dulcorat. 6. Quia si confidimus in homine, quantum sperare deebmus in DEO?

Gradus Spei sunt hi. unus. Expectare à DEO bona

bona salutaria, cum gaudio & fiducia. 2. Expectare eadem bona cum desiderio, tædio, & frequenti aspiratione ad DEUM. 3. Expectare à DEO eadem bona cum absorptione mentis & cordis in DEUM; qualis spes solet esse in Viris perfectis.

Actus. Spei; Practici. 1. Præsumptuosas cogitationes de bonitate DEI nusquam admittere, imo nobis ipsis diffidere, & cum humilitate salutem nostram operari. 2. Desperatorias quoq; cogitationes, uti provenientes à diabolo æternum desperato, ex corde totaliter excludere. 3. Sperare per merita Christi, & nostra cum gratia DEI visionem DEI, & fruitionem Ejus in czlo. 4. Sperare glorificationem Corporis nostri in czlo. 5. Sperare à DEO media & auxilia ad resurgendum de peccatis, ad bene operandum. 6. Passionem Christi JESU, Opitulationem. Bmæ V. MARIÆ. SS. Angelorum & Patronorum pro fomento Spei sæpe sibi proponere. 7. Ob spem bonorum æternorum gaudere in spiritu. & lætanter pro DEO agere & pati. 8. In tentationibus, doloribus, persecutionibus, necessitatibus, spem in DEUM erigere, cum resignatione animi. 9. Ob spem æternorum terrena bona heroicè contemnere. 10. Ad spem excitandam recogitare tot beneficia, gratias, solatia, protectiones, quas jam à DEO recipimus; 11. Spem magnam in hominibus nunquā ponere, quæ alit, & fallit.

INSTITUTIO III.

De Charitate Theologica.

Kka

Chari-

Charitas est Virtus infusa animæ à DEO, quæ DEUS diligitur propter se, & proximus propter DEUM.

Adverte 1. Hæc virtus manet in anima hominis Christiani, quousq; in quodcunq; peccatum mortale non inciderit. 2. Charitas DEI & proximi, est unica Virtus indivisibilis, quia idem habet objectū & motivum, nempe DEUM; proinde amor Dei & proximi sicuti inseparabiliter oriuntur, ita & intereunt, nec verè homō potest amare DEUM, si non amet proximum; & e contra. 3. Charitas DEI est idem habitus seu donum cum gratia sanctificante, vel saltem ut aliqui docent, sunt dona inseparabilia; idcirco dum per mortale peccatum excluditur gratia sanctificans ex anima, tollitur etiam Charitas, nec una sine alia potest existere. 4. Officia Charitatis sunt alia erga DEUM, alia erga proximū. Proinde & modus diligendi DEUM est alius, diligendi proximum est alius. Nam DEUM amare debemus ex toto Corde, ex tota anima, & ex omnibus viribus nostris, proximos vero tantum sicut nosmetipsos; ut ipse Christus docet: *Math. 22.* Motiva demum amandi DEUM sunt alia, proximum alia, nam. *Motiva* Charitatis Dei sunt hæc potiora: 1. Ipsa DEI bonitas quæ illi est connaturalis, inexhausta, infinita, impermixta. 2. Beneficia DEI erga nos innumera, incessabilia, inestimabilia, idq; tam in ordine naturæ, quam in ordine gratiæ, ac in ordine gloriæ. 3. Ipsa dignitas & excellentia Charitatis DEI, nam hæc Virtus diffunditur in cordibus.

ditus nostris per Spiritum S. Distingvit nos à filiis diaboli; Reddit nos filios DEI adoptivos, hæredes DEI cohæredes autem Christi. Generat, fovet, & congregat, in anima omnes Virtutes. Expellit feras timorem, & affert verum gaudium conscientie nostræ. Opera etiam minima & indifferentia dignificat, facitq; supernaturalia, & ordinis Divini. Auget super omnia alia opera, gradus cælestis gloriæ. Est vinculum omnis perfectionis.

Gradus. Charitatis DEI sunt hi *Imus* Amare DEUM stabiliter, nihil cogitando, aut volendo, quod sit dilectioni Divinæ contrarium. *2dus* Amare DEUM, fortiter, quæque adversa amore ejus vincendo; perumpendo, & in ijs à dilectione DEI non recedendo. *3tus.* Amare DEUM ardentè, majori ac majori intensione amoris, admodum ignis, qui magis ac magis crescit, & vim suam intendit.

Actus Practici Charitatis DEI. 1. Appretiare seu æstimare DEUM super omnia bona. 2. Gratulari DEO & gaudere de bonis ejus, uti Sapientia, Potentia, Bonitate, Pulchritudine, & alijs perfectionibus DEI, ideo quia ipsius propria bona sunt. 3. Latari de ejus gloria & honore, quem habet ab omnibus creaturis; à seipso. 4. Desiderare ut ab omni creatura maxime rationali cognoscatur; ametur, honorificetur. 5. Frequentissime DEI tanquam amati sui recordari, de eoq; libenter audire, & loqui. 6. Dolere de suis alieniq; peccatis, eo motivo quod sint offensa DEI, dishonor & injuria. 7. Fortiter proponere apud se omnium

DEI mandatorum observantiam, nam juxta. *Joan.* 14. Qui habet mandata mea & servat ea, ille est qui diligit me. 8. Etiam consilia Christi pro posse servare, & Divinas inspirationes acceptare. 9. Gaudere de omnibus quæ DEO placent, sive sint nobis accepta, sive adversa. 10. Orare semper à DEO Charitatem, & omne illi contrarium detestari.

Motiva. Charitatis proximi sunt hæc præcipua. 1. Quia DEUS vult & præcipit ut proximos diligamus. 2. Quia DEUS zelat & punit graviter peccata huic Charitati contraria. 3. Quia DEUS & tota cælestis curia amat homines. 4. Quia omnes sumus fratres in Adam & in Christo; & unius Patris filij qui in cælis est. 5. Quia nos omnes amabimus in cælo. 6. Quia in hoc manifesti sunt filij diaboli, & filij DEI, si charitatem invicem habeamus.

Gradus. Charitatis Proximi sunt. hi. *Imus.* Amare proximos propter DEUM *Stabiliter*; nihil volendo, aut agendo mali iisdem. *2dus.* Amare proximos propter DEUM. *Fortius*, etiam adversa propter eos sustinendo, offensas condonando, & bona temporalia expendendo. *3tus.* Amare proximos propter DEUM *Ardenter*, pro salute proximorum, vires, ingenium, & vitam impendendo.

Actus. Practici Charitatis Proximi sunt: 1. Amare proximum quemq; in DEO, id est recto, prudenti, sanctoq; amore, & propter DEUM quia hoc vult & jubet. 2. Optare proximo bona spiritualia, & temporalia, non præjudiciosa eorum salutis.

saluti, & gaudere de bonis ejus. 3. Condolere, & compati proximo in malis evenientibus, & successibus. 4. Famam, honorem, proximi tueri, ac delicatè tractare, non traducendo, non contemnendo, mala excusando, bona non extenuando. 5. Pro posse juvando opè, doctrinâ, consiliò, promotione, bonè exemplò. 6. Inimicis parcendo, condonando, benefaciendo, & orando pro ipsis.

Nota Ex virtute Charitatis proximè erumpere & procedere multas alias Virtutes, uti *Zelum* propagandæ Divinæ gloriæ, ac procurandæ salutis hominum; *Devotionem* erga DEUM, seu piam affectionem, laudandi, honorandi, DEUM, serviendi & obediendi illi in omnibus. *Pietatem* seu misericordiam erga proximos, quæ est pia affectio ad compatiendum miseris. *Beneficentiam* quæ est pia affectio ad benefaciendum ipso effectû proximis.

C A P U T II.

De Virtutibus Cardinalibus.

INSTITUTIO I.

De Virtute Prudentiæ.

Prudentiâ est Virtus secundum dictamen honesti præscribens quid expetendum, quid fugiendum, quid agendum, quid omittendum sit. S. Bernardi verò *Serm: 49. in Cant: docet: Prudentia non tam est Virtus, quàm quædam moderatrix virtut-*

virtutum, ordinatrixq; affectuum & morum doctorix, omni virtuti ordinem modumq; ponit, & decorem tribuit, ac perpetuitatem.

Prudentia dividitur. *1mo.* in Naturalem & Supernaturalem. *Naturalis* est quæ ad finem naturalem assequendum media subministrat. *Supernaturalis* est quæ porrigit media ad finem supernaturalem consequendum; ut ad penitendum de peccatis, ad exercendas Virtutes Asceticas, ad amandum DEUM. *2do.* Juxta D. Thom: dividitur in *Monasticam* quæ ordinatur ad bonum proprium. in *Æconomicam*. quæ ordinatur ad bonum commune domus vel familiæ. in *Politicam* quæ ordinatur ad bonum commune vg. Regni, Civitatis, Religionis Status &c.

Officia Prudentiæ principalia sunt tria, *1mum* est *Consilium* quo media ad assequendum finem honestum vel sanctum, investigantur, & vocatur Græce *Eubulin*. *2dum* est *Iudicium*, quo media magis idonea ad finem assequendum seliguntur, & decernuntur; & vocatur Græce *Synesis*. *3tim* est *Imperium*, quo intelligentia imperat voluntati, ut hæc media studiose exequatur, & vocatur Græce *Gnome*.

Partes integrales Prudentiæ sunt Ocho. *1ma* est Intelligentia seu profunda rei cognitio, quæ, sic per notitiam Regularum universalium, Ex quibus metimur quid liceat vel non liceat, quid expediat, quid non? quid sit utile vel non, quid sit salutare vel nocivum. *2da* est Docilitas quæ in hoc con-

sistit

ſiſtit, quod non innitatur proprio ſenſui, & Ju-
dicio, quod ſæpè fallit, ſed prudentum ac ſenio-
rum conſilio. *3ta.* Ratio, ſeu recta illatio bo-
narum vel malarum conſequentiarum, ex actione
noſtra. *4ta.* Solertia ſeu acuties ingenij, quâ pe-
netramus tam finis intenti, quàm mediocum ho-
neſtatem, & bonitatem. *5ta.* Memoria variarum
experientiarum ſuarum vel alienarum. Proinde
major eſt prudentia in ſenibus quàm juvenibus,
quia ſenes plurium ſunt experti. *6ta.* Providen-
tia, ſeu præviſio futurorum eventuum. *7ma.* Cir-
cuſpectio ad omnes rei & actionis circumſtan-
tias. *8va.* Cautio, quæ repellit nimiam audaciam,
& ſibi fidenciam, nam & ſapiens perſæpe errat, &
graviter errat.

Gradus prudentiæ Chriſtianæ & Aſceticæ jux-
ta S. Bonav: l. de grad: Virt: c. 9. ſunt tres.
1mus. eſt Ordinare vitam, actiones & mores juxta
exemplum & doctrinam, Virorum proborum, &
in rebus animæ peritorum. *2dus.* Ordinare vitam
&c. juxta exempla & doctrinas Sanctorum. *3mus.*
Ordinare vitam &c. juxta exempla & doctrinas
Chriſti.

Actus & Signa Prudentiæ. 1. Nihil incipere
vel continuare, cujus te poſtea pœniteret, vel pu-
deret. 2. Nihil aggredi temere, & præcipitanter,
ad eſt vigente affectu, & paſſione vehementiori. 3.
Per malum eventum non turbari deliberate, nec
in animo concidere. 4. Inordinate in bono e-
ventu non lætari. 5. Nihil magnopere admirari.

6. In risus nimios nunquam effundi. 7. In omnibus actibus attendere ne DEUS offendatur, status prostituatur, proximus scandalizetur. 8. Ita res ad bonos & felices effectus deducere, ut merito credatur id fieri non posse nisi ab homine prudentissimo.

INSTITUTIO II.

De Virtute Iustitiæ.

Justitia sumitur dupliciter. *1mo.* Generaliter in quo sensu juxta *S. Ambro:* Virtutes completur omnes. Et in eodem quilibet homo virtuosus, & Sanctus vocatur. Iustus. Hujus vero Justitiæ [quam Christus suis sequacibus commendavit dicens: *Matth. 3.* Decet nos implere omnem justitiam) sunt duo Officia: Declinare a malo, & facere bonum. *2do.* Specialiter, & in hoc sensu describitur Justitia, quod sit Virtus inclinans ad jus suum unicuique tribuendum. Sic vero sumpta dividitur à Theologis, in quatuor Officia juxta quæ *1ma.* Justitia dicitur Legalis; quæ respicit justum & æquum, quatenus Reipublicæ, aut bono Communi status est conducibile. *2da.* Distributiva; quâ bona communia inter Personas Communitatis, servata proportionem meritorum distribuntur. *3tia.* Commutativa, quâ particulares Personæ inter se in commutationibus, & contractibus, æquitatem custodiunt. *4ta.* Vindicativa, quâ Superior suum subditum condignâ pænâ pro delictis suis punit.

Asce

Asceſeos vero Magiſtri alias quatuor ſpecies Juſtitiaſ assignant ap: Lochner. *1ma.* Juſtitia eſt in DEUM; Cui pröinde o homo Aſceticus Debes adorationem, tanquam DEO Deorum; Submiſſionem tanquam ſupremo Domino; Obedientiam, tanquam Supremo Legislatöri. Oblationem, & Sacrificium, tanquam omnium rerum Authori. Metum, tanquam juſtiſſimo Judici. Reverentiam, tanquam infinitæ Sanctitati. Admirationem, tanquam omnium mirabilium cauſæ, Dilectionem, tanquam amantiſſimo Patri. Gratiitudinem, tanquam liberaliſſimo Benefactori. Reſignationem, tanquam Sapientiſſimo Gubernatori. Noſtra bona, tanquam omnium Datori. Noſmet ipſos, tanquam Creatori, & Redemptori. Uberius de hoc vide Æmilianum Naiſſi.

2da. Juſtitia erga Patriam naturalem vel Spiritualem. vg. Statum aut Religionem. *Patria naturali* debemus bonam memoriam, & bonam obli-vionem, *Memoriam*, ut pro ejus pace, conſervatione, bono ordine &c. DEUM exoremus; & omnia bona eidem exoptemus. *Oblivionem*, ne ad eam, quam DEI amore jam reliquimus, ſæpe viſendam, inhabitandam; ſatiſidioſe, tædioſe, importune anhelemus. Memores illius quod dicitur. *Pſalm: 44.* Obliviſcere populum tuum, & domum Patris tui, & concupiſcet Rex decorem tuum. *Patria ſpirituale* nempe Religioni Sacræ debemus obſervantiam Rægulæ & legum, amorem & æſtimationem intimam, honorem & utilitatem per Vitam exemplarem, per doctrinam ſolidam, per labores ſtrenuos, per ſelum famæ illius. *L12 3tia.*

3^{ta}. Iustitia erga Parentes tam carnales, quibus debemus etiam Religiosi, tenerimum amorem, intimam reverentiam, orationem pro eis, compassionem in adversis, consolationem non solum Verba-
 balem sed realem per Vitam honestam, Sanctam, Defunctis vero suffragium usque ad ultimas Aras. Quam etiam Spirituales, qui nos in Christo genuerunt; qui nos, fovent & educant in Spiritu, ut sunt potissimum Magistri; Professores, Superiores, quibus debemus obsequentiam, amorem, reverentiam, gratitudinem.

4^{ta}. Iustitia est erga omnes, quibus juxta diversos gradus, diversa debemus. Omnibus quidem debemus veritatem, omnibus fidelitatem, omnibus dilectionem, omnibus ædificationem, omnibus suam utilitatem & salutem. Deinde Superioribus Obedientiam. Viris in Religione Majoribus respectum ac observantiam. egenis misericordiam, afflictis condolentiam, inimicis veniam, hospitibus officium, subditis disciplinam, peccantibus correptionem, errantibus emendationem, ignorantibus instructionem, dubitantibus consilium, peregrinis hospitium, desolatis solatium, necessitatem patientibus auxilium, omnibus tam Vivis quam Defunctis orationis suffragium.

Ad extremum vero licet Iustitia Philosophicè sumpta sit ad alterum tantum, Ascetice tamen accepta, necessario & meritorie debet esse ad se. Proinde nobismetipsis debemus. 1. Servare nos in Vita gratiæ, cavendo omne peccatum, quod solum occidit

occidit aut maculat animam. 2. Bonum usum, talentorum à DEO acceptorum, & gratiarum ad opera salutaria nobis concessarum. 3. Bonum usum temporis, ad mercandam æternitatem Beatam nobis concessi. 4. Amorem ordinatum & odium san-
ctum, ne aut nobis Vitam imprudenter abbrevie-
mus, aut amori proprio, desiderijs malis, passio-
nibus, indulgeamus. Nam Ioan: 12. Christus asserit:
Qui amat animam suam perdet eam.

Habes ergo Religiose Actus Iustitiæ, Asceticæ,
exerce illos, ut inter justos & sanctos recensere.

INSTITUTIO III.

De Virtute Temperantia.

Temperantia est Virtus per quam refrænatur
cupiditas circa ea quæ carnaliter delectant,
sive sint illicita, sive etiam licita, docente S. Pro-
spero l. 3. de vita contempl. c. 19. Temperantia
facit abstinentem, parcum, sobrium, moderatum,
pudicum, tacitum, ierum, & verecundum. Ex quo
inferunt SS. Patres, quod Temperantia sit mode-
ratrix omnium sensuum, ab eorum lenocinijs. Stri-
ctius tamen sumpta, potissimum ad refrænandum
gustum & tactum ordinata est.

Mores hujus Virtutis sunt. 1. Dignitas Crea-
turæ rationalis, quæ non ad hoc est condita ut co-
medat & bibat, delectetur, & lasciviat, alias bestijs
non esset Superior. Unde S. Chrysost. adhortatur.

Non ergo invertamus ordinem neq; sic ventri & voluptatibus carnis serviamus, quasi ob eam facti simus. 2. Vilitas & brevitas delectationis sensibilibus. Unde S. Gregor. Cum inquit culpa animum tentat, necessè est ut brevitatem suæ delectationis aspiciat, ne ad aternam mortem iniquitas rapiat. 3. Infelicissimi effectus, qui ex intemperantia gustûs, & tactûs consequuntur; sicuti enim Temperantia ignem libidinosa voluptatis extinguit, & mentem ab omni virtutum tempestate defendit, ita intemperantia ignem illum accendit, corpus inficit, & mentem confundit; 4. Exempla Christi, & Sanctorum, qui præ cæteris sensibus, gustui & tactui habenas nunquam laxarunt, & ne illicita committerent, etiã, à licitis abstinuere.

Actus Practici ac Media Temperantiæ. 1. Exercitatio animi & Corporis assidua; Quid enim in nobis famem, sitim, desideria sensuaria excitat, nisi otium? ut dicit Cass: lib. 10. Instit: c. 6. *Mens otiosi nihil aliud cogitare, novit, quàm de escis & ventre &c.* 2. Delicata, exquisita, nimium condita ferula cavere, similiter potus delicatos, qui non necessitati, non sanctitati, sed oblectationi serviant. 3. A jehcaulis, merendis, abstinere, nam ista hominibus non existentibus in magno labore & agitatione non sunt necessaria. Certe Christus S. Magdalenæ de Pazzi per Annos 24. ab his abstinenti dixit: Propter hanc mortificationem gula, preparata est tibi in calis mensa pretiosissimis cibis. 4. In comessationes, & crapulam nunquam effundi, come-

comedendo quasi canine, & bibendo quasi equine, & ingurgitando se belluine. 5. Qualibet die ab illo vel illo ferculo, poculo, obsonio, abstinere. 6. Nunquam cibus prægravare stomachum, nunquam inebriari, quod utrumq; Corpori, animæ, honori, decentiæ, est contrarium, & nocivum. 7. Solus oblectationis causâ non balneare, non fricare Corpus, non tangere mollia, non induere, non gestare, in cilitio munditias non quærere.

INSTITUTIO IV.

De Virtute Fortitudinis.

Fortitudo est Virtus animi, quâ labores, pericula, & aliæ occurrentes difficultates constantes suscipiuntur, & perferuntur.

Hæc Virtus juxta D. Thomam est coercitiva timoris, & simul moderativa audaciæ in periculis, nam sicut nimius timor non est Virtus sed pusillanimitas, sic nimia audacia non est Virtus sed temeritas. Unde S. August. docet: Quod fortitudo sit considerata periculorum susceptio, & laborum perpassio.

Fortitudo alia est *Philosophica*, quâ subeuntur pericula, vincuntur ardua, ob solam honestatem, vel sui securitatem. Alia *Christiana & Ascetica*, quâ subeuntur pericula, & ardua perferuntur propter DEI gloriam & amorem, ob zelum Fidei, & salutis animarum, ob honorem, integritatem, propagationem status Ecclesiastici. Religiosi, Prior solum est lauda.

laudabilis; Posterior & honesta & meritoria.

Motiva Fortitudinis sunt hæc potiora. 1. Exemplum Xp̃i Domini, qui pro nostra salute gravissimis periculis se objecit, usq; ad Passionem, usq; ad Crucem, usq; ad mortem. 2. Exemplum Sanctorum præcipue Martyrum de quibus, bene S. Cyprianus: Non cesserunt periculis, sed ipsis cessare pericula. 3. Diaboli confusio & debellatio; nam de hoc hoste vere dicitur: Est leo si cedas; si stas, ut musca recedet. Unde S. Petrus adhortatur: Cui resistite fortes in fide. 4. Gloriæ ac præmij æterni magnitudo; Quod si enim pro gloria peritura, tantum audent milites sæculi, quanta debent audere, tolerare milites Christi? Unde V. Thom: Kemp. l. 3. c. 47. hortatur: Geme, tace, ora, sustine viriliter contraria, digna est his omnibus, & majoribus prælijs vita aterna.

Gradus hujus Virtutis ex P. Lochner sunt tres
1^{mus} Occurrentes adversitates fortî & infractô animô suscipere, maxime si ex improvîso accidant.
2^{dus} Occasiones agendi & patiendi ardua vehementer desiderare, & Studiose quærere.
3^{tim} Cum magna alacritate & gaudio sive quæstas, sive ultro occurrentes excipere & amplecti.

Actus Fortitudinis ex P. Iac: Alvarez, sunt hi:
 1. Pericula mortis, infirmitatis, ob causam DEI, Fidei, Religionis, intrepide aggredi, & sustinere.
 2. Pericula famæ, honoris, ob defensionem Virtutis fortiter tolerare;
 3. Tentationes dæmonis intrepide sustinere, ac fortiter rejicere.
 4. Ardua quæquæ

quæque cum magna in DEUM fiducia aggredi.
 5. Mentis tranquillitatem, vultus serenitatem in
 adversis calibus retinere, & demonstrare. 6. Pe-
 ricula, vires nostras excedentia sine anxietate vin-
 cere. 7. Seipsum generose vincere.

C A P U T III.

De Virtutibus Capitalibus.

Quæ hoc nomine insigniuntur à nonnullis
 Ascescèds Magistris, eo quod opponantur
 septem vitijs Capitalibus, sintq; ceu fontes &
 Capita plurimarum Virtutum. Sit igitur.

INSTITUTIO I.

De Virtute Humilitatis.

Humilitas est virtus quâ homo ex intuitu
 propriæ conditionis vel fragilitatis sibi ipsi
 vilescit. Vel juxta S. Aug: Est ex intuita pro-
 priæ conditionis, & sui Conditoris, voluntaria sui
 ad ima dejectio. Proinde. Humilitas est 1mo. du-
 plex. Nempe; quo ad DEUM, & quo ad homines.
 DEO humiliamur, ob dona, quæ non à nobis, sed
 ab ipso habemus. Hominibus ob multiplices defe-
 ctus quibus scatemus 2do. est duplex. Alia Co-
 gnitionis, alia Affectûs, de quo melliflue dicit
 S. Bern: Serm. 4. de Adv. Considera in verbis

Christi [discite à me quia mitis sum & humilis corde] quoniam humilitas est duplex, altera Cogitationis, altera affectionis, quæ hic dicitur Cordis, Priore cognoscimus quod nihil simus, & hanc discimus à nobis ipsis, & ab infirmitate propria; Posteriore calcamus gloriam mundi, & hanc ab illo discimus, qui exinanivit semetipsum formam servi accipiens, qui etiam quesitus ad Regnum fugit, quesitus ad probra sponte se obtulit.

Motiva Humilitatis potiora sunt hæc. 1. Quod juxta omnes SS. Patres humilitas sit fundamentum stabile, radix, Mater & Custos omni virtutis, perfectionis, & sanctitatis. 2. Quod sit virtus Christi specialissima, ejus verbis ultra omnes alias commendata; ejus exemplo admirabili confirmata. 3. Quod illa præ ceteris Virtutibus homines exaltet, in gratia & gloria, juxta Christi oraculum *Matt. 23.* Omnis qui se humiliat, exaltabitur.

Gradus Humilitatis varij à varijs disponuntur. Juxta SS. *Bonav.* & *Ignat. de Objola* sunt hi 1. Superiori subdi. 2. Æquali non præferri. 3. Minori plus subdi quam præferri. Juxta *Richard à S. Vict.* Sunt alij quos recenset dicens. 1. Humilis est qui seipsum apud semetipsum veraciter contemnit. 2. Humilior est, qui se contemni ab alijs non refugit; 3. Humillimus vero, qui contemptum suum non solum contemnit, sed admodum concupiscit.

Actus Practici Humilitatis. Sunt hi 1. DEO se per omnia subijcere in omnibus agendis & patientis,

dis, in omnibus prosperis & adversis, uti supremo Domino & Gubernatori nostro. 2. Donis Divinis indignum, ingratum & infidelem, se reputare. 3. Sibi ipsi semper diffidere, ut fragili, mobili. 4. Humilia Officia appetere, libenter suscipere, honorifica non ambire, non curare, oblata æquanimiter acceptare, sine fastu administrare. 5. Proximo etiam minori se submittere, cedendo proprium locum, sensum &c. 6. Nec signo, nec verbo, nec opere, aliquem fastum, contemptum cuiusquam demonstrare. 7. Nolle laudari, & honorari, nam verus humilis teste *S. Bern. S. 16. in Cant.* vilis vult reputari, non humilis prædicari. 8. Se omnium vilissimum stultissimum, inutilissimum, reputare, nam ut dicit Thom: Kemp: *Non reputes te aliquid profecisse in humilitate, nisi omnibus inferiorem te sentias.* 9. Propria opera bona non buccinare, non magnificare coram alijs. 10. Aliena opera non depretiare, non extenuare, & neminem, nisi se despiciere.

Nota Quod Humilitas Christiana & Ascetica opponitur Vitio Superbiæ, quæ est immoderatus appetitus excellentiæ, qui trahit post se immoderatam gloriationem, præferentiam sui, contemptum aliorum, anbitum honorum, supplantationem competitorum, & omnia fere vitia. Unde dicitur *Eccl: 10.* Initium omnis peccati est Superbia. Et *S. Bernardo* teste c. 4. De domo interiori. Superbia est origo omnium criminum, ruina omnium virtutum, ipsa enim est in peccato prima, ipsa in-

conflictu postrema, ipsa aut in exordio mentem per peccatum prosternit, aut in fine de Virtutibus desicit; idcirco omnium peccatorum est pessima, quia tam per virtutes, quam per vitia humanam mentem exterminat. Proinde ultra omnia vitia ab homine Christiano, & Ascetico remis, velisq; fugienda est.

INSTITUTIO II.

De Virtute. Paupertatis.

Paupertas est virtus per quam omnia temporalia, uti opes, dominia, possessiones, ob amorem DEI, & imitationem Christi affectu, vel effectu abdicamus. Non enim hic sumitur, Paupertas pro illa mendicorum, spoliatorum, prodigorum, nihil aut parum habentium, nam hæc potius est penuria, & sæpe conjuncta cum ardenti avaritia; Nec sumitur pro illa Philosophorum, qui vel studio quietis, vel alio fine humano divitias contempserunt, ut Crates & alij. Sed sumitur Christiane & Ascetice.

Paupertas Christiana est Duplex. *Alia in affectu.* consistitq; in hoc quod homo etiam pollens opibus, & divitijs, ad eas cor non apponat, sed eis utitur liberaliter, in earum accumulatione non est fervidus, in amissione non est turbulentus, aut desperatus, de qua Paupertate dicitur *Psal 61.* Divitiæ si affluant nolite cor apponere. Talis Paupertas est omnibus Christianis communis, & ad salutem necessaria. *Alia in effectu*, quæ consistit in reali abdica-

abdicatione omnis juris, domini, possessionis rerum temporalium propter DEUM. Et hæc est supererogatoria, Evangelica, Ascetica, propria hominibus Religiosis.

Paupertas hæc Ascetica rursus est duplex. *Altera est communis* fere omnium Religiosorum, quæ consistit in abdicatione omnium temporalium in particulari, retento tamen jure ad ea in Communi; *Altera specialis*, & propria Ordinis nostri Seraphici FF. Minorum, Regulam S. P. Francisci servantium ad literam, quæ sic describitur. *Paupertas FF. Minorum est realis additio omnis juris politici cujuscunque rei temporalis, tam quo ad rem ipsam, quam quo ad ejus usum, tam in particulari, quam in Communi, propter DEUM.*

Motiva Paupertatis Ascetica sunt hæc potentiora. 1. Exemplum Regis Regum, & Domini dominantium, qui nihil proprium in terris habere voluit, ut dicit S. Paulus 2. Cor. 8. Quoniam propter vos egenus factus est cum esset dives, ut illius inopiâ vos divites essetis. 2. Exempla SS. Apostolorum, & innumerorum, fidelium in Religionibus DEO famulantium, etiam Cæsareâ, Regiâ dignitate fulgentium, qui propter DEUM cunctis opibus paupertatem Evangelicam prætulērunt. 3. Mirabilia Divinæ Providentiæ documenta super Religiosos, pauperes quæ in nostro Ordine sunt præcipua & quotidiana; dum nulla prædia, nullos census, nullos redditus etiam victualium habentes, sufficienter necessarijs providemur, & sapissime nec

quærentes nec sperantes. 4. Quia Paupertas Evangelica nos liberat & affecurat, à periculosissimo genere peccati, nempe ab injustitia, cum nec lucra quæramus, nec commercia exerceamus, nec aliena rapiamus, utpote nullum jus habentes. 5. Quia Paupertas maxime nostra Minoritica juxta S. P. N. Franciscum *Opusc. 1. Collat. 5.* Ordinis nostri est fundamentum, cui substrato primario sic omnis structura Religionis innititur ut ipsius firmitate firmetur, & everfione funditus evertatur. 6. Quia nobis singularissime affecurata est prima illa Beatitude. *Beati pauperes Spiritu quoniam ipsorum est Regnum Calorum.* 7. Quia paupertas nostra liberat nos à curis plurimis, à litibus, inimicitijs, calumnijs, invasionibus, prædationibus, & dissipatione spiritus per negotia temporalia.

Gradus Paupertatis præcipue Minoriticæ sunt hi. 1. In rebus ad usum proprium Conventus, Ecclesiæ necessarijs, non quærete, non admittere superflua, curiosa, pretiosa, exquisita, sed modicis, & vilioribus uti. 2. In defectu & penuria necessariorum non diffidere, non anxari, non commoveri animo. 3. In omni penuria gaudere, nec metuere paupertatem, at potius metum paupertatis.

Actus Paupertatis præsertim Minoriticæ. 1. Nihil penitus sibi ut proprium arrogare. 2. Nihil absq; licentia Superiorum procurare aut retinere. 3. Nihil Conventui, aut sibi procurare à Benefactoribus importune, dolose, turbulenter, ex quo appareat affectus

affectus avaritiæ; 4. Damna Conventus, & prodigalitatem in usu rerum, studiose vitare. 5. Omnem receptionem, usum, administrationem, contrectationem pecuniæ, ut pestem Religionis nostræ cavere, & abhorrere. 6. Nihil ex rebus ad usum necessarijs coram superiore celare. 7. Gaudere semper in animo, gratias agere DEO, quod se ad statum altissimæ paupertatis vocaverit.

Nota Quod Paupertas Ascetica opponatur [& longe quidem magis, quam liberalitas, quæ opponitur directè prodigalitati] Vitio avaritiæ, quæ est cupiditas immoderata pecuniæ, divitiarum, possessionum, ac proprietatis ad illa. Estq; peccatum omnibus communissimum, juxta illud Habac 2. *Avaritia in capite omnium.* Est peccatum periculosissimum, cum sit quasi insensibile, totq; pulchris coloribus, & honestis titulis palliatum, ut vix alicujus conscientiam moveat; Est peccatum injuriosissimum; cum avari nec in DEUM, nec in proximum, nec in se liberales sint, vivunt sordide, tenaciter, jejune, fiuntq; in vita, & post mortem Martyres diaboli.

INSTITUTIO III.

De Virtute Castitatis.

Castitas est Virtus, quæ ab impuris voluptatibus carnis abstinemus.

Castitas ;

Castitas est *imo* Duplex. *Alia perpetua* quæ à voluntaria pollutione corporis per totam vitam abstinet, & appellatur Virginitas. *Alia non perpetua* quâ quis post amissam Virginitatem de cætero ab omni impura voluptate abstinet & vocatur Continentia: de quâ tamen recte dixit Cæsarius: *Longa Castitas post peccatum est imitatrix Virginitatis.* 2do. est Duplex: *Alia est Communis*, omnibus Virginibus, & continentibus, ex bono proposito, ob amorem & timorem DEI, ab omni illicita voluptate abstinentibus. *Alia Ascetica* Voto robodata, in quacunq; Religione Sacra, præsertim in nostra Seraphica, quæ ex obligatione Regulæ non solum interdicit quamcunq; turpem voluptatem carnis in se vel cum alijs, sed etiam omne suspectum consortium cum altero, vel quasi altero sexu, ut patet ex *Cap: 10. Regulæ.*

Motiva Castitatis Asceticæ. Sunt hæc potiora.

1. Exemplum Innocentissimi Filij Matris Virginæ, qui nedum animo, & corpore fuit sanctus, innocens, impollutus, sed etiam tantus puritatis amator ut neq; sinistram opinionem de se in materia Castitatis permittere & pati voluerit, nam constat nullum ex illius hostibus fuisse, qui in casti aliquid Christo imposuerit.
2. Castimonix honor æstimatio, apud DEUM & homines, etiam incastos, qui sicut Æthiopes licet sint nigri, albos tamen amant, & æstiment, sic illi quoq; castos.
3. Luxuriæ turpitudine, propudium, damna famæ, honoris, corporis, vitæ, &c. panæ à DEO gravissimæ temporales,

rales, & inveteratis in hoc malo æternæ. 4. Animi libertas, conscientię quies, ex observantia Castitatis proveniens, ex qua sequitur confidentia ad DEUM, unio mentis cum DEO, uti purissimo spiritu, vita in tempore jucunda, in æternitate beata.

Gradus Castitatis Asceticę sunt hi 1. In Vigilia & cum advertentia, nullam delectationem veneream corporis, vel mentis admittere. 2. Nullam illusionem turpem data quacunq; culpabili causa in somno pati. 3. Ab illis etiam motibus carnis qui causas cæteroquin naturales habent, tam in somno quam in vigilia liberum esse, quem gradum à paucissimis obtineri ait Cassian. 5.

Actus Prædici & Media Castitatis Asceticę. 1. Alterius sexus consortia familiaritates, obsequia, lenocinia, fixos aspectus, longam conversationem, omnino devitare. 2. Visa, lecta, audita, in materia luxurię ob aliquam justam causam, velut aliquod opus simplex, & nobis extraneum excipere cum magnanimitate, & contemptu generoso. 3. Cor diligenter custodire ab affectibus teneritudinis erga venustates formositates &c. nam facile degenerant in libidinosos. 4. Corpus macerare jejunijs, vigilijs, disciplinis, &c. nimijs escis & potu calido non sufflammare. 5. In prælio Castitatis nunquam sibi fidere, & sæpius coram DEO profiteri: Domine non possum esse continens, nisi tu DEUS dederis. 6. In tentatione cum viva fide recordari SSmi Sacramenti, mittendo affective ad illud cor suum, adorando, obstringendo Christum Dominum per

realem ejus præsentiam, per amarissimam Passionem, per viscera misericordiæ ejus, immergendo Cor suum in purissimo Sangvine ejus. 7. Proster-
nendo se in terram vg: in Cella orando ferventer
vg. Salvate me Vulnere JESU mei: Passio C. J.
conforta me: Monstra te esse Matrem ô Virgo Im-
maculata! non suagam, non dimittam te ô JESU
ô Maria, donec &c. 8. Convertendo se ad aliqua
opera utilia, ad laborem, ad lectionem; 9. Com-
memorando sibi aliquam Crucem suam, & offe-
rendo DEO tanquam munus ad exorandum donum
Castitatis.

Nota. Quod Castitas opponatur Vicio Luxuriæ,
quæ est appetitus inordinatus rei veneræ seu libi-
dinosæ, contra legem Divinam vel rectam ratio-
nem. Estq; peccatum difficulter evitabile. DEO,
Angelis SS. & ipsis dæmonibus detestabile. Ho-
minem transformat in bestiam, operantem juxta
ductum sensualitatis effrænæ. Inveteratum lon-
go tempore, vix est extricabile. In quacunquè spe-
cie sua est mortale, inferno dignum. In Sacra
DEO Persona vg. Religioso est Sacrilegium. Pro-
inde in suis principiis extirpandum, & semper fu-
giendum.

INSTITUTIO. IV.

De Virtute Patientia.

Patientia est Virtus, quâ injuriæ & aliæ ad-
versitates, æquanimiter sustinentur, tam inte-
rius

nus in corde, quam exterius in opere, id est nec in animo concidendo ex tristitia. nec in opere vindictam inferendo.

Patientia ratione materiæ seu damnorum juxta P. Balthasar Alvarez est Quintuplex. *1ma* In *damnis fortuna* ut sunt Opes, fundi, jura &c. *2da*. In *malis Corporis* ut sunt famez, siccis, frigus, æstus, morbi, labores, vulnera &c. *3tia* In *malis fama*. Ut sunt contemptus, ludibria, contumeliæ, calumniæ &c. *4ta*. In *malis animi*. Ut sunt desolationes spiritûs, scrupuli, confusio intellectûs &c. *5ta*. In *malis proximi*. Ut sunt cognatorum, amicorum, infortunia, mortes, pravi mores. &c.

Motiva Patientiæ sunt hæc potiora. 1. Exempla Christi Domini admiranda, Omniumq; SS. ejus, quos oportuit per multas tribulationes intrare in Regnum DEI. 2. Quia omnia mala temporalia quæ patimur, proveniunt à DEI voluntate sapientissima, Sanctissimâ, ac ter Optimâ, adeoq; ad bonum ordinantur. 3. Quia per Patientiam vitia curantur, purgatorium evitatur aut minuitur, tentationes carnis superantur, charitas proximi retinetur, & amor DEI singularius comprobatur. 4. Quia sicut ira, quædam insania est, bestiisq; furiosis hominem assimilât, ita patientia magna sapientia est, hominemq; bonis Angelis, & Christo ipsi patienti assimilât.

Gradus Patientiæ sunt hi, *1mus*. Fortiter tolerare, quod ferendum occurrit, licet cum gravi &

Sensibili dolore. *2dus.* Libenter tolerare mala, absq; gravi animi dolore. *3tus.* Hilariter tolerare mala cum vero gaudio, & desiderio, plus patiendi, ob amorem DEI & imitationem Christi. In quali gradu fuit ille Sanctus, qui in cruciatibus clamabat ad Dominum. Amplius Domine amplius! Et illa Sancta quæ clamabat: Pati non mori.

Actus Practici & Media Patientiæ. 1. Amori proprio bellum indicere, eumq; omni conatu expugnare, nam ex illo procedit omnis impatientia. 2. Passionem innocentissimi Salvatoris ob oculos mentis jugiter ponere; 3. Primos motus iræ cohibere in offensis, & injurijs, silendo locumq; iræ dando, nam cum tempore deferbescet. 4. In angustijs & miserijs quibusvis, nihil perturbate; clamorose furiose agere. 5. A convitijs, maledictis, execratione, semper linguam compescere. 6. Injurias in vulneribus JESU Christi demergere, sepepire. 7. Quæcunq; adversa, molesta. DEO offerre pro peccatis, pro impetratione Virtutum, ad gustum beneplacitumq; Cordis ejus. 8. Quamcunq; suam impatientiam castigare, aliquâ mortificatione, vgr. lingvâ terram verrendo, &c. 9. Cogitare semper se esse reum coram DEO, & plura meruisse sustinenda.

Nota Quod Patientia largius sumpta opponatur amori proprio & alijs passionibus. Strictius tamen sumpta opponitur vitio Iræ, quæ est appetitus inordinatus vindictæ sumendæ de adversario pro malo illato, quæ quidem vindicta aliquando est *in signo* uti.

ut in agitatione Capitis, corvitate oculorum &c. aliquando *in Verbo* ut in convitijs, exprobrationibus, execrationibus, &c. Vel *in Opere* ut in protruſione, percuffione. &c. Quæ omnia ab homine Aſcetico debent eſſe penitus aliena; at fugienda quoq; eſt vindicta per alios modos, ut fit accuſatione apud Superiores, denigratione famæ, durâ reſponſione, & ſimilibus modis.

INSTITUTIO. V.

De Virtute Abſtinentiæ.

Abſtinentia eſt Virtus, quâ voluptatem in uſu Cibi, & potus refrenamus, & debitum modum in eorum ſumptione conſtituimus.

Abſtinentia varie dividitur. *1mo.* In *Naturalem* per quam ab omni prorsus Cibo & potu abſtinemus. qualis ante ſumptionem SSmi Sacramenti, à media nocte requiritur. *2do.* *Eccleſiaſticam*, quâ uſum Carnium nobis ſubtrahimus, & unicâ tantum reſeſtione, contenti ſumus, ut in Quadrageſima, 4. temporibus, & Vigilijs SS. *3tia.* *Aſceticam*, quâ propter DEUM à quocunq; exceſſu in cibo & potu nos reſtringimus.

Motiva huiusce Abſtinentiæ ſunt potiora. 1. Quia Divinam Miſericordiam nobis conciliat; Sic Nini-viæ jejunio ſuo iram DEI averterunt. 2. Quia orationem noſtram DEO gratiorem facit, bona enim eſt oratio cum jejunio. *Tobia 12.* 3. Quia

per jejunium dæmones vincimus, hoc enim genus dæmoniorum non eiicitur niſi in oratione, & jejunio. 4. Quia jejunium nos reddit ſimiles Chriſto abſtinentiſſimo, & ô quam immanem ſitim patienti in Cruce. 5. Quia abſtinens, adiçiet ad vitam Corporis, animæ, gratiæ, gloriæ. 6. Quia gula multorum morborum eſt cauſa, maxime autem ebrietas mater eſt omnium vitiorum, ſcandalorum, duellorum, indevotionum, inſuper proli dolor quam pernuktis hypochondriæ, inſaniæ, & mortis repentinæ? 7. Juxta Chriſoſtom: *hom: 5.* De jejun: Jejuna quia peccaſti, jejuna ut non pecces, jejuna ut accipias, jejuna ut permaneant, quæ accepisti.

Gradus Abſtinentiæ. Sunt hi. *Imus.* Moderatè uti Cibo & potu quocunq; , licet cum remurmuratione ſenſualitatis plura cupientis. *2dus.* Moderatè & ſobriè uti ſolis neceſſarijs, abſq; remurmuratione hujusmodi. *3rius.* Solis extreme neceſſarijs, parciffimè uti, cum intimo gaudio, & deſiderio nec his utendi.

Actus Præctici & Media Abſtinentiæ. 1. Cibos ab Eccleſia vetitos, pro tempore quo prohibentur non ſumere. 2. Jejunia Eccleſiaſtica nec non ex propria Regula, aut Inſtituto ordinata, cuſtodire, & ex conſilio aliqua non præcepta ſuſcipere. 3. Horâ conſuetâ ſecundum morem Religionis in qua vivis, non citiùs manducare. 4. Determinare ſibi certam quantitatem Cibi & potiùs juxta rationem & neceſſitatem, nihil plus ſumendo. 5. Solitam pleriſq; cupiditatem multum de fructibus comedend-

medendi, abſcindere. 6. Etiam in ſeneſcute Sobrietati ſtudere. Alios Adus Vide *Cap: 2. In Tit: de Temperantia*, nam hujus pars eſt Abſtinentia.

Nota Abſtinentiam opponi vitio gulæ, quæ eſt appetitus immoderatus Cibi & potius, ex quo provenit ut gulæ dediti comedant, bibant ardentem, præpropere, frequenter. Eſtq; vitium, hominum otioſorum, imprudentium, quorum præcipui cogitatus ſunt de poculentis & eſculentis, præcipuè curæ, expenſæ, pro implendo, ventre & gutture ſatiando. Eſt vitium quod plures Catholicos inducit in contemptum legis Eccleſiaſticæ, de jejunijs, ut conſtat experientia, quod ſi excedant in potu facit eos ſtupidæ & emotæ mentis. Promde ab Aſceticis Viris ſtudioſe cavendum.

INSTITUTIO. VI.

De Virtute Benignitatis.

BENIGNITAS eſt Virtus triſticiam de alieno bono ſeu felicitate, ex animo excludens. Hæc Virtus ex Charitate profluit, nam dicitur *Rom: 13.* Charitas patiens eſt, benigna eſt.

Motiva Benignitatis ſunt hæc potiora. 1. Quia opponitur turpiſſimo vitio Invidia, nempe illi, quod ab ipſo inviolo quam maxime celatur. 2. Quia Benignitas hominem D E O, facit ſimilem, qui omnia bona ſua communicat amanter alijs, ſimilem Ss. Angelis, & Beatis, quorum eſt ſine invidia

dia communio. 3. Quia hominis animum reddit liberum, & jucundum. 4. Reddit hominem immunem à peccatis contra iustitiam, & charitatem. benignus enim homo neminem supplantat, neminem traducit, neminem odit, nemini sua rapit.

Gradus Benignitatis sunt hi. *Imus*. De aliena felicitate non tristari graviter. *2^{us}*. Non tristari leviter. *3^{ius}*. Gaudere intime & congaudere bono alterius.

Actus Practici Benignitatis. 1. Serio cordi imprimere, quod omnia bona quæ videmus, in proximo, sunt dona DEI, libere & amanter illi collata. 2. Lætari de bonis alterius, tanquam ijs, quibus utiq; DEUS glorificatur. 3. Benefacta vel doctes aliorum non tegere, non obumbrare, non extenuare malitiose; 4. Non impedire aliorum beneficiorum famam, honorem, promotionem, ex solo livore. 5. Non rimari iudicia DEI, non succensere quare alij dat hæc vel illa dona, non tibi, nunquid enim oculus tuus nequam est? quia DEUS bonus est.

Nota. Quod benignitas ut jam innui opponatur Vicio Invidiæ, quæ est tristitia inepta & injusta de aliena felicitate. Estq; Vitium nimis commune; nam invidia etiam Sanctos adussit, quantum magis inflamat peccatores? Est vitium quod hominem facit pejorem diabolis, quia diaboli suis socijs non invident. Est juxta S. Gregor: *Nissen. l. de vita Moysis*. Mortifer stimulus, mucro reconditus, naturæ morbus, bilis venenosa, tabes sponte ad-

te adhibita telum, amarum, flamma cordis, intestinorum ignis. Proinde ab homine Ascetico, per omnia fugiendum; & intimâ proximi Charitate vincendum est.

INSTITUTIO VIII.

De Virtute Devotionis.

DEvotio est pia affectio voluntatis, quâ homo paratum, promptum, ac fervidum se offert ad cultum, servitium, obsequium DEI, & implendum omne ejus beneplacitum. Ex quo infer. Juxta omnes SS. Patres, & Magistros Asceticos, præsertim S. Franciscum Salesium; l. 4. Introduct: c. 13. Ludovic: Blossum in Brev. Regul: n. 19. & alibi. 1mo. Devotionem veram non consistere in solis diutinis orationibus, frequentibus precibus, nam talem devotionem [ut advertit Blossius] & Hæretici & Gentiles plerumq; habent. 2do. Non consistere in affectibus sensibilibus, amore, dulcedine, consolatione plenis, siquidem hæ affectiones nonnunquam sunt naturales magis, quam Divinæ, & in eo etiam corde, quod à DEO est alienum gigni possunt, ut dicit præfatus A.leta in Canone Vit: Spir: c. 26. experimurq; fæminas aliòqui sævissimas, injustissimas, avarissimas, multum precationibus instare, & in lachrymas revolvi, aliosq; sensibiles affectus in ijs sentire, imo & ebriosis hoc

plerumq; contingit. *3tio.* Hallucinari circa devotionem veram nonnullos etiam Religiosos, qui putant se admodum devotos, si multa Rosaria, Coronas, Officia SS. quotidie recitent, longo tempore & per multas preces præparent se ad Missam vel Communionem, horas consumant in celebratione Missæ cum molestia audientium Interim propter hæc suæ quasi pietatis exercitia parati sunt eludere obedientiam, Officia sibi commissa non perficere, obsequia Charitatis omittere, Nullum zelum salutis animarum habent, passim vivunt inquieti, importuni, impatientissimi, critici, tetrici, à variis, intolerabiles alijs, & ceteris vitijs tentantes.

4to. Tandem infer devotionem veram juxta datam ejus descriptionem, in hoc sitam esse, quod homo Christianus quasi totus devoveatur DEO, omnibusq; suis actibus, & conatibus, velit studiose DEUM suum colere, honorare, & magnificare eum in laude: ad hoc omnia studia sua, laborem industriam, impensas conferre, ut in omnibus honorificetur DEUS, ad hoc omnes vires suas coaptare, ut voluntatem ac beneplacitum DEI impleat, sive in prosperis sive in adversis, sive in præceptis, sive in consilijs, nulloq; peccato displicentiam DEO faciat.

Motiva hujusmodi veræ Devotionis, hæc sunt potiora. 1. Altissima & infinita dignitas DEI nostri, omni honore, Cultu & amore nostro dignissima, 2. Voluntatis Divinæ in omnibus suis operibus, præceptis, consilijs, maxima sanctitas, bonitas,

nitatis, & rectitudo 3. Finis nostræ Creationis, Redemptionis, gratiarum multitudinis, qui non alius est, nisi ut à nobis colatur, ameturq; DEUS, & voluntas ejus in nobis impleatur.

Gradus Devotionis sunt hi: *Imus.* Colere DEUM, voluntatemq; ejus implere studiose ac sincere. *2dus.* Colere DEUM & frequenter ac ferventer. *3tius.* Colere DEUM &c. excedenter, id est usq; ad defectionem virium, & vitæ, quem gradum confenderunt. SS. Martyres, & Viri Apostolici innumeri.

Actus Practici Devotionis. 1. Elevare mentem, & cor suum dirigere ad DEUM, sive orando, sive operando, ex desiderio colendi DEUM. 2. Orationes suas absolvere intentione sublimi, corde humili, spiritu collecto, mente attenta ad præsentiam DEI, & summam ejus dignitatem. 3. Orationes ex instituto Ecclesiæ aut Religionis consvetas tum vocales, tum mentales, non omittere, non detruncare, sed cum omni diligentia & fervore absolvere. 4. Quantum permittit tempus, negotia honesta, obedientia, & charitas orationi & laudi Divinæ insistere. 5. Alios ad frequentem ferventem, & perfectam DEI laudem, verbo, exemplo, alijsq; modis allicere & adducere. 6. Missæ Sacrificia ut pote quibus maxime honoratur Divina Majestas, reverentissime audire, & celebrare. 7. SS. Eucharistiæ Sacramentum, sæpius humiliter sumere, visitare, adorare. 8. Laudare DEUM in Bs. Virg. & SS. ejus eos coken-

do & pro posse imitando, nam ut dicit S. Chry-
 sost: hom. sup. Matt. c. 28. *Quæ est ista devotio,
 Sanctos colere, & sanctitatem contemnere?* 9. Con-
 formari Divinæ voluntati in omnibus, cum resigna-
 tione, gaudio, & adoratione ejus. 10. In actionibus
 & passionibus suis intendere gustum & beneplacitum,
 Cordis Divini. 11. Omne peccatum studiose cave-
 re, & averfari, ut pote quod solum DEO displicet.
 12. Virtutes sectari; in illis proficere, nam hæc
 est voluntas DEI sanctificatio nostra. 13. Zelo Vi-
 vini honoris impedire ne DEUS ab alijs offenda-
 tur, & curare ut laudetur, ac honoretur, ab omni-
 bus, ut ejus nomen ac fides quam plurimis in-
 notescat. Sacra Christiana condigne tractentur,
 Ritus, Ceremoniæ Ecclesiasticæ debite servantur,
 superstitiones in Cultu DEI rescindantur, verbo:
 ut ab omnibus adoretur DEUS in spiritu & ve-
 ritate.

Nota. Quod Virtus Devotionis opponatur Vi-
 tio Accediæ quæ est Tristitia, & averfio mentis à
 rebus Divinis, salutariis, & Spiritualibus, è qua
 provenit langvor ac tædium in DEI cultu, in im-
 plenda ejus voluntate. Quò in animam admissio la-
 us DEO debita negligitur, vel coactè fastidiosè,
 fraudulenter, persolvitur; gratiæ Divinæ, lumi-
 na Cælestia, dictamina interna iterilescunt, talen-
 ta cælitùs data infodiuntur, & damna meritòrum
 gravissima incurruntur. Imo Acedia est notabi-
 le signum imperseverantiæ in statu Christiano, Re-
 ligioso; Proinde mox ab initio conversionis ab ho-
 mine Ascetico excutienda.

C A P U T IV.

De Virtutibus Integralibus

INSTITUTIO I.

De Virtute Obedientia.

Obedientia est Virtus, quæ promptam reddit hominis voluntatem ad implendam voluntatem præcipientis.

Obedientia spectando personam cui præstatur est
1mo. Duplex. *1ma.* erga DEUM, per quam omnia à DEO præcepta implentur. *2da.* Erga hominem Vice DEI præsentem, & præcipientem, per quam omnia iussa Superioris, honestati, atq; rectitudini conformia, quoquomodo expressa, implentur.
2do. Est Duplex. *Alia est Communis* & omnibus ad salutem necessaria, quæ ex Divina institutione debet à quolibet populo præstari Regibus, Magistratibus, Prælati Ecclesiæ, [uti Papæ, Episcopis, Parochis] Item quam ex habere debent filij Parentibus, Uxores Maritis, servi Dominis. *Alia Specialis* Ascetica & Supererogatoria, quæ, voto solemni vel simplici firmatur, qualis Obedientia est in Religiosis. Quæ quidem in nonnullis Religionibus est limitata, vi cujus obedire tenentur subditi Superioribus, in ijs tantum quæ in eorum Regula continentur. In nostra vero Seraphica Religione

est Illimitata; nam vi ejus tenemur obedire Superioribus in omnibus quæ non sunt contra animam & Regulam nostram idq; ex præcepto Regulæ c. 10.

Motiva Obedientiæ Asceticæ. Sunt hæc poriora. 1. Quod sola Obedientia vel maxime nos faciat discipulos & imitatores Christi, qui factus est Obediens pro nobis usq; ad mortem, maluitq; vitam ponere, quam Obedientiam Patris non implere. 2. Quia Obedientia primum locum obtinet inter Vota Religiosorum, estq; illis eminentior, quia per Paupertatem macerantur bona homini extranea, per Castitatem bona Corpori, per Obedientiam vero anima, seu voluntas propria DEO maceratur. 3. Quia per Obedientiam quæq; opera etiam exigua, etiam indifferentia, evadunt summe meritoria. 4. Quia juxta S. Gregor. Si obedientes fuerimus Prælati nostris, DEUS obediet orationibus nostris. 5. Quia vir Obediens loquetur victorias. Prov. 21. id est victoriam ex carne, ex amore proprio, judicio, ac voluntate. 9. Quia juxta S. P. N. Franciscum Orat. 27. Obedientia est fidei opus, probatio vero spei, argumentum Charitatis, mater humilitatis, & genitrix pacis DEI, quæ exsuperat omnem sensum.

Gradus Obedientiæ sunt hi. 1mus. Obedire propter DEUM libenter & hilariter nam ex S. Bern: Serenitas in vultu, dulcedo in sermonibus multum colorant obedientiam obsequentis. 2dus. Obedire simpliciter, absq; contradictione, disceptatione, explicatione. 3tus. Obedire velociter seu prom-
pte nam

pte nam ex *S. Bern:* Fidelis obediens nescit moras, parat oculos visu, linguam voci, aures auditui, manus operi, pedes itineri. &c. *Actus.* Obedire usq; ad mortem *perseveranter* idq; Christi exemplo.

Actus Practici Obedientiæ. 1. Magnam de suis Superioribus æstimationem concipere, & fovere, eo quod Christi vicem gerant. 2. Indifferentem esse ad omnem locum, Officium, negotium, tempus, ab excusationibus abstinendo. 3. Punctualiter exequendo omia demandata sibi officia, obsequia si-
ve communia. si-ve privata. 4. Non solum expres-
sum præceptum Prælati, sed etiam undecunq; co-
gnitam voluntatem, cum omni diligentia ac perfe-
ctione, implere. 5. Privata bona opera v.g. de-
votiones, studia, Obedientiæ postponere. 6. Omnes
actiones quæ in Religione occurrunt, ex Obedientia
perficere. 7. Nunquam proterve excutere, aut
dolose Obedientiam eludere. 8. Ex Obedientia
mori, ut passim Sancti fecerunt.

INSTITUTIO II.

De Virtute Penitentia.

Penitentia est Virtus, qua peccata nostra ut
sunt DEI offensa detestamur, & eadem effica-
citer vindicare expiare, & deinceps cavere statu-
imus, nam juxta *S. Greg.* Penitentia est commis-
sa plangere, & plangenda non committere.

Mori.

Motiva Pœnitentiæ. Sunt doctora: 1. Quia dignus est DEUS, ut quem offendimus deprecemur, & dishonorem ac injurias ejus Majestati per peccata illatas, quoquomodo restituamus. 2. Quia digna est anima nostra imagine DEI Signata, prætioso Sangvine JESU Christi rubricata, ut ejus maculas lachrymis pœnitentiæ abstergamus, eluamus. 3. Quia digna est salus nostra, beatitudo nostra quam si per peccatum amisimus, ut per pœnitentiam rursus eam sartam, & salvam nobis faciamus. 4. Quia dignum est ut DEO vocanti nos, expectanti, sicienti nostram conversionem, nostram salutem, respondeamus, per pœnitentiam. 5. Quia nihil aliud nobis restat peccantibus, nisi unum ex his, aut pœnitendo æternum beari, aut non pœnitendo æternum damnari. 6. Exempla innumera heroicæ, prodigiosæ pœnitentiæ tot sanctorum longe minus nobis peccantium.

Gradus Pœnitentiæ sunt hi. 1mus. Punire in se ulcisci & vindicare, injurias DEO illatas in omnibus sensibus & potentijs *libenter & ex animo*. 2dus. Punire eas *Viriliter & fortiter* absq; conniventia usq; ad sensibilem dolorem corporis ac animi. 3tus. Punire eas *heroice & violenter* ut fecerunt plurimi sancti, ex particulari inspiratione & gratia DEI, 4tus. Punire eas *insatiabiliter* incessabiliter usq; ad mortem.

Actus Prædici Pœnitentiæ. 1. Agnoscere sua peccata sincere, neq; eorum gravitatem extenuare; 2. Dolere de peccatis intime & frequenter, *ob sum.*

ob summam DEI Sanctitatem, dignitatem & bonitatem. 3. Confiteri peccata tua integre, humiliter, cum desiderio suæ confusionis & contemptus pro illis. 4. Satisfacere DEO pro peccatis, tum per injuncta à Confessario opera pœnalia, tum per assumpta voluntarie, tum offerendo DEO pro peccatis, omnes rigores & austeritates Religionis, tum offerendo omnes molestias corporis & animi sive innatas sive illatas, tum injurias, vexas, heroice condonando, tum ingraticudines, odia hominum, patienter decoquendo. 5. Contrarias Virtutes peccatis suis exercendo, vg: humilitatem superbix, austeritates delicijs, abstinentiam gulæ oponendos juxta illud Apostoli *Rom 16*. Sicut exhibuistis membra veltra servire injustitiæ ad iniquitatem, ita nunc exhibeatis servire justitiæ in Sanctificationem.

INSTITUTIO III.

De Virtute Modestia.

Modestia seu gravitas morum, est Virtus, externa hominis membra & actiones decenti moderatione componens.

Motiva Modestix sunt hæc potiora. 1. Quia Christus hanc Virtutem insigniter coluit. Unde Apostolus *2. Cor. 10*. Ad alias Virtutes obtestabatur suos discipulos per mansuetudinem & modestiam Christi. 2. Quia modestia præ cæteris virtutibus omnes ædificat, homines enim judicant ea

quæ vident. 3. Quia modestia est signum animi recti, pacati, pudici, sicuti dissolutio morum, est signum animi levis, perversi, inquieti impudici; 4. Quia Modestiam comitantur passim multæ virtutes; maxime quas recenset Apostolus *Coloss. 3.* Inducit ergo vos sicut electi DEI, Viscera Misericordiæ, benignitatem, humilitatem, modestiam, patientiam. 5. Quia juxta S. Bonav. *l. de sex alis c. 3.* Desertio Modestiae est signum neglectæ conscientiae, indisciplinati enim & immodesti, videntur absq; reflexione vivere.

Regulæ & Actus Modestiae. Ex Hugone de S. Vict. c. 13. Instruct: Ridere sine apertione dentium, videre sine defixione oculorum, loqui sine extensione manuum, & digitorum, incedere sine ventilatione brachiorum, & gesticulatione scapularum, sedere sine altitrua superjectione pedum, sine emensione vel agitatione tibiarum, & sine accubatione laterum. Cum tamen Modestia non solum corporis compositionem dicat, sed etiam dicat mansuetudinem, Urbanitatem, Civitatem, honestatem in omnibus actionibus, S. Bonav. in aureo libello. *Specul. discipl. Redige* copiosissime Regulâs omnis modestiae proposuit, è quo omnes recentiores Auctores tanquam è fonte hauserunt. Et si vero in nostris Conventibus frequenter prælegantur, plerumque tamen ad imprimendam earum memoriam, selectiores earum huic opusculo inserere, ut ad manum sint Religiosis Tyronibus. Sed:

Nota. 1. Quod Modestia & Disciplina Religiosa,

modesta, non tantum coram hominibus, sed etiam coram DEO, & S. Angelo Custode sit exhibenda, ita ut etiam solus existens, tam disciplinate & caste habeas in visu, gestu, tactu, gressu, & omnibus alijs ac si ab aliquo spectareris. Cujus deentia rationem dat S. Bonav. Spec. p. 1. c. 10. Quia inquit SS. Angeli qui nobiscum sunt semper vident omnia opera quæ facimus, quorum aspectus debemus ubiq; vereri, & præsentiam revereri. Vident enim ipse DEUS & Judex noster, videt etiam nos ipsa conscientia nostra, testis eorum quæ facimus, & accusatrix. Et profecto hujusmodi modestia coram DEO & SS ubiq; locorum est actus virtutis quæ vocatur Religio seu reverentia erga DEUM & SS.

Nota 2. Quivis actus Modestiae sive coram solo DEO, sive coram hominibus, ut sit Asceticus, & meritorius, fieri debet ex serio animo, & eo fine ad quem ordinata est à DEO Modestia, adeoq; propter DEUM & juxta DEUM. Propter DEUM ut fiat studio colendi DEUM, studio ædificationis, Charitatis, pacis, &c non vero studio tantum placendi hominibus, ostendendi se cultum, politum, bene compositum. Juxta DEUM ut fiat animo recto, sincero, non simulate, ut faciunt falsi Politici. Sine excessu id est absq; nimis reverentijs, Ceremonijs ineptis, ut sunt prostrationes super terram, oscula pedum & similia. Alia siquidem est schola Urbanitatis secularis, alia Religiosæ.

Regula 1ma. Modestiae ex S. Bonav. Ut sim

in actionibus maturi, humiles, & benigni. Nam maturitas reddit venerabilem, humilitas imitabilem, benignitas amabilem. Et hæc Regula est communis & fundamentum cæterarum. Nunc jam sequuntur particulares.

Regula Modestiae in usu lingvæ, discursu, & conversatione cum hominibus.

1ma. Nulla locutio vel discursus fiat cum clamore, præcipitantia, & celeritate verborum, hæc enim puerilia sunt admodum.

2da. Nulla locutio spiret fastum, jactantiam, aucupationem laudis humanæ; hæc enim sunt indicia superbæ & vanæ mentis.

3ta. Nulla locutio sit cum impetu & fervore, rugis in fronte, torvitate oculorum, hæc enim sunt indicia rabidi & furiosi animi.

4ta. Quævis locutio sit mitis & pacifica sine litigiosa & pertinaci contradictione, vel irreligiosa contentione verborum.

5ta. Nulla locutio juramento firmetur [nisi judicium vel Obedientia id requirat] nam illi qui sæpe jurat minus creditur, & aliunde, ita debemus esse veridici, ut nobis absq; juramento credatur.

6ta. Junioribus Fratribus fere semper inter Seniores usq; ad interrogationem tacendum, & nunquam cum nimia familiaritate, audacia, procacitate, loquendum.

7ma.

7ma. Loquente alio nunquam loquendum, non interruptendus ejus discursus, non ostendendum quod hæc scias, non suggerenda mox Verba; si aliquando non suppetant, præsertim hic respectus Majoribus est exhibendus.

8va. Secreto loquentibus nec te ingeras, nec appropies nec alijs præsentibus cum uno ad aurem loquaris, vel lingua alijs ignota.

9na. Vocaturus aliquem præsertim majorem aut æqualem, non voces illum à longe, sive sibi. lo, sive nutu, sive clamore, nisi urgens negotium aliud exposcat.

10ma. Alios alloquendo abstine à contactu etiam ludicro, jocosò, manum, Chordæ, vestium, tanto minus, colli, vultus, nasi, aurium; Non nimium appropia vultui, non loquere hiantibus labijs, hilitum in os alterius, tanto minus spui particulas ne immittas.

11ma. Cum nemine loquaris verbis incultis, rusticanis, tuiizando, agnomina contemptibilia dando, etiamsi te sint inferiores.

12ma. Omnis locutio tua sit considerata, humilis, verecunda, parca, non curiosa, non offensiva, non scandalosa. & quæ ostendat te prudentem ac morigeratum.

*Regulae Modestiae in congressu pu-
blico Magnatum & gravium
Virorum.*

1ma. Attende serio, quod omnis Dignitas huma-
na sit donum DEI, & character quidam
ab eo impressis, proinde Personas in dignitate con-
stitutas æquum est venerari & revereri.

2da. In medio magnatorum ut svidet etiam
S. Scriptura Eccl: 32: Non loquaris nisi inter-
rogatus, vel ex iusta causa idq; parce & reverenter.

3ta. Colloquijs, consilijsq; Magnorum non te
immisceas, quibus gratusne intervenias, tibi incer-
tum est.

4ta. Obdormiscere, dum graves viri loquun-
tur, sedere dum stant, inambulare dum immori ma-
nent, loqui dum silent, ut inurbanum caveto.

5ta. In hominum doctorum graviumq; confes-
su levicula in termonem, ne adducito, tanto mi-
nus ludicra, minusve decencia.

6ta. Gravibus Viris nunquam ita familiaris esto.
[etiamsi bene tibi affectis] ut vel simplici nomi-
ne eos compelles vg. Domine Petre, Paule &c,
nam id paucissimis bene evenit, tanto minus Ma-
tronas honoratas. Vel eorum manus, arma, con-
trectes. Vel pari omnino passu cum eis inambu-
le, nihil distando, aut se removendo paululum
retrosum.

7^{ma}. Etiam offerat te occasio facta illorum aut dicta reprehendendi, in publico abstine, privatim cum mansuetudine, & captatâ audiendi benevolentia poteris admonere; aliter enim nec fructum facies, nec amicitiam conciliabis.

8^{va}. In consessu dignorum hominum, nunquam ad eos quasi exultandos, aliquas nugas & historias, quæ iocuris & levibus quadrant, exerceto.

9^{na}. In auribus talium de hominibus dignis, ne loquaris aliqua indigna, etiamsi vera sint, imo discursus aliorum in hoc passu quâ potes industriâ commuta, nec asserta confirma.

10^{ma}. De Cibo, potu, aliave commoditate, apud Magnates non conqueraris, hoc enim maxime eos offendit & te sensualem demonstrabit.

11^{ma}. Cum famulis Magnatum nunquam sic age quasi tui essent, sed humaniter obsequium pete.

12^{ma}. In consessu & conversatione gravium Virorum, ita reverenter procedas semper, quasi primâ vice cum eis converseris, confideas, & firmam amicitiam respectumq; habebis, ac Religioni & salutacionem & beneficentiam conciliabis.

Regula Modestiae in comedendo & bibendo.

1^{ma}. Dum comedis, labijs ne sonum ede more porcorum, & dum cibum masticas, ne diduc labia, nec os aperias.

328 *Regula Modestia in comedendo & bibendo*

2da. Non utaris ad comestionem omnibus digitis, sed indice tantum & pollice, aliis parum compressis, nec macules digitos, ijs Loco fuscinarum, aut cochlearis utendo, tanto minus illis cibum ori imponendo.

3ta. Ossa piscium & similia, ex ore super mensam non projice, tantominus reliquias Ciborum, in patenam, vel in terram.

4ta. Os cibo copioso, vel bolo majori ita ne impleas, ut tubam infanti sit simile; Pariter nec cochlear ita impleas, ut ferculo te, vel mappam perfundas.

5ta. Dentibus quid avellere à pane, carne, caseo, vel alio cibo, etiam à fructibus, cave ut indecorum.

6ta. Frusta carnis vel piscium, nuda manu perquirere, accipere, vel procul manus extendere pro ferculis, pane, sale, caveto, melius petere ista.

7ma. Oculos in mensa gyrovagos ne habetò, circumlustrando alia curiose vel impudenter.

8va. Dentes vel aures digitis ad mensam non scalpe, nares ad latus conversus leniter strophio emunge.

9na. Ad mensam Magnatum ne te primus ad comedendum bibendum, proripias, porrecta tibi comede.

10ma. Scyphos more sæcularium uno haustu nunquam evacua, nec bibendo, sonum gutturis ede, nec bibendo loquere.

12ma. Si bibis, poculum utraq; manu teneas, oculos non eleves, labia non immergas, nec rusticano modo, nimium exporrigas; & os tam ante, quam post potum tergas.

Regula Modestiae circa ulteriorem compositionem hominis externi.

1ma. **C**aput circumrotare undiq;, nimis frequenter movere, fricare caput immersum tenere, ad pectus usq; inflectere, inhonestum ducto.

2da. Vultum non severum non maestum, sed tranquillum & ierenum demonstra: frontem corrugare, os instar stupidi apertum tenere, ridere nimium & cachinnari, vel labia fortiter comprimere, denticulis scindere, oscitando quasi ululare, oculos circumrotare, vel nimium clausos tenere, omnino caveto.

3ta. Si excreandum vel expuendum sit, non procul quasi jaculo emissio, nec post humeros, nec ex advertio ei qui simul sit tecum, sed aversa ab alijs facie, & ad remotiorem locum, vel ad latus, quantum fieri potest.

4ta. Ad quemvis strepitum, ad cujusvis ingressum, ad quemvis casum oculos vibrare, quemlibet locum in aliena domo curiose lustrare, caveto.

5ta. Dum quis tibi vicinus literas legit vel aliud quidpiam, corporis appulsu, vel oculorum inspectu, cave ipsi imminere, imo recede parumper.

Qd

6ta. Ab

330 *Regula Modestia circa ulteriorem*

6ta. Ab omni mulierum qui in facies earum figatur, aspectu, item ab aspectu objectorum fædorum v.g. imaginum turpium &c. semper fugiendum est.

7ma. In aliena domo Epistolas projectas, vel alia scripta legere, vasa, raritates, contrectare, cave.

8va. Manibus rotare cingulum, vestem suam vel alienam contorquere, vel manus infra cingulum tenere caveto.

9na. In incessu non esto Cursor, nec manibus quasi alis extensis, perge; nec unquam curre capite inflexo ad pectus, equi cervicosi more, hoc enim signum est hominis hypocondrici, & abrepti.

10ma. Detesto capite per ambitus Conventuum aut domorum, vel manibus decussatis, quasi earum oblitus, non incedito.

11ma. In habitu nimium quidem nitorem cavere debes, sed multo magis sordes, plumas &c. cavere debes, & religioso more debite compositum semper geras, nec caputium ad latus inflexum teneas.

12ma. Ne contemne, sed frequenter Modestię Regulas in memoriam revoca, defectus in ijs puni, ne vivas ut inmemor disciplinę Religiosę, statũs Religiosi, honestatis proprię.

Nec mirere quod SS. Patres modestiam tam multis commendent, quod Superiores & Magistri Spiritũs tot Regulas illius contexant, tam solícite eas Tyronibus Religiosis inculcant, defectus in ea puniant, nam ex lumine superno, tum ab experientia,

entia norunt, formam & summam exemplaritatis potissimum à modesta compositione, & disciplina morum dependere. Proinde Concilium Hildesemense in forma vitæ Can: 19. rectissime pronuntiavit: *Sollicitudo prima Sacerdotis* [quanto magis Religiosi] *ad hoc tendere debet, ut exteriorem hominem debite compriat, tam in loquendo, quam in comedendo, ambulando &c. ut quicumq; illum aspexerit, ejusq; mores considerarit, edificetur, & dicat: Ecce Virum reformatum & Ecclesiæ perutilem:*

INSTITUTIO IV.

De nonnullis alijs Virtutibus.

NE hæc opella in vastum excreseat opus, placuit de reliquis Virtutibus breviter tantum & summarie doctrinam Tyronibus instillare, ut cum omnia de singulis nosse nequeant, saltem aliqua de illarum qualitate delibent.

Ima. Itaq; harum est *Gratitudo*. Estq; Virtus, quâ beneficia ab alio accepta cognoscimus, æstimamus, laudamus, & pro viribus recompensare curamus.

Gratitudo porrò est alia *erga DEUM* ex quò, à quo, per quem omnia prorsus bona recipimus. Et hæc præstatúr DEO, recognitione, extollentiâ donorum ejus, intimo amore, humili servitio, profundâ reverentiâ, & bono ac fideli usu, talentorum

ab eo acceptorum. *Alia erga homines, quæ exhibetur memoria beneficiorum, reverentia, obsequio, & remunerandi voluntate.*

Utriusq; Gratitude Officia, & si DEUS non præciperet, ipsa tamen natura & ratio dicat, & extorquet, cum ex Seneca: *Officia etiam fera sentiant*, indignum vero est ut in ijs redhilendis homo feris sit inferior, & ferior. Tum ipsa ingratitude fæditas & malitia, cum ingrato nihil sit scelestius, & ideo humanæ leges nullam huic vitio sanxere pœnam, quia ipsa ejus fæditas maxima ingrato pœna est.

2da. Est *Zelus* Estq; juxta D. Bern: *hom: 38.* in Cant: Intima quædam stimulatio charitatis, pie nos sollicitantis æmulari fraternam salutem, æmulari decorem domus DEI, laudem & gloriam Nominis ejus. Ex quo patet duplicem esse zelum: Alter quo DEI gloria quæritur, & repellitur id quod est contra dignitatem ejus vg. hæreses, blasphemix, & alia maxime publica peccata. Alter quò bonum proximi sive temporale, sive spirituale procuratur, & malum avertitur.

Zelus prior exercetur ab omnibus quidem sed maxime à constitutis in potestate Verum DEI Cultum promovendo; peccata tum exemplis, tum monitis, tum minis, tum pœnis, ab hominibus avertendo; nè DEUS inhonoretur, & Offendatur. Hæretes, errores, superstitiones, expugnando, & extirpando. Religiosam Observantiam, in omnibus Regulis, statutis, & pijs Consuetudinibus mantenendo.

Zelus

Zelus posterior exercetur. Desiderando augmentum gloriæ Divinæ, per salutem animarum, orando ferventer,, voluntarias afflictiones suscipiendo pro earundem salute; lachrimando & condolendo ob miserum statum, & pericula gravissima infidelium & peccatorum. Opera pia & quotidianas actiones DEO in hunc finem offerendo. Instruendo rudes, discoloros, indisciplinatos; Conciones zelosas & efficaces ad populum faciendo. Confessiones libenter excipiendo, cum desiderio & studio convertendi animas. Infirmis & moribundis diligenter, & de vote assistendo. Inimicorum reconciliationem procurando. Injurias graves innocentum non permittendo, sed vindicando & reparando.

3^{ta}. Est *Mansuetudo*, quæ strictè accepta est Virtus hominibus in Potestate constitutis potissimum necessaria, quâ defectus & infirmitates subditorum supportare, & zelum ac rigorem justitiæ clementia possint temperare.

Motiva hujus Virtutis sunt potiora. 1. Exemplum Christi Domini, Supremi Pastoris, de quo prædixit Propheta Zach: 2. *Ecce Rex tuus venit tibi mansuetus*, & de quo S. Bern: *Serm. de Cana Dom. Dulcis IESUS erat in voce, dulcis in facie, dulcis in nomine, dulcis in opere.* 2. Exemplum Omnium SS. Patriarcharum qui Religiones fundarunt, totq; agmina hominum ad se traxerunt lenitate, & suavitate in regendo; 3. Quia teste D. Thom. 22. 9. 157. *Mansuetudo reddit hominem DEO & hominibus acceptum.* 4. Quia Zelus

absq; Mansuetudine degenerat in feritatem, unde
 svadetur. Eccl: 4. *Noli esse quasi leo in sylva
 evertens domesticos tuos.* 5. Quia ut docet S. He-
 ron: in Epist: ad Titum: *Nihil est sadius prece-
 ptore furioso, qui cum debeat esse mansuetus &
 humilis ad omnes, ex torvo vultu, tremantibus la-
 bijs, rugata fronte, affanatis supercilys, facie
 inter pallorem & ruborem variati, clamore per-
 strepitat, & errantes non tam à bono retrahit,
 quam ad malum sua feritia pertrahit.*

Mansuetudo itaq; exercetur his modis; 1. Si
 correctio vel punitio non adhibeatur vigente forti
 passione, sed eâ tepescente. 2. Si non sit interessa-
 ta, id est proveniens ex odio, livore, antipathia
 contra aliquem. 3. Si libera sit a convitijs, &
 agnominibus injurijs. 4. Si gravitas pænæ com-
 mensuretur culpæ. & exemplo DEI pæna sit infra
 condignum, 5. Si post pënam humiliter susce-
 ptam svavitas, & charitas demonstretur. 6. Si at-
 tendatur serio quod Superior sit Pater, & Subdi-
 ti Fratres. 7. Si cordi imprimatur illa Divina Ve-
 ritas Sap: 6. *Potentes potenter tormenta patientur.*

4ta. Est *Simplicitas*. Quæ non significat rudi-
 tatem vel barbariem, sed Cordis rectitudinem.
 Estq; perfectus interiorum, & exteriorum concen-
 tus; ita ut quis intus in corde idem sen-iat, quod
 ore profert, & interno teneat cordis affectu, quod
 operatione manifestat externa.

Officia itaq; Simplicitatis sunt: Ab omni men-
 dacio, perjurio, dolo fallacia, simulatione ab
 omni

omni mala intentione, ab omni malarum interpretationum temeritate, ab omni suspicionum levitate, ab omni duplicitate Cordis longissime recedere, cunctisq; candorem mentis, puritatem veritatis, & fidelitatem affectus impendere. Hanc Virtutem à nobis exigit Christus Matt. 10. dicens: *Estote ergo prudentes sicut serpentes, & simplices sicut columba.* Hanc remunerat copiose. Nam Prov. 2. dicitur. *Custodiet rectorum salutem, & proteget, gradientes simpliciter.* Contrariam vero illi hypocrisim damnati Matt. 23. *Va vobis Pharisæi, hypocritæ, Va duplici Corde! quoniam Cor ingrediens duas Vias, non habebit successus.* Eccl. 2. & 3. De alijs Virtutibus particularibus successu temporis Religiosus Tyro doctrinam hauriet ex Varijs Asceticis libris, interim cum DEI gratia conetur se in his quæ propositæ sunt, & descriptæ exercere, profecto non exiguum fructum perfectionis in anima cumulabit.

TRACTATUS VI.

De Tentationibus.

QUandequidem vita hominis à lapsu primorum Parentum, militia quædam sit super terram, & divinæ Sapientiæ decreto, nemo coronabitur nisi qui legitime certaverit, magnum & periculosum certamen subire debemus variarum tentationum.

tationum; quas si cum adiutorio cælesti vincimus, inter Heroes cæli, inter milites Christi, recensemur, & gloriose triumphamus; si porro vincimur fragilitatis nostræ convincimur, & nihilum nostrum agnoscimus, ut probe docet S. Aug. in Ps. 20. *Vita nostra inquit in hac peregrinatione non potest esse sine peccato, sine tentatione, quia profectus noster fit per tentationem, nec sibi quisquam inno- vescit, nisi tentatus, nec potest coronari, nisi qui vicerit, nec vincere nisi certaverit, nec potest certare, nisi inimicum & tentationes habuerit.* Quia vero & veterani milites Christi adhuc varijs tentationibus vexantur, [juxta illud Thom: Kemp: l. 1. c. 3. *Non est homo scurus à tentationibus, quam diu vixerit, quia in nobis est unde tenta- mur*] & tanto magis Tyrones in Castris DEI exercituum, innumeris certaminibus sunt expositi, idcirco ut tentationes probe noscant, & discernant, utq; contra eas arma defensiva habeant, in hoc Tractatu tam genera quam species tentationum, de- niq; modi easdem superandi ex doctrinis SS: Patrum & Ascetarum proponuntur.

C A P U T I.

De Tentatione ac Generibus ejus.

Tentatio est dictum vel factum ad capiendum de aliquo experimentum. Cujus *imo.* Sunt tria genera nam.

1ma. Tentatio est Divina, quâ DEUS hominem tentat ut probeat seu probatum ostendat, sicut tentavit Job, Tobiam, Abraham, & alios. Quâ ratione Salomon ait: Sap. 3. *Quoniam DEUS tentavit eos, & invenit illos dignos se.* Nec huic contrarium est, quod S. Jacobus c. 1. Epi: dicit: *DEUS autem neminem tentat.* hoc enim duntaxat intelligendum est de tentatione seductiva, vel inductiva ad malum, qualis non est tentatio Divina, quia DEUS tentat homines ut Pater filios, ut Dominus Servos, ut Imperator milites. *Tribus autem modis ut ait S. Greg: 128. mor. c. 5. Nos Conditor interrogare [seu tentare] consuevit, cum aut flagelli distractione nos percutit, & quantum nobis insit aut desit patientia, ostendit, aut quandam qua volumus precipit, & nostram obedientiam patefacit: aut nobis aliqua occulta aperit, & aliqua abscondit, & nobis mensuram nostræ humilitatis patefacit.*

2da. Tentatio est Diabolica quâ dæmon nos tentat, & hanc descripsit S. Petrus Chrysol: Serm 11. *Est species fallens, quæ prospera in adversis, adversa in prosperis occultat, humanamq; ignorantiam dolose educit in lapsus.* Tribus autem modis nos tentat, & impetit imo. *hastâ:* cum quasi eminus rerum externarum specie objecto sollicitat, nempe honorum, applausuum divitiarum, & aliarum mundi vanitatum. *2do. Gladiô* cum per nostrum Corpus cominus nos aggreditur, obijciendo, instillando, suadendo, voluptates ac lenocinia carnis, dis-

Rr

suadendo

Evadendo austeritates & incommoda Corporis, mortificationem sensuum, jejunia, Vigilias, disciplinas &c. Et hi duo modi vocantur passim tentationes à mundo & carne, sed aptius vocari debent per mundum & carnem. 310. Se ipso cum plantasiam ipsam invadit, eamq; varie movet, concitando spiritus melancholicos, & imprimendo species blasphemiarum, timoris, desperationis, & similes. Et hoc tertium certamen est molestissimum, & gravissimum, ac hominibus pietati deditis familiare, hæcque non postrema causa est, Cur DEUS bonos homines ad Religionem vocet, ut Magistri Spirituales illis suppetant, quorum ductu à præstigio dæmone tuti & immunes evadant.

311. Tentatio est Humana quâ ab homine tentamur, quod fit hisce modis 1mo. Cum homo noster interior tentatur ab exteriori, nempe Spiritus à carne & sensualitate, juxta illud Apostoli ad Galat: 5. Caro concupiscit adversus spiritum & Spiritus adversus carnem. Et hæc tentatio vocari solet communiter humana, ex fragilitate innata proveniens, juxta illud 1. Cor. 10. Non apprehendat vos tentatio nisi humana. 2do. Dum Superior monitis, pænis, humiliatione, &c. probat subjectos, maxime novellos, num in vita & perfectione religiosa proficiant & perstant. 3tio. Dum improbus homo svasu, exemplo, promissis, muneribus, dolo, metu, inducit hominem ad peccandum.

Rursus

Rursus ex modo tentandi sunt tria genera tentationum.

1ma. Itaq; est *Suggestiva* à qua vix ullus hominum rationis usu præditus, immunis est; Et hæc nihil aliud est, nisi repræsentatio alicujus objecti, in mente nostra, quâ moveri possumus, ad delectationem vel complacentiam, si repræsentatur ut bonum, vel ad fugam & displicentiam si depingitur ut malum.

2da. Est *Seductiva*. Quæ est extorsio à Corde nostro alicujus delectationis seu voluntariæ adhesionis ad objectum suggestum.

3tia. Est. *Inductiva*. Quæ extorsio à voluntate liberi consensus vel dissensus. Progressum hujus triplicis tentationis S. Franciscus Salesius in Introduct: p. 4. c. 3. tali exemplo declarat: Cogitatione depinge tibi aliquam juvenculam Principem, Marito suo percharam, & simul imaginare sceleratum aliquem qui eam ad secum adulterandum invitet, internuntium sui amoris ad eam mittit. Primo itaq; nuntius Domini sui amorem. Principi aperit, deinde hæc in oblata sibi propositione complacet, vel displicet, tandem consensum & præbet vel dissentit. Consimili modo diabolus, Mundus Caro, animam DEO desponsatam, avertere volentes, primo ei peccatum proponunt, in quo illa delectationem vel complacentiam ostendit, demum etiam consensum præbet, & sic labitur in peccatum.

C A P U T II.

Rr2

De Spe-

De Speciebus Tentationum.

Celeberrimus in Nostra Polona Reformatione Aſceſeos Magiſter, & non vulgari Sanctita te conſpicuus V. P. Chryſoſtomus Dobroſieſki in ſua Theologia Aſcetica *Traſt. 6.* viginti omnino ſpecies tentationum deprehendit & enumeravit quas Tentatores nominat, & aptis ipli rei titulis inveſtivit, quas his quoq; recensere, & in medium producere non piget.

Immo Itaꝓ, Tentator vocatur *Cur.* qui adhuc in Paradifo quaſtionem excitavit *Gene. 3.* Cur præcepit vobis DEUS? Iſte Tentator imprimis hominem in proprio ſenſu & iudicio firmat, deinde obijcit illi quaſtiones curioſas contra Superiores Fratres, Leges Religionis &c. Tandem falſas inſtillat rationes; Exempli gratiâ. Quærit in mente Novitij Cur te Magiſter ſæpè monet, increpat, mortificat, forte odit, forte te vult miſſum e Religione? Cur Superior hoc non illud, huic non alij demandat, cur iſti diſſimulat non tibi? indiſcretus eſt vel inſenſus. Cur hæc ſunt Sanctita, inducta in Religione extra Regulam, ſuprà regulam? Cur tam multi infirmi, eriſtes? nudipedium, jejunia, diſciplinæ &c. quas ſcrupuloſi invexerunt, horum ſunt cauſa.

Hic Tentator in re nihil aliud eſt, niſi abundantia in proprio ſenſu, & pertinax eidem adhæſio. Vincitur porrò, per heroicam ſubjectionem ſui ad omnem voluntatem & diſpoſitionem Legum & Superiorum.

2dus Tentator vocatur *Nequaquam* Qui hominem firmat in propria voluntate, svadet non amplecti majorum salutaria consilia, monita, doctrinas, sed suæ voluntati adhærere. In periculosis vel dubijs materijs excludit timorem. vg. Consultitur Novitio: Abneget se totum, humiliet se in omnibus, vitam communem terret, orationi sedulo, insistat, vel in minimis ab Obedientiâ pendeat, Suas tentationes, inclinationes Magistro revelet &c. Tentator dicit. Nequaquam, Magister vult omnia à te expiscari, alijs prodet te. Loquitur ut solent Magistri, tu fac ut faciunt alijs, Consultitur Professo. Cautè incedat in omnibus vijs suis, non sibi fidat, in occasionibus, familiaritatem nimiam vitet cum extraneis, absq; licentia procuret, retineat nihil, guttur non impleat, &c. Tentator dicit. Nequaquam. Næniæ sunt, quid haberent Superiores ad loquendum.

3tus Tentator vocatur *Plus*. qui alacres & fervidos, incitat ad laborandum, jejunandum, Vigilandum, supra vires, & moderamen prudentiæ, idq; facit. 1. ut eos inducat in præsumptionem; 2. in contemptum Religioſæ Observantiæ, quasi nimium sit delicata relaxata, 3. in defectionem virium, & sanitatis, ut reddantur inutiles & onerosi S. Religioni.

4tus Tenator vocatur *Minus* qui perducit in Acediam, & conniventiam sibi, dictaq; minus orandum, vigilandum, laborandum, abstinendum, minus desudandum in legendo, studendo, docendo, confessiones excipiendo, infirmis assistendo. Sicq; seducit ut omnia opera fiant, truncate, fraudulenter,

oscitanter, imperfectè, tardiose, fastidiose, vdeoq;
parum vel nihil meritorie.

5tus Tentator vocatur. *Malus*. qui sub varijs coloribus zeli, pietatis bene constituta corrigit, & vult corrigi, Correctoremq; trahit ad inobedientiam, ad contemptum legum Pontificiarum, Generalium, Municipalium, Ad vilipendendas Ordinationes, mandata, consilia Superiorum. Qui dæmon vexare solet potissimum eos quibus competit regi, non regere, ut eludant Obedientiam, ut causam habeant murmurandi, traducendi &c.

Præfati tres Tentatores superantur *1mo*. Observantiâ vitæ Communis. *2do* Obedientiâ & verâ Devotione. *3tio*. Humilitate & silentij amore.

6tus. Tentator vocatur *Medicus* qui instillat potissimam curam de sanitate Corporis, & conservatione vitæ, Svadet delectum, magnum ferculorum, & potuum, Curationes, frequentes, longas, medicinas sumptuosas, pro quibus sæpe tantum impenditur, quantum pro cunctis Fratribus, & sæpius nullo fructu. Instillat subductiones, sui à laboribus & obsequijs, frequentes auræ, loci, mutationes, murmurationem contra Superiores, impatientiam contra medicos, Servitores, facitq; cum talibus ut semper curentur, naturam debilitent, & nunquam sanos se esse agnoscant. Talibus cogitandum est, indignum esse Religioso, ut majorem curam, habeant sanitatis quam Sanctitatis.

Hic tentator vincitur *1mo*. Contemptu vitæ præsentis miseriarum, plenæ. *2do*. Tolerantia, incom-

modo.

modorū, ægritudinum ob Dei amorem. 3tio. Resignatione sui plenā in DEI voluntatem, & Superiorum Charitatem. 4to. Exemplis SS. qui nullam penē aut exiguam sui corporis curam habuere.

7mus. Tentator vocatur *Scrutator* cujus genius est scrutari, investigare, aliorum actiones, occupationes, arcana Superiorum, proinde incitat ut omnes angulos Officinas Conventus circumbeat, lustrat, subaudiat quid alij loquuntur, consulunt, aliosq; ad id secum pertrahat, non alio fructu, nisi taxandi, vilipendendi, aliorum facta, sua illis præferendi, Superiorum decreta, sententias cavillandi. Insuper hic dæmon quandoq; instigat ad discutienda judicia Divina circa suam vocationem, prædestinationem, circa pœnas quas DEUS infligit, circa Providentiam DEI, ut hujusmodi scrutatoris animum avertat à Deo, & in superbiam, aut dejectionem animi inducat.

Hic Tentator vincitur 1mo. Abstinento à judicijs temerarijs. 2do. Cavendo murmuraciones & multiloquia. 3tio. Servando silentium & cellam incolendo. 4to. Bene de omnibus sentiendo.

8vus. Tentator vocatur *Discretus* qui palpando defectus Fratrum eos contra Prælatos commovet, vocando indisciplinatos, importunos, austeros, & sic Fratribus flat ansam turbationum, inquietas, impatientiæ, quærelarum, rebellionum &c.

Hic Tentator vincitur estimatione debitâ Superiorum, DEI vicem gerentium, consideratione sui Status Religiosi, qui est campus penitentiar, & patientiar.

9^{nm}. Tentator vocatur *Zelotes*. cuius genius est commovere Zelum inordinatum, quasi ex amore DEI, & Religionis proveniente, in re autem ipsâ ex passione & amaritudine animi, quod exinde patet; si ille Zelus non sit secundum prudentiam, si non sit conditus mansuetudine, sed desinit in graves contentiones, detractiones, convicia, circumscriptiões honoris, in prostitutionem Religionis aut Religiosi, coram extraneis. Hic Zelotes impugnat aliquando Prælatos, ut excessivè puniant, furiose corrigant, aurem benignam denegent, torvum oculum, & vultum demonstrent subditis, quandoq; modicè delinquentibus, modo eorum humori aut honori rideatur adversum. Periculosius adhuc impugnat privatos, & eos quos DEUS non elegit instrumenta sui Zeli, non destinavit ad regendum, non fecit legum Custodes, & Arbitros statûs, nam ut plurimum tales suo indiscreto Zelo conturbant Religionem, scindunt unionem Fraternalis Charitatis, arcanâ sui statûs foras effundunt & innumera alia mala alijs, sibi maxima inferunt.

Hic Tentator vincitur potissimum intimâ Charitate & verâ Humilitate.

10^{mus}. Tentator vocatur *Sanctarellus* seu Perfectus, qui dupliciter tentat. 1^{mo}. insinurando homini quod jam verè sit devotus, patiens, à passionibus expeditus, à tentationibus liber, & alijs perfectior, ut sic deducat in præsumptionem, & contemptum aliorum. 2^{do}. Repræsentando quàm perfecti, mortificati fuere multi SS. vg. S. P. Franciscus,

S. Petrus

S. Petrus de Alcantara, & dicit: has tu perfectiones, hanc Sanctitatem non attinges, & tamen ad eam teneris; & hoc modo vult inducere in baratrum desperationis.

Hic tentator vincitur *imo*. Profundâ humilitate, judicando se indignum tam sublimibus gratijs, & donis quæ DEUS confert alijs. *2do*. Plena fiducia in DEO, quod sibi non denegabit auxilia ad eum perfectionis gradum ad quem illum vocavit, & destinavit.

11mus. Tentator vocatur *Curialista* qui etiam Religiosis suggerit aulicos mores, politiem iæcularem, notitiam, familiaritates extraneorum, discursus de rebus sæculi movendos, importune se in omnium negotia ingerere, Arburum, Consiliarium, Paranympum agere, occulta ac secreta Statuum, Personarum, investigare, audire nova, videre pulchra, habere cara & chara, scientias Curiosas, gloriosas assequi, ut ita Religiosum reddat vanum, mundanum, distractum, indevotum, nugigerulum, & Vocationis suæ immemorem.

Hic tentator vincitur. *Imo*. Vera æstimatione, & amore sui Status Religiosi. *2do*. Solitudine & fuga consortij sæcularis.

12mus. Tentator vocatur *Laudipeta*. Hic efficit ut homo quæq; opera sua bona peragit, videatur, laudetur, promoveatur ab hominibus, ut se illuc ingerat, ubi sperat applausus, ut occulta quoq; alijs opera coram alijs buccinet, exaggeret, magnificet, quod sæpissime contingit cum men-

dacijs palmaribus, cum fastidio prudentum.

Hic Tentator vincitur contemptu sui, & sincere, rā recognitione, quod nihil boni habemus in nobis, quasi ex nobis, sed omnis nostra sufficientia ex DEO est, & omne datum optimum, descendit à Patre luminum.

Igitur. Tentator vocatur *Asmodeus*. Seu Lascivus. Hic sensus hominis incitat ad commoda quæq; corporis, ad delicias in Cibo, potu &c. ad colloquia, consortia, jocos cum alio sexu, ad aspectus illecebrarios inverecondos, ad blandos discursus, & sic per oculos, aures &c. ad cor pulsât, immittit affectus teneriores, imprimit species venustatum, audaciam facit, ad palpandum, demulcendum, osculandum &c. totamq; mentem confundit, corpus commaculat, & ad extremos casus perducit.

Hic tentator vincitur fuga suspecti consortij, disciplinis, jejunijs, & alijs austeritatibus, non exiguis sed heroicis.

Igitur. Tentator vocatur *Tetricus*. Qui biloso & melancholico humore utitur pro instrumento, eundem commovendo, & cogitationes amaras, timidas, iracundas, turbulentas, in mente excitando, ita; ut hominem reddat tristem, inconsolabilem, imperturbabilem, impatientem. Pro fomento autem utitur passione amoris proprii, quem suffaminat in ipsis. Fitq; ut homines vere tetrici consortium prudentum, Seniorum, & serenæ mentis hominum aversentur, ne forte eis succenteant,

& cum

& cum vilibus, levibus, conversari ament, eorumq; consilia acceptent, sicq; miris phantasijs, scrupulis agitati, aut inutiles, aut intolerabiles Religioni evadant, & aliquando in desperationem incidunt.

Hic tentator in principijs statim vincendus est. *1mo.* Fuga otij, & labore honesto. *2do.* Vitæ communis observantia. *3tio.* Consortio hominum sereni, & tranquilli animi.

1stus. Tentator vocatur. *Blasphemus.* qui mentem compullat cogitationibus blasphemis contra DEUM & res Divinas, contra B. V. & SS. Hic quidem maxime familiaris est tetricis, otiosis, scrupulosis, quanto tamen est molestior, tanto minus periculosus animabus, quis enim ex credentibus amantibusq; DEUM tuto jurare queat, se blasphemis cogitationibus advertenter consensisse? Porro immittit dæmon hæc cogitationes, seu depingit in mente hominis species blasphemæ, ut pios conturbet, DEUS autem permittit ut humiliet & probet.

Hic Tentator non tam facile vincitur responsione ad illius objecta quæ indignus est, sed *1mo.* Contemptu generoso. *2do.* Profunda humilitate. *3tio.* Forti in DEO fiducia. Svadeo insuper in hoc molesto prælio invocare Patrocinium S. Catharinæ Senensis Virg: quod me consulente plurimis à Spiritu blasphemæ vexatis feliciter cessit.

1stus. Tentator vocatur. *Placentinus.* idest amor placendi, & timor displicendi, hujus ge-

nus est favorem, amicitiam, benevolentiam gratiam hominum magnificare, ac nimio studio caprare, assentari, adulari Majoribus, laudare malè, connivere peccantibus, ne alicui forte displiceat.

Hic Tentator vincitur *1mo.* Rectitudine Cordis, *2do.* vera humilitate.

17mus. Tentator vocatur *Damnax.* Cujus genius est nodum quærere in scirpo, omnia damnare, cavillari, in reprobum sensum detorquere.

Hic vincitur Charitate, & suorum defectuum agnitione sincerâ

18vus. Tentator vocatur *Lingvax.* Cujus genius est incitare homines ad multiloquia, vaniloquia, scurriloquia, turpiloquia, & suppeditare materiam fandi, per multas horas, ut in ijs spiritum devotionis extingvat, socios conversationis scandalizet, jurgia seminet, arcana detegat, & pretiosum tempus eripiat.

Hic tentator vincitur *1mo.* Amore solitudinis, *2do.* Lectione diuturna honestorum & spiritualium, *3tio.* Castigatione lingvæ vg. lingendo illa pavimentum.

19nus. Tentator vocatur *Consultor* seu Si cuius genius est incautis proponere quæstiones Hypotheticas, seu conditionatas ut eos illaqueet. vg. Proponit Novitio. Si dimittereris è Religione quid faceres? Fieres Prælatus vel nuberis, haberes honores, Opes, eleemosinis Cælum tibi emeris, & suavius ac securius viveres &c. Vel Professo. Si te aliquis scommatibus impeteret, si ab hoc loco,

ab hoc

ab hoc Officio amovereris? Certe deberes pro tuo honore agere, accusare, conqueri coram Superioribus, favores protectiones Magnatum quærere &c. Vel proponit. Si es condemnandus. Quid tibi & in hoc & in altero sæculo torqueri, affigi &c.

Hic Tentator vincitur. *1mo.* Magnanimitate, *2do.* Firmâ intentione perseverandi. *3tio.* Proposito patiendi propter DEUM. *4to.* Spe firmâ in DEI bonitate.

20mus. Tentator vocatur *Accusator Fratrum.* Cujus genius est stimulare vg. Religiosum ut se defendat & excuset in suis defectibus, refundendo in alios, quod hoc fecerint ex indiscretionem Superiorum, ex consilio aliorum, ex malo exemplo, nam alij hæc illa patrant, & connivetur illis. Hic me ad passionem perduxit, seduxit, modum porrexit &c.

Hic Tentator vincitur. *1mo.* Amore veracitatis *2do.* Recognitione suæ culpæ & imperfecti-
onis.

C A P U T III.

De Remedijs contra Tentationes.

PRÆTER hæc media superandi tentationes, quæ in superiori Capite sub tentatoribus enumeratis porrecta sunt, Magistri Spirituales probatis

lima arma ad eas expugnandas & fugandas commendant, seu generalia præscribunt remedia tentationum, ex quibus

1um. Remedium est. *Fides.* Seu fiducia in DEUM, nam ideo juxta S. Gregor; *l. 9. mor. C. 36.* Sanctos tentari permittit, ut dum pulsata mens trepidat, in solo DEI adiutorio Spei pedem robustius figat.

2um. *Oratio.* Seu elevatio mentis ad DEUM, tum præsentiam ejus attendendo, tum auxilium implorando, maxime per jaculatorias preces. vg. Salva me Domine perco. Domine vim patior responde pro me. Miserere mei DEUS & salva me. DEUS in adiutorium meum interde. O JESU ne permittas me separari a te, &c. Id remedij utiq; Christus ipse præscripsit Matt. 26. *Vigilate & orate ut non in tentis intencationem.* Hinc magnus Aſceta V. P. Joannes Avila dictitare solebat: *Tentatio ad te, tu vero ad DEUM.*

3tum. *Humilitas* vera, sic enim S. Antonio M. dum mundum totum laqueis plenum videns quæſivit quis eua ſurus ſit? reſponſum eſt de Cælo. *Humilis.* Et S. Chryſoſt; *hom 20. in Acta* dixit: Nihil humilitate potentius, omnibus diaboli machinamentis ſublimior facta contingere volentibus inſuperabiles facit.

4um. *Detectio* ſeu revelatio t.utationum Magiſtro Spirituali, ut enim dicit. S. Cypr. *l. de Zelo & liv. Facilis eſt cura, ubi plaga perſpicua eſt, & cito ad ſanitatē meſela ſubvenit.*

ente perducitur vulnus, quod videtur. Unde omnes SS. Patres potissimum hanc doctrinam suis imprimetant discipulis, quatenus secretum diabolo non tenerent, sed tentationes suas Magistris candide aperirent: nimirum juxta S. Ignatij S. I. dictum: dæmon similis est amatori impuro, qui puellam seducere volens, nihil magis studet, quam ut puella conatus ejus Patrono non indicet.

6^{ta}m. Principijs ob stare. Nam teste S. Chrysologo Ser. 1. Diabolus semper primordia boni pulsatur, tentatur rudimenta virtutum, Sancta in ipso ortu festinat extinguere. Et S. Hyeron. monet. Dum parvus est hostis, interficiatur, ut nequitia elidatur in semine. Proinde utgilandum est, in primis suggestionibus, mora deneganda, animus avertendus, cor amore, timore Dei valandum, & armandum.

6^{ta}m. Fortiter resistere ut docuit S. Jacob: Apo. C. 4. Resistite diabolo & fugiet à vobis. Ist hæc resistantia consistit in firmo proposito, non peccandi, sive in uno hoc Verbo Nolo; tum in generoso contemptu tentatoris, tum in heroica aliqua actione tentationi contraria.

7^{ma}m. Occasionum fugas, quod remedium maximæ virtutis est contra tentationes carnis, ut enim scripsit S. Hyeron. Ep. 47. Quis unquam juxta viperam securos somnos carpsit. Securius est, perire non posse, quam juxta periculum non peris se. Proinde fugiendæ sunt occasiones maxime proximæ, prorsus vero non quærendæ, nam quæ sita occasio est insuperabilis, 8^{va}m.

8vum. *Virutis* contrariæ exercitium, sic Superbia curatur humiliatione, luxuria mortificatione, acedia devotione, & sic de cæteris.

9num. *Victoria* diversa passionis, aut tentationis. Sic luxuria sæpe vincitur, victoria avaritiæ, ira vincitur devotione, v.g. convertendo se ad Christum Passum.

Quia vero persæpe in tentationibus nostris dubium belli evenum experimur, nonnunquam victi, aliquando victores cum gratia DEI recedimus. Ideo Magistri Spirituales præscribunt, post tentationem tria specialiter observanda esse *1mum.* Ut debitæ DEO pro obtenta victoria gratiæ perfolvantur. *2dum.* Ut nemo putet se esse iam victorem & securum in post, dæmon enim velut Hydra est, habens capita septem, quorum unô recito excreseat aliud. Proinde stet semper in timore DEI, & paratus sit ad nova certamina si beneunda. *3tium.* Ut si quis in tentatione victum se esse advertat, nunquam animo concidat, nunquam cogitationem hanc admittat. *Non potero vincere:* quæ mere diabolica est insinipula. Sed servet doctrinam Thom. Kemp. l. 3. c. 6. *Certa tanquam bonus miles, & si interdum ex fragilitate corruis, resume vires fortiores prioribus, confidens de ampliori gratia.* Petens est enim DEUS omnem gratiam abundare facere in vobis, ut assecurat Apostolus. *2. Cori. 9.*

TRA.

TRACTATUS VII.

*De mortificatione Hominis.
Interioris & Exterioris.*

Experimento omnium servorum DEI constat nec tentationes superari, nec vitia extirpari, nec virtutes solidas inseri, nec perfectionem Christianam & Asceticam posse acquiri absq; mortificatione; sicut enim terra in qua degimus maledicto primi Parentis nostri supposita, absq; tribulis & spinis esse non potest ni fodiatur, & vomere scindatur, nec fructus arborum producere valet, ni luxuriantes rami & spurij stolones præcitantur, ita cordis humani terra, nisi exuberantium vitiorum copiam in ea cultro Mortificationis succidas, non proferet fructus salutis fructus honoris & honestatis, sed tribulos malorum affectuum, tentationum, & fructus mortis germinabit. Quare monet S. Bern: *Ser. 58. in Cant.* ut temper manu tractemus ligonem mortificationis, quia nullus nostrum est cui non sit necesse rescare temper motum aliquem, vel inordinatum deliderium. *Quis* (inquit ille) *ita ad unguem omnia à se superflua rescavit, ut nihil habere se putet putatione dignum* Credite mihi, & putata repullulant, & effugata redeunt, & reaccendantur extincta, & sopita denuo excitantur, parum ergo est semel putasse, saepe putandum est, imo si fieri potest sem-

*per, quin semper quod putari oportet, si non diffi-
miles, invenies. Qua de causa & Apostolus
1. Cor. 4. ahortans discipulos ad mortificatio-
nem, vigilanti termino dixit. Semper mortifica-
tionem IESU in corpore vestro circumferentes, ut
& vita IESU manifestetur in vobis. Hoc igitur
in Tractatu doctrina traditur, tam de mortifica-
tione in Communi quam in speciali.*

C A P U T I.

De Mortificatione in Com- muni.

Mortificatio juxta Jac Alvarez, est sponta-
nea liberaq; animæ a vita carnali separa-
tio, & virium tam externarum quam internarum
ab illicitis operibus repressio. Exprimitur in S. Scri-
ptura varijs nominibus, & principaliter.

1. Vocatur *Mortificatio* juxta illud S. Pauli
1. Cor. 4. sup allatum, & ad Coloss 3. repetitum.
Mortificate ergo membra vestra.

2. Vocatur *Abnegatio* juxta illud Christi
Matt. 16. *Qui vult venire post me, abneget se-
metipsum, & tollat Crucem suam, & sequatur me.*

3. *Renuntiatio* juxta illud Salvatoris Luc. 14.
*Qui non renuntiat omnibus qua possidet, non po-
test meus esse discipulus.*

4. *Circumcisio Spirituatis.* juxta illud S. Pau-
li ad

Et ad Coloss. 2. Circumcisi estis, non circumcisione manu facta, in expoliatione Corporis carnis, sed in circumcisione Christi.

5. Jejunium juxta illud Isaia 58. Nonne hoc est magis jejunium quod elegi? dissolvere colligationes impietatis, solve fasciculos deprimentes.

6. Odium sui juxta illud Christi Joan. 12. Qui odit animam suam in hoc mundo in vitam eternam custodit eam.

7. Violentia, juxta illud Salvatoris Matt. 11. Regnum Calorum vim patitur, & violenti [id est vim sibi inferentes] rapiunt illud.

8. Crux juxta illud Christi Matt. 10. Qui non accipit Crucem suam [id est libere a se assumptam vel acceptatam] non est me dignus.

9. Mors vocatur, juxta illud S. Pauli ad Coloss. 3. Mortui estis. & vita vestra abscondita est cum Christo, sumendo scilicet effectum pro ipsa causa, quo sensu Eusebius. Nerembergus dixit: 1. 3. doct. ascet. c. 27. Quid est Mortificatio nisi mors anticipata? mors hominis vivi, mors ante mortem, mors spontanea, mors voluntatis, mors difficilior.

Mortificatio. sic descripta dividitur imo. In Necessariam, & Liberam, vel ut Ascetæ loquuntur, in eam, quæ est Necessitatis, & illam quæ est Supererogationis. Necessaria est, per quam appetitus nostros ab illicitis desideriis, & actionibus cohibemus, & idcirco omnibus hominibus est ad salutem necessaria. Libera est per quam à licitis vo-

luptatibus, aut operibus abstinemus, atq̃, adeo ijs qui ad perfectionem tendere cupiunt specialiter convenit. 2do. Dividitur In *Corporalem & Spiritualem*. 1ma. Corpus exercet, & nomen exterioris pœnitentiæ sortitur, cujusmodi sunt usus citiorum disciplinarum, durus lectus, vilis cibus, genuflexiones, hameuniæ (seu cubatio in terra) asper Corporis habitus. Et hæc Mortificatio est *Hominis exterioris* quia per hominem exteriorem non intelligimus superficiem aut formam externam hominis, at potius membra sensusq̃ hominis. 2da. Consistit in mortificatione passionum, in abnegatione proprii judicii, voluntatis, & amoris inordinati; quia per *hominem interiorem*, non intelliguntur partes interiores humani Corporis, ut vg. cerebrum, pulmones, jecur, hepar &c. sed passionēs animi, & internæ potentiæ animæ.

Mortificatio utraq̃; tam corporalis quam Spiritualis ut sit efficax, rationabilis & salutaris, Magistri Asceseos præscribunt quasdam Regulas, quam scitū tam servatu necessarias, pro deditis mortificationi, quarum.

1ma Regula est. Ut sciat credatq̃; passiones vitiorum non posse exterminari, sed tantum suppressi, & quodam modo religari. Quod eleganter suo more docuit. S. Bern. serm. 5. in Cant. *Quantumcunq̃ in hoc Corpore manens profeceris, erras si vitia putes emortua, & non magis suppressa: velis, nolis, intra fines tuos habitat lebus.* Sans [Concupiscentia scilicet carnalis] subjuga-
ri namq̃;

ri namq̃ potest, exterminari nequaquam. Proinde Asceta quantumvis mortificatus videatur, nunquam sibi præfidat, nunquam in hoc stadio cesset.

2da est: Ut non simul & conjunctim, contra omnia vitia, & passionēs pugnare nitatur sed per partes, incipiendo à debilioribus, vel à magis molestis, & sibi periculosis. Quis enim simul totum exercitum delevit? quis simul totam arcem demolitus est?

3tia est. Ut non præservide ac discrete in mortificando se procedat, nam immodicus fervor cito defervescit, & indiscretio vires potius attenuabit quam passionēs. Egregie monet S. Greg. l. 8. Mor. c. 28. Sic necesse est ut artem continentie homo teneat, quatenus non carnem, sed vitia carnis occidat, nam plerumq̃ dum plus nimio caro restringitur, etiam ab exercitatione boni operis enervatur, ut ad orationem quoq̃ vel prædicationem non sufficiat, dum incentiva vitiorum in se funditus suffocare festinat. Proinde novelle Asceta cave, ne nimis & multiplicibus rigoribus te dedas, nec ullas mortificationes corporis particulares assumes, absq̃ scitu & consilio tui Magistri, alias errabis, meriti vacuus eris, & prius te frustra conficies, quam in spiritu & virtute proficies.

C A P U T II.

De Mortificatione hominis Interioris.

Multorum palmaris error est, qui totam perfectionis Christianæ & Asceticæ structuram, à mortificatione exterioris hominis incipiunt, quasi domum à testō vel turrim à fastigio mohri, prudentis foret Architecti. Imo. quod mirandum ac dolendum pariter est, etiam intra Asceteria nonnunquam reperiri tam anili, & plebejo errore de-
 tentos, ut pene totam summam perfectionis collocent in mortificatione externa, suosq; discipulos aut subditos ante omnia, & præ omnibus, in solis exterioritatibus vg. labore manuali continuo, disciplinis, longa genuflexione, particularibus jejunijs, exercent; non attendentes illam veritatem Apostoli. 1. Tim. 4. *Corporalis exercitatio admodum utilis est.* Interim posterius studium adhibent, tam in se, quam in alijs de mortificatione hominis interioris, suntq; similes illis piscatoribus qui magnum piscem per squammas aut caudam, non per branchiam aut caput attrahere volunt. Meminisse deberent illius moniti Angelici, quod S. Raphael dederat Tobix juniori, dum piscis immanis exivit ad devorandum eum. *Apprehende branchiam ejus, & trahere eum ad te, exentera hunc piscem, & cor, & fel ejus, & jecur.* Tob. 6.

Ita pro.

Ita profecto apprehendere prius convenit branchiam, considerare sive in se, sive in alijs, quod caput est vitiorum, quæ sunt inclinationes, vel propensiones Cordis, ad quod & quantum malum? easq; exenterare, susdeq; lustrando, media suppressendi adhibendo. deinde etiam ad mortificationem externam cum prudentia & discretionem procedere, quod ut eveniat, notanda sunt, & reverenter imprimenda, memoriæ documenta Magnorum vitæ Spiritualis Magistrorum, quos & non vulgaris commendat Sanctitas, & donum scientiæ Sanctorum creditur illis infuisse. Ex multorum numero sit S. Joannes à Cruce, qui l. 9. c. 8. Ascens. de subjecta re sic profatur. Merito deslenda est quorundam inscitia, qui immoderatis se se venerant, vita austeritatibus, alijsq; multis [loquor nunc de voluntarijs seu sponte susceptis] parum discretionis conformibus exercitijs, spem suam in illis reponentes, scq; illis solis abq; mortificationis appetituum suorum in alijs rebus studio sufficienter ad Divinæ sapientiæ unionem perventuros arbitrantes. Verum aliter se res habet: haud quanquam enim eo attingent, nisi omnem adhibeant curam in illis appetitibus refecandis. Hinc in vita S. Philippi Neri. l. 2. c. 14. legitur, ipsum magnificasse eos, qui mortificationi Corporis moderate intenti, immortificanda præcipue voluntate & intellectu omne suum studium ponebant. Quæ omnia corroborata manent ex eo, quod scribit Ludov. Blotius. c. 2. §. 2. de S. Catharina

Sen.

Senensij, sic differens: Docuit eam Dominus, quod vera Sanctitas non consistat in illis arduis penitentiae operibus, exercitijsq; corporalibus, sed in propria voluntatis ac vitiorum mortificatione. Proinde his præmissis ut certis, doctrinæ traduntur sequentes

1ma. Quod mortificatio hominis interioris sit abnegatio sui ipsius, nempe proprii judicii & voluntatis, ac appetituum qui ex ipsis procedunt; hanc abnegationem ut Alpha seu principium perfectionis ipse Christus statuit *Matt. 16.* inquit. Si quis vult post me venire, abneget *semetipsum* & tollat, Crucem *suam* & sequatur me Quid est *semetipsum*? nisi hoc, quò vere est homo, nempe intellectum & voluntatem. Quid est hoc *suam*? nisi in se manentem, internam, nempe appetitus & passionem repugnantes.

2da est! Quod intellectus mortificatur maxime his modis, 1. Cohibendo cogitationes inutiles, impertinentes, lubricas, malitiosas. 2. Cohibendo vanam curiositatem, ex qua nullus fructus sequitur, 3. Reprimendo pertinaciam judicii proprii, & cedendo de sententia, quando exinde nec Fidei detrimentum, nec scandalum, nec simile malum sequitur. Unde S. Dorotheus antiquissimus Magister Asceteos, hasce doctrinas instillabat suis discipulis *Serm: 1. de Obed: Inter ambulandum titillat animum cogitatio, caput flectendi in alteram partem, circumspiciendiq; quid isthic rerum agatur, ne feceris! Dum colloqueris alijs, incessit te cupido addendi*

addendi proposito quidpiam valde accommodum, ex quo prudens audias. cave illud dixeris! svader tibi cogitatio tua: adi coquum & interroga, quid paret oſſonij? non obtemperes! Cernis forte quidpiam, svadet tibi cogitatio, ut interroges, quisnam illud attulerit? miſſum ne ſit an pretio emptum? non interroges! Venit homo aut peregrinus, cuperes ſtatim neſſe quisnam ſit, undenam, quo tendat, & ad quid veniat? noli velle ſcire, ſed mortifica appetitum tuum.

3^{ta} eſt. Quod voluntas mortificetur potiffimum his modis. 1. Conformando eam, & ſubijciendo humiliter voluntati Divinæ. ac omnem ejus reluctantiam heroice vincendo. 2. Agnoſcendo in veritate, eam. eſſe cæcam, fatuam, & perverſam. 3. Subijciendo eam libenter voluntati Majorum. 4. Præponendo vel minimum actum ex obedientia, maximis quibuſq; ex propria voluntate procedentibus.

4^{ta} eſt Quod appetitus intellectus & voluntatis mortificentur, [nempe in intellectu ſuperbia, ambitio, præferentia ſui, in voluntate, ira, dolor, amor proprius, acedia] his modis. 1. Reſiſtendo primis eorum motibus. 2. Non laxando illis habenas in animo, 3. Puniendo eos in ſe contrarijs actibus virtutum.

Hi porro & alij modi mortificandi hominem anteriorem, quantum DEO placeant, quantumq; ſint meritorij oſtenditur exemplo S. Doſithei qui naſtus Præceptorem S. Dorotheum, taliter ab eo

regebatur. Nullos ei labores aut austeritates graves imponebat, sed continuam ei dabit occasionem mortificationis internæ, exempli causa: quando advertit in ipso aliquem affectum vg. ad vilem aliquam, mox eam alteri cedere præcipiebat: videns quod sibi in re aliqua affabre facta complaceret, eam destrui curabat. Quando illum vidit curiosum, rem aliquam sciendi, ne verbum quidem ei respondebat, cumq; is sine turbatione aliqua in omnibus se submitteret, per hoc solum exercitium quinque annorum spatio eo pervenit, ut in cælo sedere mereretur supra multos alios suæ Religionis Sanctos eximios, ita enim Dorotheo Divinitus revelatum fuerat. Cumq; cæteri Monachi hunc ejus profectum admirarentur, siquidem ut complexione delicatus erat, aspera sicut cæteri jejunia non subibat, non vigilabat, neq; austeritatibus & rigoribus deditus erat. B. Dorotheus unicam esse dixit causam cur ad tam eminentem pertigisset Sanctitatem? quia in omnibus rebus voluntatem suam, ac proprios appetitus abnegare, seq; mortificare consueverat. Præcepta hujus Sancti Senis, & exemplum Sancti Juvenis, tu quoq; Novelle Asceta sequere, voluntatem & appetitus proprios, ante omnia comprimere, [non jejunia, non vigilias, non catenulas, non disciplinas, ex propria voluntate practica, quas prudentius denegare solent Superiores, quam concedere] sed voluntatem tuam reprime, judicium tuum in omnibus subde, appetitus frana, & evades gloriosissimus in Cælo Dositheus.

CAPUT III.

De Mortificatione hominis Exterioris.

Licet prima debeat esse nobis cura mortificandi hominem interiorem, non minima tamen incumbit frænandi, & intra orbitam rationis continendi hominem exteriorem, scilicet sensus, & membra nostra, ut hortatur Apostolus Colos. 3. *Mortificate ergo membra vestra.* Nam licet caro nostra sit anime servus & instrumentum actionum, ni tamen in officio contineatur, rebellabit spiritui, juxta illud Prov: 29. *Qui delicate a pueritia nutrit servum, postea sentiet eum contumacem.* Et proinde omnes DEI servi juxta mensuram collatæ sibi gratiæ, juxta vitium qualitatem, mortificationi quoq; Corporis insistebant. *Qui enim Christi sunt, carnem suam crucifixerunt cum vitijs & concupiscentijs suis,* ut dicit Apostolus. Gal. 5. Cum tamen inveniri nequeat, unicus modus & ratio mortificandi carnem, cum non una quoq; sit hominum complexio, robur, & vigor, non una Conditio, libertas, obligatio, ideo Magistri Spirituales, ad mortificandam carnem varias regulas, cautelas modosq; præscribere, è quibus hæ ad uñum Tyronum seliguntur, quarum.

Ima Regula est Nec nimis indulgendum, & parcendum est Corpori, nec nimis affligendum v.g.

usq; ad defectionem virium, in primo enim est vitium ignaviæ, in secundo temeritatis. Unde ipse Christus S. Petrum Cælestinum nimis se mañtatem jejunijs, aliquando redarguit dicens. Noli Petre onus tam grave asello tuo imponere, quoniam si perimis eum onere indiscreto, rationem DEO redditurus es pro eo: debitor est tibi, rationabilis servitutis, & tu illi necessariæ sustentationis; si vis portari, porta.

2da Illas mortificationes præpone quibuscunq; alijs quæ subeuntur ex Instituto Religionis tuæ, aut ex superiorum Obedientia. Scitoq; nihil animæ tuæ securius, nihil DEO acceptius fore, quam si omnes austeritates tuæ Religionis subeas, vg. punctualiter ad omnia officia accurendo, exactissime implendo demandata, nullas disciplina, omittendo, non parcendo voci in Choro, non connivendo manibus in labore non pedibus in stando, non capiti in studio, non alijs sensibus in genuflexione, in vigilijs, in jejunijs præscriptis, in inclinationibus debitis, & similibus exercitijs corporalibus.

3tia Illas mortificationes præpone & corpori impone, quæ non solum homini exteriori id est membris tuis sunt molestæ, sed simul homini interiori sunt fastidiosæ, id est iudicio & voluntati tuæ propriæ. Sic vg. Demandat tibi superior ex improviso severe & innocenter facere disciplinam per Ave Maria, subi illam potius libenter ac hilariter, quam nescio quam prolixas & cruentas disciplinas, vel catenulas ferreas ex propria voluntate Sedere

re ju-

te jubet commodè, dum tu vis per hortum decurrere, aut in eo laborare, aut iter longum cum fatigio perficere, sedè potius quam illa fac Et sic de cæteris innumeris.

4^{ta} Illas mortificationes præpone, & adhibe corpori, quæ minus oculis hominum, & vanæ gloriæ sunt subjectæ, ne lucrum spirituale amittas. Proinde dum adhuc es in Tyrocinio Religioso, jejunia privata v.g. ad B. V. M. ad Sanctos in qualitate ne practices, ne videaris ab hominibus jejunans, ne ad hæc licentiam extorqueas, sed si vis placere DEO & Sanctis, ab aliqua communi portione sapidiori abstinere, vel ex singulis partem relinque; & peroptimum crede, conciliare tibi favorem Sanctorum, aliqua tui heroica victoria, vel talibus mortificationibus quæ nulli possunt innotescere, qualium modos porrigit S. Franc. Salesius. V.g. Stando diu situm non muta, sed in eodem persevera: orando, nihil circumspice, aliquando tene diu manus impositas manicis æqualiter, nonnunquam diu complicatas, vel si privatim ores solus, in sublime erecta, vel post tergum retortas, vel fortiter expansas, vel frigori expositas. &c. Item v.g. pedes diu tene æqualiter compositos, ad latus te ne inflectas, digitos diu non moveas, si in sandalijs aliquis scrupus sit, diu illum tolere. Item dum comedis aliquod obsonium cum gustu, sæpius interpolles prius manduca quod non adeo sapit. Agentaculis, merendis prorsus abstinere. fructus arborum ne comede, ne tange, extra horam refecti.

onis nihil manduca, vel bibe. Hæc & similes privata exetcitationes corporis, iudicio Virorum Sanctorum, & Illuminatorum, conveniunt Juvenibus Religiosis potius, quam disciplinæ extraordinariæ, jejunia, catenula, cilicia setola &c. quæ passim assumuntur contra vel præter Majorum licentiam, idq; efficiunt in imperitis rerum spiritus, ut dum volunt evadere mortificati, non vereantur esse proprietarij & superbi.

Adverte tamen novelle Asceta, quod dum tibi svadeam mortificationes occultas, non ita velim intelligas ut te subducas ad reconditos angulos Ecclesiæ vel Conventus, ut nequeas inveniri, vel ita te in Cella recludas, ut non possit aperiri, vel in horti recessibus latites v.g. pro faciendis disciplinis, hæc namq; Religioso non conveniunt, ac prudenti, sed sunt familiaria tetricis, hypocondricis, scrupulosis, semifatuis, quos nunquam imitere.

sta Cum quinque sensus Corporis nostri, nempe Visus, Auditus, Olfactus, Gustus, & Tactus, sint quinque proditores nostri qui nos tradunt in duram iervitutem passionibus, & concupiscentijs nostris; sunt prædones qui deprædantur animam nostram, thesauros innocentia, castitatis, honestatis, diripiunt, æquum est & salutare omni custodia super ipsos vigilare, eos in disciplina & nervo continere, sævientes acriter punire. *Sic Visus*, seu oculi, qui potissimum sunt innocentia scopuli, qui sunt fenestrae per quas mors peccati ascendit, continendi sunt. *Imo.* à quibuscunq; aspecti.

aspectibus impudicis, inverecundis, vivorum, pictorum, sculptorum objectorum. *2do.* Ab aspectibus etiam licitorum (ut faciebus venustis) nimium liberis, fixis frequentibus *3tio* Ab aspectibus nimium curiosis, vanis gyrovagis, dissolutis, nam hi faciunt hominem distractum, dispersum, & ostendunt sui immemorem. *Auditus.* Frænari debet. *1mo.* à verbis, cationibus, discursibus, honestati & pudori contrarijs, *2do.* à detractionibus, blasphemijs, litigijs, mendacis perjurijs, ne contemnas ista approbare, ne ve fors illis assveſcas. *3tio* à verbis adulatorijs, laudatorijs, assentatorijs, ne quando istis pelliciâre. *4to.* à Musicis, canibus, lusibus nimium delicatis, affectatis, illecebroſis nam hæc sæpe lenocinia sunt Cordis, etiam Religiosi. *Olfactus.* licet videatur innocentior cæteris sensus, mortificari tamen debet. *1mo.* Abstinendo penitus à delicatissimis odoramentis, suffumigationibus; hæc enim non redolent virum. *2do.* In usû quorundam herbarum v.g. Tabaci, non excedendo, nec oblectationem quærendo, sed utilitatem. *3tio.* Fatores infirmorum, latinarum, fumi, patienter tolerando. *Gustus & Os* Contineri debet. Ille frequentibus abstinentijs, Hoc silentio, & punitione linguæ procacis, lubricæ, v.g. verrendo lingua pavementum non conniventer, lapillos in bucca gestando, baccillum loco fræni ori apponendo. *Tactus.* Omnium pene scelestissimus, cum innumeris modis pugnet contra animam, varijs ac varijs modis est mactandus; sicuti aliquis nebulo in

omni

365 *De Mortificatione hominis Exterioris.*
omni genere pessimus, à Domino vel iudice mul-
ctatur varijs pænis, jam virgis, jam loris, jam fu-
stibus, torquibus, pedicis, fame, siti, algore, fri-
gore, nuditate, carcere. Quæ omnia Tactus fræna-
cula texere longum esset satis edocent exempla
SS. & piorum hominum, plura Unctio Spiritus S.
edocet. Ad hoc propositum relegere non pige-
at illa, quæ tradita sunt supra *Tract. V. cap. 2.*
Instit. 3. cap. 3.

614. Communis, omnibusq; notanda. Regula
est: ut secundum mensuram delicti, sit & plaga-
rum seu mortificationum modus. Non piget ad
hanc rem adducere doctrinam S. Gregorij Papæ
homil. 20. in Evang. qui explanans illud *Lucæ 6. 3.*
Monitum: *Facite ergo fructus dignos pœnitentiæ.*
sic profatur: In quibus verbis notandum est, quod
amicus sponsi non solum fructus pœnitentiæ sed
dignos admonet esse faciendos, aliud namq; est
fructum facere pœnitentiæ, aliud dignum pœniten-
tiæ fructum facere. Lege ulterius in Breviario Do-
minica 4^{ta} Adventus. Proinde illis quos consci-
entia redarguit, siue de gravibus delictis in sæcu-
lo, siue fors in Religione commissis, maxime car-
nalibus, scandalosis, graviores etiam mortificatio-
nes corporales assumant. [supposita tamen pru-
dentia, discretionem, licentia vel consilio,] & eas
pro satisfactione DEO offerant, nequaquam ta-
men ex illis arduis suis pœnitijis tumescant, aut
magnis rigoribus assueti, ferociant in alios mi-
nora peccantes, & in potestate aliquandò con-
stituti

APPENDIX *ima.* De *Scrupulis & Scrupulosis.* 366

Autum nimium austere cum ijs procedant. Quod si vero aliquos immunes à gravibus peccatis Divina Misericordia servavit, possunt in mitioribus pœnitentijs persistere. Si tamen hi quoq; sentiant in animo stimulos ad acres & graves pœnitentias, v.g. legendo, audiendo exempla tot Sanctorum in magna innocentia, at simul in magna viventium pœnitentia, ut v.g. S. Petrus de Alcantara, primum attendant, non omnibus omnia proposita esse ad imitandum, sed aliquando ad admirandum, deinde probent Spiritus utrum ex DEO sint, erent DEUM pro majori lumine, meriantur vires suas, officia, obedientiam, mortificent prius hominem suum interiorem quam perfectissime, & tunc demum ad graves illas corporis austeritates procedant.

APPENDIX *ima.*

De Scrupulis & Scrupulosis.

NULLUS inficiat ibit, eos prospere in studio perfectionis procedere qui liberam ac pacatam habent conscientiam, eos vero qui inquieto sunt animo, quasi in salebris & scrupis in via Dei offendere. Hanc porro animi inquietem, & tormentum causare solent scrupuli. De quibus proinde ac eorum remedijs porrigitur hic brevis doctrina.

Imo. Igitur describitur Scrupulus, quod sit inani ratione nixa apprehensio, indeq; natus timor & anxietas mentis alicubi peccatum esse vel fuisse,

ubi revera nihil est. Ex qua descriptione rite inferes, aliud esse Conscientiam Timoratam, aliud Conscientiam Scrupulosam. Conscientia enim Timorata seu delicata, est dictamen prudens, rectæ rationi ac stabili fundamento innixum, huic nempe: Quod talis actio præcepta sit à Deo vel prohibita: quod ex illa sequatur grave periculum vel damnum aliorum: quod sit præjudiciosa, indecora, suo Statui, Characteri, Officio. Conscientia vero Scrupulosa est dictamen imprudens, & quodammodo puerile, fingens & prætexens præceptum, aut periculum, aut scandalum, ubi revera non est. Pro exemplo Conscientiæ Timorati habeto. Petrus Religiosus ætate Juvenis, veretur semper offendere Superiores, Seniores, vel nimis familiariter, audacter, procaciter, irreverenter cum eis procedere. Item veretur consortia familiaria sexus extranei. Item dissolvere linguam, disceptare, controvertere cum dignis Personis. Item joculari nugasq; exercere, cyathos euacuare cum sæcularibus, licet alioqui non ad ebrietatem. Ne tu talem scrupulosum, ac potius Timoratum censeas: Quia in primo casu adest præceptum Divinum: *Honora Patrem tuum*, quod extenditur etiam ad Patres Spirituales & morales. In secundo, adest periculum lædendæ castitatis; nam affectus familiares, degenerant in carnales. In tertio adest scandalum. In quarto præjudicium & dedecus Statui Religioso.

Pro exemplo Conscientiæ Scrupulosæ habeto. Paulus Religiosus vocatus ad chorum, incunctanter accurrit,

accurrit, vult, laudare Deum, satisfacere præcepto Ecclesiæ aut Regulæ, non dormitat, non circumspicit voluntarie, decantat omnia: interim timet an rite Officium absolverit, rimatur, scrutatur, an hanc illamve partem recitaverit, audierit, & proinde hæc illave iterum repetit &c. Item ex mandato Superiorum versatur honeste ac modeste inter homines varij sexus, & tamen timet. Item parce loquitur, comedit, bibit, & tamen anxietur. Proinde subterfugit studiose omnia consortia, latebras quærit, vix aliquid comedit aut bibit &c. Ne tu talem timoratum sed Scrupulosum censueris. In primo enim casu nullum adest præceptum tam onerosum tam importabile. In alijs nullum subest periculum, scandalum dedecus Accedit, ad dignoscendam Conscientiam Timoratam à Scrupulosa probatio ex effectu. Nam homines timoratæ Conscientiæ licet quidem studiose cavent offensam Dei, omniaq; ejus pericula & proximas occasiones declinant, hæc tamen eorum cautela & fuga, non anxios reddit in Spiritu, at potius hilares & in conscientia securos, eo quod penes suum ante actiones timorem & sollicitudinem evitant peccata vel defectus. E contra homines conscientiæ Scrupulosæ penes suas nescio quas cautelas, etiamsi bene & rite agant, semper tamen sunt anxij, dubij, mærore prostrati, gaudioq; Spiritus privati.

2do. Juxta Gabrielem Vasquez & alios, variæ sunt Classēs Scrupulorum. Quidam enim sunt Scrupulosi in recognoscendis præteritis peccatis, &

timorati in cavendis futuris, & isti communiter bene finiunt. Quidam vero sunt scrupulosi in recognoscendis præteritis, & non timorati sed negligentes in cavendis futuris, & isti videntur æternæ damnationi propinqui ut ait Mich. a S. Catharina Volum. II. num 131. Rursus quidam sunt scrupulosi ex nimium tenera timidaq; complexione, quam causat Melancholici humoris copia, qui tamen libenter agnoscunt se Scrupulosos, amplectuntur consilia, quærunt consortia serenæ ac liberæ mentis hominum, eisq; plerumq; acquiescunt, licet subinde timore suo divexentur. Talium conscientia scrupulosa non adeo est periculosa, quia humilitati est conjuncta. Quidam vero & permulti sunt Scrupulosi qui ex latente in abditis eorum Superbia, ita proprio judicio sunt affixi & mancipati. ut nulli plane velint suam post ponere sententiam, deceptiq; a Patre mendacij suum sentire cuius præponant, obedientiam, auctoritatem, sapientiam alienam flocciendant, consilia & consortia hominum serenæ mentis declinent, eosq; laxos, dissolutos, temerarios, incautos esse judicent. Vitam communem fastidiant, imperfectam censeant, & sola insolita quædam ijs placeant, vg jejunia frequentia & alijs rigidiora, vigiliæ productiores, disciplinæ cruentæ, latibula in angulis, vita eremitica, orationes usq; ad defectionem virium, actuositas mentis continua, & similia.

Talium finis [ut deplorandæ experientiæ satis edocent] esse solet, continua inquietudo animi,

hypo.

hypochondriaca affectio gestus & mores inconditi, mentis emotio, cessatio à rebus Divinis, gula, ebrietas, & nescitur qualis animæ status. Hujus generis Scrupulosi fere sunt expertes remedij efficaci, magisq; condolere ijs debemus, & Divinam proijs implorare clementiam. quæ opportunam quibusq; novit asferre medicinam.

3tio. Præter has Classes Scrupulosorum, singularem quandam advertunt Magistri Asceſeos, cæteris pejorem, & hypocritarum propriam, quam olim in Scribis & Phariseis Christus damnabat. Matt. 23. *Va vobis Scribæ & Pharisei hypocritæ, qui decimatis mentham & anetum & cuminum, & reliquistis quæ graviora sunt legis, judicium & misericordiam. Hæc oportuit facere & illa non omittere.* Hujus generis scrupulosi sunt accurati, solliciti in rebus parvis quæ parum aut nihil intersunt ad salutem aut perfectionem, ut sunt multæ Exterioritates. In rebus vero magni momenti, à quibus dependet salus & perfectio minimum sunt attentati, quo circa vocantur à Christo: *Duces cæcorum, excolantet culicem & deglutientes camelum.* Porro his Phariseis hypocritis scrupulosis, plures reperiuntur, similes etiam inter Christianos. 1. Prælati, Judices &c qui sæpe dant veniam corvis, idest magna scelera sic extenuant, quasi nulla forent: e contra innocentes columbas dire vexant, hoc est minima aliorum piacula sic exaggerant, aggravant, puniunt quasi enormissime deliquissent. Vel qui scrupulum sibi movent quod non severius

aliquorum defectus punissent, de sua vero ferocitate, implacabilitate, dominandi libidine, quæ lethalissima sunt, conscientiam non attendunt. 2. Privati: qui scrupulosè recitant Officium Divinum, Rosaria, Coronas, jejunia frequentant, certis temporibus à vino abstinere &c. interim absq; omni timore luxuriantur, odia & inimicitias fovent, discordias seminant, proximis detrahunt, graviter alios defraudant, supplantant &c. Hujus modi scrupulositas provenire solet ex irreverentia cordis, ex amore proprio, ex irrecognitione veræ, solidæq; perfectionis, quæ potissimum consistit in charitate, & operibus ex ea procedentibus, non vero in solis exterioritatibus, cum hæ possint esse communes tam veris Servis Dei quam simulatis.

410. Magistri Spiritus varia pro diversitate scrupulorum & scrupulosorum præscribunt remedia, omnes cæteroquin in hoc conveniunt, nullum Spirituale amuletum illis profuturum, nisi ante omnia voluntatem judiciumq; proprium agnoscant esse obnubilatum & erroneum, illudq; judicio docti & periti Moderatoris Conscientiæ, Magistri aut Superioris, omnino subijciant, non obstantibus quibuscunq; motibus, & trepidantis suæ rationis argumentis, quæ Sophista infernalis inprimit fortiter scrupulosi. Doctrinæ istius modi rationes sunt convictivæ. 1. Nam quilibet maxime perturbatus, in causa propria solet esse cæcus. Ergo debet alieno judicio acquiescere, & Ducem suum sequi. 2. Quia acquiescere judic o Ducis spiritualis, est actus

est actus eximius humilitatis internæ, quæ Deum inclinât ad hominem, nam juxta Jacobi 4. *Humilibus dat gratiam*, quæ sola mentem hominis illuminare & voluntatem potest rectificare. 3. Quæ juxta 1. Reg. 15. *Nolle acquiescere quasi peccatum ariolandi est*, cui profecto non debetur gratia, lumen, solatium cæleste, at pæna & desolatio. 4. Quia sicut homo æger corpore curari non valet, nisi judicio Medici acquiescat, ejusq; præcepta observet, ita nec æger animo [qualis est omnis Scrupulosus] nisi suum sentire Medico Spirituali subiciat. Confirmantur hæc omnia memorando factum quod refert S. Antoninus p. 1. Tit. 3. c. 10. Quidam Ordinis Prædicatorum Frater defunctus, apparuit alteri ejusdem Ordinis Fratri Scrupuloso. à quo de suis scrupulis cunctis esset interrogatus, id unum responsi dedit: *Consule discretos & acquiesce eis*. Hoc igitur supposito tanquam primo necessario, hæc sunt potissima scrupulorum remedia, juxta diversitatem tamen eorundem particulariter enumerantur & præscribuntur.

Remedia Scrupulosorum circa peccata & Confessionem eorundem.

1. **A**bstinere omnino à frequentibus Examinibus & Confessionibus Generalibus, & sufficere ta-

cit talibus semel Generalem Confessionem facere; ut Confessarius intelligat statum sui Pœnitentis; nam ut advertit Ioan. Lanspergius. Quia eandem repetere aliud non est, quam ulero sibi conduplicare scrupulos, & assidua se inquietudine obnoxium reddere.

2. Sentire de Optimo Deo in bonitate sensus, quod non sit tam durus Exactor conscientiae nostrae, ut velit centies & milies exercitari illam & minutatim omnia peccata nostra etiam minima, dubia, incerta, imaginaria discutere ac fateri semper. Ubi enim Deus tantum rigorem nobis præcepit?

3. Si quis talium certus est de commissis peccatis mortalibus, quæ etiam homines dissoluti pro mortiferis agnoscunt, ea confiteatur, si fors à præterita confessione commisit, venialia vero potest absq; dispendio Salutis ommittere, nec eorum discussione mentem fatiget. Si vero à mortalibus liber est, ut quid tam stricte memoriam torquet de venialibus, sufficit ut quæ facile menti occurrunt, in confessione aperiat, de cæteris autem in communi doleat ac detestetur ea.

4. Omnino abstinere à lectione illorum Authorum, qui scrupulose & nimis subtiliter enucleant peccata defectus, & imperfectiones, quod illi quidem faciunt passim pro Personis perfectis, in spiritu elevatis, specialiter illuminatis, non damnamus eas, si quid imperfecti eis contingat, sed confirmando in profectu Spirituali, excitando ad maiorem puritatem cordis, & amplius meritum coram Deo.

5. Agno-

5. Agnoscere hunc palmarem Scrupulorum errorem, quod passim dæmon illis ob oculos mentis ponit minima & incerta peccata, eaq; aggravat ac extendit, magna vero & certa occultat, vg. occultam superbiam, perversam inobedientiam, aliorum temeraria judicia, affectum avaritiæ, suorum officiorum negligentiam, zeli animarum defectum, quæ tamen experientia teste, familiaria sunt Scrupulosis.

Remedia Scrupulorum circa cultum Divinum.

Agnosce quod laus Dei magis pendeat ab affectu laudantis quam à censu, magis à bona intentione, quam à bona vel exquisita forma laudandi Deum, vg: ab actuositate continua in orando, ab auditione, intellectione omnium verborum, syllabarum, à conduplicatione, multitudine, repetitione precum. Ubi enim Deus vel Ecclesia ad hæc obligat?

2. Placide orare Deum, & alloqui ut Patrem amantissimum, adeoq; abstinere à clamoribus à gesticationibus, complosionibus, contorsionibus manuum, oculorum, ab excreationibus oris, a gravibus suspirijs, circumrotationibus capitis, & similibus nugis. Dic enim Sodes: An tu hisce formis orando vel alloquendo Regem coleres illum, aut illi placeres? Et deinde, num Christus Dominus cum

379 *Remedia Scrupulorum circa cultum Divinū,*
talibus nugis oravit Patrem suum? Num Ille vg.
consecrando panem & vinum in ultima cæna vo-
cebat se, contorquebat, verba cum nixu, clamore,
proferebat?

3. Curare ut ante orationem colligas animum,
& sic collecto ac ad Deum elevato ores, psallas, ab-
stineasq; à varijs & varijs reflexionibus, nam hæ
non juvant attentionem sed impediunt: & nun-
quam plane repetas sive partes, sive totam preca-
tionem. Quis enim tibi Sponsor est? qua revela-
tione cognoscis, primitus te male orasse, & 2do.
aut 3tio eximie?

4. Cum multi scrupulizent & angantur de ari-
ditate Spiritus in oratione [nempe quod non sen-
tiant dulcedines & blanditias caelestes, quod in
uberes lacrymas non solvantur, quod non sint certi
an eorum oratio placeat Deo, &c.] hujus modi
remedia talibus præscribuntur. 1. Credant omnibus
SS. Patribus & Illuminatis Magistris qui uno ore
docent: Amorem Dei, veram devotionem, vitæq;
perfectionem, non consistere in effusione lacryma-
rum, non in dulcedine sensibili, non in teneritu-
dine cordis sed potius in affectu ac desiderio co-
lendi Deum, placendi Deo, seu ut docuit S. Te-
resia. Vitæ c. 11. in eo, *ut Deo cum iustitia,*
animiq; robore ac humilitate serviamus. 2. Non
virilis animi hoc esse, at fæminei, dulcedines tales
appetere, illisq; affici. Et profecto orationis no-
stræ finis haudquaquam est, ut nos in illa delecte-
mur, sed potius ut delectetur Deus, tanquam Pa-
ter pre-

Remedia Scrupulorum circa cultum Divinum 376
ter precatione filiorum 3 Meritum orationis
non consistit in gaudendo & fruendo, sed in ope-
rando, patiando amando, ut Christus dixit. S. Te-
ressiæ 4. Suspectissimæ sunt istæ sensibiles dulce-
dines, & licet à Deo animabus rectis perfectisque
nonnunquam communicentur, imperfectis tamen
sæpius à dæmone imprimuntur, ut de se aliquid ma-
gni opinentur. 5. Cogita, num tu es deliciolum
Dei, ut te demulceat, ut tibi blandiatur, ut te
mox ad votum exaudiat? ut suum Placentinum re-
velet? Si vis Deo placere? ora, lauda Deum, quia
debes, quia Deus est, quia dignus est: cætera in
eum projice: nec te tuæquærito, sed Deum, &
eris pacatus.

*Remedia Scrupulorum circa
cogitationes immundas, blas-
phemas &c.*

1. **S**Cito cogitationes quantumcunq; malas, nihil
peccati continere, nisi accedat consensus
aut delectatio cum advertentia rationis, quæ utiq;
in te non credi ut adesse, cum tu potius crucieris
hujusmodi cogitationibus, quam delecteris. Nec
putes illas esse in cordis tui penetralibus, sed so-
lum excitatas a dæmone in phantasia tua.

2. Ne respondeas talibus cogitationibus, sed
eas spernas, ut latratus caninos: nec facias super

eas ullas reflexiones; nam magis illas excitabis quam compestes.

3. Circa blasphemos cogitatus scito, quod minimum sunt periculosa, Num enim Optimus Deus tamdiu & fortiter credentem in se, amantem se, contentem se permittat, ut in momento velit eum blasphemare, odisse? &c Et num tu jurare possis, quod voluntarie tam nefandis cogitatis contentias? Ergo tum de Deo, tum de te melius sentias, & spernas illa, non respondendo, non disceptando, cum dæmone, horum authore.

4. Si vis esse liber à quicquidvis malis cogitationibus, orium per omnia cave, sed laboribus, occupationibus honestis te trade, ut te semper diabolus inveniat occupatum. Non expedit quoq; scrupulosis, tentatis, frequens ac nimia solitudo, sed commoratio, conversatio cum hominibus liberis, serenis, ac honestis: & sane in hoc errant, quod passim latibula quærant.

APPENDIX 2da.

De Indulgentijs

1. **I**ndulgentia juxta sentium Catholicæ Ecclesiæ, est remissio seu deletio pænæ temporalis debitæ pro peccatis, jam remissis mediante Confessione Sacramentali, vel contritione. Hæc vero remissio pænæ seu pænitentiae fit auctoritate, quam Christus Dominus, contulit suæ Ecclesiæ, relinquens ipsi thesaurum infinitorum meritorum suorum.

rum, tum etiam SS. Virginis Matris suæ, & multorum aliorum SS. Apostolorum, Martyrum, Confessorum, Virginum &c. concessitq; ut Ejus Vicarius in terris, summus Pontifex, per se vel per alios quibus hoc potest committere, communicet & dispenset hunc thesaurum, cum certis conditionibus, exequendis ad effectum lucrandi Indulgentiam, idq; in statu gratiæ, nempe absq; peccato mortali.

2. Per concessionem & lucrationem Indulgentiæ remittuntur à Deo non peccata ipsa seu culpa, nam has solus Deus remittit, accedente Confessione Sacramentali hominis, vel contritione intima de illis; at potius remittitur pœnitentia seu pœna post remissionem peccati relicta ad satisfactionem Divinæ Justitiæ, quam pœnitentiam homo etiam restitutus ad Statum gratiæ debet perferre, sive ex bona sua voluntate assumptam, sive à Deo permissam, sive à Confessarijs impositam, quanquam hi ob varias Personarum circumstantias, discretissimas, passim & justo leviores assignant pœnitentias, maximè ob magnum teporem fidei in moderno Christianismo, maluntq; id committere Deo, ut ipse suppleat nostrum defectum, ex abyssis suæ Bonitatis, quæ mittigando severitatem Justitiæ suæ immitit nonnullas tribulationes vel in hoc sæculo, vel reservat ad Purgatorium.

3. Tametsi vero pœnitentiæ, jure Ecclesiastico antiquitus constitutæ videntur nobis graviusculæ, nam pro uno peccato mortali assignabatur septem

annorum pœnitentia, vi cuius toto illo septennio tenelatur pœnitens, qualibet septimana tribus diebus in pane & aqua jejunaret; interim Deus [cui soli perfecte nota est gravitas fœditasq; peccati] severiorem infligit pœnam, & nostra opinione majorem, Nam utiq; pro esu pomi vetiti in Paradiso, tot tantasq; misérias in genus humanum immisit. David percarus Deo fuit, doluit cordialiter pro peccato quod confessus est Prophetæ, rigidissime pœnituit, cæterum Deus totum cum Rege regnum Israelis, dira fame, peste & bello punivit. Id circo idem David pœpescit à Deo Ps. 24. ne illum pro peccatis juventutis & ignorantia, item pro ignotis latentibusq; peccatis puniret Ps. 18 pio be gnarus quod DEUS & hæc peccata castiget acriter, quæ parvi pendimus, vel affectate ignoramus *Matt. 5* Oraculum Christi est: *Quicumq; irascitur fratri suo, reus erit judicij, qui dixerit fratri suo Ratha reus erit concilio, & qui dixerit: fatue, reus erit gehenna ignis.* Ex quo clare elicitur, peccata etiam in nostra æstimatione minora, graviter a Deo puniri, vel pœna æterna si de eis ex corde non doluerimus, vel temporaliter si de illis ex animo doleamus. Proinde nil mirum est si primitiva quoq; Ecclesia, tam rigidas peccatis assignavit pœnitentias, cum tamen hæ frequentissime delinquentibus, & nimium delicatis videantur quasi importabiles, supplet earum rigorem per Indulgentias. Ad harum igitur lucrationem deberemus omne studium & diligentiam adhibere, & condiciones requisitas exequi,

qui, præsertim cum non possumus esse certi, an aliquam Indulgentiam simus consecuti. Et dato quod ita sit, utiq; iterum ac iterum peccantes, novas poenitentias meremur, quas utiq; convenit rursus evacuare per Indulgentias.

4. Ordinarie Summus Pontifex ad lucrandas Indulgentias plenarias in Festis Sanctorum, & alias, tres assignat conditiones, nempe Confessionem peccatorum, Communionem Sacram, & Gratulationem pro Exaltatione S. R. Ecclesiæ, pro concordia Principum, pro extirpatione hæresium.

Quo igitur exactius hæ Conditiones impleantur, porrigitur hic succincte de his doctrina, & in primis.

Doctrina de Confessione Sacramentali.

1. **A**ccessurus ad Confessionem studiose colligito animum tuum, & avelle ab alijs curis, negotijs, occupationibus, cogitationibus vanis, eo fere modo, quo vis mentem liberam habere. dum grave ac serium negotium intendis pertractare cuius tibi multum interest [num enim Confessio non sit grave illud negotium, quod in oculis Dei, Domini, Iudicisq; cui vis absolvere? an mediocris importunitatæ occupatio, à qua dependet vel Salus vel damnatio tua?] Sic collecto animo, paulatim revoca in mentem tuas actiones, officia, exercitia, & ex eo.

& ex eorum examine advertes peccata defectusq,
tuos.

2. Singulari attentione lustres & notes in memoria illa peccata ad quæ tum ex innata passione, tum ex consuetudine praviorem te agnoscis, de quibus frequentius te redarguit Conscientia, & inter hæc imprimis adnotes peccata mortalia, si quæ forsan committere soleas.

3. Maximopere convenit examinare conscientiam circa peccata vel defectus contra has virtutes, nempe contra Charitatem proximi, contra obedientiam, paupertatem, castitatem, cum frequentius contra hæc virtutes delinquere, etiam cauto & religioso homini, offerat se occasio.

4. Coordinatis in memoria peccatis, coneris ante Confessionem intimum ac sincerissimum de ijs excitare ac elicere dolorem, quod ut perficias, eleva ferventer mentem tuam ad Deum; considera quantæ Dignitatis, Sanctitatis, Bonitatis habeas Dominum. Patrem & Deum tuum? In cujus Domini oculis tam audacter, impudenter, deliqueris? in illius nempe cujus infinita Bonitas creavit te ex nihilo, conservat, nutrit, vestit, juvat, in manibus portat, non rejicit ingratum, non damnat tam graviter peccantem. Ex his autem vel similibus considerationibus concitare ad detestationem peccatorum & intimum dolorem, quem sufficit animo concipere, elicere, ac versare, licet verbis non exprimatur externis. Ex hoc dolore fac resolutissimam intentionem, quatenus in documentum amo.

cum amoris erga tam bonum Deum, velis castigare & punire hac Confessione malitias tuas, & confundi pro eis coram homine, quas non erubuisti committere coram Sanctissimo Numine,

5. Imaginare, quasi cum gemente Petro, vel pœnitente Magdalena accideres ad pedes JESU & veluti coram eo præsente, sic coram ejus Vicario accula te de peccatis, humiliter, sincere, distincte integre absq; excusationibus, ambagibus.

6. Post Confessionem renova & exprime dolorem de peccatis, concipe serium ac firmum propositum non peccandi de cætero, libenter ac humiliter suscipe assignatam pœnitentiam, & sine mora devotissime illam absolve. Excita in te spem intimam, lætare in animo, gratias age bonitati Divinæ, ad gratiam te recipienti, Sanguini Christi à maculis peccatorum te abluenti.

Doctrina de SS. Communione.

1. **N**E reputes bonam præparationem ad sumendum in Sacramento Christum consistere in recitatione multarum precationum tantum, quarum pleni sunt libri. Bona quidem & isthæc occupatio est; at ni sit conjuncta cum alijs conditionibus quas nobis insinuant SS. PP. non adeo nos disponet ad dignam Communionem, & ad salutares fructus hujus SS. Sacramenti.

Conditiones igitur hæ sunt.

1. **V**iva fides de veritate hujus Mysterij.
2. Seria reflexio ac memoria, de Dignitate,

tate, Bonitate, Amore erga nos hujus Cælestis Hospitis quem suscipere desideras. Proinde Meditatio de SS. Sacramento die Communionis studiose instituenda est.

3. Puritas conscientię, seu abstractio animi ab omni inordinato affectu.

4. Fervor devotionis seu desiderium ardens suscipiendi hospitem Deum.

5. Rememoratio amarissimę Passionis Christi.

6. Mæror animi seu intima contritio de peccatis.

7. Desiderium ac propositum fervens instituendi meliorem vitam. Nam S. Aug. *Serm. 1 de Temp.* adhortatur: Mutet igitur vitam qui vult suscipere Vitam, si enim non mutaverit vitam, in iudicium accipiet vitam, illam scilicet quę de se dixit: *Ego sum via, veritas & Vita.*

Absoluta vero Communionem cum profundissima reverentia & modestia, ne te mox convertas ad libros & preces vocales, sed collecto spiritu cogita de Hospite quem suscepisti Divino, quem in cordis tui sacrario adora, mirare tantam ejus demissionem, gratias refer ejus bonitati, & similibus internis actibus immorare. Tum poteris etiam diutissime alijs precebus instare. Quod si efficaciter cupias fructus hujus Sacramenti percipere, sollicitè cura saltem hac die modeste, honeste, devote conversari, omneq, peccatum cavere: proinde dic sæpius in corde: *Hodie suscepi Deum hospitio: hodie factus sum Conviva Dei! hodie regnat in Corde meo IESUS!*

Doctrina de Oratione tempore Indulgentiæ Ad Intentionem S. Ecclesiæ.

1. **H**Æc oratio potest esse tum Mentalis, tum Vocalis.

2. Potest absolvi ante vel post Communionem.

3. Absolvenda est ante occasum Solis illius diei pro qua conceditur Indulgentia Plenaria, excepta illa 4. horarum, quæ est lucrabilis etiam nocturnis horis.

4. Formulæ hujusmodi Orationis sunt variæ, inter quas hæc esse potest quæ sequitur.

ORATIO I.

Pro Exaltatione S. Ecclesiæ.

Benignissime Domine JESU Christe, qui Sanctam Ecclesiam tuam in Sponsam elegisti, eamq; tanto dilexisti amore, quod vitam & sanguinem tuum pro ea profuderis, rogamus clementiam tuam, ut eandem pacificare, custodire, adunare & regere digneris toto Orbe terrarum. Aspice JESU clementissime, quam pertinaciter ab hostibus suis oppugnetur, Aspice quam violenta rabie portæ inferi adversus eam consurgant. Ne quæso permittas ut adversus eam prævaleant, sed defende & conserva eam in magnitudine brachij

385 ORATIO II. *Pro extirpatione hæresum*
tui. Intuere etiam JESU piissime, quanta negligentia & indecore Divina Officia tua peragantur: quam sacer cultus jaceat: quam exigua Scientia Dei sit in terra: Mitte igitur ferventes & indefessos operarios in messem tuam, qui eam excolant, promoveant: & in horrea tua congregent. Concede etiam universis fidelibus tuis, ut Ecclesiæ tuæ sanctæ obediant, ejusq; præcepta servant, & in omni bono de die in diem, ad majorem gloriam nominis tui proficiant.

Pater noster. Ave Maria.

ORATIO II.

Pro extirpatione hæresum

Pientissime Domine JESU Christe, verum lumen ad illuminationem gentium, obsecramus clementiam tuam, ut respicias super interitu tot animarum, quæ fraude serpentis antiqui & deceptione hæreticorum in profundas errorum tenebras inciderunt. O misericordissime JESU, estne possibile, quod miseras illas animas, pretiosissimo Sangvine tuo redemptas, à Satana decipi, ejusq; potestati subdi patiaris: est ne possibile, quod in dies tot miserandas animas defectu veræ fidei in abyssum inferni detrudi permittas? Recordare ô Christe JESU, quot laboriosa itinera pro salute earum susceperis: quot vulnera & plagas in redemptione earum acceperis: Rogamus igitur per virtutem

ORATIO III. Pro Concordia Principum. 386

tutem amarissimæ Passionis & mortis tuæ, ut ex-
crandas illas hæreses funditus extinguere, atq; in-
durata hæreticorum corda, ad veram fidem con-
vertere digneris.

Pater noster. Ave Maria.

ORATIO III.

Pro Concordia Principum

Dulcissime JESU, Author & amator unitatis
& pacis, rogamus clementiam tuam, ut
omnibus Principibus Christianis pacem & veram con-
cordiam donare digneris, ut Ecclesia tua tranquil-
la semper devotione lætetur. Recordare JESU pie,
quam multus sanguis innoxius per continuam bel-
lorum tempestatem effundatur. Aspice quam multi
in extremas corporis & animi angustias deiciantur.
Ah JESU amantissime, qui pacem semper amasti,
eamq; toties discipulis apprecatus es, rogamus per
ineffabilem cordis tui amorem, ut Reges & Prin-
cipes Christianos pacificare & arcissimo concordia
vinculo colligare digneris, ut plebs tua in quiete
& pace gubernari, inque tuo servitio confortari
& conservari mereatur. Quod nobis præstare di-
gneris per infinitam misericordiam & bonitatem tu-
am. Amen.

Pater noster Ave Maria. Credo.

Ad hanc intentionem utiliter etiam possunt di-
ci Litaniae OO. SS. cum adjunctis precibus, vel
Pars Rosarii B. V. M. INDUL.



INDULGENTIÆ PLENARIÆ

Concessa perpetuis temporibus in Ecclesiis Ordinis Minorum. S. P. Francisci.

1. **I**N Festo SS. Nominis JESU D. 14 Ianuar.
2. In Festo SS. Berardi, Petri &c. Protomartyrum Ordinis nostri D. 16. Ianuar.
3. In Festo B. Ludovicæ Albertonæ Viduæ 3. Ord. D. 31. Ianuar.
4. In Festo BB. Petri Baptistæ &c. Martyrum Japonensium D. 5. Februar.
5. In Festo S. Margaritæ de Cortona 23. Febr.
6. In Festo S. Catharinæ Benon. Virg D. 9. Mart.
7. In Festo S. Raphaelis Archang. D. 16. April.
8. In Festo S. Paschalis Baylon D. 17. Maij.
9. In Festo S. Petri Regalati D. 13. Maij.
10. In Festo S. Bernardini Senen. D. 20. Maij.
11. In Festo S. Antonij Padvani D. 13. Iunij.
12. In Festo B. Michaelinæ Vid. D. 19. Iunij.
13. In Festo BB. Nicolai & Soc. MM. Gorcom. D. 9. Iulij.
4. In Festo S. Bonaventuræ Cardinalis & Ecclesiæ Doct. D. 14. Iulij.
15. In Festo S. Francisci Solani D. 24. Iulij.
16. In Festo S. Claræ Virg. D. 12. Augusti.
17. In Festo S. Ludovici Episc. D. 19. Aug.
18. In Festo S. Rosæ Viterbien. D. 4. 7bris.
19. In Festo Stigmatum S. P. N. Francisci D. 17. 7bris.

20. In Solemnitate ejusdem S. P. Francisci
D. 4. 8bris.

21. In Festo S. Petri de Alcant. D. 19. 8bris.

22. In Festo S. Joan. Capistrani D. 23. 8bris.

23. In Festo S. Didaci Conf D. 12. 9bris

24. In Festo OO. SS. Ord. nostri D. 21. 9bris.

25. In Festo S. Jacobi de Marchia D. 28. 9bris.

26. In Festo Immac: Concep. B. V. M. Principa-
lissimæ sub hoc Titulo Ord: nostri Patronæ.

27. In Die Portiunculæ seu B. V. M. Angelorum
Die 2. Aug. Quæ Indulgentia singulare hoc
Privilegium habet.

1. Quod Originem suam habet ab ipso Christo.
2. Quod possit applicari animabus defunctorum.
3. Quod præmissa una Confessione & Communio-
ne possit non semel obtineri, sed toties quoties
aliquis oraverit ad Intentionem S. Ecclesiæ ut sup.
inquacunq; nostri Ord. Ecclesia, computando diem
2dam Aug: a primis Vesperis Festi usq; ad occa-
sum solis diei secundæ, & sic potest pluribus ani-
mabus defunctorum prodesse: ut declaravit S. Congr.
in una Labacensi. A. D. 17. Julij.

Præter specificatas Indulgentias Plenarias Lo-
cales pro omnibus fidelibus, plurimæ aliæ sunt
concessæ pro nostri Ordinis Religiosis quas lucrari
quotidie possunt, ut.

1mo. Indulgentia Plenaria Stationis SS. Sacra-
menti, recitantibus coram eo. Quinq; Pater &
Ave, ac Sextum pro Summo Pontifice, concessa
a Leone X. Papa, & confirmata ab Innoc. XI.
An. D. 1684.

- 2da. Indulgentia Plenaria recitantibus Coronam
 7. Decadum B. V. M. concessa a Paulo V. Papa.
 3tio. Indulgentiæ Stationum Urbis quas possunt
 lucrari omnes Religiosi singulis diebus ut præcri-
 buntur in missali Romano.
 4to. Indulgentiæ Stationum Viæ Crucis Chri-
 sti, quæ sunt copiosissimæ & pene innumeræ; omni
 die lucrabiles, quarum nonnullæ sunt plenariæ.

DISPOSITIO Ad MISSAM, & Communionem Ex V. Pa- tre Druzbiccio.

1. O Sanctissima TRINITAS DEUS meus
 ego quantum ex gratia tua possum, vo-
 lo & conor me disponere tam sequentibus, quam
 totius vitæ meæ actionibus & passionibus ad San-
 ctissimum Filij tui Sacrificium offerendum, Sa-
 cramentumque sumendum quam dignissime. tamen
 diffido prorsus omni meæ dispositioni, & a te so-
 lo disponi, meæque dispositioni benedici peto, de-
 sidero, & spero, non propter bonum meum, sed
 pure propter Dignitatem, Voluntatem, & Voju-
 ptatem tuam majorem ac majorem. Tu ergo di-
 spone me, propter Te, digne Te, ad hoc, & ad
 omne Sacrificium Sacramentumq; tam mea quam
 tua dispositione, sicut potes, scis, & vis, ego ta-
 men volo, cupio, & propono tuum ô DEUS ex-
 plere gustum, hoc præsentî Sacrificio, tam ex
 opere

opere operato, quam ex opere operantis, tam in Persona Christi, quam in mea persona propter Te, ideo toto meo conatu, desiderio, fervore, volo evincere omnem præteritam devotionem meam & alienam, totoq; omnium Electorum, & Sanctissimæ V. Matris ac tuo JESU mi Theandrico fervore inardesco, tam ad hoc quam ad omne Sacrum ejusq; fructus obtinendos, augendosq; propter Te.

2. O Domine DEUS meus Unus in Sanctissima TRINITATE Pater Fili & Spiritus Sancte, coram tua Divina Majestate, doleo pro peccatis meis omnibus & singulis; & doleo quia tu vis, & dignus es ut doleam, & quia displicent, repugnantq; Bonitati tuæ, quam amare super omnia, æstimareq; debui, & nunc æstimo, æstimareq; Semper deinceps volo sicut etiam volo, pro iisdem peccatis meis satisfacere juxta mentem & gratiam tuam, ab illisq; semper diligenter cavere, quem contritionis atq; amoris tui actum offero Majestati tuæ ad beneplacitum tum. ad fructum animæ meæ, ad disponentium me digne immolando Sacrificio, & sumendo SACRAMENTO tuo Sanctissimo ad quod accedere propono.

3. Domine DEUS volo & statuo tibi offerre omnia Sacrificia. quæ vis & scis a me tibi efferenda, & quantum est ex me, etiam ab alijs tibi unquam oblata & offerenda, præcipue istud hodiernum Sacrificium tibi offerre intendo, omni ea ratione, modo, gradu, intellectione, replicatione, sublimitate, intensione, extensione, excellentia,

motivo, puritate, ac dispositione, qua tu scis, vis, das, juxta gustum voluntatis tuæ posse tibi offerri & applicari. Offero tibi Domine DEUS tam hoc, quam omne aliud Sanctissimum Sacrificium, quod tibi rite offertur & offeretur unquam a me vel ab alijs, ad omnimodam laudem tuam, ad gloriam Christi, & ad memoriam Passionis & mortis ejus, ad cultum & invocationem Sanctissimæ Virginis **MARIÆ**, & Sancti **JOSEPHI** Sponsi ejus, & Sanctorum Patronorum meorum, ac illorum qui gratia devotionis & reverentiæ ad Sanctissimum Sacrificium Sacramentumq; excelluerunt. & omnium Sanctorum Ad auxilium Ecclesiæ tuæ, ad ejus defensionem, instructionem & profectum, ad multiplicationem & augmentum in ea bonorum ac justorum, ad aversionem calamitatum publicarum diminutionemq; peccatorum & peccantium, ad sublevationem necessitatum nostrarum spiritualium & corporalium, omnibus in genere & in specie benedic Domine juxta cujusq; indulgentiam.

4. Memento Clementissime DEUS fidelium vivorum & mortuorum præsertim eorum pro quibus orare soleo, debeo, intendo, qui pro me orant, quibus specialiter obligatus sum, Ut sunt Amici, Benefactores mei omnes privati & communes, & illis qui mihi sunt infensi, inimici, adversarii. & quos ego læsi vel injuriavi, & pro quibus tu a me orari vis, omnibus his valorem Sacrificij hujus dispensa juxta gustum voluntatis tuæ, ac debitum Voluntatis meæ, Da Domine DEUS Sanctificatio-

nem

nem Nominis tui, Sanctorum laudem, Ecclesiæ vivorum exaltationem, per omnes gradus & status gratiam & auxilium, animabus purgatorij solatium & refrigerium, & mihi omne cujus capax sum [sine aliorum damno] meritum gratiæ actualis efficacis & congruæ, ac in Sanctitate profectum & finalem perseverantiam iuxta proportionem operis operati, & operis operantis, & juxta impetratoriæ ac satisfactoriæ efficacitatis latitudinem, secundum magnam misericordiam tuam.

§. Hoc sine advoco : **DEUS** meus tuam Unitatem in Substantia. & Trinitatem in Personis, advoco tuam dignitatem omnipotentiam. Sapientiam, Bonitatem, iusticiam, charitatem providentiam voluntatem ac omnitudinem tuam, advoco **JESUM** Christum tuum & Sanctissimæ Virginis Filium, cum omnibus ejus Substantijs gratijs, meritis donis, passionibus, Virtutibus, prærogativis & Persona, in specie vero advoco illum ut est Sacrificium nostrum pronobis in honorem tuum Domine **DEUS** noster, & quatenus est Sacerdos Altare, & Hostia vera, te digna. Advoco Beatissimam Virginem **MARIAM**. Omnium Sanctorum Reginam cum tota prærogativarum ejus mensura quam apud te habet, Advoco. Angelos & Sanctos omnes, eorumq; gratias, merita, virtutes & glorias & intercessionem apud te. Advoco Sanctos Sacrificio Sanctissimo specialius ac insignius devotos Advoco Sanctos omnes hujus loci & templi quacunq; oratione Patronos, omnes Sanctos quos Ecclesia

in Sacrificio Missæ ordinariæ ac nominatim invocat. Advoco Sanctos omnes die hodierna in Martyrologio relatos, & quos Ecclesia hodie recolit. Advoco Sanctos quorum Reliquiæ sunt in Altari & apud me. Advoco Sanctos meos Patrones electos vel quavis ratione mihi congruos ex speciali devotione mea erga illos, illorumq; affectione erga me, precipue istos NN. hos omnes & alios, quos tuo divino beneplacito mihi auxiliares esse placet, invito & invoco tota devotione mentis, tota prostratione cordis, tota fidei, spei, & amoris latitudine, ad gustum tuæ Voluntatis ad solam tuam gloriam, ad solam tuæ dignitatis exaltationem & Sanctificationem Hoc volo spero & rogo, ut sic disponar dignissime ad sacrificandum & consecrandum, ac sumendum Corpus & Sanguinem Domini nostri JESU Christi in hac efficacia proportionem, intensiorem, extensionem, in eo gradu, sicut tu DEUS scis, vis, & dignus es.

Post Missam vel post Communionem.

Dulcissime Hospes animæ meæ Domine JESU Christe, pro eo affectu & charitate, qua hoc Sacrificium & SACRAMENTUM instituiti, & me ad illud peragendum sumendumq; admisit, immensas gratias tibi ago, & deprecor, quod non cum debita præparatione, puritate, humilitate, devotione ac amore, ad tantum Mysterium accesserim: omnem porro defectum in ejus oblatione ac sumptione commissum dele ac remitte
supplen-

supplendo hos defectus commissionis, actibus tuæ profundissimæ reverentiæ, ac intensissimæ charitatis, quos tu ipse circa hoc Mysterium exercuisti & quos unquam ex dono tuo servi tui omnes huic misterio addictissimi exercuerunt, exercent. exercebuntq; ad finem sæculi, hos omnes ego jam nunc in sua latitudine, & omni circumstantia tibi placita, tuis Theandricis actibus unitos offero toto me, per Te, Sanctissimæ TRINITATI, in supplementum omnium quæ mihi defuerunt, simul peto removeri a me omnia impedimenta fructuum & gratiarum sacrificij Sacramentiq; Introtrahe mi JESU totam hanc meam hujus Sacrificij actionem in cor tuum amabile, istamque meritis tuis dignificatam offer in gratiarum actionem satisfactionem, & impetrationem aliosq; fines tibi placitos præcipue ad gustum Patri æterno, tibi & Spiritui Sancto, & ad incrementum specialis gloriæ Sanctissimæ V. Matris tuæ, ac Beatissimi JOSEPHI Nutrij tui, & omnium Sanctorum Patronorum hujus Misterij regnantium in Cælo, augmentum vero in terris adhuc degentium. Uni me tecum JESU mi, amore indissolubili, Transforma me totum in Te. Accende me dulcis JESU, Charitate tuâ Seraphica, peto id per Cor & Animam meam Dilectricis Tuæ Sanctissimæ Virginis Matris tuæ MARIÆ quæ te incarnatum prima & principaliter & maxime dilexit, & in Sacramento dignissime amavit, honoravit, & suscepit, peto id per te ipsum, & intercessionem Omnium Sanctorum tuorum. Dulcissime JESU Te

395 *Post Missam vel post Communionem.*

in me realiter concomitante Sanctissima TRINITATE, præsentem credo, amo, æstimo, adoro, & veneror toto me, tota anima, totis Viribus internis & externis, toto corde, tota memoria, toto intellectu tota Voluntate, industria ingenio, capacitate mea. Credo, amo, adoro, Te mi JESU cum Sanctissima Trinitate in me realiter præsentem toto Universo, & omnibus atomis universalizatis. Amo, æstimo, & adoro Te toto Cælo, igne, aëre, aqua, terra, & omnibus quæ in his continentur. Amo, æstimo, adoro Te, tota Sanctissima Virgine Maria Matre tua, tota; curia cælesti, Sanctis Angelis, Archangelis, Virtutibus. Potestatibus, Dominatibus, Thronis, Cherubinibus, Seraphinis, Apostolis, Patriarchis, Prophetis, Martyribus, Doctoribus, Confessoribus, Virginibus, Viduis, omnibusque Sanctis, tota æternitate: Humilio me JESU mi coram Te, & coram Sanctissima Trinitate in me præsentem toto me, usq; ad inferos, infra bruta, & infra nihili centrum. Benedico Te JESU mi cum Sanctissima Trinitate in me præsentem laudibus & benedictionibus omnium Sanctorum, Virginis Mariæ, tuæ pretiosissimæ Humanitatis ac Divinitatis, & Dignissimæ Trinitatis. Tibi mi JESU omnes actiones & passionem totius Vitæ & Substantiæ meæ, ac omnium creaturarum Unitas totius Vitæ Tuæ, in realem, verbalem, cordialem, præteritam, præsentem, futuram, incessabilem: omnimodam, possibilem, infinitam gratiarum actionem, laudem, amorem, adorationem, exaltationem, tibi offero. dono, trado.

trado. Mi JESU Confiteor & commendo tibi, omnes meas necessitates naturales & spirituales, præsentēs & futuras, præcipue extremam in morte mea, item commendando tibi necessitates totius Ecclesiæ, Regni hujus, Religionis nostræ, Superiorum, Personarum, locorum, laborum, officiorum, tribulationum, tentationum, & quas tu optime nosti, item cognatorum & amicorum privatorum & communium, Benefactorum omnium privatorum & communium, omnium quos læsi & injuriavi aliquando, & qui me læserunt aliquo modo, Omnium in agone mortis existentium, omnium Animarum in Purgatorio, item Omnium Vivorum & mortuorum quos Tu JESU mi, scis, potes, & velis adjuvare. Deprecor te Dulcissime JESU, quod negligenter & frigide Te tractaverim, & per tuam ineffabilem pietatem, supple meos defectus, sicut scis & potes ad majorem tuum gustum & honorem, Amen.

MANUS RELIGIOSA SEU MANUALE RELIGIOSORUM

*Quod S. Bonaventura ex Sacra Scriptura collegit,
ac Novis Religiosis proposuit observandum.*

Sicut Scientiæ ac doctrinæ complures quo facilius inducantur, habent suas Isagogas velut prima rudimenta quæ suis candidatis ad altiora viam monstrant. ita noster Ordo Seraphicus quinq, periodos, ceu quædam elementa Suis Novitijs ab initio tradit: quæ dum ipsi mente quasi manu tenuerint, paratiores fient ad sublimiora pietatis & virtutum studia capessenda.

Digitus

Digitus I. Ad quid venisti?

Non velle meum facere.
Sed passiones vincere.
Sanctamq; Crucem tollere.
Et in dies proficere.

II Quid ad te?

Defectus vides? quid ad te?
Qui stas, cura non cadere
Attende tibi nosce te
Mitemq; JESUM sequere.

III. Est mea culpa,
Si cupis esse amabilis?
Fatere culpam jugiter.
Peccator es, Humiliter,

IV. Dic, servus sum inutilis.
Omne quodcumq; facitis,
Fideliter ex animo,
Hominibus & Domino:
Non servientes Oculis.

V. Deo gratias.
In omni quod obvenerit,
Laudato semper Dominum;
Bonum malumve fuerit:
Hunc solum specta terminum.

1. Monet ut meminerimus illius diei in qua
egressi sumus de Aegypto, & alacriter ad terram
promissam euntes, de transitu non faciamus redi-
tum, Sed affectibus quasi Regibus Chanaanorum su-
peratis,

peratis, in Virtutibus proficiamus, quod Religiosorum omnium vocatio exigit.

2. Insinuat nobis ut si quid humani in Fratrum grege contingat non moveamur. Nam in quemcunq; angulum se quis abdiderit in hoc mundo, inveniet homines cum varijs defectibus Duo igitur nobis sunt observanda Prius nos ipsos ut penitius inspiciamus, alterum, ut Christum pietatis ducem aspiciamus quem secure imitari possimus.

3. Præparat nos ad humilitatem omnium virtutum Matrem. Quoties in multis deficimus omnes. sæpissime cadimus, & tam inopes virtutum sumus, ut sufficientes non simus boni aliquid cogitare à nobis quasi ex nobis. Atq; etiam bona si quæ videmur operari, ut plurimum coram DEO bona non sunt. Quod cum studiose consideremus, non facile extollemur, indignitatem propriam agnoscetes.

4. Reddit nos DEO & hominibus longe gratissimos, quando id quod præcipitur faciendum non tergiversando vel dissimulando lubenti animo facimus, cogitantes oculum Divinæ Majestatis nunquam dormire, sed intueri omnia, in cujus gloriam universa agenda docente Apostolo didicimus.

5. Deducit ad omnium actionum metam DEUM, in quo tranquille quiescimus. ab eo ducimus Originem, ad eum properamus omnes. Etenim ipse est Alpha & Omega principium & finis, ad quem in omnibus velut unicum scopum collimare debemus. Faxit Dominus JESUS. ut hanc ipsum attingamus

& æterna præmia consequamur, Amen.

S. Bonaventuræ Oratio quotidiana.

O Domine JESU Christe, cor meum tuis Vulneribus faucia, & tuo Sangvine inebria mentem meam, ut quocunq; me vertam, Te semper videam Crucifixum; & quidquid aspexero, tuo Sangvine mihi appareat rubricatum. Ut sic totus tendens in te, nihil inveniam & amem præter te, nil valeam intueri, nisi te Vulneratum, hæc sit mihi consolatio tecum pati & mori, hæc sit mihi afflictio extra te in aliquo delectari, non quiescat cor meum Bone JESU, nisi in Vulneribus tuis, hic suum terminet appetitum, donec amore tui finiat vitam suam. Ducissime JESU, da mihi gratiam digne serviendi Sanctissimæ Virgini MARIE Matri tuæ Amen.

Ejusdem S. Bonaventuræ Salutatio Vulnerum Christi.

Ave Vulnus lævæ plantæ, Qua virtutum crescunt plantæ;

Nos ab hoste supplantante, Tu defende post & ante
Pater & Ave Maria &c.

Ave Vulnus dextri pedis, Pedem mentis pie lædis
Dum ad eam sæpe redis, Esto nobis spes mercedis.

Pater & Ave Maria.

Ave

Ave Manus Christi læva, sic confixa manu læva,
Nos ab omni malo leva, Quod causavit Mater Eva
Pater & Ave Maria &c.

Ave Manus dextra Christi, Perforata plaga tristi,
Nos ad dextram jube sisti, Quos per Crucem rede-
misti. Pater & Ave Maria &c.

Ave Latus perforatum, Unde fluxit flumen gratum.
Præbe nobis conducatum, Ad æternæ Vitæ statum
Pater & Ave Maria &c.

ψ. Vulneratus est propter iniquitates nostras.

℣. Attritus est propter scelera nostra.

Domine JESU Christe, qui pro salute huma-
ni generis quinq; Vulnera in Cruce pati
voluisti, tribue quæsumus, ut ob reverentiam tuo-
rum Vulnerum absolvi merear ab omnibus peccatis
meis, & præsentem Vitam bono fine terminare in
feruenti amore tuo, ut sic tuam suavissimam Vi-
sionem assequar, Intercedente Beatissima V. Ma-
ria Matre tua cum omnibus Sanctis, Amen.



Errata sic corrige.

- Fol. 3. versu 21. post Ly humana, adde sicuti
sunt in Christo duæ naturæ, Divina & humana.*
- Fol. 66, v. 1. exivere Lege excivere. Item v. 23
supra Lege contra!*
- Fol. 13. v. 24. ipsos Lege impios.*
- Fol. 208. v. 3. Num forte adde secus?*
- Fol. 216. v. ult. gratiæ Lege gratiam.*
- Fol. 231. v. 16. animo Lege omnino*
- Fol. 261. v. 8. Dies VI. Lege VIII.*
- Fol. 268. v. 11. honorificata Lege honorifica.*
- Fol. 270 v. 23. quorum adde tot.*
- Fol. 278. v. 23. virtutis. adde ut quædam sit in
viriditate herbæ, dele est.*
- Fol. 281. v. 12. per quam adde certa.*
- Fol. 292. v. 6. Aras Lege avras.*
- Fol. 294. v. 23. Sanctitati Lege Sanitati.*
- Fol. 311. v. 23. inviole Lege invido.*
- Fol. 316. v. 7. DEHM Lege DEUM &c.*
- Fol. 322. v. 21. Civitatem Lege Civilitatem.*
- Fol. 323. v. ult. sim Lege simus.*
- Fol. 339. v. 13. quæ adde est.*
- Fol. 342. v. 25. fiat. Lege dat.*
- Fol. 343. v. 13. ridearur Lege videatur.*
- Fol. 375. v. 2. vovebat Lege volvebat.*
- Fol. 394. v. 19. Nutrij Lege Nutritij.*

Minora menda prudens ac benevolus
Lector ex connexione verborum aut alias
cognoscet & ignoscet.

✻(*) (✝) (*)✻
E L E N C H U S

Materiarum.

Quæ in hoc Opusculo continentur.

TRACTATUS I.

CAPUT I. De doctrina Christiana *pag 1*

§. 1mus De Deo Uno & Trino &c. *ibidē*

§. 2dus De Ecclesia, Fide &c. *pag: 5.*

§. 3rius De Sacramentis Ecclesiæ. *pag: 13.*

§. 4tus De Censuris & Pænis &c. *pag: 27*

CAPUT II. De Doctrina Ascetica *p: 31*

TRACTATUS II.

De Oratione *Pag: 47.*

CAPUT. I. Meditatio de Passione D.N.

I. C. *pag. 51.*

CAPUT II. Meditatio de SS. Eucharistiæ Sacramento. *pag: 77.*

Appendix I. Pro Accessu & Recessu ad SS. Sacramentum. *pag: 86.*

Appendix II. De Commun. Spirit, *p. 90*

Appendix III. De Sacrosancto Missæ Sacrificio. *pag, 92*

CAPUT III. Meditatio de Beneficijs Divinis. *pag: 97.*

CAPUT IV. Meditatio de Peccatis p. 106

CAPUT V. Meditatio de Miserijs vitæ
humanæ. pag. 117.

CAPUT VI. Meditatio de Morte. p. 126

CAPUT VII. Medit: de Iudicio DEI.
pag. 136.

CAPUT VIII. Meditatio de Pænis in-
ferni. pag. 146.

CAPUT IX. Meditatio de Gloria cæ-
lesti. pag. 158.

T R A C T A T U S II.

CAPUT I. De Fontibus piorum affe-
ctuum & actuum. pag. 170.

CAPUT II. De Exercitijs eorundem.
pag. 173.

T R A C T A T U S IV.

De Renovatione Spiritûs. pag. 189.

CAPUT I. De Recollectione Matutina
& Vespertina. pag. 191.

CAPUT II. De Recollect. Annua p. 197.

D I E S I.

Meditatio De Fine hominis. pag. 201

Meditatio De obligatione hominis erga

Deū ratione beneficij Creationis p. 204

D I E S II.

Medi-

Meditatio. De fine hominis Christiani
pag: 208.

Meditatio. De obligatione hominis erga
Deum, ratione beneficij Redemp: *p. 212*

D I E S III.

Medica: de Fine hominis Religiosi *p. 216*

Meditatio. De obligatione hominis erga
Deum, ratione beneficij Vocationis &c.
pag: 220.

D I E S IV.

Meditatio. de Conversione hominis ad
Deum. *pag. 225.*

Medit: de Cessatione à peccatis. *p. 228.*

D I E S V.

Meditatio. de Abneganda propria vo-
luntate. *pag, 234.*

Meditatio de Conformitate voluntatis
nostræ cum Divina. *pag, 237*

D I E S VI.

Medit: de Contemptu terrenorū *p. 242.*

Meditatio de Contemptu sui. *pag: 246.*

D I E S VII.

Medit: de Profectu spiritali. *pag. 252.*

Medit: de Sanctis desiderijs *pag, 256.*

D I E S VIII,

Meditatio de 4. Novissimis. pag. 261.
Meditatio. de Perseverantia in bene
captis. pag. 265.

TRACTATUS V.

De Virtutibus Asceticis, ac Exercitijs
earundem. pag. 275.

CAPUT I. de Virtutib9 Theol. p. 280

CAP. II. de Virtutib9 Cardinal: p. 287

CAP: III. de Virtutib9 Capitalib9 p. 297

CAP: IV. de Virtut: Integralib9 p. 317.

TRACTATUS VI.

CAP: I. de Tentatione ac Generibus
ejus. pag. 336.

CAP: II. de Speciebus Tentationū p. 339

CAP: III. de Remedijs tentationū p. 346

TRACTATUS VII.

De Mortificatione.

CAP, de Mortificat: in communi p. 351

CAPUT II. de Mortificatione homi-
nis interioris . pag: 355.


CAPUT III. de Mortificatione hominis
exterioris. pag. 360.


Appendix I. de Scrupulis &c. pag. 366.


Appendix II. de Indulgentijs pag. 377.


Dispositio ad Missam. pag. 389.

Manus Religiosa. pag. 396.










F.IV.25



ibliotheca 500,-
P.P. Camaldulensium in Bielany

Depozyt w Bibliotece Jagiellońskiej



04534

1377

98

1377

1377
88
7/21
F.IV.25



754209 Bibliotheca 500,-
P.P. Camaldulensium in Bielany

Depozyt w Bibliotece Jagiellońskiej



04534

